

devleskere
LAFIJA

Anav e orginaleskoro
Christ's Objects Lessons
By Ellen G. White

Iranga ki Romani chib:
Muarem Ramušeskoro

Lektori:
Severdžan Abduleskoro

Dizajni e lileske em artikani forma
Lazar Tomovski

Ikavela:
AIK „Znaci na vremeto“
Skopje, dr. Vlae no. 42

E editoreske:
Dehran Hajdar

Printinel:
„Maring - Skopje“

Elena Vajt

devleskere
LAFIJA



ANGLOVAKJERIBA

O baro siklo Hristos, ple majzorale gndija (misle)vakergja olen dromaribaja ple sikkencar palo plaina thaj umalja (oblast) ki Palestina jali kana dainela sine ko kinare (bregia) ko Galilejsko devriali (ezero) thaj o lenja (reka). Ko ple parabole ja ko konekcie lende taro sakodiveseskoro dživdipa. Ov e devleskoro čačipa konektirinel sine e normalno momentencar, taro iskustvija taro čobania okola so kjeren sine buti ko khera ja ko argatia thaj bavčandžije, džanlipaja taro okola o džuvlja so bešen sine khere thaj o manuša so dromarena sine (patnikija).

O pendžarde buka konektirinel sine e čačutne lačhe gndiencar (misli) - gndencar baši Devleskoro nežno gajla amengje, bašo šukrikjerin (blagodarnost) so udžarel sine amendar thaj amari savala (dolžnost) te ova jekh jekheske. Akala džanlipa baš e devleskoro mudrost thaj praktično sako diveseskere čačipa havljarel len sine thaj sikavel olen sine zorale thaj šukare merakoja.

Ko akava lil oleskere parabole si hulavde kjerde thaj tematsko ilustririme. O lil si pherdo čačutne barvalipaja bašo but okola so ka drabaren (čitinen) thaj ka del olen arka te pendžaren sa o lačhe momentia thaj o učipe, sa okolea so arakhla amen ko sakodiveseskoro dživdipa.

O but edicie thaj editorialia taro akava lil taro orginalnosti, thaj javer sumnaleskere (svetska) čhibja, sikavel olakoro učipe thaj mangjipa. Pakjaja kaj akava editoriali avgo ki romani čib ka ovel sar blagoslov sa e drabarutnengje (čitateli) ko lokhe thaj jekhutno čhani te pendžaren e Hristoskoro sikaviba.

O editori

Avgo Šero

PARABOLE TARO DŽIVDIPA - BARVALO HAING (IZVORI) TARO GOGJAVERIKANE VAKJERINA

OHristos sikeljol sine taro parabole japalem paralele, lende taro sakodiveseskoro dživdipa. Odova legarel sine ki sasti oleskiri misia ko sumnal. Te del amen arka te pendžara oleskoro tabijati karakteri) thaj oleskere dživdipaske, Ov lelja amari manušikani prakrt (priroda) thaj dživdinel sine maškar amende. E devleskoro kjergja pe ko manušikano nadikhlo baripa ko diklo manušikani oblik. O na pendžardo, o manuša šaj sine te sikeljon taro pendžardo, thaj e havajakoro sikavela pes sine prekal e phuvjakoro, o Devel sikavgja pe prekal manušikano muj. Agjaar sine e Isuseskoro čhani te sikavel, o napendžardo sine slikimo taro pendžardo, e devleskere čaćipa phuvjakere poimencar kote e manušengje si but šukar pendžarde.

Ko lil vakjerel pe: „Sa akava o Isus vakergja e manušengje ko parabole thaj bizo parabole na vakjergja javer te šaj te pherel o vakjerdo prekal o proroko so vakjerel: „Ka vakjerav prekal o parabole ka havljavar o garavdo taro kjeriba e puvjakoro (Matej 13,34.35). E akale phuvjakoro vakjerdoj duhovno okova so sikavel pe ki prakrt thaj prekal dživdipaskere iskustvija taro okola so šunena sine, phanenape sine e čaćipaja taro pišimo Lafi. Ligarde taro phuvjakoro premal o duhovno thagaripe, e Hristoskere parabole, lende taro sakodiveskoro dživdipe, ovena sine alke ko sindžiri e čaćipaske so konketirinel sine e manuše e Devlea, thaj i phuv e havajaja.

Ko sikeljoviba o Isus istemalkjerel (upotrebinel) sine i natura (priroda) sar alatka bašo dikhiba kjeribaja lafi okoleske so ov korkoro kjerija pe vastencar okoleske so isi kvaliteti thaj takati so korkoro dengja pe leske. Ko plo avgo sovršenstvo sa so kjergja si refleksia e devleskere gndaja. Ko edemsko kher tari Adam thaj i Eva i prakrt sine „pherdi

džanlipaja taro Devel“ pherde devleskere gogjaver vakjerinencar (pouke). O gogjaveripa kjerel sine lafi tari oleskiri jak thaj sine lendi taro vilososke o manuša kjeren sine lafi e Devlea prekal oleskere kjerde bukja, prekal o bukja so Ov kjergja len. Numa, kana ola duj džene, o Adam thaj i Eva phagle o kanuni (zakoni) taro o Majbaro i roš (svetlina) taro Develskoro muj irangja pe taro muj e naturakoro.

Akana i phuv si rumumi thaj melali taro bezeha. Numa, em ko plo kalo hali oj arakhlya but taro plo šužipa. O gogavera lafija so del amen nane saste kosle. Kana čače ka haljoven pe o bukja i prakrt tasvirinela (svedočinela) pre Stvoriteleske.

Ko vakti taro Hristos akala gogavera lafija na lele pe ozbilno. O manuša počmingje ma te prependžaren e Devleskere bukja. O bezaha



O Isus sikavel e džianen,
istemalkjeriba parabole tari
natura (priroda).

taro manuša buljargja učharin upral o užo (čisto) muj e kjeribaskoro thaj ko than te sikavel e Devle oleskere bukja ule bariera so kjerel te pendžara ole majšukar. O manuša „peren sine ko kočija thaj pakjana sine ko kjerdo ko than ko Devel“ Agjaar okola so pajkana sine ko buteder devela „ule suetno ko ple gogjaver vakjeriba thaj olengoro na havljardo vilo ulo kalo“ (Rimjania 1,25.25)

Em ko Izrael e Devleskoro sikljoviba sine trampime manušikane mudrostencar. Na salde okova so sikavel pe sine ki prakrt, thaj i obredno sajgija, agjaar da i Biblia so valjani sine te sikavel e Devle odobokar but izopačisalile, so ola istemalkjergje pe Ole te garaven le.

Ko sa o čhania o Hristos kjerel sine zori te vakjerel o čačipa. Ovalo te chidel i krpa so angja o bezaha upral o muj e prakrtake te ikavel ko dikhiba o duhovno baripa sovaljani sine te reflektirinel sa o kjerde buka. Oleskere lafia thaj haberija tari natura, thaj e Biblijake ikavel len sine ko nevo roš thaj kergja olen sar nevo otkrovenie.

O Isus bi činela sine šužo Krini thaj bi čjivel le ko vasta e čhavengje thaj e ternengje; thaj ola dok dikhen sine oleskoro terno muj, lačhardo kahmeskere rošeja taro muj taro oleskoro Dat, Ov bi del olen gogjaver vakjerin. „Dikhen o šuže livadakjere krinia sar bajron; na kjeren zori thaj na mučinena pe, a me vakjerav kaj ni o Solomon ko sa plo baripa na uravgja ni jekh olendar.“ Palo odova bare mangipaja ka vakjerel olengje: „O Devel kana agjaar uravela e čajra so avdive si akate, a tajska frdelala ko šporeti, nane li te kjerel pobut tumengje o napakjavutne?“

Ko vakjeriba tari i Gora akala lafia sine bičhavde anglal baro numero so šunena sine, anglal but čhave thaj terne murša thaj džuvlja kote so sine len bare gajljija em muke, nasvale, mazumi razočari-mekaske o Isus vakjergja: „Ma oven skldime vakjeribaja: „So ka ha?“ jali: „So ka pia?“ jali: „So ka urava?“. Soske sa odova roden o pagania a tumaro Devel thaj Dat džanel kaj sa akava tumengje valjani.“ Ov poodorig vakjergja: „Tumen majanglal roden e Devleskoro thagaripa thaj oleskoro čačutnipe (pravdenost) thaj sa javer ka ovel tumengje dopjerdo“ (Matej 6,28-33).

Agjaar o Isus tumačingja i pouka so korkori dengjala prekal o krini thaj i čar. Oleskiri mangjin amen da te drabaraina akala gogjaver lafia taro sako krini thaj sako čar. Oleskere lafia si pherdo dejbaja lafi te ovel majzorali amari pakjiv ko Devel.

E Isuseskoro dikhiba e čačipaske sine hor thaj oleskoro sikljoviba sine taro sa o riga; Ov istemalkjerel sine sako promena ki prakrt za da prekal late te sikavel amengje o čačipe. O scene so sako dive dikela sine len o manušikani jak sine phanle nesave duhovno čačipaja; agjaar i prakrt sikavel pe sine ko parabole taro baro Sikavno.

Taro starti pe sajgijake lužbake o Hristos vakjerel sine e manušengje jekhutne lafencar thaj sare so šunen sine le šaj sine te haven o čačipa so ka kjerel olen gogjaver baš o kurtaliba (spasiba). Numa, ko but vile o čačipa našti sine te astarel darhi (koreno) thaj sig našavgjovela sine. „Odoleske kerava lafi ko parbole“, „soske dikhena a našti ni te

dikhen ni te šunen a našti te šunen soske, „O vilo akale manušengoro ulo odobor tupo thaj e kanencar na šunen phanle o jakha te na dikhen olencar“ (Matej 13,13-15).

O Isus manglja te čiven olen te roden. Kjerel sine tevazdel okolen so si bizi gajlja o čaćipa te čhivel olengje ko vile. O sikljojbe prekal o parbole taro dživdipa taro oleskoro vakti sine leske majmangle Odova na kjerel sine salde respekti premal oleste taro Jaudie, numa thaj maškar o javerada manuša. Odoleske e Isuse na sine le javer majusjpesno metoda tari akaja metoda. Okola so šunen sine le šaj sine te haven oleskoro lafikjeriba salde te mangle te haven so si devlikano. Ov sako drom sine hazri te dovakjerel olengje okole čaćutne so mangjen sine thaj rodena sine.

Palem o Hristos valjani sine te havljarel o čaćipa e manušengje so na sine hazri te astaren odova thaj ni te haven le. Odoleske sikavel len sine prekal o parbole, misalencar (primeria) taro dživdipa. Konektiribaja plo sikaviba e dživdipaja taro manušikano džanlipa jali i natura. Ov irangja olengiri sama (vnimanje) thaj kjerel sine sama upral olengere vile. Palo odova kana dikhen sine o predmetia kote metaforički sikavel sine o gogjaver lafia ola dena pe sine godi e lafengje taro plo devlikano Sikavno. E manušengje so lena sine o Sveto Duho o gogjaver vakjeriba taro Spasiteli sine lengje majjasno. O gharavde bukja sine lenge havljarde, thaj okova so šaj phare sine te haven, taro jek drom sine lenge fakti.

O Isus rodel sine than ko sako vilo. Sajgindo sine majrazlično slikencar, Ov na salde so sikavel sine o čaćipa ko majrazlično varijante, ov vakjerel sine thaj majrazlično manušengje. Olengori sama iranel sine misalencar taro olengoro sakodiveseskoro dživdipa. Sako ko šunel sine Ole na dikhla pe sar zamukhlo jali bisterdo. O majskromno thaj okova so sine le majbare bezaha ko oleskoro sikaviba preprendžarel sine hango but lačho thaj šužo.

„Odoleske kjerav lafi ko parbole soske dikhena a našti dikhen thaj šunen našti šunen thaj ni haven. Upral olende phergjol o proroštvo taro Isaiaso vakjerel: „Ka šunen ama nane te haven; ka dikhen a nane te pendžaren. Soske o ilo akale manušengoro ulo tupo. E kanencar phare šunen phanle pe jakha thaj te haven o ilo thaj te pučen te šaj me te sasljarav olen“ (Matej 13,13-15).

Sine javer da karane (pricina) soske o Isus sikavel sine perkal o misala taro dživdipa. Taro sa so kheden pe sine trujal oleste sine thaj sveštenikia, rabinia, libraria (kniževnikija) thaj starešine, irodovcia legarutne licemeria thaj lačhe manuša so thoven sine i lumia thaj udžaren sine salde te pheraven ole. Olengere kodšoija sako drom si ne uzi leste te šunen lafi taro oleskoro muj so ka šaj te došakjeren (ob-



O Hristos nikaste na bistergajali
zanemamirgja. Sine manglo Šiklo
maškar o džiani.

vininen) le thaj te pheraven le savakteske Okole kova so sa o sumnal irangja le premal peste. O Spasiteli džanel sine o tabijatija akale manušengoro thaj o čaćipa vakjerel sine le agjaar te na arakhen karana te del olen arka ole te anen anglal o Sinedrioni (jaudiengoro Učo duhovno konsili – soveti thaj adalati - sudo). Ko ple parbole ov ukorinel sine o dujmujalipa thaj rumime bukja e manušengjere so sine čhivde ko uče pozicie thaj simboličko čhibjaja sikavga o čaćipa odokhar zorale so ola ni mangjen sine te šunen le thaj kjeran sine so posig te avel agor oleskere sajgijke kana phravde ka vakjerel sine o čaćipa. Trujal, so chidel pe sine taro šponia o čaćipa vakjerel le sine phravde agjaar so i zabluda korkoro iklola sine ko čaćipa thaj o manuša so sine le n phravdo vilo, šaj sine te ovelen hairi taro leskere gogjaver vakjerina. Prekal o bukja so kjergja len o Devel, Ov vazdela sine e Devleskere gogjaver lafia thaj oleskoro nalimitirimo šukaripa. E prakrt thaj džanlipaja taro dživdipa e manušen sikavel sine e Devleske. „Oleskere nadikhile crte taro tabijati thaj džanlipa oleskoro savakte-skoro takati thaj zorlaipa thaj lačhi prakrt dikhel pe panda kana

O devleskere
LAFIA

kjergja o sumnal thaj šaj te aven prekal o kjerdo a nanen len opravdi-ba (Rimjania 1,20).

O čhani (o način) sar sikavel sine o Sapsiteli e parabolencar jali misalencar taro dživdipa, sikavel sine sar dikhola i „uči edukacia“. O Hristos e manušengje šaj sine te sikavel o majbare naučno džanlipa. Šaj sine te vakjerel garavde bukja so sine purane beršencar napalal kote kergja pe buti. Šaj sine te del len bahanija (predlogia)tari nauka kote ka parvaren pli godi thaj ka kjerel te bajrol olengiri godi te roden majbut sadži ko agor olengere dživdipaske. Numa odova na kjerel sine. Na vakjerel sine ni jekh lafi kote ka šaj te čajrarel o mangjipe te džanen jali manušikano užo mangjipa te resen baripa. Pe sikavibaja o Hristos kjerel sine i manušikani godi te astarel o nalimitirimo. Ov na legarel sine e manušen te sikljon o teorie taro Devel thaj ko oleskoro Lafi jali olekere aktia. Ov akharel sine te dikhen e Devle agjaar sar so vakjergja ko ple aktia ko plo Lafi thaj ko drumo taro oleskoro anglodikhiba.

O Hristos na kjerel sine buti ko phare havljarde teorie numa bukja so si but importantno e buvljaribaske e tabijateske okolea so ka bajrakjerel o manušikano džanlipa te pendžarel e Devle thaj te kjerel šukaripa. Ov vakjerel sine e manušengje o čačipa kolea so formirinel sine o maniria ko dživdipaso si konektirime savaketskere dživdipaske.

O Hristos legarel sine i edukacia taro Izrael. Keribaja lafi e Devles-kere dende aktengje thaj uredbe Ov vakjergja:“ Vakjer oleskere čhavengje. Kjer olengje lafi ked bešeja khore kana džaja ko drumia kana pašljovea kana uštea. Phan len ko to vas nišanea thaj te oven tuke sar hramojme maškar o jakha! Hramosar (pišin) lengjere menjende anglal to kher thaj ko udar!“ (5. Mojsieva 6,7-9).

Ple sikavibaja o Isus sikavgja kaj šaj te pherel akaja dendi zapoved sar šaj o kanonia thaj o aktia e Devleskoro thagaripaske te sikaven pe ko odova čhani so ka sikaven saste plo lačhipa thaj barvalipa. O Devel kergja olen e Izraelcen ple ekstra dženencar agjaar so dengja len khera, plaina thaj livade. Ko plo kherutne dživdipa thaj versko sajgija ola postojano sine ko astariba e nautraja thaj Devlikane lafea. Agjaar o Hristos sikavel sine pe siklen uza ko o devrijiali (ezero) ko livade ko plaina ko umalja thaj javer, ko thana kote dikhen pe sa e naturakjere

sikaviba so sikaveno sikeljobje em o vakjerdo. Ola dži kote skljon sine olestar ola implementirinen sine sa so dikhle taro oleskoro butikjeriba.

Agjaar valjani amen da te pendžara e Devle prekal oleskere kjerde aktia. O lil e naturakoro si baro lil sovaljani te džana le barabutne e Lilea te šaj sikava le javerengje o tabijati thaj te irana e našavde bakhren ko Devleskoro stado. Sikeljobja agjaar e Devleskere aktia o Sveto Duho barvarel sine amare gogja. Odova nane fakti so resel pe prekal logično dikhiba o bukja, numa čhani kote o majbare, thaj vazdime duhovno čaćipa hramosarde Lafeske, so memoririnel pe ko amare vile normalno amari godi te na kalili te šaj pendžarel e Devle i jakh te na sine mutno te na dikhel thaj o kan but slabo te šunel oleskoro hango. Akala mesažia tari natura si jekhutne thaj uže odoleske si thaj but barvale. Sarinengje valjani akala gogjaver lafia so aven tari akaja haing. O korkoro lačhipa e naturakoro iranel o maho (i duša) taro bezeh premal tromalipa e sumnaleskere magično aktia premal o užariba premal i tromalipe (sloboda) thaj premal o Devel.



I natura barvakjerel o ruho em o
tabijeti e manušesko.

devleskere
LAFIA

But drom o gndiba e sikelengjere sine astarde manušikane teorienca thajh prepostavke so hovavne anavkjerde sine sar nauka thaj filozofia. Odoleske ola valjani te kjerer paše kontakt e nauturaja. Valjani te haven kaj o kjeriba bukja thaj o hristijanstvo slavinela jekhe Devle. Neka skljon kaj o duhovno thaj o naturalno si ki perfektno harmonia. Sa so dikhen olengjere jakha thaj astaren olengjere vasta te istemalkjerel pe sar pouka te gradinelpe o tabijati. Agjaar ka oven maj-

zorale olengjere mentalno takatia thaj o tabijati ka bivljol thaj sa o dživdipa ka barvagjovel.

Sikljojbaja prekal o parabole thaj vazdipa o bitie taro savato (sabota) O Hristos sine le jisto rasarin (cel). O Devel dengja e manušenje akava lipar (spomen) taro plo zoralo džanlipa te šaj prependžaren oleste ko aktia so kjerel len pe vastencar. O dive bašo dajanipa (odmor) akharel len ji aktia so kjergja te arakhen o baripa e Devleske.

Odoleske so ov mangjel te kjera baš agjaar o Isus ple gogjaver lafia konektirinel len sine e šužipaja taro aktia ki natura. Ko thavdipa e diveske so valjani te odmorinen pepobut taro sako javer dive valjani te sikljava o habejra so hramosargja o Devel ki natura. O parabole taro amaro Baro Spasiteli valjani te sikljava olen odothe kote vakjergja olen ko umalja ko plaina telal phravdo del kote isi lulugja thaj čar. Em kana ka ava paše dži ko vilo e šužipaja e naturake ka ovel čačutno o Hristoskoro pašipa uzi amende em Ov amare viloske ka vakjerel bašo plo mangipa thaj tromalipa.

Ama o Hristos ple gogjaver lafia na konektirinel len sine samo e diveske kana valjani te dajana, numa ko javer da bukjarne divesa ko kurko. Ov dela gogjaveripa thaj e bavčandžienge so seinel o seme. Hanibaja thaj seibaja, randibaja thaj žneibaja sar ilustracia sikavela plo mangipa ko amare vile. Oleskiri mangjin si ko sako hairi butikeriba em sako profesia thaj buti te arkha gogjaver lafia taro Devel em o čačipa. Tegani amare sakodiveseskore bukja em buti nane te chidel amari gnd odolestар kote ka šaj te bistra e Devle numa baš kontra amen sako drom ka da amen godi ko amaro Baro thaj Devel. I gnd prema o Devel ka ovel ki amari godi sar zlatno barvalipe ako amare sakodiveseskore sekiracie thaj buti thaj i natura ka ovel palem lipardi oleskere baripaja. Ka sikljava sako drom neve gogjaver lafia baš e havajakere učipa em ka ava sako drom popaše dži ki oleskoro užaripa (čistota). Agjaar ka ova „sikavde taro Devel“ em zorale ko akhariba so bičavel amengje oDevel (Isaja 54,13;1. Korinčania 7.24).

Dujto šero

„IKLILO O SEAČI TE SEJNJEL“

(Akava šero si kjerdo premal e Matejeskoro evangelie 13.1-9.18-23; e
Markoskoro evangelie 4,1-20 thaj e Lukaskoro evangelie 8,4-15)

O Seači thaj o seme

Emisal taro seći o Hristos sikavela e Devleskoro thagaripa em i buti aktia so kjerel o baro Seači pe manušengje. Sar o seači ko nive, akal Ov alo te sejnjal e devleskoro seme e čačipaske. Leskoro sikaviba prekal o parabole sine o seme so si sejme o majskupa čačipa tarri oleskiri šukarin (milost). Sebepi taro oleskoro ednostavnost, o misal e seačea na sine but uče ocenime. Taro o prirodno seme so frdel pe ki phuv o Hristos manglja ko amare gogja telegjarel len premal o seme taro evangelie kote kana ka sejnelpe, kjerel o manuša te iranen pe ko Devel, hem te oven leske pakjavutne. Akava misal baso tikno seme vakjerel sine e havajakoro Vladateli, thaj o isto kanuni so legarel o seiba e phuvjakere semeske, upravinela e semeja so seinelape o čačipa.

Ko kinare (bregia) taro Galilejsko Devrijiali kheden pe sine but manuša te dikhen thaj te šunen e Isuse mangipaja te šunen but bukja. Odothe sine thaj nasvale so pašljona sine tele ko čergje mangipaja po nasvlalipa te buljaren le angli leste. O Hristos taro Devel sine le dendo te sasljarel olengere muke sar manušaso isi len bezeha thaj odoleske Ov akana sasljarel sine nasvalen thaj buvljarel sine uza peste dživdipa, sastipa em relaksacija.

Sebepi so uzal o Hristos sa pobut džene khedena pe sine o manuša počmingete gurinen pe sa pobut thaj doleske na sine pobut than. Tegani kjergja lafi e manušencar so astarena mačhe (ribaria) khuvgja ko olengoro vapiro (čamco) so sine hazri te legarel le prekal o devrijiali, vakjergja pe sikkengje te gurinen hari o vapiro premal o pani em počmingja te kjerel lafi anglal o khedime manuša.

Uzal o devrijali sine jekh but šuži Genizaretsko umal (nizina) a pali late sine tikne plaina. Odothe maškar odoja umal em tikne plaina kjeren sine buti o seačia tahj žetvaria jekh sejnena sine a o javer khedena sine o giv. Dikhibaja odova o Hristos vakjergja:

„Ake o seači iklilo te sejinel, em kana seingja desave zrnia pele ko drumo, ale o čiriklja thaj hale odola zrnia. Javer pele ko barale thana kote na sine but phuv em palo odova počmingja te bajroven soske na sine hor phuv. A kana iklilo o kham thabile soske na sine len darhi em šukile. Javer pele maškar o kare, a o kare barile em zagušingje olen. Nesave zrnia pele ki šukar phuv dengje plodia desave šeldromutne plodia desave šovardeš desave trianda dromutne plodia“

O manuša taro vakti e Hristoske na havgje oleskiri misija. O čhani taro oleskoro aviba na sine agjaar sar ola so chidel sine olengiri godi. Sa e jaudiengoro religisko sistemi sine upral o darhi taro Isus sar Devel. Oleskere bare sajgije sine dende taro Devel em e manušengje valjani sine ko desavo vakti te sikavel olenge Okole kote ola sikavena



sine. Numa o Jaudie vazden sine ko majučo nivelo o sajgije, adetia thaj o ceremonie a adaleja našavibaja taro dikhiba olengori resarin. O manušikane tradicie, o gatanke, em o vakjerina na mukhen sine te sikaven len ko gogjaver lafia so mangel sine o Devel te vakjerel lenge. Odola vakjerina thaj tradicie sine bariera te havenj len hem ko dživdipa te sikaven o načelija tari čačutni religia. Kana sikavgja pe o Isus Hristos sar Realiteti ola ki oleste na pendžargje kaj pherdile sa o

olengjere nišanja, o soikeripe taro sa olengere učharina (senke). Frdingje o Orginali e lele o na but haireskere ceremonnie thaj nisajna.

O Devlikano čavo alo a ola palem rodena sine nišani kana ka avel. Ko haber „Peren pišmani, soske avel e Devleskoro thagaripe“ ola rodena sine magia (Matej3,2). E Hristoskoro evangelie ulo lenge sar bar kote so prepkinen pe sine soske rodena sine nišania ko than te dikhen e Spasitele. Ola udžaren sine kaj o Mesia ka sikavel pe ple džanlipaja te bajrarel pli imperia upral o peravipe taro phuvjakoro thagaripa. Ko odola momentia o Spasiteli dengja len misal e seačea. E Devleskoro thagaripa valjani sine te viktorinel (pobedinel) na e šastraja (oružje), na zorea, numa te sadinel pe nevo načepo ko manušikano vilo.

„O seači e šukar semeske si o Čahvo e manušeskoro (Matej 13,37) O Hristos alo na sar thagar, numa sar seači; na te pheravel o thagaria, numa te seinel o seme; na ple sledbenikongje te sikavel o viktorie tele ki phuv thaj o nacionalno baripa, numa e žetvake so valjani te khedel pe bujkjarne sab'reja, bute našavipaja thaj razočaribaja.

O Farisea havgje e Hristoskere parbole, numa lengoro haber na sine palo lengoro merako. Odoleske kjerena sine sa salde ma te haljoven la. Pobute manušengje oy panda pobare garavipaja kergje o nieti e neve Sikleske, kaskere lafia but astargja olengere vile em odoboka kjerko razočaringja len. Thaj o sike (učenikija) na havgje i parabola, numa sikavgje interes so si odova. Ule e Isusea em rodingje te objasninol olengje so si odova.

Odova sine i mangjin taro Isus te džangavel ko olengoro vilo te šaj te sikavel olen nesave bukja. Vakergja lenge i smisla tari parabola sar so bi kjerel sarinengje so mangjena čačutne taro vilo te džanen. Sare so sikljon e Devleskoro lafi em i mangjin taro Sveto Duho te šaj te užarel olengjere vile te šaj te haven o Lafi. O Hristos dengja lafi: „Okova so mangjel te pherel oleskiri mangjin ka džanel dali akava sikljoviba si taro Devel ili kjerav lafi korkro mandar“ (Jovan 7,17) Sare so aven sine ko Hristos te šaj haven majšukar o čaćipa odova resen sine da. Ov ka sikavel olen o garavde bukja taro devleskoro thagaripa em odola garavde bukja ka havel sako okova so mangjel te

džanel o čačipa. E devleskoro rošalipe ka sikavel e viloskoro hrami em e javerengje ka phravgjol sarinegje thaj fakeli ko kalo drumo.

„Ake o sejači iklilo te seinel !“ Ko purab (istok) odori sine odobor haosi kote sine baro daravipa taro terori so o manuša bešen sine ko dizja kote o zemjodelcia sako dive ikljon sine avrijal taro ple dizja te šaj te randen i phuv. Agjaar em e havajakoro seači. o Hristos iklilo te seinel. Mukhlja plo kher chidingja pe tari slava thaj baripa so sine le ko plo Baro Dat anglal te kjerel o sumnal thaj mukhlja plo troni tari vselena. Iklilo sar čorolo thaj cidimo manuš ko korkorutnipa te seinel asvencar o seme, o seme e dživdipaske e našavde sumnaleske, em te susljarel ole ple ratea.


Ko asvako čhani em oleskere izmekjajra valjani sine te ikljon em te sejnen o seme. Kana sine akhardo te ovel seači taro seme e čačipaske, o Avram dobingja buti; „Ikljov tari ti phuv taro tlo bijando than taro te dadeskoro kher em dža ko thana kote me ka sikavav tut!“ (1. Mojsieva 12,1). „Em iklilo na džanela kaj džala!“ (Evreite11.8).

E apostoleske Pavle so sine ko hrami ko Erusalim reslja oleske haberi taro Devel; „Dža soske ka bičhavav tut dur maškar okola so isi len but devela!“ (Delia 22,21). Agjaar em okola so sine akharde te oven e Hristea valjani sine te mukhen sa te šaj oven olea. O purane amalipa valjani sine te čhinaven pe, o plania e dživdipaske te chiden pe, em akaledživdipaskere pakjiva te bistren pe. O seme ka valjani te seinel pe bukjaja thaj asvencar, ki samotija hem bute kurbanencar,

„O seači sejnel o lafi“ (Marko 4.14) O Hristos alo o sumnal te sejnele čačipaja. Kana o manuš kjergja o bezeh o beng sejnel sine salde hovavnipa. Baš e hovavnipaja ko starti reslja dži ko vlasti upral o manuš em odole hovavnipaja kjerel te peravel e Devleskoro thagaripa ki phuv em e manuše te čhivel telal pli kontrola. Sar seači taro panda pobaro sumnal o Hristos alo te sejnel o seme taro čačipa. Okova so tergjol sine ko Devleskoro Sovet, so dživdinel sine ki Svetinja upral i Svetinja e Majbareske, šaj sine te anel e manušengje o užarime načelja taro čačutnipe. Panda o manuš kana kjergja pelo ko bezah, Ov e sumnaleske sikavela sine o o čačipa. Oleskere arkaja o seme so nane hulavdo „o lafi e dživde Devleskoro“ (1. Petrovo 1.23) so sine havljardo e manušengje. Em o avgo dendo lafi so sine vakjерdo e grešno

rodeske ko Edem, o Hristos sejnel sine o seme taro evangelie. Ko akava misal bašo seači legarel pe baš oleskeri lično sajgija maškar o manuša thaj o delo so kergja ole.

E Devleskoro lafi si odova seme. Sako seme ki peste isi le aktia bašo bajrovipa. Andre si garavdo o dživdipa e bilkakoro. Em ko Devleskoro lafi isi dživdipa. O Hristos vakjerel; „O lafia so vakjergjum tumengje isi len em duho em dživdipa“ (Jovan 6.63). „Sako ko šunel em pakjal ko mlo lafi ov pakjal em Okova so mande bičahvgja ka ovel ole



savakteskoro dživdipe. „(Jovan 5.24). Ko sako dendo kanuni em sako dendo lafi tari Biblijja, pašljola čačutno dživdipe taro Devel, takati kote šaj te kjerel pe o kanuni em te pherel pe o dendo lafi.

Okova koj pakjivaja (veraja) lela o lafi resela o čačutno dživdipa em e Devleskoro tabijati. Sako seme anela plodi premal odoja sorta. Sein o seme ko čačutno momenti em odova to dživdipa ka bajrarele le sar bilka. Le o nahulavdo em nakirno seme e lafeske veraja ki tlo maho odova ka buvljarel o tabijati so si jekh a jekh sar e Devleskero tabijati em o dživdipa.

O sikle ko Izrael na sejnen sine o seme e Devleskere lafea. O Hristos sar siklo e čačipaske legarel pe sine kontra taro rabinia ko odova vakti. Ola kjeren sine buti e tradicijaja manušikane teoriencar em špekulacie thane o Lafea. Ko than e hramosardo ko Lafi ola sikaven sine okova so si olendar vakjerdo em so hramosargje o

manuša bašo Devlikano lafi. Olengoro sikaviba na sine takati te zavidinen o maho. Tema ko Hristoseskoro sikaviba em i propoved sine e Devleskoro lafi. Ov okolengje so sine ko fuj gogja vakjerel sine "Hramosardo si!" „So vakjerel o lil?“ „Sar drabarea?“, Ko sako momenti kana o amala ja naamala sikavel sine interes Ov ka sejnel sine o seme e Lafeskoro.

Ov so si drumo, čaćipa em dživdipa em korkoro si dživdikano lafi sikavel ko Lil lafencar: "Ola si tasviri o tasviri mangje!". Em startijbaja taro „Mojsej em sa o javer prorokia“ vi sikavel sine sa pe sikkengje „so si hramosardo odothe ko odova Lil“ (Jovan 5,39: Luka 24,27)

E Hristoskere izmekjajra valjani sine te kjerer ola da odola delija. Ko amaro vakti, sar em ko purane vaktia e dživdibaskere čaćipa e Devleskere lafengje si trampime manušikane teoriencar thaj špekulaciencar. Buteder agjaar anavkjerde propovednikia taro evangeliie na len i sasti Biblia sar duhovno Lafi. Jekh gogjaver manuš frdel jekh kotor olatar, javer si ko duj gogja ko javer kotor. Ola ple adalatojra, sidija čhiven upreder o Lafi, a o Lil so propovedinen ikjeren le upral olengoro autoriteti. E Devleskoro avtentičnost thaj orginalnost si peravdi. Em agja ko sa o riga seinel pe seme taro hovaviba, odoleske o manuša si ko duj gogja thaj na džanen kas te pakjan.

Isi but pakjajbe kaj i godi navaljani but te tovarinel pe odolea. Ko but kotora ko Lil ko vakti taro Hristos o rabinia dena sine načačutni slika garavdi thaj mistikani smisla. O čačutno sikklojbe taro Devleskoro lafi sine sebepi te peraven olengere adetija, ola dena sine zorfi te peraven o takati taro Devleskoro lafi. Odova kjerel pe avdive da. E Devleskere lafeske dela pe epiteti sar garavdo značenjete šaj te opravdinel pe o pagjipa taro odova kanuni. O Hristos adaletingja odola adetija taro oleskoro vakti. Ov vakjerel sine kaj o Lil isi le baro avtoriteti. Em amen valjani te kjera baš agjaar. I Biblia valjani te sika-velpes e manušenge sar Lafi taro nalimitirime Devel, sar rešenie baši sa o konfliktia thaj osnova baši sakoja religija.

E Biblijatar si lelo o takati em o posledice tane angla amare jakhja-našavgjola o takati e duhovno dživdipe. Ko propovedia taro avdisutne propovednikia thaj pastoria nane okova devleskoro takati so vazdel i godi em legarel dživdipe ko viло. Okola so šunen našti vakjeren;

„Thabljona li sine amare vile amende kana kere sine lafi amencar em komentirine sine o Lil?“ (Luka 24,23) Isi but manuša so rodena e dživde Devle so mangjen te ovel akate. O filozovsko teorie taro lilaripe (literatura) em javer lila kobor te oven rošale em šuže našti čaljaren amaro vilo. O vakjeriba em o bukja so arakhle o manuša nane len trajno vrednost. E manušengje neka vakjerel pe e Devleskoro lafi! Okola so šunena sine salde paramisia, manušikane teorie gogjaver paramisia thaj lafia, neka šunen o hango Okolestar kaskoro Lafi šaj te nevikjerel o maho ko savakteskoro dživdipa.



Te gndina bašo e Hristoskoro
dživdipa. Oleskoro džajibe
kurbani...

Majmangli tema taro Hristos sine o lačipa taro oleskoro Dat thaj oleskoro bari devlikani šukarin em prostiba. Ov majbut ikjerel pe sine ko oleskoro tabijatgi em oleskoro kanuni a peste e manušengje sikavgja pe sar drumo čaćipa em dživdipa. Odola neka oven o teme solena ka bavinen pes e Hristoveskere pastoria. Sikaven o čaćipa orginalno agjaar sar so ikljol taro Isus. Hulaven em objasninen o rodiba taro kanuni em o evangelie. Kjeren lafi e manušencar bašo e Hristoskoro dživdipa kote kjergja but em korkoro dengja pes kurbanii; baš poleskoro pinižibaske em meribe, baš oleskoro voskresenie em havljariba baš oleskoro posrediba ke Devleskere avlina em baš oleskero dendo lafi: „Palem ka avav em ka lav tumen mancar te šaj oven tumen da kaj so sium me“ (Jovan 14,3).



Ko than te debatirinen načačutne em hovavne teoriencar jali te kontririnen e rivalencar taro evangelie tumen džan palo Hristos. Kjeren arka o neve čaćipa tari Devleskiri riznica te khuven ko tumaro dživdipa. „Propovedin o Lafi!“ Sejnen uzal sako pani, „Em ko vakti em ko kijameti!“ Kaste si mro lafi neka havljarel le premal o čaćipa mo lafi!“ So si barabutne e slamake em e giveske?“ „Sa e Devleskere lafia si uže. Ma te dopheren khanči ko oleskere lafia ma te deformirinen pe em ma tevakjeren kaj hovavea“ (2.Timotej 4.2, Isaia 32,20, Eremia 23,28, Gogjaver vakerina 30,5.6).

„O seači sejnel o Lafi!“ Akate si sikavdo o baro delo so valjani te sikavel o sasto ucejne edukacisko delo. „O seme si Devleskoro lafi“. Numa ko but siklane (škole) taro amaro vakti e Devlsekoro lafi si cidme ki rig. I godi si okupirimi javere bukjencar. E edukaciakoro sistemi si poplavimo javere ateistikane autorencar. E siklanakere (školakere) lila si pherde skeptikane hošencar (čuvstvencar). E naukakere rodiba chiden pe taro čaćutne dromia soske sa okova so arakhena hovavne komentirinenha thaj iranen o bukja. E Devleskere lafia kjerlen len paralela naučno dokazencar em oj sikaven la sar nasigurno em načačutni te šaj ki late pakjala pe. Agjaar ko gogja taro terne sejnena pe seme ma te pakjan thaj ka iranen i gnd kana ka peren ko avgo problemi jali ko duj gogja. Kana ka našavel pe i pakjiv ko Devleskoro lafi e ilo nene le legarutno nane siguriteti. O terne ciden ko drumia so legaren dur e Devlesttar thaj taro savakteskoro dživdipa.

Odoleske akana isi but bezeha ko akava sumnal. Kana e Devleskoro lafi ka frdel pe, frdel pe olakoro takati te ikjarel pli kontrola o telune bilačhe delia thaj rumimo vilo. O manuša sejnen ko plo trupo (telo) em žnejnena salde rumipe.

Akate garavel pe thaj odoleske soske isi mentalno nastabilnost. Kana ka iranen pe taro Devleskoro lafi em ka čaljarel pe em parvarel pe aktencar taro na devlikane manuša i godi stagnirinel, soske našavel pe o astariba e hor thaj saastarde aktia sa saste čaćipaske. Isi palunipa soske limitirinel pe o reslo em o nakhlo; o takati tiknola em palo disavo vakti kirnola.

Odova sa preperel ko domeni tari našukar edukacia. Sako siklo valjani te nastojnel i godi e ternengjiri te iranel premal o hem bare

čačipa taro dendo vdahnovimo Lafi. Odoja edukacia darho (temeli) em akale dživdipaske em okole dživdipaske so ka avel.

Ni jekh ma te gndinel kaj odolea ka činavel i nauka jali ka tiknjarel o edukacisko obrazovna aktija. O džanlipa baš o Devel si baro odothar kober si baro o Del em buvlo kober i vselena em kosmosi. Khanči na kjerel pošukar em sasljarel odothar sar so si o sikljoviba e bare temenje sosi sar amaro savakteskoro dživdipa. O terne valjani te haven em te džanen akala taro Devel dende čačipa em olemgiri godi ko odola zoria ka buvljol em ka zojrakerel pe. Sakone sikleske so ka dživdinel premal o Lafi odova ka phravel oleske buvle reonia te gndinel em ka arakhel oleske barvalo džanlipa so nae te preperel.

I edukacia so sikljola la kana sikljolape em o Lil si praktično sikljoviba em džanlipa taro plani taro kurtuliba. Odoja edukacia ka nevikerel e Devleskoro muj ko sako manuš, ka zojarkerel i godi kontra o iskušenija, em ka kjerel kad'ri sako sikle te ovel e Hristoskoro partneri ko oleskore delo tari šukarin e sumnaleske. Odova ka kjerel



O Isus havljargia o čačipa, soske korkoro da sine ov čačipa.

le te ovel kotor tari havjakoro jeri (semejstvo) em ka kjerel le hazri te lel than ko majbare tronia taro rošalipe.

Numa o siklo e devleskere čačipaske šaj te hulavel samo okova so korkoro reslja ple džanlipaja „O Seači sejnel korkoro plo seme.“ O Isus havlajrel sine o čačipa soske ov da korkoro sine čačipa. Oleskere gndia, oleskoro tabijati em oleskoro dživdipaskoro džanlipa - sa odova sine sikavdo prekal oleskoro sikljoviba. Isto odova desinelape sine thaj

oleskere izmekjarencar; okola so propovedinen sine o Lafi, valjani te pendžaren ola prekal plo plesutno (lično) džanlipa. Ola valjani sine te džanen so si odova o Hristos te ovel Gogjaveripa em čaćipa, posveta em kiniba (otkup). Havljari baja o Devleskore lafi javerengje, ola na valjani dozvolinen te vajkjer en la nasigurno thaj duje gogjencar. Valjani sine te vakjeren barabutne (zaedno) e apostolea Petar: „Kana havljargjem tumengje o takati em o aviba amare Devleske e Isus Hristoske, amen na dža sine taro hovavne vakjerde paramisia, numa siam sine tasviria (svetokia) oleskere baripaske“ (2. Petrovo 1.16). Sako Hristoskoro pastori thaj Siklo valjani te ovel ko hali te vakjeren barabutne e Jovanea: „Odova Džvdipa sikavgja pe amengje, a amen dikhljam ole em tasvirinaja hem havljaraja tumengje e savakteskoro Dživdipe, kova so sine ko amaro Dat em amengje havljardilo“ (1. Jovanovo 1,2).

Phuv - uzal o drumo

O misal e seačea majbut bavinela pe e presiaja so isi le upral ko bajrovipa e semeske tari phuv kote sine sejme. Akale misalea o Hristos kjerel lafi pe šunavalengje: Nane šukar tumengje te den kritike me deloske thaj ma te peren pišmani soske na pheren tumare apetitia em idee. Majimportantno tumengje si te den džovapi (odgovor) ko pučiba: „Sar ponašinena tumen premal mlo haberi? Tumari večno jazija (sudbina) zavisnel dali tumen o haberi ka len le jali ka frden ole. Keribaja lafi bašo o seme so pelo trujal o drumo, Ov vakjergja “Kana neko šungja o Lafi bašo o thagaripa, a na havgja ola, tegani alo okova o lukavo em lelja sa so sine sejmo ko oleskoro vilo, odova si so si sejmo trujal o drumo“.

O seme so si sjimo trujal o drumo si e Devleskoro lafi so perel upral o vile taro okola so našunen šukare. Vilo so ulo buvlo drumo bašo relaksacia e truposke e bezechengje em okola bilačhe bukja si jek sar gazimo em zorale trasirime drumo. Okupirimi egositikane ideen-car thaj bare bezechencar o maho „zapekjlja pe ko bezechia“ (Jaudie 3, 13). O duhovno džanlipa si paralizirime. O manuša šunen o Lafi numa na halovena ola. Na avela lenge ki godi kaj odova odnesinelapes olenge. Nane svesna so lenge valjani, hem na dikhena i lošnipe so

avela olenge. Na dikhen e Hrsitoskoro mangipe premal olende, nakhena taro haberi taro oleskiri šukarin, sar uzal ko nešto soj olenge nane bičavdo.

Sar so si o čiriklja sig hana o seme agjaar thaj i satana šaj te khedel taro o manuš o seme taro devleskoro čaćipa. Ov darala kaj e Devleskoro lafi ka vazdele realaksirime thaj ka delujnel okolendeda so isi len majzoralo vilo. O beng thaj oleskere melaikija aven ko khediba kote so kjerel pe lafi bašo evangelie. Dži kote e Devleskere meljaikija kjeren zori e Devleskoro lafi te khuvel ko vile, o demonia kjerena ma te avel dži adaleste.



O čiriklja hana o seme trujal o
drumo, a o beng khedela e taro
maho e Develskoro seme.

Sa ple silaja thaj dušmanlukoja ov kjerel ma te šaj te dejujnul buti e Devleskoro Duho. Dži kote o Hristos anel e maho (duša) popaše dži ko plo mangipa o beng kjerel sa te na roden e Spasitele. Ov okupirinel i godi akale sumnaleskere planencar. Vazdel kriticizmi thaj kjerel te vazdel napakjav em duj gogjakere idee.

O lafia so alusarinela (izbirinela) o oratori jali o čhani taro oleskoro lafikeriba šaj nane premal o merako taro okola so šunen, em odoleske ola pobut ikjeren pe ko akala javer bukja. Em agjaar o čaćipa so but lenge valjani te džanen, em so o Devel bičhavel olenge, nanela nisavo savakteskoro dejstvo.

I Satana isi la but asistentia (pomocnika). Buteder so vakjeren kaj si hristijania dena arka e Satanake te kheden o seme taro čaćipa taro vile taro javer manuša. Buteder so šunen o jpropovedanje taro Devle-

skoro lafi, isto odova lafi ple kherende kritikujnenale. Ola o propoved pulsarinena (ocenine) len sar so pulsarinena o lafia taro desave edukatoria jali političaria.

O haberi so valjani te dikhen le sar Devleskori volja so si bičhavdi olenge dikhen la na sar so valjani thaj sarkastično komentarea. Buvleste komentirinen thaj debatirinen e karaktereske taro propovedniko oleskere karaktereske thaj o legaripa javere pakavutnengje ki khangiri. Vakjeren zorale komentaria em kritike em odova angla ko kana okolengje so panda nane obratime.

But drom ko asavke debate o jeriaja (roditelja) lena pencar em pe čhaven. Odolea ola randena o ugled em tabijati taro Devleskere haberdžije em o respekti taro olengere habejra. Odoleske but džene sikljon neozbilno te khuven prema e Devleskoro lafi.

Odoleske ko pobuter khera taro agjaar anavkjerde hristijania o teren si hazri te oven bi pakavutne. O jeria pučena pe soske olengjere čhave isilen odobor tikno interes bašo evangelie em soske na pakajan but ko čaćipa e Biblijakoro. Čudinen pe soske but phare šaj te sikaven olen ko moralno thaj religiakoro vlijanie. Ola nane svesna kaj pe aktencar zojrakjerde o vile taro ple čhave. O šukar seme na arakhlja than te mukhel darho em i satana legargja ole.

Ko barale thana

„O semo ko barale thana si okova so šunela e Devleskoro lafi em sigeate lelale bahtaja, numa nane len darho ki peste em si hari vakteške, em kana ka aven bibahta jali paldiba sebepi o Lafi palo odova cidel pe.“

O seme so si sejmo ki barali phuv perel ko sano sloj tari phuv. I bilka bajrol sig numa o koren našti bajrola prekal o bar dži ko thana kote ka šaj te hal em te bajrol em odleske but siga šukjola. Buteder so vakeren kaj si religiozno, si baš asavke šunavale. Sar soj tele i sani phuv isi bara agjaar ki phiv taro olengere šukar aktia em mangjina garavel pe egoizmi ko olengoro panda nadefinirimo vilo. Ola panda na cидинге pli egositikani mangjin. Panda na diklela i bezech e bezehoskiri hem olengoro vilo panda na ponizsalilo, terimo tari svest baš o došalipe e bezeheskoro. Akala manuša šaj lokheste te oven tasvirime; ola oven lače obratime manuša, numa olengiri religia si samo ki povšina.

Numa, o manuša na preperen em nane eliminirime soske astargje o Lafi jali soske lošalen (radosna) olaja ili olake. Kana o Matej šungja i akharin taro Sapisteli uštilo mukhla sa thaj gelo pali leste. Kana e devlskoro Lafi ka khovel ko amaro vilo, o Devel mangjel te astara le em čače da te astarala lošalipaja. „Vakjerava tumengje pobari loš ka ovel ki havaja kana jekh grešniko ka perel pišmani“ (Luka 15,7). Em čače lošali si o maho so pakjala ko Hristos. Numa okola so si opišime ki akaja parabola sar manuša so astarde o Lafi na esapingje i cena. Na sikkile te dikhen so oj rodel. Ola na arakhle pe sa e dživdipaskere presiencar thaj pokorno em saste na čivgje pe telal odova legaripa.

O darhi e bilkakoro khivel hor ki phuv garavdo te ikjerel olakoro dživdipa. Odova ovel thaj e pakjavutnencar; o maho avel ki nadikhli zaednica e Hristea prekal i religia em agjaar ikjerel pe ko duhovno dživdipa. Ama o šunavale sporedime e barale thanencar ikjeren pe upral peste ko than upral o Hristos, em pakjana ko ple šukar kjerde delija em šukar pobude em ki pli manušikani pravednos. Nane zorale ko Devel em ko leskoro takati. Odola manuša „nane len darhi ki peste“ soske nane phanle e Hristea.

O tato nilaeskoru kham so ikjerel em čajljakjerel o zrno taro seme šukjarel okole so nane len hor darho. Em agjaar sarinen so „nane len darho ki peste“ em „kana kaavel paldiba thaj presie sebepi o Lafi odma perena.“ Buteder astaren pe ko evangelie ma te ciden em te patinen ko than te ciden pe taro bezeha. Lošale ka oven desavo vakti soske pakjana kaj i religia ka cidel olengjere pharipa. Sa dži kote olengoro dživdipa džala bizo muke, dikhola sar te pene tane ola čačitne pakjavutne. Numa preperen kana aven ki kontrola taro muke. Nane hazri te oven kritikujme sebepi o Hristos. Kana e Devleskoro Lafi ka notirinel desavo olengoro manglo bezeħ em kana olendar rodel pe te otkažinen pe jali nešto te kjerem kurbani, ola tegani hošinenape (osetinena pe) uvredime, em dikljola sar ola valjani te kjerem bare promene ko plo dživdipe.

Dikhena ko akanutne pharipa thaj bistren o savakteskoro realiteti. Saro sikel so mukhle e Hrista akala da si hazri tevakjeren; „Pahri tani akaja beseda! Ko šaj te šunel ola?“ (Jovan 6.60).

Isi but asavdeka so vakjerena kaj sajginena e Devleske, trujal ola praktično na pendžarena e Devle. Ola mangjen te pheren oleskoro

rodiba em volja ama odoja mangjin kjerena la taro plengoro merako a na taro hor pakjaviba ko takati e Svetu Duhoske. Olengere maniria nane agjaar sar so rodelo o Devel em o kanunia. Ola vakjeren kaj lena e Hristose sar plo Sapsiteli numa na pakjana kaj Ov ka del len takati te šaj te pobedinen sa ple bezeha. Ola na kergje nisavo kontakti e dživde Spasitelea thaj olengoro taabijati sikavel maane hem so nasleddingje hem so dobinge. Javer si te prifatinel pe o dejstvo taro Svetu Duho, a skroz javer si o Svetu Duho te prifatinel pe sar Okova so dela ukor sikavel manuš te pišmaninel pe (te pokainel pe). Buteder hošinen sar dujrandile taro Devel havibaja kaj robiujnena bašo sebičnost em bašo bezeha a kjeran zori te popravinen pe, numa na raspnjen pe korkoro. Ola na dena pe sa ko vasta taro Hristos thaj na rodën devleskoro takati te pheren oleskere mangjina. Nane hazri te oblikujnen



O Isus i Nikodimeske: „Vajjani te
oven bijame upraldan“

pe premal e Devleskoro misal. Ola ko disavi čani angigjarena (priznajnena) kaj isi len maane numa na frden pestar ple pendžarde bezeha. Em sekole ple bezahutne deloja, lengiri purani sebično prakrt ovela sa posebično em sa pozorali. Jekhutni šansa akale mahonge si te priznajnen kaj čače olenge si legarde o lafia taro Hristos sar so sine vakjerde premal o Nikodim: „Ma saplajn (čudjin) tut so vakjergjum tuke, khoni so nane te bijangjovel upraldan, ov našti dikhel e Devleskoro thagaripe“! (Jovan 3.7.3).

Čačutno svetost havel pe kana celosno ka mukel pe o manuš ki sajgija e Devleske. Odova si šarti (uslov) baš o čačutno hristijansko dživdipe. O Hristos rodel nalimitirime posvetenost, lično sajgija. iba. Ov rodel o vilo i godi o maho em o takatija. Na valani te arakhel pe sebičnost. Okova so dživdinel korkoro peske nane hristijani.

O mangipa valjani te ovel legarutno akti ko amaro delujba. Odova si osnovno načelo taro Develeskoro upravibe ki hajvaja em ki phuv, em ov valjani te ovel darhio taro pakjavutno tabijati.

Salde o mangipa šaj te ikjerel e hristijane te ovel zoralo. Jekhutne salde oj šaj te kjerel kad'ri e manuše te uštel kontra o nevolje hem o iskušenija.

O mangipa sikavel pe prekal o kurbani. O plani taro Kiniba sine prekal o kurbajna, - kurbani odobokar buvli, hor uši thaj namerimi. O Hristos dengja sa amengje em okola so astarge ole te oven hazri te kjeren kurbani sa plo barvalipe. Oleskoro baripa thaj oreoli ka čhiven le ko avgo than. Te manglem e Isuse amen ka manga te džividina oleske te analе leske kurbanja taro šukrikjerin (blagodarnost) em te kjera buti oleske. I buti da ka ovel amenge lokhi. Sebepi oleste ka šaj lokhe te ikjera o dukha em o zorija em o kurbanja. Ka ovel amngje but gudli oleskiri prasiv (odluka) te kurtalinel e manušen. Ka hosalina odova mangipa te kurtalinen e mahon sar so hosealinel olen Ov da.

Odoja si e Hristoskiri religia. Sa so si pohari odolestar sa si hovaviba. Nisave teorie bašo čaćipa nisavo vakjeriba taro desave učeništvo nane te spasinel ni jekhe manuše. Amen nane te prepera e Hristoske sa dži kote na siem saste oleskere. O jekvaš dendo amendar ko hristijansko dživdipa anel o manuš te ovel ko duj gogjako mangina. O Zori te te sajgina em amengje thaj e Hristoske kjerel amen te ova šunavale kaske o seme pelo ki barali phuv thaj nane te ikjeren pe kana ka oven čhivde ki ispit.

Ko kare (trnia)

„O semo ko kare si okova so šunel o Lafi numa o gahlia e sumnaleeskere thaj o barvalipa tasavela em učharel o Lafi thaj ovel ksri (neplodno).

O seme taro evangelie majbut perela ko kare thaj zijankerde čajra; thaj te na sine moralno iraniba ko vilo e manušeske, te na frdingja o purane tabijatia thaj adetia em na ikljol taro purano dživdipa pherdo bezehoncar, ako e bengeskoro tabijati na ikaven pe andral taro maho tegani e giveskiri žetva ja ovel tasavdi. O kare ka sikaven pe sar plodo a e giveskoro zrno ka properel. E Devleskoro šukraipa šaj te bajrol em te buvlioil ko vilo so ikjerel pe sar vileskoro barvalo seme čaćipaske. O Kare taro bezeha ka šaj te bajrol ki sako phuv, thaj oleske nivaljni te negujnen pe. Numa e devleskoro šukaripa valjani sako drom te arakhel pe. O kare em o jalovo čajra sako drom šaj palem te bajroven thaj odoleske valjani sako drom te randa em te užara len olendar. Te na sine o vilo telal Devlengjere vasta o Svetu Duho na kjerel buti sako drom te užarel em te oblagorodinel o tabijati, dživdipa ka sikaven pe o purane navike. O manuša šaj te vakjeren kaj pakjana ko evangelie, numa te na sine posvetime taro evangelie, olengere vakjerina ka oven sar čuće lafia. Te na pobedingje o bezeha, o bezeh ka pobedinel upral olende. O kare so sine čhindo numa na istelmakjerdo palem ka bajrol thaj o maho ka ovel ovel tasavdo olestar.

O Hristos vakjergja o opasnostia e mahoske. Sar so vakjerga o evangelisti Marko odola si o gajljija akale sumnaleskere, o hovavnipa palo barvalipa em strastia. O Luka akcentiringja o gajlia o barvalipa em okola bukja so kjerel te užovina ko akava dživdipa. Sa odova tasavel e Lafe o duhovno seme so bajrola. O maho čhinavel te lel hajbaske taro Hristos thaj o duhovnost merela ko vilo.



„O gajlja akale sumnaleskere. „ Ni jek sasutno (opšttestveno) sloi nane izolirime taro gajlia akale sumnaleste. I phari buti o otkažiba em i dar taro nanipa kerel halija thaj pharipa so anel e čorolengje. E barvalen isi len gajla taro okova ma te našaven o but thaj javer dara-vina em gajlja. But taro Hristoskere sledbenikia bisterge o gogjaver lafia so Ov manglja te sikljon taro lulugja ki livada. Olen nane len pakjiv ki oleskiri gajlja premal olende. O Hristos našti te ikjerel olengere tovaria soske ola na čhivje olen upro oleste. Odoleske o gajlja e džividipaskere trujal so valjani sine te anel olen paše dži ko Spasiteli olestar te roden arka em gajreti akana si bariera so hulavel len olestar.

But olendar so šaj te oven spastale uspešno) ki sajgija e Hristoseske džana pobut te oven barvale em te resen dži ko barvalipa. Sa po sasto takati harrdžinge ko profitabilno delo em odoleske gdinena kaj nanelen but vakti bašo duhovno. Ko odova čhani hulavgoven taro Devel. I Biblija vakjerel: „Ma ačhoven ki revnost“ (Rimjani 12.11) Amen valjani te kjera buti te šaj te da e čorolengje. O Hristijania valjani te kjeran buti, te oven aktivna, numa na valjani odoleske te khuven ko bezeha.

Numa but olendar baš odoleske si astarde bare bukjencar so nane len pobut vakti baši molitve, nane len vakti te sikljon i Biblija nane len vakti te roden e Devle em te sajginen oleske. Podesavo drom ki olen-goro maho isi panda mangipe baši svetost em baši havaja, numa nane len više vakti te iranen pe tari akale sumnaleskiro čhingar thaj te šunen o bare em upreder sa avtoritativno lafia taro Devleskoro Duho. O savakteskoro ovela poari važno a e sumnaleskoro ovela dominatno. O Seme e Lafeskoro na anel pobut plodia soske o takatia e mahoskere si legarde premal adava te negujnen o kare e sumnaleskere.

Buteder, kola so anglat peste čivde javer resarin kjeran asavke greške. Ola kjeran buti bašo šukaripa e javerengje numa olengiri buti si olenge sar pharipa, o djovapllipa (odgovornostija) aven sa pobut em pobut em na mukhen olenge vakti te sikljoen e Devleskoro lafi em peraven i konekcia e Devlea prekal o molitve. Ola bistrena kaj o Hristos vakjergja: „Bizo mande našti kjerena khanči“ (Jovan 15.5). Dujrarena pe taro Hristos, Olengoro džvdipa nane trasirimo tari

oleskiri šukarin, thaj sar rezultati odolestar sikaven o egositično tabijati. Olengiri sajgija ovela notirimi sar mangin te ikljoven angal sarinende, meljardi našuze, em naljubezno crtencar taro na obratimo vilo. Em odova si jekh taro fundavna (osnovna) garavina baš o poraz ko, hem karana (pričina) baši našukar rezultatia.

„O hovavipa taro barvalipa“ I mangjin premal o barvalipa isile ana peste nesavo hovavno takati, hem kjerel e manuše te ovel sar korolo. Okolen so isi akale sumnaleskoro barvalipa ola but sig bistrena kaj o Devel dengja len takati te resen dži ko odova barvalipa. Ola vakjerena: „Me takatea thaj džanlipaja taro me vasta resljum dži ko akava barvalipa“ (5. Mojs. 8,17). Ko than te kjerel len te oven šukrikjerde (blagodarna) e Devleske olengoro barvalipe kjerela ola korkoro peste te vazden. Našaven pli svest bašo oleskoro athinalipa (zavisnost) taro Devel em oleskiri buti premal oleskere paše. Ko than olengoro barvalipa te dikhen sar tane so šaj te istemalkeren ko vazdiba e Devle em te vazden o manušipa, ola odova vakjeren te šaj peste vazden majupre. Ko than ko manuš te ušten devleskere tabijati, o barvalipa ki oleste vazdel pobut e bengeskoro tabijati O Seme e Lafeskoro tasavgjovel ko kare.

„Akale dživdipaskere gudlipa.“ But si opsana o gudlipa ako upral olende plivinaja za te šaj čajljara amare mangjina. Sako lačharipa so kjera amare kjeskeske slabonel o takti so kjerel karanluko ki godi jali tupinel o duhovno andrunipa em bajrol ko „dušakere gudlipa em mangjipa so maren pe mujal o maho (1.Petar 2.11).

„O javer gudlipa“ Akava na valjani te oven mangjina, grešno korkori pestar, numa sa okova so mangaja pobut taro Devleskoro thagaripa.

Sa so legarel amari gnd taro Devel, sa so e Hristeske tiknjarela amaro mangjipa ovel dušmani amare mahoske.

Dži kote amari godi panda si terni, pherde takatea thaj thaj kad'ri si sig te buvljarel pe, arakhel pe ki opasnost te ovel nasvalo taro sebičnost, hem ka počminel te sajginel korkori peske. Te kjergja akale sumnaleskere plajna anel spatalipa, o manuš džala premal o drumo kote so mejrarela oleskoro andruno em gogjakoro tabijati em našti čačutne te pulisarel (oceninel) so si odova čačutni perfekcija e tabijateske. Kana o okolnostia kjeren stimuliriba odova buvljariba o bajraripe džal premal odova drumo so na mukhela e Devleskoro lafi.

Ko odova periodi, kana o tikne čhave formirinen pe, o jeria legaren baro djovaluko. Ola valjani te kjeren pe čhavengje te legaren len ko čačutno drumo asavko drumo kote ka kjeren len te dikhen pravilno dikhiba ko dživdipa em te zapendžaren o čačitno spastalipe. Ko than odoleske pobuter jeria mangjen pe čhavengje te kjeren akale sumnaleeskere šukaripa. Ola arakhen lenge o asavko društvo, dikhindo angla olengere jakha baš akava prioriteti.

Buteder plo kher kjerena ko desave bare dizija em pe čhaven anen ko desavo lagodno komotno dušto. Anene lenge asavke presie so akale lumiakere šukaripa kjeren len bare. Ki asavki atmosfera i godi em i duša kjeren palunipa ko plo razvoi. O čhave napraven o uče thaj barvale resarina thaj prioriteta ko dživdipa. Ko than te oven Devleskere čhave, naslednikia savakteskere dživdipaske, ola odova trampinen akale lumiakere lačipaja.

Buteder khera kjerena pe čhavengje te arakhen baht odolea so mukhen len te džan ko lokho interesno dživdipa. Mukhen len te sportujnen te džan ko žurke, dena len love kote ola odolea šaj te na kontrolirinen ple mangjina. Numa kobor sa pobut pomukhela pe e mangipaske te uživinen oj ovel sa pozorali. Odoleske akala terne sa pobuter si okupirime lokhe relaksirano dživdipaja dži kote ola na esapinen len sar prioriteta ko dživdipa. Kjeribaja navika ma te kjeren khanči buti, hem te pomukhen pumare slabostengje, agjaar so ovela nevozmožno te oven zorale hristijania.

I khangiri, da so valjani te ovel temeli e čačipaske, podesavo drom aktivirinel egositikano mangjipa premal o realksirano dživdipa. Kana valjani te kheden pe love religiakere resarinaja, savo čhani istemalkjrena but lokalna khangira te avedn dži odoleste? Ola iranenape premal bazaria, koktelia, humanitarno koncertia čak lotaria em javer! But drom o e Devleskoro kher kjeren than kote hala pe piela pe bikenel pe em kinela pe! O respekti premal e Devleskoro kher em oleskiri sajgija ko perspektive ko terne tikjola. Ikjerelapes o egoizmi, o mangjina (želbe) em mangipa premal o raskoši, trujal (iako) so ko sako pomukhiba oven panda majzorale.

I trka bašo realksacia em zabave ko dizja si pobari. But jeria so pe čhavengje arakhle khera ko dizja odolea so ola gndinena kaj odote isi

posukar šajdipe (uslovija) palo odova peren pišmania em but kasno kjeren te popravinen i greška, numa odoleske si kasno. O avdisutne dizja but sig avena sar so sine o dizja Sodom em Gomor. But praznikia anen nabukjarnipa. o Vozbudliva sportia, tetaria, grasteskere trke thaj



kazinia, o mukiba premal o alkoholia - sa odova kjerela pe te thabljon pobut o mangjina. E ternen legarelen i len taro popularna bukja Sare okola so mangjena o zabave salde te realksirinen pe phraven o udara taro iskušenia. O društveno khelina, veselbem žurke kerla sa pobut te makjarel i godi. Tari jekh razonoda džal pe ko javer tipi razonoda sa dži kote na našavel pe i mangjin taro korisno dživdipe. Olengere religiakere mangjina šudraren pe; a o duhovno dživdipa kajljola. Iranen pe sa okola šukar takatija e mahoskere, sa okova so e manuše konektirinela le e duhovno sumnaleja. Čače isi asavke da so šaj te di-khen plo dilinipa thaj te peren pišmani. O Devel olenge šaj te oprostinel. Numa ola ratvargje plo maho em si mukhle ko savakteskoro opasnost. O džanlipa te rasudinel so valjani sine te ovel zorali thaj osetlivu te šaj kjerel so si šukar a so na, ko baro nivelo si kirni. Ola akana nane kadr'i te preprendžaren o legarutno hango taro Svetu Duh jali te hosinen o fako tar beng. Buteder droma ko momentia tari opsanst, em bare iskušenia preperen em dujrargjojen taro Devel. O agor olengere prastajbaske pali realksacija si krah akale dživdipaske em e dživdipaske so ka avel.

O galija, barvalipa, o uživiba - sa odova o beng anel ko kheliba e dživdipaja uzal o manišikane mahija. I opomena si jasno: „Ma mangjen o sumnal thaj e sumnaleskere bukja. Khoni te manglja o sumnal, i mangjin taro dat nane ki oleste soske sa so si ko sumnal: i mangjin e teloskiri, i mangjin e jakhengiri em i sueta premal o dživdipa nane taro Dat, numa taro sumnal“ (1.Jovanovo 2,15,16). Okova so drabarel e manušeskoro vilo sar phravdo lil vakjerel:“ Numa, pazinen tumare vile na te khergjon bi čaljovipaja matibaja thaj gajlja e dživdipaske“ (Luka 21,34). O Apostol Pavle inspiririme taro Svetu Duho hramosargja: „A okola so mangjen te oven barvale, peren ko iskušenie em ko fako em ko but nagogjaver mangjina em strasti so legaren e manušen ko propast em peraviba, soske i mangjin premal o love si o darhio bašo sa o zulumia; nesave si hipnotizirime olencar cidena pes tari pakiv em anen peske but dukha“ (1. Timotej 6.9.10).

Hazrkjeriba (priprema) e phuvjake

O misal e seačeа o Isus sikavela da o različna rezultatia taro seiba atalinena (zavisinena) tari phuv. Ko sako sikavdo slučaj, kjerel pe lafi baš isto seači thaj isto seme. O Isus mangjel te sikavel amengj, ako e Devleskoro lafi te resel em te postigninel pri cel dži ko amare vile, ko amaro dživdipa, i karana valjani te roda la ki amende. Numa o rezulalti nane avrial amendar. Čače amen našti irana amende korkoro, numa o takati si ko amare vasta thaj ki amende tergjol so ka kjera poodoriga.

O šunavale so si sporedime sar phuv uzal o drumo, barale phuvjaja em phuvjaja so isi pherdo kare na valjani te ačhon asavke. E Devleskoro duho kjerel zori te halovel o magično korolipa so e manušen phanel akale lumia kere bukjencar em kjerel zori ki olende te vazdel i mangjin bašo savakteskoro barvalipa. Numa kana kontririnen pe e Svetu Duhoske, o manuša oven nemarno premal e Devleskoro Lafi jali zanemarinjen odoja buti. Ola korokoro si djovaplje bašo olengoro zoralo vilo so na mukhel o šukar seme te astarel darhi em o pleveli te stopirinel ma te mukhel te kjerel anglutnipa (progresi).

I bavča e vileskiri valjani te randel pe. I phuv valjani te ovel haz'ri bašo hor pišmani e bezechengje. O otrovna bengane bilke valjani te

ikaven pe. I phuv so si pherdi kare šaj te reparirinel pe salde bare bukjaja. Agjaar o bilačhi tabijatija taro nairamo vilo šaj te ikaven pe salde seriozno zorea ko anav e Isuseske em oleskoro takati. O Devel akharel amen prekal oleskoro proroko: „Hanen neve nive ma sejnen maškar o kare!“ „Sejnen nijami (pravda), ka kheden mangipa“ (Eremija 4.3: Osija 10.12). Akaja buti Ov mangjela te kjerela amengje em odoleske vikinel amen te kjera buti olea.


O seačia e semeske valjani te hazrkjeren e vile, te šaj lena o evangeli. Ko propoved taro evangelie isi but filozofiribaa hari čačutno aktiviteti upral o vilo. Valjani korkoro butikeriba bašo našavde manuša. Amen valjani hristijansko respektea te ava popaše e manušengje jekh po jekh em te kjera zori te vazda ki olende interes bašo o bare čačipa e savakteskere dživdipaske.

Olengoro vilo šaj te ovel zoralo sar bastrimo drumo em šaj te avel amengje sa džabe, keraja zori te šaj te sikava olenge e Spasitele numa trujal so i logika nae te kjerel te pomrdinina len em o faktia nane len odobokha baro takati te šaj te tasvirinen len, e Hristoskoro mangipa so ka sikavel pe ko plesutne (lična) postapke šaj te kovljarel o zoralo vilo em o seme e čačipaske te astarel darhio.

Premal odova e seačen isi len buti so valjani te agorkjeren la e se mea ma te ovel tasavdo ko kare, te na preperel sebepi so i phuv nane hor. Ko starti taro plo hristijansko dživdipa sako pakjivalo valjani te sikljol leskere osnovna načelja. Valjani te havel kaj nane lokheste te ovel kurtalimo e Hristoskere dživdipaja numa kaj o Hristoskoro džvdipa valjani te ovel oleskoro dživdipa e Hristoskoro tabijati te ovel oleskoro da tabijati.

Sarinengje valjani te vakjera kaj ka legaren pharipa em te frden olengoro bijando sklonostija. Sare te džanen savo blagoslov ka resel olen sare so kjeren buti bašo Hristos so kjerel sar ov so kjerel sine em ciidel pe sine taro pherdo šuže bukja, em legaren pe sar šukar askeria so uravena baro pharipa. Te sikjon te ikjeren pe upral e Hristoskoro mangipa em sa pe gajlja te den len oleske. Te tatinen i loš em i baht so ikljol kana ka len lestar hari maho. Kana ka pheren pe mangjipaja premal o našavde em kana ka zainteresirinen pe olenge ka bistren peste da. O čalipa akale lumiakoro ka našaven o takati em

o pharipa ka našavgjovel. O plugo e čačipaske ka ikjerel pli buti. Ka preporinel sa okoja bi hanimi phuv. Em nane te čhinel salde ari taro kare numa ka ikjavel len darhestar.



Ki lačhi phuv

O seači nae sako drom te dodžakjerel razočariba. E semeske so pelo ki šukar phuv, o Spasiteli vakergja: „O sejmo ki šukar phuv si okola so šunel o Lafi em haljovela ov kova so čače bijanel plodi em anel „jekh šel, javer šovardeš em trinto trianda“. „A okova ki šukar phuv si okola so šunen o Lafi em arakhen la ko šukar em užo vilo thaj anen plodi taro istrajnost.“

„Šukar em užo vilo“ kaske sovakjerel i parabola, nane vilo bizo bezeha, soske o evangelie valjani te propovedinel thaj e našavdengje da. O Hristos vakjergja: „Amen na aljam te akhara e pravedno, numa okolen grešnikon“ (Marko 2,17) Šukar vilo isi okole so si telal o legaripa taro Svetu Duho. Ov priznajnel pli doš (krivica) em mangjel Develskiri šukrin (milost) em mangjipa. Isi le čačitni mangjin te zapendžarel o čačipa te šaj te šunel ola. Šukar vilo si vilo so pakjal, vilo so pakjala ko Develskoro lafi.

Bizi pakjiv našti te kuvel o Lafi. „Soske okova so mangjel teavel dži ko Devel valjani te pakjal kaj isi Devel em pursakjerela, okolen so rodena le“ (Jaudie 11,6). Odova si „okova so šunel o Lafi em havel la“.

O farise ola da ko vakti taro Hristos phanen sine ple jakha te na dikhen em o kana te na šunen. Odoleske o čačipa našti sine te resel dži ko olengere kana em odoleske ola sine kaznime olemgere nadžanlipaske em olemgoro namerno kjerdo korolipa. Numa, o Hristos sikavel sine ple siklen te phraven pli godi bašo o gogjaver lafia em te oven hazri te pakjan ko odova. Ov dengja len blagoslov soske dikhle em šungje e jakhencar thaj kanencar tari pakjiv.

O šunavale so si sporedime šukare phuvjaja, ola len o Lafi „na sar manušikano lafi, numa Devleskoro Lafi, so fakti si kaj si odova“ (Solunjania 2.13). Salde okova so prifatinel o Lil sar Devleskoro hanga si čačutno siklo. Ov tinanel taro o Lafi. Soske oleske odova si dživdo realiteti. Phravel i godi thaj po vilo te šaj resel la. Asavke šunavale sine o Kornilij thaj oleskere amala so vakjergje e apostol Petar: „Akana akate sare siem angal o Devel, te šuna so o Devel vakergja tuke“ (Delia 10.33)

O džanlipa e čačipaske na athinela salde taro takati e intelkteske kobor taro užipa e nieteske tari prosto pravdipe em tari iskreno em zorali pakiv. E Devlskere melaikija si uzal okola so isi len ponizno vilo em roden Devleskoro legaripa. Olenge del pe Sveto Duho em phravel o barvale riznice e čačipaske.

O šunavale so si ulavde sar šukar phuv lena o lafi kana ka šunen la. O Satana barabutne ple takatea e bilačhipaske našti te kjerel te lel olendar odova.

Nane but salde te šunel pe jali te drabarel pe o Lafi. Sako so mangjel te dikhel hairi taro o Lil valjani te gndinel e čačipaske so ka ovel olesker vakjerdi. Ozbilno keribaja zori em gndipaja ki molitva ov valjani te havel o lafia taro čačipa em majbut te šaj te pherel pe e duhoja taro odola posebna develskere vakjerina.

O Devel akharel amari godi te phera e bare thaj uže gdencar. Ov mangjel te razmisilina oleskere mangipaske em blagodat te istražina oleskoro baro delo ko baro Plani taro kiniba. Tegani but ačiko ka haljova o čačipa em pobari em majuči ka ovel amari godi thaj ka ovel amari mangjin te ovel amen užo vilo thaj šukar gnđe. O maho so dživdinel ki uži atmosfera ko uže misle ka iranel pe soske sikljol sine o Lil em kergja vrska e Devlea.

„Em angja plodi.“ Sare so ka kanden (poslušna) o Lafi kana ka šunen la, olengori kandipe ka anel plodi. E Devleskoro lafi so si dendo ko vilo ka sikavel pe prekal o šukar aktia. Olengoro plodi ka dikhel

E devleskoro lafi iranel o dživdipa e manušeske so kijerela bezeħha, kote taro bezeħo ovela ni jamałoprawedno



pe prekal o karakteri thaj ko dživdipa sar e Hristoskoro misal. O Hristos vakjergja peske: „Milo mangje Devla te pherav t merako me legarav to kanuni hor ko mo vilo“ (Psalmi 40,8,9). „Me na rodav mi merako numa o merako taro Okova so bičhavgja man“ (Jovan 5.30). A o Lil vakjerel: „Okova so vakjerel kaj ačhol ki leste valjani te dživdinel sar so dživdinel sine Ov“ (1 Jovanovo 2.6).

E Devleskoro lafi but drom kuvelape e manušikane nasledno thaj lende tabijateskere linie jali dživdipaskere naravija. Numa o šunavale sporedime sar plodno phuv kana lena o Lafi lena sa olakere uslovija thaj rodiba. Ple navike, adetia thaj akti ka kjeren teleder o lafi e Devleskoro. Ko olengere jakja o zapovedija taro manuš kova so merela, hem zabludimo manuš ovena bizo efekti kana ka sooočinen pe e Lafeja taro nalimitorimo Devel. Saste vilea thaj nairame mangipaja em nietea ola roden savakteskoro dživdipa maker te našaven da paldiba da em meriba da ola ačhon te šunen o čačipa.

Ola anen o plodi ko „sabři“. Ni jekh taro okola so lele e Devleskoro lafi nane poštедime taro pahripa em iskušenia. Numa, kana ka sika-ven pe o pharipa o čačutno hristijani na ovel nemarno, nadoverlivu

em mazumi. Trujal so našti dikha o definitivno rezulatia ili te haljove o nieti e Devleskoro amen na troma te frda amari pakjiv. Dejbaja godi ko Develskoro baripa em mangipa sa amare gajlja valjani te da len oleske em te udžara o kurtalibe (spasenie).

Prekal o mariba o duhovno dživdipa ovel majzorlao. O bibahtalipa so ligarajalen, bajrarena anamende zoralo o tabijati em barvale duhovna šukaripa. O sovršeno plodi e pakjivakoro, e tromalipaske (krotosta) em mangipaske, sako drom majšukar astarela maškar o šudre bavlal em o karanluko.

„Ake o gautno (zemjodelco) o udžarel o skupo plodi e phuvjakoro udžarel sa dži kote na resen o rano em o kasno biršima” (Jakov 5,7). Agjaar sako hristijani valjani sab'reja te udžarel ko oleskoro dživdipa te sikaven pe o plodia taro Devleskoro lafi. Kana molinaja amen baš o šukar bukja duhoske, o Devel but droma šunel amare molitve anibaja amen ko asavke okolnostija kotesoa šaj te bajron odola plodia; ama amen na haljalovaja oleskoro nieti, čudinajamenem siem deprimirime. Numa, khoni niko našti te buvljarel duhovno šukaripa te na čhivgja pe ko procesi taro bajrariba em buvljariba. Amari savala sig lele e Devleskoro lafi te ikjera amen zorale ki late te čhiva amen sa telal olakoro legaripa em tegani ka phergjol olakoro nieti amengje.

O Hristos vakjergja: „Okova so mangjel man ka pazinel ko mlo Lafi thaj me Dade ka mangjel ki oleste ka ava em ki oleste ka ačhova” (Jovan 14,23). Amari volja ka ovel telal i kontrola taro jekh pozoralo poperfektno godi soske isi dživdi relacija e Haingoja (izvoreja) taro načchinavdo takati em zoralipa. Amaro devlikano dživdipa ka preformirinel pe ko mangjina taro Isus Hristos. Nane pobut okova normalno sebično dživdipa numa ki amende ka dživdinel o Hristos. Ki amari prakrt ka nevikjerel pe e Hristoskoro tabijati. Em agjaar ki amende ka bijangjoven o plodia taro Svetu Duho „jekh – šel, o javer – šovardeš, em trinto – trianda”.

Trinto šero

MAJANGLAL RANIKA, A PALO ODOVA KLASI

(Akava šero si kjerdo premal e Markoskoro evangelie 4,26-29)

O misal e seačea kjergja but te ova ko buteder gogja. Nesave šu-navale konstatiringe kaj o Hristos nane te kjerel plo thagaripa ki phiv dži kote javer ule radoznalo te džanen jali zbuningje pe. Dikhibaja olengiri zabuna o Hristos sikavgja javer slike kjeribaja zori olengere mangjina te iranel olen taro olengere idée bašo desavo akale phuvjakoro thagaripa em te legarel len premal e Devleskoro mangjipa k maho e manušeske.

“Agjaar e Devleskoro thagaripa si e manušeskoro so frdela o seme ki phuv pašljol rakjate uštela diveseske a o seme niknojnel em bajrola a so ni korkoro nadjanel sar. I phuv korkoro pestar anela plodi, majanglal ranika palo odova klasi pherdo zrnencar. Em kana o plodi ka bijanel bičhavel srpi soske alo vakti te žneinel pe”

O Baro so “dela srpi sosoke alo vakti bašo žetva“ našti ovel ni jekh javer numa o Hristos. Baš Ov ko agorutno baro dive ka khedel i žetva tari phuv. Numa o seači e semeske si okola so kjeren buti ko than oleske. E semeske si vakjerdo kaj: “niknuhnel thaj bajrol, ni korkoro na džanela sar“ thaj odova našti legarel pe e Devleskere čhaveske. O Hristos na sovel ko vakti oleskere butikeribaske numa dikhel o seme em rakj em dive. Oleske nane pendžardo sar odova bajrola.

I parabola e seačeske sikavel kaj o Devel kjerel buti ki natura. O seme ana peste isi le takati te rtinels, načelo so o Devel sadingja leste; numa, kana bi ovel mukhlo korkoro ki peste ov na ka šaj korkoro te bajrol. O manuš da valjani te kjerel pri rolja (uloga) te del arka te bajrol o seme. Ov valjani te kjerel em te barvakerel i phuv thaj valjani te seinel ola. Ov valjani te randel i niva. Numa, oleskoro takati te resel spastalipe si limitirime. Nisave takatea thaj džanlipaja našti kjerel o

seme te rtinel thaj te bajrol. O manuš šaj te kjerel zori majbut kober šaj numa palem ka ovel zavisno taro Okova kote o sejibe thaj i žetva dela o Devel pe bare takatea.

Ko seme pašljol o dživdipa, ki phuv isi takati: numa paralelno te na kergja pe odova em rakj em dive o nalimitirimo devleskoro takati, o seme nane te anel plodi. Valjani te peren bare biršima te sapankjeren e trošale nive o kham te bičhavel tati energiate šaj džangavel e parujme seme. Jekhutne salde o okova sokergjamen so sadingja o dživdipaskoro seme, šaj te kjerel te bajrol. Sako seme bajrola, sako bilka buvljola numa salde Devleskere takatea.

„Sar i phuv so kjerel arka te bajron o nikulcia, sar ki bavča so bajrol o seme, o Devel ka kjerel te bajrol o nijami, em o pofalba sa angla sa o džijanija (narodija)“ (Isaija 61,11). Okova so ovela ki prakrt ovel em kana isi duhovno seiba. O sikavno e čačipaskoro valjani te kjerel zori te hazrkjerel i phuv e vileske: ov valjani te seinel o seme numa o takati so kjerel dživdipa avel salde taro Devel. Isi limiti prekal so sako manušikano zori si čučo. Trujal so valjani te propovedina o Lafi amen našti te čhiva takati. Jekhutne e takate taro Devleskoro Duho o Lafi ka ovel dživdo thaj zoralo em kad’ri te nevikerel o maho ko savatkeskoro dživdipa. Odova o Hrsitos manglja te sikavel pe siklen. Ov olende sikavel sine kaj sa taro okova so isi ki leste ka našti te resel dži ko pursako ko olengoro butikeriba numa salde o magično Devleskoro takati ka kjerel oleskoro Lafi te ovel plodotvorno.


I buti e seačeskri si delo tari pakjiv. I garavin taro rtiba em bajrariba e semeske ov našti havel ola numa ikjerel pe upral okova so kjerel o Devel e bilkengje te bajron. Frdibaja o seme ki phuv ov kosem si našavel o vredno zrnia so šaj sine te kjeren leske te ovel le hajbe oleskere jerijenge (familijke). Numa akana ov chidingja pe taro akanutno lačho dživdipa, adžikeribaja kaj ka ovel barvale phursarkerdo. Ov frdel a kana o seme udžaribaja kaj ka ovel barvaleste dendi žetva. Agjaar valjani te kjeren e Hristoskere izmekjajra udžaribaja i žetvakaro seme so seing.

O šukar seme šaj desavo vakti te ovel tele nanotirime javerendar taro šudripa, egositično vilo na sikavibaja kaj mukhlja darho. Numa

palo odova kana ko maho ka kjerel buti e Devleskoro duho o garavdo seme ka bajrol em ko agor ka anel plodi e Develskere baripaske. Ko amaro dživdipaskoro butikeriba amen na džanaja so ka resel a so na. Odova nane pučiba kote amen šaj te da djovapi. Amen salde valjani te kjera amari buti em o rezultatia te mukha e Devleske. „Ko sabaj sein o seme a rakjate to vas ma te ačhol bibukjakoro“ (Propovedi 11,6).

Zoralo si e Devleskoro dendo lafi premal so „sa dži kote isi phuv nane te činavgjoven o seibe em o žetve, o šudro em o tatipa, o nilaj thaj o jevend o dive thaj i rakj“ (1. Mojsievo 8,22). Ikjeribaja upral akava dendo lafi o bavčandžia em seinel em randela. Ni o majtikno pišmanluko na tromal te ovel amende so kjeraja o duhovno seiba teikerjamen upral oleskere dende lafia: „O Lafi so ikljol taro mo muj na iranel pes mange bizo plodi, numa kjerel okova so mangava em ka kjerel okova soske sine da mandar bičhavdo“ (Isaija 55,11)“ Džala rojbaja okova so legarel o seme seibaske, numa iranel pe giljaja legaripaja o snopia“ (Psalmi 126,6)

O rtiba e semeske si suro (starti) e duhovno dživdibaske a o buvljriba e bilkake si lačhi slika e hristijansko bajraripaske. Okova so ovel ki prakrt, ovela em e devleskere šukaripaja. Nane dživdipa bizo bajraripa. I bilka jali ka bajrol, jali ka šukjol. Em agjaar sar oj so bajrola, pohari em nanotirime, numa bizo činaviba em ko kontinuiteti agjaar buvljol em o hristijansko dživdipa. Ki sako etapa taro bajraripa amaro dživdipa šaj te ovel perfektno; numa, ako phergjol e Devleskoro nieti amencar, amen sako drom ka kjera progresi ka dža



O rtiba e semeske si starti e ruhes-
koro dživdipke

anglal. O posvetiba si procesi so ka ačol ko sa amaro dživdipa. Sar phergjon amare šajsarina (možnostija) agjaar ka bajrol amaro iskustvo em ka bajrol amaro džandipa. Ka ova sa pozorale pokadrljiei te ana jevaplije, a amari zrelost ka formirinel pe premel o vrednostija so si amen olen.

I bilka bajrol odolea so lela okova so kjergja o Devel te šaj te ačhol ko dživdipa. Oj mukhel pe darhija ki phuv lel e khameskere zrakia, i rosa em o biršim em astarela o džvdipaskere bukja tari vozduho. Agjaar em o hristijani valjani te bajrol butikeribaja e devleskere takatencar. Dikhibaja amaro nakadrluko, amen valjani te istelmakjera sa o šajdipa (uslovija) em šanse so dena pe amengje te šaj te resa dži ko pobaro džanlipa em agjaar sar so i bilka mukhel o darhio ki phuv agjaar amen da valjani hor te mukha darhia ko Hristos. Sar i bilka so lel e khameskere zrakia o rosa thaj o biršima agjaar amen da valjani te phrava amaro vilo e Devleskere Duhoske.

O delo valjani te kjerel pe „na zorea thaj binalena (snagaja), numa me Duhaja“ (Zaharia 4,6) Te sine amare gogja legarde premal o Hristos Ov ka avel amengje sar „palonilaeskoro (esen) biršim, sar nilaesko-ro biršim so sapankjerel i phuv“ (Osija 6,3). Ov ka ikljol amenge sar o kham e pravdakoro „sastipaja ko oleskere zrakia“ (Malahija 4,2). Amen ka lulugjova sar krini ka džagjova sar giv, ka bajrova sar drakh (v. Osija 14,5.7). Bizo te činava ikjeribaja upral o Hristos sar amaro Spisitel amen kompletno ka bajrova oleste so si amaro šerutno.

I giv bajrol „majanglal kaštoro, palo odova ovel klasi em palo odo-va klasi pherdo zrnoncar“. O bavčandžia sejnel seme bajrarel e bilka so bajrol em ko agor khedela o zrnia. Ov udžarel maro e bokhalengje em seme bašo i javer žetva. Agjaar e devleskoro da bavčandžia udžarel žetva sar phursako bašo plo butikjeribathaj žrtvujbe. O Hristos mangjel pe thanjaribaja te preformirinel o vile e manušengjere. Ov odova kjerel da okolengje so pakjana ki oleste. I resarin e hristijansko dživdipaske si te anel plodi - te nevikjerelpe e Hristoskoro tabijati ko pakjivalo, a odova isto te kjerel pes i ko javera da manuša.

I bilka na bajrola, thaj na anel plodi korkoro peske, numa „te del seme te sejnel pe em maro te halpe“ (Isaija 55.10). Agjaar da ni jekh

amendar na tromal te dživdinel korkoro peske. O Hristijani si akate ki lumia sar Hristoskoro dženo te kjerel buti em te spasinel javere manušen.

Nane bajraripli thaj plodi ko dživdipa so si iramo korkoro ki peste. Te prifatingjen e Hristose sar tumaro Spasiteli, valjani te bistren tumende em te keren te den arka javeren. Keren lafi bašo o Hristoskoro mangjipa vakjeren bašo olesker šukaripa. Izvršinen sako savala so si tumengje dend. Legaren djovapluko e mahonge ko tumaro vilo em sa e faktencar so isi tume keren zori te spsinen e našavden. Kana ka priminen e Hristoskoro Duho-o duho taro majbaro mangjipa em buti javerengje tumen ka bajron em ka anen plodia. Ko tumaro tabijati ka sikaven pe o šukaripa e Duhoskere. Tumari pakjiv ka bajrol tumaro zojrakjeriba ka ovel panda pohor tumaro mangjipa ka ovel majperfektno. Sa pobuter ka sikaven e Hristoskoro muj ko sa so si užo, lačho em šukar.

„A o plodi e Duhoske si: mangjipe, lošalipe, sansari, barosabrluko, ljubeznost, šukaripe, pakjavipe, krotost, vozdržibe; kontra akala bukja



Ižetva ko sig vakti ka zreinel
thaj o Hristos ka avel palo ple.

nane kanuni“ (E Galatengje 5:22.23) Akava plodi niked nane te preperel, numa, pali pri sorta ka anel žetva savakteskoro.

„A kana o plodi ka ovel zrelo, odma bičalela pe spri, soske alo vakti žetvake“. O Hristos hor mangipaja udžarel te sikavel pe ki pli khangiri.

Kana oleskoro karakteri perfektno ka nevikjerel pe maškar oleskere manuša, tegani Ov ka avel te lel olen sar ple manuša.

Prednost sakone hristijaneske na salde te adžikerel ole samo numa te sigjarel o avajba amare Devleskoro o Isus Hristos (2. Petrovo 3,12). Kana sare okola so legarena oleskoro anav bi anen em plodi taro oleskoro baripa, kozom sigate sa o sumnal bi ovela posejmo e semea taro evangelie! But sig ka zrejnel i agorutni bari žetva thaj o Hristos ka avel te khedel akava skupceno giv.

Štarto šero

KAKOLI

(Akava šero si kjerdo premal Matejeskoro evangelie 13.24–30.37-43)

„**S**ikavgja olenge javer da parabole lafencar: „E Devleskoro tha-garipa si sar manuš so seingja šukar seme ki pli niva. Numa kana o manuša sovena sine alo oleskoro dušmani em sejngja kakoli maškar i giv em gelo peske. Em kana o seme barilo em angja plodia, tegani sikavdilo em o kakoli“.

„I niva si o sumnal!“ – vakjergja o Hristos. Numa, amen valjani te hava kaj akala lafia notirinen i Hristovo khangiri ko sumnal. Akaja parabola sikavela okola so preperena ko Develskoro thagaripe, ki oleskire sajgija bašo kurtaliba e manušengje a odoja sajgija kjerel pe prekal i khangiri. Čače, o Sveti Duh si ate ko sa o sumnal em Ov sekote kjerel buti upral o vile e manušengje, numa baš ki khangiri amen valjani te bajrova em te zrejna e Devlengere ambarengje.

„O seači e šukar semeske si o Čavo manušeskoro... O šukar seme ola si o čjave e thagaripaske a o kakoli si o čhave e hovavneskoro – džandeskoro“. O šukar seme si okola so si bijame prekal e Devleskoro lafi, taro čaćitnipa. E kakoleja sikavdi amengje jekh grupa manuša so si plodi tali zabluda, odnosno hovavne načelencar. „O dušmani so seingja le si o beng“ Ni o Devel ni oleskere melaikija niked na sejnge seme kote ka bajrol kakoli. O kakoli sako drom sejnel i satana o dušmani e Devleskoro em e manušeskoro.

Ko purab (Istok) o manuša podesavo drom kjeren sine garazi pe dušmaneske agjaar so ko zasejme nivate ka sejnen sine seme taro desavo zijankeribaskoro na šuži čar so kana bajrola sine but ličinel sine sar giv. Bajrarindo barabutne e givea o pleveli te učarel sine o prinosi, kjeribaja belje em zijani e gazdaske tari niva. Agjaarda, taro dušmanluko premal o Hristos, i satana seinel po dušmansko maškar o saste zrina taro thagaripa. O plodia taro odova seme vakjerela kaj

si e Devleskere čhaveskere. Avibaja ki khangiri asavken so salde legaren e Hristoskoro anav trujal so frdena oleskoro tabijati, o dušmani mangjela e Devleskoro anav te kajljarel pogrešno te sikavel oleskere aktia taro spasenie em te daravkjerel e manušen.



O beng seuil bilačho seme (kakoli) ko vile taro manuša an i lumiia

E Hristoskere izmekjaria si mazumi kana dikhen kaj ki khangiri heminen pe o čačutne em o hovavne pakjavutne. Ola kjeren zori ko desavo čhani te užaren i khangiri. Sar so si o izmekjaria e gazdaskere ki bavča, ola si hazri te ikaven o pleveli. Numa o Hristos vakjerel olenge: „Na, ikavindo o kakoli, šaj te ikaven thaj o giv. Muk neka bajron dži ki i žetva barabutne“.

O Hristos vakjerel sare okola soj palem grešinena valjani te oven hulavde tari khangiri, numa na dengja amen buti amen te vakjera savi si o tabijati thaj o maho javerengjiri. Ov but šukar džanel amaro tabijati te šaj te del amen asavki buti te kjera. Ked bi manga te ikava tari khangiri sa okolen so amen gndina kaj si načačutne pakjavutne sigurno ka kjera greške. But drom okolen so o Hristos mangel te anel olen popaše dži i peste amen ka anavkjera olen sar manuša so našti olen te kjera pakjivale. Kana amen bi kjera buti akale mahoncar thaj so ola kjerena odolea šaj te la olendar em i agorutni šansa.

Buteder peste so esapinen pe sar pakjavutne ko agor šaj te oven siakvde sar lokhe. Upre ki havaja ka arakhen pe buteder so ola pe komšien esapingje sar na kad'ri te aven ola da upre ki havaja. O ma-

nuša anen plo dikhiba premal o muj a o Devel adalatinela prekal o vilo. O kakoli thaj i giv valjani te bajron barabutne dži ko žetva, thaj i žetva si agor e vakteske tari kontrola.

O lafia taro Spasiteli garaven panda jekh gogjave haberi bašo but lačho sab'ri em o lačho mangjipa. Sar so si o darhia taro kakoli hemime em mešime e darhiencar taro lačho giv, agjaar da e khangi-rakjere hovavne phralja si paše phanle e čačutne Hristoskere pakjavutnencar. O čačutno tabijati akale hovavne pakjavutnengje panda sa na phučardile. Kana ola bi oven hulavde tari khangiri, šaj buteder te anen pe ko duj mujalipa thaj duj gogja so ko javer momentia bi ačhoven zorale e pakivaja.

I pouka akale misaleskiri lače si sikavdi prekal e Devleskere postaviba premal o meljaikija thaj o manuša. O Beng si hovavno. Kana ov grešingja ki havaja, em okola o respektirime angelia na prepændžargje ko sa oleskoror tabijati. Odoleske o Devel na astargja odma te peravel e benge. Te kergja sine odova o Devel, o meljaikija nane te haven sine e Devlskoro mangipa thaj jekhutnipa. O šubikeriba (i sumnja) premal o Devel ka ačhol sine oleskoror šukaripa sar bilačho seme so angja kjerkipa thaj dukha. Okova so angja o bilačhipa sine pošteditme te šaj te sikavel sa plo tabijati. Ko akala napala but zamania em vekia O Devel sine čhivdo ko pharipa dikhibaja sa akala zulimia thaj pharipa. Ov mangjipaja dengja o nalimitirimo Bakšiši tari Golgota so na mukhlja koni te ovel ando ko hovavne lafia e hovavne manušeske em o pleveli našti te ikavel pe bizi dar odolea te na ikavel pe em okova šukar giv. Odoleske nali valjani amen da te sikava sabrluko premal amare paše sar o Devel ko del em ki phuv so sikavgja premal o beng ?

O sumnal nane la niami te kjerel šube ko čačutnipa e hristijanstvoske salde odoleske so ki khangiri isi narespektirime em na kad'ri pakjavutne, ni o pakjavutne na valjani te oven mazumi sebepi olenger-e hovavne phralja. Sar sine adova ki avgutni khangiri? I Ananija thaj i Safira ale maškar o javer sikel. O Simon o Vražari sine krstimo. O Dimas so hovavgja e Pavle sine esapimo sar pakjavutno. O Juda o Iskari gejnel pe sine maškar o apostolia. O Otkupiteli na manglja te našavel ni jekhe manuše; oleskoror džanlipa e Judaja sine notirime te

šaj te sikavel oleskoro baro sabrluko premal i izopačimi manuškani prakrt, em akharela amen da te ovel amen sab'ri premal asavkende, dikhibaja o Leste amenda agjaar te kera. Ov vakjergja kaj ki khangiri ka arakhen pe asavke hovavne phralja sa dži ko agor e vakeske.

Uzal so o Hristos opomeningja o manuša palem kjeren sine te ikaven o kakoli. Te šaj globinel (kazninel) sa okolen so havljargja olen sar dušmania thaj zulumdžie, i khangiri ikjergja pe upral o civilno legaripa. Sare okola so pakahan sine ko javer taro okola so sine astarde doktrine odoleske sine maltretirime thaj mučme em mudarde. Odova kjeren sine manuša so vakjeren sine kaj odoleske isi len izini (odobrenie) taro Hristos. Numa, odola olengere delija sine inspirime taro duho taro bemg a na taro Hristoskoro Duho. O Satana kjerel sine odoja metoda te šaj i lumia te čhivel la teli pli kontrola. I khangiri grešno sikavgja e Devle akale aktencar premal okolende so oj sikavgja olen sar eretikia.

Akaja parabola taro Hristos sikavel amen te na adaletina thaj te kritikujna amare pašen, numa te ova potele (ponizna) em ma te ikjera amen upral amende. Ne šukar sako seme so si sejmo. Fakti si kaj sako okova so si ki khangiri odova na sikavel kaj si da pakjavutno.

O kakoli čače si slično sar i giv sa dži kote o patrina (listia) si zeleno; numa kana o zrno ka zreinel te šaj te khedel pe o pleveli odma hulavel pe taro giv laskere klasia teljoven upral o sasto thaj zrejmo zrno. O grešnikaia so kjerena pe kaj pakjan ko Devel šaj desavo vakti te oven e čačutne vernikoncar taro Hristos em olengoro prekerdo hristijanstvo kjeren te šaj te hovaven butederen numa kana ka khedel pe e phuvjakiri žetva nane te ovel pobut jekh a jekh maškar o šukar em o zulumi. Tegani ka dikhen pe sare okoloa so ale ki khangiri, numa na phanle pe e Hristoseja.

E pleveleske si mukhlo te bajrol barabutne e givea te raatinel sa o šukaripa e khameskere thaj e biršimeskere numa ko vakti taro žneiba „ka razlikujnel pe o čačitno taro hovavno okova so sajginel e Devleske taro akava so na sajginel oleske“ (Malahia 3,18). O Hristos ka rešinel ko si dostojno te dživdinel ki havaj, zaedno sa e javere manušencar. Ov ka adaletinel sako manušeske premal o lafia thaj o delija. Ko

oleskere kriteriumia i čuči pakjiv si khanči. O tabijati ka odlučinel baši jazija sakone manušeske.

O Spasiteli na vakjergja kaj niked ko avutnipa sa pleveli ka ovel giv. O pleveli thaj i giv salde šaj barabutne te bajron dži ko žneiba, dži ko agor e lumiake. Tegani o kakoli ka ovel phanlo ko snopia te šaj te tharel pe a o giv ka ovel khedimi ko Devleskere hambaria. „Tegani o nijamale (pravednikija) ka rošaren sar kham ko thagaripa taro plo Dat.“ Em „e Manušeskoro čavo ka bičhavel e melaikon so ka khedel



Kana ka žneinel pe o kokoli ka ovel
phanlo ko snopia te šai te tharel pe,
a i giv ka khedel pe ko Devleskere
hambaria

olen taro oleskoro thagaripa sa so okova anel dži ko bezeha em okola so kjeren zulumia em ka frden len ko jagalo kjumbeti em odori ka ovel pišta em stegiba o danda“.

Pandžto šero

ODOVA SI SAR ZRNO TARO SINAPI

(Akava šero si kjerdo premal Matejeskoro evangelie; e Markoskoro evangelie 4,30-32; em e Lukaskoro evangelie 13,18.19)

Maškar o but manuša so šungje e Hristoskere gogjavera lafia sine em but fariseia. Ola prezireja notirinena sine sar hari džene taro okola so šunena le sine angigjarenala (priznanjge le) sar Mesija. Pučena pe sine maškar peste sar šaj Odova prosto sikavno te vazdel e Izrael ko nivelo dominatno nacia ki lumia. Bizo barvalipa, bizo takati thaj čest sar šaj Ov te kjerel plo nevo thagaripa? O Hristos drabargja olengere gndina em odoleske dengja olen džovapi: „Sar ka sikava e Devleskoro thagaripa? Save paralelaja te sikava ole?“. Akale sumnaleskoro vlasti nisar našti sine te lel len sar paralela. Ni jekh dizjakoro sasoitnipa (opštstvo) našti sine te ovel oleske sar simbolika.

Odoleske vakjergja olenge: „E havajakoro thagaripa si sar zrno taro sinapi, kote o manuš lela le thaj sejnle le ki pli niva, odova čače si majtikno taro sa o semia, ama ked ka bajrol pobaro si taro sa o gradinarsko plodia em ovel kašt, pa e havajakere čiriklja aven em kjeren peske gnezdia ko olengere salčina(granke).“

O nikulco ko seme bajrola ikjeribaja e dživdipaskoro načelo so dengja len o Devel ki oleste. Oleskoro bajraripa na athinela taro manušeskoro takati. Agjaar da e Hristoskere thagaripaja. Odova si nevo kjeriba. O načelo taro oleskoro bajrariba si kontra taro o aktia so leagrel pe o thagaripa akele phuvjakoro. Akate ki phuv o legarutne ikjeren pe salde zorea, em po legaripa ikjeren le maribaja. Numa okova so kergja akava Thagaripa si o Knezi e Sansareske. O Sveto Duho akale phuvjakere thagaripa sikavel len sar simbolia taro suko džungale zveria a o Hristos si „Devleskoro Bakhro so lel upral peste sa o bezeha taro sumnal“ (Jovan 1,29). Ko oleskoro plani taro legaripa nane than džungale zoreske so ka phagel i sovest. O Jaudie udžarena

O Hristos si Devleskoro Bakhiro so
lel upral peste sa e lumiajere be-
zeha.



sine e Devlskoro thagaripa te ovel jekh a jekh sar so si akale phuvjakere thagaripe. Te šaj te buvljaren jekhipa ola kjeren sine represivna merke. Kjeren sine metodia thaj plania. Ama o Hristos ko vilo e manušengje sadinel sine načelia. Sadibaja o čaćipa em o nijamalipe (pravednost), Ov odolea ikavel sine olendar o duj gogjalipa em o bezeha.

Kana o Isus vakjerel sine akava misal sakote šaj sine te dikhel pe i bilka sinap sar uštel upral i čar em i giv em sar olakiri krošna šukar tari bavlal mrdinela sine. O čiriklja rupinen sine tari salčin ki salčin em giljaven sine maškar o but patrina. Numa taro seme sostar barilo akava kaš preperel maškar o majtikne semia. Odova majanglal mukhel tikno darhi numa pherdo dživdipaskere takatea, so but bi bajrola sa dži kote na bajrol sar baro kašt. Agjaar em e Hristoskoro thagaripa ko ko suro sine sar skormno em na but ki jakh. Ki paralelea akale phuvjakere thagaripnencar odova sine but potikno olendar. Akale phuvjakere legarutnencar o vakjerina kaj o Hristos si thagar sine lenge but smešno.

Numa, e takatea so dobingle le taro Devel oleskere sledbenikia akale thagaripastar dengje ole devlikano dživdipa, em ov sine but sig bajrola em oleskoro vlijanie sine čače zoralo. Kana o Hristos vakjergja akavaja misal, akava thagaripa sine legardo taro nekobor galilejsko bukjarne. Olengoro čorolipe thaj but hari manuša so sin lencar, sine navedimi sar sebepi soske na valjani sine te priključinen pe o manuša adale prosto ribarencar kola so cidingje palo Isus. Ama o seme taro sinapi valjani sine te bajrol thaj te buvljarel pe salčina ko sakova tan taro sumnal. Dži kote e phuvjakere thagaripa, kaskoro baripe ko

odova vakti čhivela sine ko čudo e manušikane vile nakhena sine em našavgjovena, e Hristoskoro thagaripa panda tergjola sar zoralo em savakteskoro takati.

Agjaar da o delo taro devleskoro šukraupa em mangipa ko vile taro suro dikhel pe sine sar tikno em na bare takateskoro. Ka vakjerel pe lafi, o maho ka rošarel rošalo zrako, ka hosinel pe vlijanie so isi le nevo dživdipa em ko šaj te vakjerel o definitivno rezultati!.

E misaleja taro seme taro sinapi detalno si sikavdo o bajrariпа taro Hristoskoro thagaripa. Ple khangirake o Devel ko sako vakti isile sine posebno čačipa em posebno buti. O čačipa so si garavdo taro akale phuvjakere gogjaver manuša sikavel pe salde okolenge so si skromno thaj ednostavna sar čhaye. Oj akharel ko kurbani soske valjani te legarel plo mariba em te resel i pobeda. Ko starti hari si okola so tergjon pali olate. Akale phuvjakjere bare manuša em akale phuvjakere khangiri olende ponižinen sine em palden olen sine. Te dikha e Hristoskere verno čavo o Jovan Krstitel, sar korkoro ačhol te ukorinel i baripe(gordost) thaj formalizmi e Jaudijengoro. Te dikha e avgo propovednikon ki Europa. Kobor garavde em bizo pakjiv sine i misia taro Pavle thaj o Sila, duj šatrodžie kana ple pridružnikoncar tari Troada gele vaporea ki Filiba.

Te dikha e „phure Pavle“ ko prangie sar propovedinel e Hristose ki prestolnina taro rimsко cezari. Te dikha o tikne brigade taro robia em bukjarbe ko mariba mujal o paganstvo ko imperialno Rimi. Te dikha e Martin Luter kana kjerel kontra i zorali khangiri so si remek delo taro akale phuvjakoro gogjaveripa. Te dikha sar zorale ikjerel pe



upral e Devleskoro lafi kontra o imperatori thaj o papa em vakjerela: „Akate tergjovav em našti javer čhane ! O Devel te arakhel man !“. Te dikha e Džona Veslia sar propovedinel e Hristose thaj oleskiri pravednost anglal o formalizmi, senzualizmi thaj bi pakavijbe. Te lošara (voshitinamen) e terne manušeske kote so hošinel pe e izetlukoja (stradanja) tar pagansko sumnal em rodel šajdipa (uslov) te legarle o haberi taro Hristoskoro mangipa. Te šuna o džovapi taro klerikia: „Beš ternea ! Te manglya o Devel te iranel okolen so pakjana ko but devle ov odova ka kjerel ole bizo tlo em mri arka!“.

O avdisutne religiakere glavatoria kjerem spomenikia okolengje so seingje o seme taro čaćipa ama ko nakhlo vakti. Numa buteder olendar iranen taro drumia em ple prencar gazinen e čajra so barile olendar thaj taro odova seme. Iranel pe palem i purani čhingar: „Amen džanaja kaj o Devel vakjergja e Mojsieske, a koj si akava (O Hristos ko liko e vesnikoske so bičhavela le) na džanaja“. (Jovan 9,29). Sar nekana o glavna čaćipa ko akava vakti arakhle e na hangirakere avtoriteten, numa e murša em džuvla so nane ni but educirime thaj na but gogjaver te šaj te iranen ma te pakjan ko Devleskoro lafi.

„Phraljalen len ko čaćutnipe tumaro zvanje kaj na sine odokhar gogjaver ko trupo, na sine zorale thaj but taro blagorodno sorta, numa o Devel alusargja okova so si bigogjakoro ki lumia te šaj te ladžarel e gogjaveren okolen so nane len takati ki lumia, o Devel olen alusargja te ladžarel e zoralen, em okola so na vredinen, so si prezrime ki lumia thaj so si khanči. O Devel olende alusargja te šaj poništinel okolen so si nešto“, „te šaj tumari pakjiv te ikjerel pe upral manušikano gogjaveripa numa upral Devleskoro zoralipa thaj takati (Korinkijania 1,26-28:2,5). Ki akaja agorutni kustik o misalja taro sinapeskoro seme triumfalno ka phergjon. O tikno seme ka bajrol sar kaš. O agorutno haberi opomenaja thaj mangipaja ka havljarel pe ki „sako nacia, talukava (pleme), čhib thaj jeri“ (Otkrovenie 14,6-14) „te šaj o Devel te khedel peske djijani bašo plo anav“ (Delia 15,14). Em i phuv ka rošarel taro oleskoro baripa“ (Otkrovenie 18,1).

Šovto šero

JAVER GOGJAVER VAKJERINA TARO SEIBA E SEMESKE

O seiba e semeske thaj bajrariba e čajrengje ikjarel thaj javera moldikane(vredna) em barvale gogjaver lafia te sikaven pe o čhave ki familia thaj ki sikkla(škola). E čhaven em ternen valjani te sikava olen e procesenge ki prakrt te dikjhen olen sar rezultati taro devlikane takatia thaj te kjera olen hazri ki vera em te dikjhen oleskere nadikhle šukar bukja. Kana ka haven kaj o Devel ko but lačho čhani čaljarel o mangjina tari pli bari familia thaj amen valjani te kjera buti olea, olengoro respekti ko Devel ka bajrol em ka ovel olen panda pošukar dikhiba e Devleskere takateske thaj pobari pakjiv ki oleste. O Devel kjergja o seme sar so kjergja em i phuv lafea. Lafea dengja le takati te bajrol em te oplodinel pe. Vakjergja: "Te barjol tari phuv čar-semeneskiri čar plodonosno kaštea kote sako premal i sorta so legarel ki peste o seme! Em odova ulo. O Devel dikhla kaj odova si šukar" (1. Mojsieva 1,11,12). Odova lafi kjerel em avdive o seme te bajrol. Sako semka kaskoro rkulco si telal i vlijanie taro kham bajrol sar čaj-



rali čar, sikavel čudotvorno takati e lafeske so vakjergja ole. Okova so vakjergja „vakjergja - em sa ulo, ov dnegja ikrari (naredba) – em sa sikavgja pe“ (Psalm 33,9).

O Hristois ple siklen sikavgja olen te molinen pe „Amaro našuko maro de amen avdive!“. Sikavibaja premal i luludi dengja len lafi: „Em o Devel te uravgja agjaar e plaineskere lulugja... nane li te kjerel panda pobut tumengje o manušalen so isi tumen tikn pakjiv?“ (Matej 6,11.30). O Hristos načchinavdipaja kjerela sine buti te šaj te del džovapi asavke molitvake em te pherel sa o dende lafia. Argatlukoj a manušeske jekh nadikhlo takati kjerel te uravel ole em te parvarel ole. Em Ov ko čačutno odnosi anela sa so valjani bašo perfektno žneibe. Akava čaćipa but šukar lafencar o psalmisti vakjergja:

„Grižineja tut e phuvjake em deja la pani,
Em raskošea kjere la barvali;
E Devleskere haingoncar, phergjola pani,
Giv te den, sar so dengjan vakjeriba,
O nalija (brazda) sapankerea, o grutke ramnonea,
Biršimencar kovljareja la, em o plodia blagoslov deja
O berš resarena barvale plodencar
Te arabe si pre pherde !“

(Psalmi 65,9-11)

O materialno sumnal arakhel pe telal e Devleskro legaripa. I prakrt pokorinela pe e kanunengje tari natura. Sa olate vakjerel thaj šunel o mangipa e Devleskoro. O badala em i roš e khameskiri, i drošin(rosa) em o biršim, i bavlal em o kiometi, sa si telal Devleskiri kontrola em traindo pokorinena pe leskere lafengje. Kana pokorinela pes e Devleskere kanunegje o nikulco tari phuv „majanglal mukhel kaštoro, palo odova klasi em palo odova klasi pherdo zrnoncar“ (Marko 4,28). Sa odova o Devel kjerela le ko vakti kana valjani soske o pojave tari prakrt sikavina kaj si jekh a jekh oleksre delujbaja. Šaj li, tegani, o manuš, kerdo premal e Devleskiro muj, so isi le godi em barval da te šaj te

kjerel lafi te ovel jekhutno suštestvo so na sajdinela oleskere bakšišia, em jekhutne so na perela potele taro oleskoro mangipa? Zarem salde o gogjaver suštestvia kjerena haosi ki amari lumia?



Ko sako reoni dživdipaskoro ko sa so si dendo e manušeske spatalipe kjerela pe salde barabutne kjeriba buti maškar e devlikane em manušikane zorea. Nane ženeiba te na o manušikano vast na kjerel plo kotor tari buti, te na seingja o seme. Numa bizo okova so dela o Devel, sar so si kham thaj bršim, nal(rosa) thaj badal(oblako) nane te oven plodia. Agjaar si ko sako butikeribaskoro akti, ki sako salčin kana formirinel pe o tabijati sako salčin taro hristijansko aktiviteti. Amen valjani te kjera amari buti numa amencar valjani amengje em deveskoro takati soske te na asa amaro kerdo zori ka ovel bizo efekti.

Sako drom kana o manuš ka resel te kjerel khanči ko duhovno jali akale phuvjakoro reoni, ov valjani te ovel le ki godi kaj odova sa kjerela le ko butikjeriba e Devlea. Amen valjani te džana kaj odova našti te kjera bizo Devel. But bari pakjiv daja e manušeske em butikjera amen upral o pronajdokia so arakhlja len o manuš. Javere rigatar but hari pakjiv isi amen ko Develskoro takati so si hazri te del amengje. „Amen siam e Devleskere paše manuša“ (1. Korinkjania 3,9). Zanemarlivo si o kotort so isi le o manušikano alati; numa, te phanla pes e Hristoseja sar božestvo, odova šaj te resel sa e takatea so dela le o Hristos.

O čhani sar i čar pohari bajrola taro seme – „maj anaglal tikno kaštoro, palo odova klasi thaj palo odova klasi pherdo zrnoncar“ – dela praktično gogjaver lafi sar valjani te sikaven pe o čhave. Baš Okova so vakjergja akava misal kjergja i tikni semka, em sadinja olake e dživdipaskere osobine em čhivgja o kanunia bašo legaripa ko olakoro bajraripa. O čačipa so sikavela akaja parabola ule dživdo čačipa ko oleskoro dživdipa. Em ki pli fizičko em ki pli duhovno prakrt, Ov dikhela sine e devleskoro raspored taro bajrojba sikavdo e bilkaja, i odova isto mangjel te kjerer le o terneda. Trujal so sine havajakoro Veličistvo, Thagar e baripaske, Ov bijandilo sar bebe ko Vitleem em desavo vakti sine tikno čhavoro so dikhel le sine oleskiri daj. Ko plo čhavoripa ov sine gogjaver thaj čavo so šunela. Kjerel sine lafi em dejstvujnel sine sajgijbaja gogjaveripaja sar čavo, a na sar baro manuš, respektiribaja pe jerien em pheribaja olengere mangipa ko čhani so isi le hairi, premal o džanlipa sar so šaj te ovele jek čavo. Numa, ki tako periodi taro plo baripa sine perfektno, sikaviba ja ednostavno but lačho naturakoro šužipe taro dživdipa bizo bezeha. Bašo oleskoro čhavoripa o raporti vakjerela; „O čavo bajrola sine, keriba džajbaja angle ko gogjaveripa em e Devleskoro šukaripa sine



O Isus bijandilo ko Vitleem, sar
biarkakoro čhavoro

upral oleste“. Bašo oleskoro ternikano periodi sine notirime: „O Isus džala sine angle ko gogjaveripa, ko bajraripa em ko blagonaklonost angla o Devel em angla o manuša“ (Luka 2,40.52).

Akate si anglohavlajrdo kotor so kergje o jeria em o sikel. Ola valjani te kjeren zori te bajraren em te kjeren len šukar e ternen agjaar so ki sako etapa taro olengoro dživdipa te šaj te rošaren e naturakere šužipaja so sine ko odova periodi te bajron normalno sar so bajron o čajra ki bavča.



Ko plo čavoripa o Isus džal sine angle em buvijragjovel sine sar sako temo čavoro

Majmangle si o čahve so ačona prirodna hem na pipime. Nane gogjaver te dikhen pe ola ekstra em anglal olende te vakjerel pe sa okova so ola vakjergje le gogjaver. I sueta na tromal te ikjerel pe istaknibaja lengoro izgled hem vazdibaja nengere lagfija em delija. Na valjani te uraven pe ko desavo skupo em barvalo šej. Odova šaj te kjerel sebičnost thaj baripa ki olende šaj te džangavgjovel kskanluko ko vilo lengere amalende.

O čhave valjani te oven vospitime ko čavorikano jekhutnipa. Valjani te sikaven pe ko tikne em prosto savale, em čalipaja thaj džanlipaja premal olengere berša. O čahvoripa si sar o tikno kaštoro ko akava misal em sikavel pe odole šužipaja. E čhaven na valjani te čhiva angleder te oven ki kodi pherde, numa te da len arka so šaj po lungo(dugačko) te ikjeren plo šužipa ko ple tikne berša.

O tikne da čhave šaj te oven hristijania, te resen džanlipa so si jekh a jekh olengere beršengje. Odova si sa so o Devel adžikerel olendar. Olenge valjani duhovno siklojbe. O Jeria valjani te arakhen lenge sa o potrebna bukja za te šaj te formirinen po tabijati premal o misal taro Hristoskoro tabijati.

Premal o kanunia so dengja len o Devel ki prakrt, bizo greske o posledice si but bare jekh a jekh e karanaja. I žetva vakjerel savi sine i seidba. O našukar bukjarno došjakjerelale oleksoro akti. I žetva si oleskoro tasviri. Odova niami si jekh a jekh em ko duhovno čhani, i pakiv sako bukjarneske merinel pe e rezultatea taro oleskoro butike-



O tikne čhave si okova kaštro
tari parabola



riba. O tabijati taro oleskoro delo sine kjerdo mukaja jali bizi muka ka sikavel pe ki žetva. Baš agjaar sikavel pe oleskiri jazia bašo oleskoro sadživdipa. Sako seimo seme anel žetva premal odoja sorta. Odova si agjaar em ko manušikano dživdipa. Amen valjani te seina seme taro sožaliba, seme taro respekti thaj mangipa, soske ka žneina sar so seingjam. Sako sebičnost, egoizmi, korkorvazdipa sako pomukhiba anglal amende ka anel žetva premal o kjerdo. Okova so dživdinel peske seinel ko plo trupo em o trupo ka žneinel preperiba.

O Devel nikaste na peravel. Sako so si peravdo peravgja pe korkoro ov. Sako so frdela pestar o dende šukar lafija so te na kerel pes taro sovest, seinel seme taro bi pakjutno, em odova ka anel em asavki žetva.. Ko purano vakti, kana frdingje i avgo Devleskori opomena, o faraoni seingja seme taro zoralo šero em žneingja inati. O Devel na čhivja le zorea te pakjal ki oleste. O seme taro napakjaviba so seingja, angja ko jekh asavki da žetva.

Em agjaar oleskoro kontririba džal sine poodorig sa dži kote ole-skere jakha na dikhle oleskiri mulani phuv, šudro mulo trupo ple majmangleske, sa pe majmanglengje ko plo kher em ko sa o jerije ko

plo thagaripa sa dži kote o panja taro Lolo denizi(more) na učhargje pe upral oloeskere grasta, maribaskere arabe em askeria. Oleskiri historia si daravutni slika e čaćipaske ki vakjerina: „Sebepi so o manuš ka seinel odova da ka žneinel“ (O Galatia 6,7). Te resle o manuša te haven odova ka oven pobaro samaja (vnimanje) sa dži kote dikhen savo seme ka seinen.

Kana o sejmo seme ka anel žetva em palem ka seinel pe, o plodia buteder ka oven pobare. Akava kanuni zojrakjerel pe em ko amare odnesija amare pašencar. Sa ko akti em sako lafi si seme so anel plodi. Sako akti ko kjerdo mangjipa šuniba jali korkoro chidiba, ka kjerel pe em ko halovela em prekal olende ko but javer da. Agjaar sako akti tari kskanluko, dušmanluko em hulavipa, ka ovel seme so ka bajrol sar „darhi taro kerkipa“ (Jaudie 12,15) kote buteder ka oven rumime. A kbor ka ovel o numero saren okolen so ka trujnen sar „buteder“! Em agjaar da seinel pe o seme – lačho jali bilačho akanaske thaj savakteske.

O seiba o seme ki peste isi le gogjaver lafi e bare šukaripaske thaj ko duhovno e akale phuvjakoro reonia. O Devel vakjerela: “ Halali tumengje so seinen uzal sa o panja“ (Isaija 32.20). „A akava vakjerava tumengje: okova so seinel pohari, pohari ka žneinel, ko seinel pobut, pobut ka žneinel“ (2. Korinkjania 9.6). Te seinel pe uzal sako pani odova si sako momenti te hulaven pe e Devleskere bakšišia. Odova si te del pe sako drom kana e Devleskoro akti jali valjanipa e manušipaskoro rodena amari arka. Ov nane te kjerel amen čorole. „Ko seinel pherdo, pherdo ka žneinel!“ O seači kjerel pobut po seme seibaja. Odova ovela em okolengje so respektujme pakjana ko Devel em hulaven e Devleskere bakšišia. Dejbaja javeren ge ola kjeren peske da šukaripa. O Devel dengja len lafi kaj ka ovel olen but te šaj te den poodorig da „Den em ka del pe tumengje da: šukar mera – tiskimi, tresimi prepherdi ka ovel dendo tumengje maškar tumare čanga“ (Luka 6,38).

Seibaja thaj khedibaja o plodia astarde si pobuter. Kana hulavaja olen e Devleskere akale phuvjakere šukar dende lafia fakti si kaj amere mangipaske em si čuvstvo em šukar lafia premal o Devel vazden em

ko vilo okoleske so priminela len. O than e viloskoro si hazri te priminel o seme taro duhovno čaćipa. A okova so dengja seme e seačeške ka kjerel sa odova te bajrol em te anel plodi bašI savakteskoro dživdipa.

Seibaja o seme ki phuv o Hristos sikavgja pe em gelo sar baro kurbani so korkoro dengja pe te šaj te ovel ko amaro than. „Čače, čače vakjerava o zrno tari givte na pelo kli phuv em na merel ka ačhol korkoro!“ vakjergja: „A te mulo ka anel but plodi „(Jovan 12,24). Agjaar o meriba taro Hristos angja plodi ko Devleskoro thagaripa. Premal o kanunia taro akale bajarribaskoro thagaripa, o dživdipa ka ovel konsekvenca elskere meribaske.

Em sare so mangjen te anen plodi sar Hristoskjere argatija ka valjani majanglal te peren ki phuv em te meren. O dživdipa valjani te ovel frdimo ki nal(brazda) bašo o potrebe e lumijakere. O sebičluko em o dušmanluko valjani te meren. Numa o kanuni taro kurbanluko si ko istovakti kanuni taro korkoroikjeribe (samoodržuvanje). O seme so si parumo ki phuv anel plodi so poodorig da sejnelpe em agjar o lunipe(i žetva) pobut bajrola. O bavčandžia arakhel po seme frdibaja kana seinel. Odova agjar ovel em ko dživdipa e manušencar te del pe odova si te dživdinel pe. Ka ovel arakhlo okova dživdipa so korkro dela sa e Devleske em e manušeske. Sare so bašo Hristos džana kurbani em den po dživdipa ki akava sumnal, ka arakhen le bašo savakteskoro dživdipa.

O seme merel te šaj olestar te bajrol nevo dživdipa. Odolea dela pe amengje gogjaver vakjerin bašo voskresenie. Sare so mangjen e Devle ka dživdinen palem ko Edem upre ko Del. E manušikane truposke so kirnol ko limor, o Devel vakjergja; „Seinel pe ko kirnaripa, seinel pe ko načesnostia numa voskresinel pe ko baripa, seinel pe ki biztakati numa, voskerisnel pe bare takatea“ (Korikjania 15,42,43).

Akavasi salde nekobor taro baro numero dende gogjaver lafia so šaj te sikljava len tari prakrt taro misal e seačeа em e semea. Kana o jeria thaj o sikle ka kjeren zori te legaren poodrig akala gogjaver lafia

odova delo valjani te kjerel pe em ko praktikano čhani. O čhave korkoro ka hazrkjeren i phuv em te seinen o seme. Dži kote kjerena buti o jeria thaj o sikle šaj te vakjeren olemge baši i gradina e vileskiri em bašo šukar em bilačho seme so šaj te seinel pe ki oleste kaj o vilo valjani te ovel hazri bašo o seme e čaćipaske sar so i gradina valjani te ovel randimi te šaj te prominel o seme. Kana o seme ka seinel pe ki phuv ola šaj te kjerena lafi e meribaske taro Hristos, kana ka ikljol o nikulco šaj te vakjeren o čaćipa bašo voskresenie. Kana i čar ka bajrol šaj te kjerena paralele maškar o duhovno seiba em o seiba ki prakrt.

Agjaar em premal o terne valjani te kjerel pe odova. Ola valjani te sikljon te randen i phuv. Šukar bi ovel kana sako škola isi la but phuv kjeribaske. Odoja phuv valjani te dikhel pe sar Devleskiri siklana, a sa so si ki prakrt sar Devleskoro lil so tergjol olengje te istemalkjrefen oleskere čhavenge šaj te resen džanlipa baš i edukacija e mahoske.

O randiba e phuvjake o lačhariba em užipe e phuvjake ka šaj te oven sar savakteskoro than taro goghaver dende lafia. Ni jekh nae te kamel te ovel ki disavi mukhli phuv em te udžarel kaj oj odma ka del reslige(plodia). Anglal te sejnen pe o seme, ka valjani te den pe bare ozfbilna hem istrajna takatija te hazrkjeren pe i phuv. Odova ovel



Inatura si e čhavenge baro
Devleskoro sikičjojaskoro litoro

agjaar em e manušikane vilea. Sare so udžaren spastalipe ko butikeriba odole phuvjake valjani te kjerena buti Devleskere lafea ko ple vile. Tegani ola ka dikhen kaj o Sveto Duho ple tikne thaj šukare presiaja kjerel buti upral i phuv e viloskiri so nane kjerdi buti. Ko hanibe e

phuvjake te na dengjepe seriozna naporija te kjerel pe buti nane te ovel ni lunipe. Akava šaj te ovel em e vileskere phuvjaja. Angleder te šaj te anel plodi em baripa e Devleske upral oleste valjani te ovel e Devleskoro Duho so ka kjerel le krotko em gudlešukraipaja.

I phuv nane te del le plo barvalipa okole so kjerel buti sig, upraldan em bizo mangjipa. Oj rodelia gogjaver thaj sakodiveseskoro butikeriba. Oj rodel te hanel pe sako drom, hor te šaj te chidel pe o pleveli so lel o hajbe taro šukar seme. Agjaar okola so randen em so seinen udžaren em o lunipe; em ni jekh olendar na tromal pli bavča te dikhel la mazumi em bizi pakjiv.

E Devleskere dende gudle lafia ka oven upral okola so agjaar kjerena i buti ikavibaja duhovno gogjaver lafia tari natura. Ko randiba e phuvjake o bukjarno na džanel sa so šaj te iklol anglal oleste. Trujal so na tromal te mukhel o dijbe godi(sovetija) so dengje le o podžarde manuša trujal na tromal te frdel o iformacie so dengje le o sikle stručnakia, ov valjani korkro peske da te khedel džanlipa. Odova valjani te ovel kotor tari oleskiri praksa. O hanibe e phuvjake sako drom ka ovel em sar edukacia e mahoske.

O inspiratori amare postoibaske, e havajakoro Thagar, si Okova so del arka o seme te niknojnel so arakhel le em dive em rakj so del le takati te bajrol. Ov pobut kjerela zori em pobut garavela pe čhavengje. Dži kote o manuš sar seači seinel o seme te šaj ikjerel akale phuvjakoro dživdipa e devleskoro Seači seinel o maho e semea so ka anel plo reslipe savakteskere dživdipaske.

Eftato šero

„E DEVLESKORO THAGARIPA SI SAR O KVASACI“

(Akava šero si kjerdo premal Matejeskoro evangelie 13,33 thaj e Lukaskoro evangelie 13,20.21)

Buteder educirime thaj bare manuša avena sine te šunen e proorko taro Galileja. Neko olendar bare interesiribaja dikhen sine e bute manušen so khedingje pe uzal o Hristos dži kote kjerel sine lafi uzal o devrijali. Ko odola but manuša arakhen pe sine manuša taro sa o klase. Sune dujmujale, a napismeno, so mangjen peske uravde ko partalia, čora, kote ko olengere muja dikhel pe sine štembili tari doš(krivica), deformirime, mukhle, trgovcia, haljazia, bare em prezirno barvale thaj čorole em sare bucinen pe sine uzal o Hristos maren pe sine thaneske ko oleskoro pašipa te šaj te dikhen ole em te šunen ole. Dikhibaja akva na sako diveskoro, khediba okola o educirime manuša pučena pe sine: čače li e Devleskoro thagaripa si kredo taro asavke manuša? Em palem o Spsiteli dengja le džovapi parabolaja:

„E Deleskoro thagaripa si sar o kvasaco so lel le džuvli em čhivel le ko trin kotora varo sa dži kote na sa o varo na resla“.

Maškar o Jaudie o kvasaco po desavo drom istemalkjerel pe sine sar simboli bašo bezeha. E manušengje sine vakjerdo te chiden sako kvasaco taro ple khera ko vakti taro baro dive Pasha ko čjani sar so sine vakjerdo te chidel sako bezeh taro plo vilo. „Iranen sama ko farisejsko kvasaco so si dujmujalipa“ (Luka 12,1). O apostoli o Pavle kjerel lafi bašo „kvasaco taro dušmanluko thaj bilačhipa“ (1. Korinkjanja 5,8). Numa, ki akaja parabola taro Spsiteli o kvasaci sikavel

pe sar simboli ko havajakoro thagaripa. Olea sikavel pes amengje e dživdipaskoro iranibaskoro takati taro Devleskoro šukaripe.

Khoni nane odobokhar ko bezaha, ni jekh na pelo odobor hor za te šaj te arakhel pe avrial taro doseg taro akava takati. Sare so mangjen



E Deleskoro thagaripa si sar o kva-
saco so čhivel pe ko varo

devleskore
LAFIJA

te peren anglal o Sveto Duho ka ovel olenge sadime nevo dživdipakso-ro akti. Ko manušikano jeri ka valjani palem te nevikjerel pe o našav-do devleskoro muj. Numa, e manuše našti te preobrazinel le oleskiri mangin. Ki oleste nane nisavo takati te šaj te kjerel odoja trampa. O kvasaci si odova so si avri olestar valjani te čhivel pe ko varo anglal te kjerel i mangli trampa. Odoleske o grešniko valjani te astarel e Devleskoro takati mangipaske so ka kjerel kad'ri te khuvel ko thagaripa e baripaske. Sa i kultura thaj o edukacia so šaj te del o sumnal ka doživinen naspastalipe(neuspeh) kana o ponižimo čhavo e beze-hengoro te kjerel le devlikano čhavo. O takati so nevikjerel valjani te avel dži ko Devel. I trampa šaj te ovel salde e takatea taro Sveto Duho. Sare so mangjen te oven kurtalime o respektirime, o prezirime, o barvale thaj čorole valjani te čhiven pe telal odova takati.

Sar o kvasaci so čivel pe avrijaldan a o delujnela andral kana ka mesinel pe e varea agjaar em e Devleskoro šukaripa, nevikjeribaja o vilo, iranel em o dživdipa. I avrutni trampa nane but baši harmonia e Devlea. Isi pherdo so mangjen te reformirinen pe korekcijaja akava jali okova bilačho tabijati, mangipaja kaj ka oven hristijania numa ola star-

tujnen ko pogrešno than. I avgo(prvo) trampa valjani te ovel ko vilo.

I ispoved tari pakjiv thaj sadiba o čačipa ko vilo si duj dijametralno) ulavde bukja. Nane dovolno salde te preprendžarel pe o čačipa, soske našti te preprendžara o čačipa a ko odova vakti te na trampingjam o gndijpa thaj hoši. O vilo valjani te iranel pe em te posvetinel pe.

O manuš kjerel zori te ikjerel o devleskere aktia soske džanel kaj odova si oleskiri savala - soske odova olestar rodelo pe – soske nane te zapebdžarel olakiri loš rados), so ikljol taro odova kana šunela. Ov na šunela em na kandela! Keda e devleskere rodariba o hošinenape (čuvstvinena) pe sar savala, ola aven sar pharipa soske si kontra taro manušikano tabijati šaj te hava kaj odova manuš na dživdinel čačutne hristijanski. Čačutno šunipa si delo so kjerel buti andral. Odoja ikljola taro o čačipa tari mangipa premal e Devleskoro kanuni. O dejbe prioriteti premal amaro Otkupiteli si vilo sakone jekhipaske. Odova ka legarel amen te kjera okova o čače soske si čače-soske salde agjaar ka kjera šukar so ka dikhel o Devel.



O baro čačipa ki transformacia amare vileske si o takati taro Svetu Duho si sikavdi prekal o lafia so bičhavgja o Hristos e Nikodimeske: „Čače čače vakjerav tuke te na bijandilo neko upraldan, ov naštite ovel taro Develskoro thagaripa... Bijamo trupo, si trupo si, bijamo taro Develskoro duho si duho. Ma čudin tut so vakjergjum tuke valjani te bijangjovel upralda. I bavlal phudel kaj mangel oj. Šunava o šumi, a nadžanena kotar avela thaj kote džala. Agjaar si sako so si

bijamo taro duho“ (Jovan 3,3-8). Inspiririme taro Sveto Duho o apostoli Pavle hramosarel: „Numa o Devel so si baro mangipaja, sebepi plo baro mangipa so galinel amen dživdikjergja amen barabutne e Hristea thaj amende, so siem sine mule sebepi amere bezeha – mangipaja siem kurtalime thaj olea voskresningja – uštilo taro mule em čhivgja amen upre ki havaja ko isus Hristos.. Odoleske šukaripaja (blagodar) siem kurtalime prekal i pakjiv thaj odova nane tumendar korkoro – odova si Devleskoro bakšiši“ (Efesijania 2,4-8)

O kvasaco garavdo ko varo kjerela buti nadikhle dži kote na resel o humer. Agjaar da o kvasaco čačipaskoro kjerel buti garavde pohari te šaj iranel o maho. O bijame karakteria si kovljarde thaj tromalkjerde. Sadinen pe neve gndia, neve hošia thaj neve karakteristike. Kjerel pe nevo napi e tabijateske – E Hrsitoskoro dživdipa! I godi trampinel pe o džanlipa džal ko nevo drumo. O manuš na reslja neve džanlipa numa bajrargja plo džanlipa so sine le. I Sovest džangavdili. Dobin-gjem neve tabijateskere so ka kjerenamen kad’ri te izvršina i sajgija e Devleske.

But drom šunel pe o pučiba: Soske isi but asavke so vakjerena kaj pakjan ko Devleskoro lafi, numa nae olenge reformirime o lafia, o duho thaj tabijati ? Soske pobut okola so našti te ikjeren kontririba so si ko olengere nietia thaj plania so sikaven nalegardo temperamenti kaskere lafia si zorale so si bilačje thaj džungale?

Ko olengoro dživdipa delujnela adaja isto sebično mangjipe isto odova sebično pomukhibe anglal pre slabostija, isto temperamenti ista nepromislena lafija so dikhena pes sine ko dživdipe akale lumi-jakere manušende. Notirinel pe i isto teleperavdi(navredimi) sueta, pomukhiba anglal o bijame sklonostija, isto izopačimo tabijati - o čačipe sar te pene nene lengje hič pendžardo. I karana odoleske si: nane irame ko Devel! Ola na garvagje ko vilo o kvasaci e čačipaskoro. Ov našti te kjerel pli funkcia. Olengere genetsko džanlipa thaj lende avrialdan okova so si džungalo nane čhivde telal o prebijando takati. Ko olengere dživdipa na sikavgja pe e Hristoskoro mangipa ola na pakjan ko oleskoro takati te šaj transformirinen plo tabijati.

„Agjaar i pakjiv avel prekal šuniba em odova šuniba taro Devleskoro lafi“ (Rimjania 10.17). I Biblijia si zoralo sredstvo te reformirinel

pe o tabijati, o Hristos molinel pe sine: „Posvetin len te čačipaja; o Lafi si tro čačipa“ (Jovan 17,17). Kana kjerel pe thaj sikavel pe e Devleskoro lafi isi presia upral o vilo em čhinavel sako na gogjakoro kati. O Sвето Duhо avel te sikavel amengje kaj isi amen bezeha thaj i pakjiv so havljarel pe ko vilo kjerel, takatea thaj mangipaja premal o Hristos dejbaja araka e truposke e duhoa thaj vilea te ova sar oleste. Tegani o Devel šaj te istemalkjerel amen te šaj te pherel plo mangipa. O takati so si amengje dendo kjerel andral kjeribaja javerenda te vakjera o čačipa so amen arakhlijam ola.

O čačipa e Devleskere lafengje čajrarel o majbaro valjanipa e manušeske – oleskoro maho pakjivibaja te iranel pe ko Devel. Olen-gere uče aktia na troman te esapinen pe sar uže thaj sveto te našti te implementirinel pe ko sakodivesa. Odola si čačipa so resen upre dži ki havaja, em astaren o savakti numa e dživdipaskere presie nahulavde si phanle e manušikane džanlipaja. Ola valjani te astaren sa taro maj-baro dži ko okova majhurdo ko dživdipa.

Kana o manuš lel odova ko vilo o kvasaci e čačipaskoro ka iranel oleskere mangina ka užarel i godi em ka preperel oleskiri euphoria. Ov ka dživdikjerel oleskiri godi thaj i energija e mahoske. Ka bajrarel oleskoro kadrluko te mangel em te hošarel (čuvstvinel).

E lumiake o manuš si ko celost na havdo so isi le akava načelo. O sebično materijalno mangipaskoro manuš dživdinel salde peske te arakhel barvalipa respekti em čalipa so isi le ki akaja lumia. O savakteskiri lumia nisar nane ko oleskere plania. Numa, okola so si e Hristoskere sledbenikia akava lenge nane prioriteti. Sebepi o Hristos ov ka kjerel buti em ka hulavel pestar te šaj te spaisnel e maho so si bizo Hristos thaj bizi pakjiv ki lumia. Oleste i lumia našti havel soske anglal oleskere jakha si o savakteskere epitetia. O vlast taro leskere viloja lelja o Hristoseskoro mangipa, ple otkupno takatea. Odova mangipa upravinela sakole leskere pobudaja hem le vazdelale upral o sa o rumime vlijanija akale lumiakere.

E Devleskoro lafi valjani te posvetinel amaro amalipa taro sa o pripadnikija tari manušikani familia. O kvasaci e čačipaskoro nane te kjerel amende te dikha rivaliteti, dujmujalipa em mangjin bašo

piedestali. I čačutni havajakiri mangjin nane sebično thaj irami. O vilo okoleskoro so lel e Devleskiri šukrin prephero si mangipaja premal o Devel hem premal okola kaske so o Hristos mulo. Oleskoro sebično „me“ na marel pe te ovel angigardo. Ov na kamel e javeren soske ola oleste mangena, jali so ugodinena leske, soske ceninena oleskere zasluge, numa soske si kinde e Hristoseskere rateja. Dži kote o javer manuša pogrešno ka sfatitnen ole jali ka protolkujnen oleskere pobude hem oleskere lafija jali delija, ov na holjanela, numa džal majodorig ko isto uramnoteženo drumo taro dživdipe. Ov si šukar



O kvatasia taro bibliisko čačipa
kjerel prebijandipa ko dživdipa
ko sa okola so mangipaja
drabarena - (čitinenia) i Biblia

gogjaver, na rodelna pli slavahem desavo priznanie hem thaj sako drom si pherdo Devleskere mangipaja thaj gudlipaja.

O Apostoli akharela amen; „Em agjar sar o Baro so akahrel tumen oven tumen da bare tumare legaripaja soske si hramosardo: „Oven bare soske me da sium baro“ (1. Petrovo 1.15.16). Amare temperamentea thaj hangoja valjani te upravinel e Hristoskiri šukarin. Ov sikavel pe premal plo šukariba em siklojba e phral phraleske thaj šukar lafencar so dela gajreti. Ko asavko kher isi meljaikija. O dživdipa mukhel gudli sung(aroma) kote sar sveto temjani uštel premal o Devel. O mangipa si proniknimi šukaripaja, krotkoripaja em gajretea.

O maniria da trampinen pe. O Hristos so si ko amare vile del arka okolengje ko mangel olen em kjeren oleskere dende lafia. O čačipa

drabarel(čitinel) pe taro olengere muja kova so sikavela jekh but slatko havajakoro sansari. Bez te džanen, ola sikavena gudlipa pouči taro sekova manušikano mangipe, soske odoja uli lenge sar sakodi- veseskiri navika.

O Kvasaco čačipaske kjergja trampa ko sa o manušikano andruni- pa; okola so sine neučtiva kjerden te oven otmena, o gruba manuša te oven nežna, a o o sebično kjerela len te oven buvle vileskere.

Oleskere arkaja o melale užaren pe taro bilačhipa em tovena pe e rateja taro Bakhro. Sa so si konektirimo e gogjaja em e mahoja thaj e trupoja, ov ple dživdipaskere takatea anela le ko isto nivo e devleskere dživdipaja. Prekal oleskoro baro thaj perfektno karakteri kjerel o Hristos bajrakjerelape. Kana ka desinen pes sa akala trampe, o hangia e melaikongjere ka hueln ki barbautni(zaedničko) gili so bajrarela, a o Devle thaj o Hristos losajnela(radujnena pe) e mahoncar so reflek- tirinena ana peste e devleskoro muj.

Oftoto šero

O GARAVDO BARVALIPA

(Akava šero si kjerdo premal Matejeskoro evangelie 13,44)

„Edevleskoro tagaripe si sar o garavdo barvalipa ki niva, kote „**E**o manuš arakhlja ole thaj garavgja ole, em tari bari baht džala em bikinel sa so isi ole te šaj te kinel i niva“ (Matej 13,44)

Ko purano vakti sine normalno o manuš plo barvalipa te garavel le telal i phuv. O čoriba sine sakodiveseskiro pojava. Kana sine trampe maškar ko manuša taro vlast, sare so sine len bare malija(imotia) sine čhivde ko riziko. Trujal akava, i phuv sako drom sine ko riziko tari provala taro čora. Odoleske o barvale trudinena pe sine te garaven plo barvalipa em i phuv dikhen la sine sar jekh taro sigurna tana. Numa, o than kaj so garavena sine but droma bistrena sine le, o gazdia čak merena sine jali ka džan ko phanlipe jali ka oven paldime, agjaar da dujraren len sine taro olengoro barvalipa kote bare zorea kergja te arakhel le, sine mukhlo nesave bahtaleske so ka arakhel le. Ko vakti

Ko purano vakti o barvalipa
garaven sine le ko kjupija telal
ki phuv



O devleskere
LAFIJA

taro Hristos normalno sine ki disavi mukhli niva te arakhen pe purane love jali zlato(galbeni) thaj rupuj(srebro). Manuš lel te randel i phuv te kjerel buti ola te thaj dži kote o guruva randen e raloja o parumo barvalipa ikljol em dikhel pe. Kana o manuš ka arakhel akava barvalipa dikhajaja kaj i baht si oleske uzal o vast. O galbenoja iranel len palal ki phuv džal khore bikinel sa so isi le te šaj te kinel i niva so isi la o barvalipa. Oleskiri familia thaj o komšie gndinen kaj ov našavgja hari pi godi. Dikhajaja i niva ola gndinen kaj olate nae nisavo moldipa (vrednosti). Numa o manuš džanel so kjerela thaj i niva kana ka ovel oleskiri ov rodel sako olakoro kotor te šaj te arakhel o barvalipa so arakhla le angleder.

Akava(misal)i sikavel o baro devleskoro barvalipa thaj o kjeriba zori te šaj te arakhel pe. Okova so arakhla o barvalipa ki niva sine hazri te kjerel baro zori te del sa te arakhel o garavdo barvalipa. Agjaar okova so arakhela e havajakoro barvalipa ni jekh kerdo zori nane te dikhel le sar baro, ni jekh kurbani nane te ovel but, te šaj avel dži ko barvalipa e čaćipaskoro.

Ko akava misal i niva so isi la barvalipa si o Sveti Lil. O Evangelie si riznica taro barvalipa. I phuv nane odobokha prepletimi galbeno damarencar(vene) na odobokha pherdi barvalipaja sar so si e Devleskoro lafi.

Sar si garavdo o barvalipa?

E barvalipaske taro evangelie vakjeren kaj si garavdo. Okola so si gogjaver ko jakha em so sikljon i hovavni filozofia našti te haven o šužipa o takati thaj i garavin e planeske taro otkupi. But džene isi len jakha numa na dikhen, isi len kana numa na šunen isi len godi numa na preprendžaren o garavdo barvalipa.

O manuš šaj te nakhavel o than kote si o barvalipa. Majodorig šaj te bešel telal o kašt, na džanlipaja kaj telal ko darho isi barvalipa. Odova ulo e Jaudinecar. Sar galbeno riznica, o čaćipa sine dendo e Jaudienge. O jaudiengoro religiakoro sistemi čhivgja le baš o Hristos. Slikencar thaj simbolencar sine sikavdo o baro čaćipa taro otkupi. Ama ked alo o Hristos o Jaudie na preprendžargje Okole kote legaren sine sa o simbolia. Sine len Devleskoro lafi ko vasta numa o tradicie,

so sine legarde tari kustik ki kustik (generacia ki generacia) em e manušikano tumačenje e Lileske, garavje ola taro olengere jakha o pravo čaćipe, o čaćipa asavko sar so ikljol sine taro Isus. O duhovno značenje taro Sveta lila sine bisterdo. I riznica taro sadžanlipa pašljola sine anglal olende pravdi, a ola odova na dikhle le.

O Devel na garavel plo čaćipa taro manuša. Ola ple manirencar korkoro garavena la pestar. O Hristos e jaudiengje dengja but faktia kaj si ov i Mesija, numa oleskoro sikaviba rodelia sine promena ko celo olengoro dživdipa. Dikhle da te prade pro vilo e Hristoseske ka valjani te frden sa ple mangle tradicie thaj sebično adetia. Olendar rodel pe sine kurbanluko te šaj te len o natrampimo savakteskoro čaćipa. Odoleske ola ni mangle te len o majzorale da faktia so del len sine o Del te šaj zojrakerel lengiri pakjiv upral o Hristos. Ola vakjeren kaj pakjana ko purane dende spisija, numa, odbingje te prifatinen o tasviriba adale spisengoro baš e Hristoskoro dživdipa hem o tabijati. Darana sine kaj ka oven osvedočime ka valjani te transformirinen pe thaj te chiden sa okova so anglal kjeran sine, a odova ola na mangjena sine. O Barvlaipa e čaćipaskro, o Drumo, o Čaćipa, o Dživdipa sine maškar olende numa ola frdingje o majbaro bakšiši so šaj sine te del olen o Del.

Šaj te šuna: „Numa, but taro lideria pakjana sine ki Oleste, numa sebepi o fariseia ola odova na vakjeren sine javnio te na oven ikavde tari sinagoga“ (Jovan 12,42). Sine osvedočime pakjana sine kaj o Isius si Develskoro čavo, numa odova na paririnel sine ko olengere plania. Na sine len pakjiv so ka anel olengj sine devlikano barvalipa. Roden sine akale sumnaleskoro barvalipe.

O manuša avdice da rodem o barvalipa ama akanutno e phuvjakoro. Olengere gogja si pherde dujmujalipaja, em javer plania. Te šaj resel pe odova barvalipa, respekti em takati odola aktia čiven len anglal e Devleskoro rodiba. Olenge o barvalipa oleskere lafeske si garavde. O manuš na lel okova so si Devlikano duho, soske odova si nagogjaver oleske em našti te havel ole. Soske odova valjani te dikhel le taro duhovno aspekti“ (1. Korinkjania 2,14).

„Te sine garavdo amaro evangelie garavdo si okolenge so merena,

kote o devel akale sumnaleskoro kojrakjarga olengiri godi te našti dikhen i roš taro evangelie thaj o baripa e Hristoskoro so si Devleskoro liko (2. Korinkjania 4,3,4).

Moldipa(vrednostia) e barvalipaske

O spasiteli avgja kaj o manuša si legarde taro merako palo resiba barvalipa em našavje pestar o barvalipa e savakteskere realiteteske. Ov kergja te ikavel odova bilačhipa. Mangjel sine te ikavel olendar odoja korolikani mangjin so paraliziringja olengiro maho.

Vazdibaja plo hango, o Hristos vikingja: „So hairi ka ovel e manuše te lelja i sa o sumnal kana ka našavel plo maho?“ (Matej 16,26). Ov e manušeske sikavgja po gudlo sumnal so o manuš našavgja la taro plo dikhiba te šaj te dikhel o savakteskere moldipa (vrednost). E manušen angja anglal o prago savakteskere dživdipaske, rošalo bare Devlikane baripaja em odori sikavga olenge o barvalipa.

O moldipa akale barvalipaske si but pobaro taro galbenia. O barvalipa e rudnikongje našti te kjerel pe sporedba olea.

„O horipa(bezdna) vakjerela: „Ki mande nane ola!“, O denizi: „Ki mande da na rakhela pe!“, Našti kinel pe galbenencar. Na sporedinel pe, ni e kristalea na del pe ni galbeno saani. O kristali thaj o korali navaljni ni te andinen pe soske pošukar te resle pe gogjaveripa thaj džanlipa ko than biseria (O Lil bašo Jov 28,14-18).

Odova barvalipa si ko Devleskoro Lil. I Biblij si baro Devlikano lil oleskoro baro edukatori. O darho tari čačutni nauka arakhel pe ki Biblij. Sikljojbaja e Devleskoro lafi, amen šaj te resa dži ko univerzalno džanlipa. Upreder sa olate, la isi nauka so nakhavel sa o nauke, i nauka taro amaro kurtaliba (spasiba). I Biblij si rudniko taro na-limitirime Hristoskoro barvalipa.

Čačučtni uči edukacia ka resel pe salde te siklililo pe e Devleskoro lafi em te šungje pe odola lafia. Numa kana e Devleskoro lafi chidel pe ki rig em trampinel pe pe e lilencar so na legaren dži ko Devel em devleskoro thagaripa tegani resaja edukacijaja so našti anavkjerel pe odole anavea.

I natura garavel but šuže čačipa. I phuv o denizi em i havaja si perde čačipaja em ola valjani te oven amare sikel (učitelja). I natura vazdel plo hango odolea so sikavel amen e devleskere džanlipaja em



savakteskere čaćipaja, muma, o manuš so isi le bezechia odova na mangel te havel. O bezech kaljargja oleskoro duhovno dikhiba em ov nane kad'ri korkoro te dikhel čaćutne i prakrt bizo riziko isto la te vazdela upral o Devel. Ki godi sa okolenge so frdena e Devleskoro lafi naštì te čhiven pe o ispravna pouke adaleske. Ola odobokar iranje o sikljojbe e prakrtakoro so olengiri godi dujrarela pe taro amaro Tvorco.

But džene i manušikan gogjaveripa vazdena la po upreder taro e Devleskoro Sikavno, a e Devleskoro lil olenge si sar purane modakoro em nainteresno. Ama okolen so prosvetlingja o Sevto Duho ola na diklen o bukja agjaar. Ola diklen o moldipa akale barvalipaske em si hazri sa te bikinen te šaj te kinen i niva so garavel odola bukja. Ko than e lilengje soikerena peste prepostavke taro agjaar vakjerde bare literaturistija(pisatelia), ola len o Lafi Okoleskoro so si majbaro autori majbaro profesori so i lumia dži akana zapendžargja ole, so dengja plo dživdipa amengje mangipaske prekal oleste amen da teresa dži ko savakteskoro (večno) dživdipa.

Posledice taro pomukhiba - zanemariba e barvalipaske

O beng kjerel buti ki manušikani godi legaribaja e manušen kaj avrial taro Devel šaj te resen desavo pobaro džanlipa. Agjaar hovavgja e Adame thaj e Eva hovavgja len te oven ko duj gogja ko Develskoro lafi em odoja te anen la ki teoria so legargja olen ko bezech. Ov pe džanlipaja thaj hovavibaja odova kjerel em avdive da so nekada kergja

le ko Edem. O sikle kote ko ple edukaciakere programe čhiven nesave ateistikane autoria ki godi e ternengje sadinena idea so ka našaven i pakjiv ko Devel em ka phagen oleskoro kanuni. Normalno ola nane ni svesno so kjeren odova em dži ko save posledice ka anel odova lengoro delo.

O siklo šaj avdivete agorkjerel sa o maškarutne em uče edukaciakere siklane(škole). Kjerel sar po takati te resel dži ko desavo džanlipa. Numa, te na sine le džanlipa dendo taro Devel, te na šunel sine o kanunia so legaren le ov ka zijankjerel peste korkoro. Ov pe bilačhe navikencar ka našavel po samopočit, hem ka našavel o vlast upral peste. Nane te ovel ko hali te rasudinel sar so valjani baš o pučiba so majbut interesinel ole. Ka ovel nasamalo(nevnimatelno) prema pli godi thaj trupo. Pe bilačhe navikencar ov korkori pes ka uništinel. Nane te resel i baht soske pomukhibaja te arakhel naporočno, saste aktia, korkoro čhivel pe telal o vast taro navike so peravel oleskoro tromalipa.


O berša so nakhlja te sikljol ka oven našavde soske zijankergja pe korkoro peste. Teleperavgja ple mentalno thaj fizičko djanlipa em o hrami taro oleskere trupo akana arakhel pe ki desavi ruševina. Ov si peravdo em akale dživdipaske em e dživdipaske so ka avel. Resibaja akale phuvhakere džanlipaja, ov gndinela kaj reslja barvalipa, numa, chidibaja tari Biblia, ov dengja ko kurbani o barvalipa so si majmoldo (najvredno) taro sa.

Ko rodaripa palo garavdo barvalipa

Predmeti amare rodaripaske valjani te ovel e Devleskoro lafi. Amare da čhaven valjani te sikava e čačipaske so ikljol odothar. Odova si nalimitirimo barvalipa. Ama o manuša pomukena te arakhen odova barvalipa sa dži kote si olenge uzal o vas. Buteder čaljona salde taro pretpostavke baši o čačipa.

Čale si salde površno bukjaja, sigurno ki peste kaj odothe isi sa so valjani. Ola e paramisia dikhen sine sar čačipa soske sine but khan-duvale te kjeren zori kote ki Biblia sine sikavdo te šaj roden o garavdo barvalipa. Numa o manušikane inovacie na salde so nane sigurna, ola si thaj riziko soske o manuš čhivel olen ko Devleskoro than em e

E čhaven da valjani te slikava
bašo Biblijakoro čaćipa



manušeskiri filozofia ko than kote valjani te arakhel pe okova: „Agjaar vakjergja o Devel!“ O Hristos si čaćipa. Oleskere lafia si čaćipa em isi len majhor faktia nego so dikhel pe taro avgo momenti em moldipekona si but pouče nego so dikhela pe. O gogja so si animirime e takatea taro Svetu Duho ka preprendžaren o barvalipa akale lafenge; ka preprendžaren o moldipa e čaćipaskoro em tegani kana si garavde sar parumo barvalipa.

E manušeskere teorie thaj špekulacie niked nane te te kjeran majšukar te preprendžaren pe e Devlsekseksre lafia. Okola so gndinen kaj haljoven i filozofia ola gndinen kaj olengoro aloviba si naophodno te šaj te phravel pe e čaćipaskiri riznica em o eretikia te phanen o drumo e khangirakoro. Baš odola olengere dikhiba angje hovavne terie thaj eresia. O manuša kjeran sine baro zori te den vakjeriba e biblisko lafenge so vakergje kaj našti haven olen numa but drom odolea salde kergje komplikacia okova so mangle te razjasnin le.

O sveštenikia thaj o fariseria gndinena sine kaj sar sikavne kergje bare aktia kana e Devleskere lafeske dengje plo dikhiba numa o Hristos vakjergja: „Na grešinena li odolea so nadžanen ni o Lil ni e Devleskoro takati?“ (Marko7,7.) Trujal so ola sar sikel sikaven sine e Devleskere anglo vakjerina, trujal so gndinel pe sine kaj haven olekoro Lafi ola odova na kjeran sine. O beng kojrakergrja olen te našti dikhen i čaćutni forma thaj smisla e lafenge.

Avdive da buteder kjeran odoja buti. Buteder khangira si došale odole bezehengje. Isi baro riziko o avdusutne kosem si bare gogjaver

manuša kjeren odova bage ple nekanutnengere javudiengere sikle. Ola bange vakjeren e Devleskere anglovakjerenia em ple bange havibaja e devleskere čaćipaske e mahon legarena ki zabuna em pakjaren olen ko karanluko. E Devleskoro lil na tromal te drabarel pe e mutno rošaja e anglune vakjeribaske em ko manušikane špekulacie. Te rošaren pe ko kham lambaja agjar bu ulel kaj amen da agjaar manga te objasnina o Lil arkaja taro manušeskoro vakjeriba em manušeskere idejaja. Ko Devleskoro sveto Lafi na valjni e phuvjakere rošeja te dikhen pe o lače šužipa te šaj te oven dikhle. Odoja svetlina korkoro pestar phraven e Devleskoro baripa em uzal olate sako javer roš si bledo.

Numa odova valjani seriozno te rodel pe em hor te ispitinel pe. Sar phursako amare nabukjarnipaske niked nane te del pe zoralo em jasno haviba e čaćipaske. Nisavo akale phuvjakoro blagoslov našti te del pe bizo ozbilno, bare sab'rea hem lungo(dugačko) zori.

Te manglen te džan angle ko tumaro butikeriba, e manušen valjani te ovelen mangjin te kjeren hem pakjiv te resen o rezultatia. Sare so mangen te arakhen o barvalipa e čaćipaskoro valjani te roden sar so randel o rudari te arakhel o barvalipa so si garavdo telal i phuv. Bukjaja so si kjerdi ko jekvaš em bizo baro mangipa na resen pe bare rezultatia. But si bitno o terne thaj o phure, na salde te drabaren e Devleskoro lafi, numa te sıkljon le ozbilno em sa pe viloja molibaja thaj rodibaja o čaćipa sa o garavdo barvalipa. Okola so kjeren agjaar ka oven phursarkerde soske direktno o Hristos kergja zorale olengoro haljovibe.

Amaro kurtaliba athinel taro preprendžariba o čaćipa so isi le ko Lil. E Devleskoro mangjipa si te del amen džanlipa. Sikljoen em sıkljoen i Biblija bokhale vilea! Roden e Devleskoro lafi sar o rudari so randela i phuv tearakhel galbeno damari(žila). Niked ma ačhoven! Roden sa dži kote na utvrđine tumaro vjavahari odnos) premal o Devel em na arakhen oleskiri mangjin premal amende! O Hristos vakjergja: „Sa so ka roden ko mlo anav ka kjerav te proslavinel pe o Dat ko Čavo. Em ako mangjen khanči ko mlo anav, me ka kjerav odova“ (Jovan 14,13.14).

Okola manuša so si kad'ri em pakjan ko Devel plo dikhiba legarena premal o savakteskere čaćipa, numa but drom našti te haven olen soske okova so dikhel pe učharel o baripa taro okova so na dikhel pe.

Okova so mangel te kjerel bare rezultatia ko rodiba e garavde barvalipaske valjani te ovel upreder okova so isi ki akaja phuv em te džal okorig so si panda pobaro em vazdime upre. Oleskoro karkateri em džanlipa valjani te oven legarde ko rodiba. O nakandiba phanel o udar e nalimitirime džanlipaske so šaj te resel pe sine prekal o Lil. Te havel pe odova značinela te šune e Devleskere kanunia. O lil na tromal



te adaptirine le premal o manuša so isi len šube hem predrasude premal e Devleskere kanunia. O Lil šaj te haven salde okola so ponizno rodena te zapendžaren o čaćipa te šaj em te šunen ola.

Pučljan li tut: So te kjerav te šaj te kurtalinav (te spasinav man)? Angleder te rode, tu valjani te mukhe o tle anglutne kjerde stavia em okola resle em astarde idee. Te istražingjan o Lil te šaj te odbranine tro gndipe hem haljojbe e bukjendar, tu niked nane te rese o čaćipe. Istražin za te ave ko džandipe so vakjerela o Devel. Em dži kote istražineja, te osvedičingjan tut em te dikhljan kaj te majmangle idee na paririnen e ideencar taro Devleskoro lafi em e čaćipaja, ma te irane o čaćipa salde te ovel popaše dži ko tlo dikhiba e bukjengje, numa dikh e rošalipaja so dengja pe tuke. Phrav ti godi em to viro te šaj te dikhe o baro čaćipa e Devleskere lafestar.

I pakjiv ko Hristos sar Otkupiteli e lumiake šaj te buvljarel pe ko viro kova so arakljavgjola teleder i kontrola tari prosvetimi godi so ša te prepændžarel em te cениnel e havajakoro barvalipa. Akaja pakjiv si

nahulavdi taro pokaiba em transformacia e tabijeteske. Te ovel tut pakjiv odova si te rakhel pe em te lel pe o barvalipa taro evangelie sa e savalencar so ikljol odothar.

„Čače, čače vakjerav tuke te na bijandilo neko upraldan ov našti te dikhel e Devleskoro thagaripa“ (Jovan 3.3). Ov šaj salde te pretpostavinel em te zagndinel, numa bizi pakjiv, bizo olakere jakha, našti tedikhel o barvalipa. O Hristos dengja plo dživdipa te šaj te arakhel amengje o but baro barvalipa, numa bizi transformacia ki pakjivko oleskoro rat nane prostiba o bezeha, nane barvalipa ni jekhe manušeske so preperela. Amen valjani te ova prosvetlime e Svetu Duhova, te šaj te pendžara e Devleskoro lafi. O šuže aktia tari natura našti te dikhen pe sa dži kote o kham na paldel e karanluko em na rošarinel ple rošaja. Agjaar em o barvalipa taro Devleskoro lafi našti te dikhen pe sa dži kote o Kham taro jekhipa na sikavel ple zrakia.

O Svetu duho, so si bičhavdo upraldan taro del sebepi o šukaripa em lačhipa taro nalimitirimo Mangipa, e havajakere faktia sikavena sakone dušake so isi la bari pakjiv ko Hristos. Oleskere takatea taro dživdipaskoro čačipa kote so athinelela o kurtaliba e mahoske, sadinel pe ki godi, a o drumo e dživdipaske ovel odobokha jasno kote khoni nane ko riziko te džal javere rigate. Dži kote sikljovaja o Lil valjani te molina amen i roš taro Devleskoro Svetu Duh te rošarel o Lafi te šaj te dikha em te ocenina oleskoro barvalipa.

Phursako (Nagrada) bašo bukjarno rodarutno (istražuvači)

Ni jekh ma te del pe godi kaj nane le pobut džanlipa so šaj te resel dži oleste. O horipa e manušikane intelkteske šaj te merinel pe; o delija taro manušikane autoria te šaj te nakhaven pe; numa ni o majučo, major, em majbuvel uštiba e mangipaske našti te arakhel e Devle. Pali i simantra(granica) ko akava so šaj amen te haljoval le kaj astarela than panda jek sasto nalimitirimo than. Amen dikhlem salde okova tikno kotor tari devleskiri slava, o suro(starti) taro savakteskoro džanlipa em gogjaveripa amen kjergjem buti te šaj sine agjaar te vakjerel pe salde upral ko rudniko kote hor telal oleste isi barvalipa em garavel pe barvalo galbeno damari te šaj phursakerel pe okova so

randela hanela hor te arakhel. Ko rudniko valjani te randel pe sa dži kote na astarel pe o baro barvalipa. Te sine amen čačutni pakjiv, o devlikano džanlipa ka ovel amaro, manušeskoro džanlipa.

Ni jekh rodarutno so rodedla o Lil e Hristoskere Duhoske nae te ačhol bi pursakjerdo. Te sine o manuš hazri te ovel sikavdo sar tikno čhavo em saste perel telal o Devel, tegani ov ko Devleskoro lafi ka arakhel o čačipa. Kana o manuša bi kandena, ka haven o plani e Devleskere lagripaja em anglal olengere jakha ka ovel phravdo e havajakoro sumnal sa pe lačhibaja em baripaja. O manuša bi oven celosno javer nego akana soske ka oven barvale odolea so ka roden o rudniko e čačipaske. I garavin taro otkupi e Hristoskoro dži plotiba, oleskoro posredničko džajbe kurbanii, nane te oven nahavde amare gogjake. Na salde so but pošukar ka hava numa pobut em ka ceninen odova.



Biblia kjerel te ova Devleskere
čhave em čhia, naslednika tari
nevi phuv em kosmosi.

Ki pli molitva bičhavdi dži ko Dad, o Hristos e lumiake dengja džanlipa so ka khuvel ki godi em ko maho e manušeske. Ov vakjergja: „A akava si savkteskoro dživdipa: te pendžaren tut e jekhutne čačitne Devle, thaj e Isuse Hriste, kaste bičhavgja ole“ (Jovan 17,3). Odova si čačutni edukacia. Odova dela takati. O praktikano pendžariba e Devle em e Isus Hristos kaste bičahvgja, ov transformirinel e manuše, nevikjeribaja oleste e devleskoro muj. Odova kjerel o manuš te vladinel korkori pea em sako nagoni em strasti tari majteluni prakrt te čhivel pe telal o legaripa taro majuče takatia e gogjakere.

Odova džanlipa so isi le kjerel le Develskoro čavo em e havajakoro nasledniko, legaribaja ki khedin taro Nalimitirime em anglal oleste pravela o nalimitirime barvalipa e kosmoseskere.

Odova em asavko si o džanlipa so resela pe prekal rodaripa e Devleskere lafeske. Odova barvalipa šaj te arakhel sako maho so si hazri te chidel pe taro sa, samo odova te resel. „Te akhargjan i godi em deja čingar premal o gogjaveripa: te rodingjan le sar rupuj em rodea le sar garavdo barvalipa–tegani ka have e Devleskiri dar em ka arakhe e Devleskoro džanlipa“ (Gogjaver vakerina 2,3-5)

Enjato šero

O MAJKUČ (SKUPO) BISERI

(Akava šero si kjerdo premal Matejeskoro evangelie 13,45.46)

O šukaripa blagoslovia) taro otkupitesko mangiipa, amaro Spasiteli sikavgjale amengje prekal o kuč(skupo) biseri. Akava drom po gogjaver lafi Ov ilustriringja la parabolaja e trgovcoja so



Kučo(skupo) biseri

rodelia but kuč biseria, kote „kana arakhel o kuč biseri, džal bikinel sa thaj kinela le“. O Hristos si biseri bare baripaja. Odova si refleksia taro baripa e Dadeske thaj štembili taro oleskoro biti. O baripa taro oleskere devlikane faktoria dikhel pe prekal oleskoro tabijati. Tari sako rig taro Develskoro Lil ikljola oleskiri roš. E Hristoskiri pravednost sar užo thaj rošalo biseri, nanele nisavi maana, nisavo melalipa. Nisavo manušikano delo našti te usovršinel e bare thaj moldimo Devleskoro bakšiši, soske ov si bizi maana. Ko Hristos si „garvade sa

o barvalipa e gogjaveripaske thaj džanlipaske“ (Kološania 2,3). Ov “ulo amengje gogjaveripa taro Devel, nijamalipe (pravednost), posvetuvanje thaj otkup“ (1. Korinkjania 1.30). Sa so šaj te čaljakjerel o potrebe hem o taro manušikan maho, em ki akaja lumia thaj ki lumia so ka avel, arakljavgovena ko Isusi. Amaro Otkupiteli si biseri, odoboka moldo, so ki paralela olea sa o javer si salde zijani.

O Hristos „alo ko ple numa oleskere na primingje ole“ (Jovan 1, 11). E Devleskiri roš rošandili ko karanluko akale lumjake ama „o karanluko na astargja“ (Jovan 1.5). Numa nane sare ramnodušna premal akava havajakoro bakšiši. O trgovco taro akava misal sikavela i kupa so čače mangel sine o čačipa. Ko sa o nacie sine realno thaj gogjaver manuša so ki literatura thaj nauka em ki religia taro buteder devlikane lumie, rodena sine okova so šaj te grabonjen sar barvalipa pe e mahoske. Em maškar o Jaudie sine asavke so rodena sine okova so olenge falinel sine. Bičale tari i čući religia, ola mangjen sine okova so si duhovno thaj upreder. O sikel kaste alusargja o Hristos sine ki akaja javer kupa, dži kote o Kornelij thaj o Etiopjanco sine ki avgo grupa. Ola na salde so mangjen sine but e havajakoro roš, ola molinen sine te resen ola em kana o Hristos sikavgja olenge, ola lele la bare bahtaja.

Ki akaja parabola o biseri si sikavdo sar bakšiši. O trgovco kingja ole dejbaja sa so sine le. Buteder rodena o fakti akale garavde akteske soske o Hristos ki Biblijia si sikavdo sar bakšiši. Ov čače si bakšiši, numa salde okolenge so nalimitirime denge pe oleske mahoja, trupoa em duhoja. Amen da valjani te da amen saste e Hristoske te sikava korkoro te šuna ole ko sa oleskere rodiba. Celosno, sa o džanlipa em talenti so si amen sa si e Devleskoro em valjani te legara le premal oleste. Kana saste ka da amen oleske, O Hristos sa pe havajakere barvalipaja dela pe amenge. Amen laja biseri so isi le moldi so našti te merinel pe.

O Kurtaliba si bakšiši, numa palem valjani em te kinel pe em te bikinel pe. Ko granapi(pazari)) koleja upravinela e devleskiri šukarin, o kuč biseri si sikavdo sar moldi so kinel pe bilovengoro. Ko odova marketi sare šaj te len e havajakere šukaripe. I riznica taro moldipa taro čačipa sarinenge si phravdi. O Devel vakjerel: „Ake anglal tute

mukhljum phravdo udar so našti ni jekh te phanel ole. Andral thaj anglal o udar šunen pe hangia: Ava! O hango e Spasiteleskoro ozbilno thaj mangipaja akharel amen: „Dava tut godi te kine tuke mandar galbenoja (zlatu) užardo prekal i jag te šaj te ove pobarvalo“ (Otkrovenie 3,8.18).

E Hristoskoro evangelie si šukaripe(blagoslov) so šaj te ovel sarin. O majčorole agjar em o majbarvale šaj te kinen o kurtaliba, soske nisavo kvantiteti (količina) taro akale phuvjakoro šukaripa nane ko takati te pukjinel le. Odova resel pe salde gogjaveripaja em šunibaja dejbaja sa tumendar premal o Hristos odolea so ka oven oleskoro otkupno ploipa(sopstvenost). I edukacia, em okoja taro majučo nivelo, našti anela popaše e manuše dži koDevel. O Fariseia sine len sa ki akaja phuv em duhovno šukaripa em falinen pe sine: „Barvalo sium em barvaliljum na valjani mange khanči!“- numa palem sine“ bedno, bibahtale, čorole thaj nange“ (Otkovenie 3,17). O Hristos dengja len biseri so isi le bari moldi, numa ola arogancijaja irangje le em ov vakjergja olenge: „Čače vakjerav tumengje o lihvaria em o bilačhe manuša anglal tumende ka khuven ko Devleskoro thagaripa“ (Matej 21,31).

Amen našti te kjere buti baši o kurtaliba, numa valjani te roda agjaar bare manginaja em zorale sar ked ka valjani te cidamen taro sa ki lumia te šaj te resa dži ko odova.

Valjani te roda biseri bare moldipaja, numa na ke sumnaleskere granapija(pazajra) jali sumnaleskere čaneja. I moldi so valjani te pukjina nane sikavdi ko galbenoja thaj ko rupuj, soske odola da si Devleskere. Te frda tari amari godi kaj e lumiakere jali duhovno džanlipa ka šaj prekal olende te ava dži ko kurtaliba. O Hristos vakjergja:“ Okova so ka viktorinel (pobedinel), ka dav te bešel ko mlo troni sar so me da pobedingjum thaj bešljum dži ko mlo Dat thaj ko oleskoro troni (Otkrovenie 3,21).

Isi manuša so šaj te dikhel pe amengje kaj sako drom rodena e havajakere biseria, numa na chidingje pe taro sa ple bilačho navike Ola na mejraren pe korkoro te šaj o Hristos dživdinel ki olende em odoleske na arakhen akava moldo biseri; panda na siklile ma te

vazden e lumiakoro baripa em olengoro mangipa premal akala lumiakere šukaripe, na lele upral peste p trušol, thaj na gele palo Hristos, e dromeja so rodel a korkoro cidiba (samootkažuvanje) thaj kurbani. Ola si paše hristijania numa, nane čače hristijania, ola si paše dži ko havajakoro thagaripa, numa našti te khuven panda oleste. Te ove paše o kurtaliba a te na ove celosno, adava značinela celosno te ove našavdo.

O misal e trgovcoja so rodel a biseri isi le duplo sikaviba: odova na legarel pe salde e manušengje so roden e deleskoro thagaripa, numa em o Hristos so rodel a po našavdo mukhlo testamenti. E devleskoro trgovco, Hristos so rodel kuć biseri dikhla ko manuš našavdo biseri bare moldipaja. Ko manuš, melalo thaj rumimo bezeheja, Ov dikhla šansa te otkupinel le. O vile so sikaven sine scena mariba e satanaja em so sine kurtalime e takatea taro mangipa but si molde e Spasiteleske nego okola so ni jekh drom na pele. O manušipe, o Devel dikhel le na sar irame em namoldipaskoro butipa(mnoštvo); Ov dikhel prekal e Hristoskere jakha em dikhla so šaj te ovel e takatea taro oleskiri otkupimo mangipa. Ov khedingja sa o barvalipa taro sasto kosmosi em dengja te šaj te kinel o biseri. O Isusu kana arakhla le čhivgja le ki pli kruna.“ Sar but kuć bar ki kruna, ola ka rošaren ki oleskiri phuv“ (Zaharia 9,16). „Mle ka oven,mlo kjari–kerel lafi o Devel upral askereskere učipa. Ko dive so hazrkjerav, ka ovav lenge gudlo mangipaja“ (Malahia 3,17).

Numa o Hristos sar kuć biseri em amaro predimstvo so šaj teresa

Olsusi si kuć (moldo) biseri. Amen
olea siem pobarvale, nego sa o
barvalipa tarl lumia te ovel amalo.



Odevleskere
LAFIJA


dži ko havajakoro barvalipa, valjani te oven tema kolaja valjani hem viže te bavinamen. Salde o Svetu Duho šaj te sikavel e manušenge o moldipa e kuč bisereskoro. O vakti kana Ov kjerel buti ple takatea ko vilo si odova vakti kana rodelia pe em arakhel pe akava havajakoro barvalipa. Ko vakti taro Hristos buteder šungje o evangelie, numa olengiri godi sine sikavdi hovavne sikeljobjaja, odoleske ko Siklo tari Galileja na prepredžargje e Devleskere Bičalutne. Numa palo e Hristoskoro uštiba taro mule, oleskoro aviba ko troni ko plo posredničko thagaripa sine havljardo o ikljbe e Svetu Duhoske.

Ko dive Pedesetnica (Duhovden-Dive duhongje), o Svetu Duho hulilo ipral o manuša. E Hristoskere tasvirija havlajrge o zoralipa taro voskresenie e Spasiteleskoro. E havajakoro roš khuvgja ki kaljardi godi okolende so sine taro e Hristoskere dušmania. Ola akana dikhle le ko majučo statusi sar „upraviteli thaj spasiteli tari e Devlesker desno rig te šaj te del pokaiba e Izraeleske em prostiba taro bezeha“. (Dela 5,31). Dikhle le učhardo havajakere baripaja, nalimitirime barvalipaja pe vastende so dela le sarinenge okolenge so irangje pe taro plo bunt premal oleste.

Kana o apostolia havljargje o baripa taro Jekh bijamo taro Dat irangje pe trin mile manuša so dengja len arka te dikhen pe ki čaćutni roš, bezechencar thaj rumime a e Hristose sar plo amala thaj otkupiteli. O Hristos sine vazdime thaj kerdo baro takatea taro o Svetu Duho so sine upral o manuša. Pakjivaja ola dikhle e Hristos so nakhlja taro ponižiba stradiba thaj meriba te šaj ola ma te peren, numa te dobinen e savakteskere dživdipa. Sikavibaja e Hristose o Svetu Duho dengja len arka te haven oleskoro takati em baripa em ola dengje pe vasta premal oleste lafencar; „Pakjava!“.

Palo odova o bahtalo haberis bašo taro mule uštimo Spasiteli sine legardi dži ki agorutni simantra ki teganutni pendžardi lumia. O khangiri dikhel sine sar taro sa o riga resen manuša so pišmaningje pe. O Pakjavutne čaće iranegje pe Okola so grešingje barbautne e javere hristijanencar rodena sine o biseri bare moldipaja. Iklilo okova so sine angleder vakjerdo“ O majslabo maškar olende ka ovel ko okova dive sar David a e Davideskoro kher ka ovel sar Devel, sar Devleskoro anglal olende“ (Zaharia 12,8). Sako hristijani ko plo phral

dikhlja e devleskoro muj, muj taro baripaja em mangipaja. Sine len salde jekh interes. Dominirinel sine salde jekh tema. Sa o vile khuven sine taro jekh drom. Jekhutni ambicia sa e pakjavutnenge sine e Hristoskoro muj te sikaven ko plo tabijati em te buvljaren oleskoro



O Isus vakergja ple siklenge o evangeli, sar kuč biseri, te legaren ko sa o džanija

O devleskere
E LAFIJA

thagaripa. „O manuša so pakajndile sine len jekh maho thaj jekh vilo. A o apostolia sine tasvirija bare takatea bašo voskresenie taro Devel o Isus em but šukaripa sine upral olende“. „A sako dive o Devel dopherela sine okola so kurtalingje“. (Dela 4,32.33; 2,47). E Hristoskoro Duho sine sar legarutno sa e jekhinake(zaednica), soske arakhle o biseri bare moldaja.

Akala scene palem ka oven em pobare takatea. O ikljojbe e Sveto Duhoske ko dive taro Pinda sikavel sine o rano alo biršim, ama o pozno biršim ka ovel panda pobaro. O Sveto Duho udžarela te roda le em te dobina le. O Hristos palem valjani te sikavel ko sa e takateja taro Sveti Duhoske. O manuša ka pendžaren o moldipa e kuč biserske em ka vakjeren barabutne e apostolea Pavle: „Numa okova so nekana sine mange sar lendo, me dikhav sine le sar ziani sebepi o Hristos. Em panda pobuter dikhav kaj si sa zijani ki paralela pre-pendžariba e Isuse Hristose, mle Devleja, kaske našavgjum sa em aka-na esapinav man sar khanči za te šaj te dobinav e Hristose (Filipjania 3.7.8).

Dešto šero

SEPETKA(MREŽA)

(Akava šero si kjerdo premal Matejeskoro evangelie 13,47-50)

„E Devleskoro thagaripa si sar frdimi sepetka mreža ko denizi so khedel mačhen taro sako sorte. Kana phergjol ikaven la ki kinara(brego) em bešena em sejnena o šukar ko saania a o bilačhe frdena len. Agjaar ka ovel em ko agor e vaktea, o angelia ka ikljon em ka hulaven e manušen so isi len bezeha taro okola so si bizo bezeha em ka frden len ki jag, em odori ka ovel vika em stegiba dandencar“.

„E Havajakoro thagaripa si sar i
frdimi sepetka ko denizi“



O frdiba e sepetkake si sarvakjeriba e evangelieske. Agjaar em ki khangiri khedena pe o lačhe thaj o bilačhe. Kana ka agorkjerel i misija taro evangelie o adalati(sudo) ka kjerel hulavipa. O Hristos džanela sine kaj odothe so ale o hovavne phralja ki khangiri ka kjerel te kjerel

pe lošno lafi bašo o drumo e čačipaske. I lumia ka del kritike baš o evangelie sebepi nadosledno dživdipa sa okola so ispovedinen pe. Em o pakjavutne šaj te peren pišmani kana ka dikhen kaj buteder legaren o anava taro Hristos na peraven pe tele ko takati taro Svetu Duho.

Sebepi so ki khangiri isi em manuša bezechencar ko riziko si te gndinen kaj o Devel olengere da bezeha thovela. Odoleske o Hristos vazdel akava garavipa taro avutnipa em akharel sarinen te haven kaj o karakteri a na o stavi anel prasiv e jaziake(sudbinake) taro manuš.

O misal e kakoli em akava e sepetkaja sikavela kaj nane te avel o vakti kana okola so kjeran anarhia ka šaj te oven irame anglal o Devel. O giv thaj o kakoli valjani te bajron barabutne sa dži ko lunipe. O šukar da em o bilačhe mačhe barbautne ikaven pe avri taro pani em oven barabutne sa dži ko definitivno hulaviba.

Poodorig o duj misajla sikaven kana, ka agorkjerel o adalati nane te ovel nevo vakti bašo prostiba. Kana ka agorkjerel pe o akti taro evangelie, ka avel o hulaviba o šukar taro okola e bezechencar em odolea i hazia taro o duj grupe savakteske ka oven rešime.

O Devel na mangel sakone te mudarel. „Agjaar vakjerel o Devel-mange nane dži ko meriba okole so na pakjal ko devel, numa te iranel pe taro plo bilačho drom te šaj te dživdinel! Em agjaar iranen tumen taro tumaro bilačho drumo!. Soske te meren kher e Izraelseskoro?“ (Ezekil 33,11). Taro sa o vakti tari šukarin e Devleskere Duho akharel e manušen te len o bakšiši dživdipaskoro. Salde okola so ka iranen oleskere akharina ka oven mukhle te preperen. O Devel havljargja kaj o bezevaljani te ovel uništimo sar bilačhipa so si riziko e sa e kosmoseske. Sare okola so ka lepinen pe e bezeheja hem nane te hulavgjoen taro bezeha ka oven mudarde ko vakti taro oleskoro uništiba.

Dešujekhto šero

NEVO THAJ PURANO

(Akava šero si kjerdo premal e Matejeskoro evangelie 13,51.52)


Sikavibaja e manušen, o Isus em pe sikavnen hazrkjergja olen bašo olengoro avutno delo. Sa oleskere gogjaver vakjerina sine ikavde taro dende gogjaver lafia so si dende olenge. Kana vakjergja o misal e sepetkaja ov pučlja: „Havgjen li akava?“ Ola vakjergje: „Oja Devela !“ Palo odova ko jekh javer misal vakjergja olenge savo džovaplipa isi len premal o čačipa so lele la. Vakjergja olenge: „Odoleske sako kanuniko(zakoniko) so ulo siklo e havajakere thagaripaske odova si sar kherutno so taro plo barvalipa ikavel o nevo em o purano.“

O barvalipa so isi le o kherutno na ikjergja le peske. Ikavgja le te del le javerenge da. O barvalipa bajrola kana rotirinela. E kherutne sine le barvalipa em neve em purane. Odolea em o Hristos vakjarel kaj o čačipa so dengja la pe siklenge, valjani te havljaren ole e lumiake. Kana o džanlipa e čačipaske ka buvljarel pe oj agjaar ka bajrol.

Sare so ka len i evangelsko nauka taro viło, mangjen te denla em javereske. E Hristoskoro mangjipa, bijamo upre ki havaja, valjani te sikavel pe. Okola so uravgje pe sar o Hristos ka sikaven odova džanliupa džajbaja ko droma piro palo piro kote legarel tahoj Svetu Duho. Hošipaja bokh thaj troš te zapendžaren e Devle thaj e Isuse, kaste bič-havgja o Devel, ola roden sine o Lil em sar džovapi ple molitvengje em ple duhovno maribaske šungje o lafia taro Hristos: „Prostinen pe tuke o grevia !“

Ko jekh ola našti te na vakjeren lenge odova javerengje. Nane nor-

malno neko te garavel so džanelo em odova na kjerem ni okola so o vilo lenge pherdo e Hristoveskere mangipaja. Paralelalaja e baripaja taro čačipa so dengja olen o Devel em i mangjin so mangena te resen o bravalipa em o javera. Sikavibaja e Devleskere barvalipa ola resen sa pobaro em pobaro mangipa. Ola resen nevo vilo, vilo taro tikno čhavo so si agjaar jekhutne thaj nalimiririme gogjaveripa te šunel.



Olengiro maho mangela sa baripa, em sa pobuter phravel pe lenge o barvalipa e čačipaskoro thaj o gudlipa so mangjen te hulaven le e lumijaja.

E Devleskoro hramosardo Lafi, o lil e tari prakrt em o lil e džanlipaskoro bašji e Devleskere postapibe e manušencar si baro barvalipa e čačipaske. Odova si barvalipa kotar e Hristoskere bukjarne valjani te len o džanlipa. Ko plo rodiba palo o čačipa ola valjani te dainen pe upral o Devel a na upral o manuš, o bare gogjaver manuša so anglat o Devel si sar dilinipa. Prekal kana lia so korkoro alusarela o džanlipa o Devel ka legarel le sakoneske so kamela.


E Hristoskere sledbenikia te pakjanndile ko oleskoro Lafi em te dživdinen premal olate, tegani na postojnela pouka ki lumia e prakrtake so ola na ka šaj te haven ola em te oceninen ola. Odova si jekhutno čhani o čačipa te del pe e javerengje, E prakrtakiri nauke si barvalipa so valjani te len sako taro Hristoskiri siklana(škola).

Dži kote dejia amen godi e šužipaske tari natura, dži kote sikljovaja

o pouke so del amen prekal o haniba e phuvjake, arkaja sar bajrola o kašta em ko sa o čudia ki lumia, ko denizi, em ki havaja, amen o čaćipa haljovaja le ko celosno nevo čhani. Em o garavina so si ki vrska e Devleskere postapkencar premal o manuša, o horipa taro oleskoro gogjaveripa em sudi so dikhen pe ko dživdipa e manušeske - ka sika-vel pe sar barvalipa so isi la baro moldipa.

Numa, baš ko hramosardo Lafi o džanlipa e Devleske majlokheste si sikavdo e manušeske so isi le bezeha. Odova si i riznica taro baro Hristoskoro barvalipa.

E Devleskoro lafi astarel sa o sveta spise em taro Nevo em taro Purano zaveti. O jekh nane saste bizo javer. O Hristos vakjergja kaj o čaćipa ko Purano zaveti si jekh a jekh barvale kobor o čaćipa da ko Nevo. Ov sine jekh a jekh otkupiteli e manušeske ko suro tari historia e lumiakе so si akana da. Angleder pli devlikani prakrt te kjerel la manušikani em te avel ki akaja lumiao evangelsko habereja, sine havljardo e Adameske, baš o Sit, o Enoh, Matusal thaj o Noe. O Avram ko Hanan em o Lot ko Sodom havljargje akava haberem tari kustik ki kustik o pakjavutne haberdžije havljargje o aviba e Dende lafeskoro (O Vetujmo). O adetija ko Jauidakoro religisko sistemi dengjalen o Hristos. Ov sine temeli ko aniba kurbania, baro anti tipi sa olengere religiakere bukjengje. O rat so anel pe sine taro kurbania sikavel sine o Kurbani e Devleskere Bakhreske. Sa o simbolično kurbania si pherde olea. O Hristos agjaar sar so sikavgja pe e Patriasengje sar so si simbolikane sikavde aniba kurbani, sikavdo ko kanunia em arakhlo



ko delija taro o prorokia, si barvalipa e Purane zaveteske. O Hristos ko plo dživdipa, ko plo meriba em ko plo uštiba taro mule, o Hristos sar so sikavgja pe e takatea taro Baro Duho, si barvalipa taro Nevo zaveti. Amaro Spaiteli si refleksia tari slava taro plo Dat ko jekh si em purano em nevo.

E apostolenge sine vakjero te ikljon sar tasvirija te den vakjeriba e Hristoskere dživdipaske, oleskere meribaske thaj posredniko kjerdo kati sar so havaljargje le o prorokia. Tema olengere tasviribaske sine o Hristos, teleperavdo, numa užo em baro, leskere nanakhvede man-gipaja. Te šaj havljaren o evangelie sar celo haberi ola valjani sine te sikanen e Spasitele, na salde sar so sine sikavdo ko plo dživdipa em ko oleskoro sikljoviba, numa em sar so havlajrgje ole o prorokia ko Purano zaveti, sar so sine simbolično sikavdo ko ceremonijalnoa kurbaneskere sajgije.

O Hristos ko plo sikaviba havljargja o purane čaćipa kote ov sine okova začetniko o čaćipa so vakjerel sine len prekal o patriarsia em prorokia, numa akana sa ki nevi roš. Kobor but odolea trampingja pe o značiba akaleske! Palo olakoro vakjeriba e pendžarde čaćipaske ola ikljol sine neve roš thaj duho. Trujal odova dengja lafi kaj o Sveto Duho ka prosvetlinel em olengere siklen em e Devleskoro lafi načinavde ka phravel ple garavina em ola da ka oven kad'ri ko olakere čaćipa te arakhen neve šužipa.

Panda ko vakti kana sine vakjero o avgo dendo lafi bašo otkup taro Edem, e Hristoskoro dživdipa, oleskoro tabijati thaj oleskoro posredničko delo okupiringje e manušeskiri godi. Numa sako haberđijja prekal so kjerel siner buti o Sveto Duho akala teme sikavel sine len sar nevo em taze rošin. O čaćipa bašo otkup si kad'ri sako drom te bajron em buvljon. Trujal so si purane ola sako drom si neve, kote sikavela pobaro baripa pobaro takati sakoneske so mangel te džanel o čaćipa.

Ko sako momenti o čaćipa resel sine nevo progresi sikavel pe sine sar nevo haberi so bičhavel sine o Devel e manušenge tari odoja kustik. Sa o purane čaćipa tane neophodno potrebna, o nevo čaćipe nane biathinalo taro purano, numa si sar olakoro komentari. Kana ka hava o purane čaćipa ka hava em o neve. Kana o Hristos mangela

sine ple siklengje te sikavel o čaćipa taro plo uštiba taro mule, ov surakjerga (počmingja) e: „Mojsejeja thaj sa o prorokia em vakjergja so si hramosardo ko Lil“ (Luka 24,27). I roš so rošakjerel o nevo komentriba e čaćipaske vazdel maj upre e purane. Okova so frdel jali na dikhel i nevi, na astarel ni i purani. Oj oleske našavgja o dživdipaskoro takati em uli muli forma.

Isi asavke so vakjerena kaj pakjana em vakjerena o čaćipa e Purane zaveteske, frdibaja jekhutne o čaćipa e Neveseskere. Numa na mangi-



paja te len e Hristoskoro sikaviba ola sikaven kaj na pakjana ko okova so vakjergje o patriarsia em o proroikia. O Hristos vakjergja: “Te pakjandilen ko Mojsie, ka pakjan ki mande da, soske ov hramosarel sine mangje” (Jovan 5,46). Odoleske ko olengoro sikeljobja nane čaćutno takati trujal so si lendo taro Purano zaveti.

Buteder so vakjeren kaj pakjana ko evangelie em propovedinen le kjeren palem greška. Ola frden o purane zavetengjere delija kaske o Hristos vakjergja: „Tumen sikeljon o Lil, soske esapinen kaj isi tumen savakteskoro dživdipa ki oleste, em ola tasvirinen mangje“ (Jovan 5,39). Frdibaja o Purano ola frdena em o Nevo soske o duj aktia kjeren nahulavdo jekh kotor. Ni jekh našti čaćutne te sikavel e Devleskoro kanuni bizo evangelie jali o evangelie bizo kanuni. O kanuni si evangelie uravdo ko trupo(telo), a o evangelie komentirinel o kanuni.

Startibaja taro „Mojsije em sa o prorokia, o Isus vakjergja so siu hramosardo Oleske ko Lil.“

O dživdipaskoro
E LAFJA

O kanuni si darho, a o evangelie mirisno luludi em plodi so angja la o darho. O Purano Zavet rošarel e Neve, a o Nevo sikavel so si o Purano. Sako olendar si otkrovenie e Devleskere baripaske taro Isus Hristos. O duj da sikaven o čaćipa kaske e ozbilno manušeske so rodelka sako drom nevo horipa taro značenje.

O čaćipa ko Hristos em arakhli prekal o Hristos si namerimi. Dikhibaja ko oleskoro horipa o manuš so rodelka ko Lil sar te dikhel haing so sako drom si majhor em majbuveli. Ko akava dživdipa amen nane te ava i ko Devleskoro mangipa so sikavgja pe kana dengja pe Čhave sar pukjiba amare bezechongje. O delo taro amaro Devel so Kingja men ki akaja phuv si thaj sako drom ka ovel tema so dži ko agorutne simantre (granice) ka kjerel o takatia kobor šaj te čiven pe gogjate. O manuš šaj te kjerel majzorale sa ple mentalno takatia kjeribaja zori te havel o garavipa numa oleskiri godi ka ačhol bizo takati em but sig ka čhingjol. Em o majbukjarne manuša so rodena anglal peste ka dikhel salde nalimitirimo denizi bizo kinare(bregia).

O čaćipa agjaar sar so ikljol taro Isus šaj te tatinel pe, numa ni jekh drom našti sikavel pe. Olakoro učipa, hortipa thaj buvlipa nakhavel sa amaro džanlipa. Amen šaj amare mangjina te kjerea olen dži ko agorutne simantre(granice) ama em tegani palem našti te dikha saste o konture e mangipaskere so našti te vakjerel pe uči sar o havaja, numa so mukhlja pe ki phuv te čhivel štembili taro Devleskoro muj ko sao manušipa.

Numa, amengje si mukhlo e Devleskere gajreteske te sikljova odokhar kobor šaj te hava. Dži odothe šaj te phravljol salde jekh tikni em ponizno maho. Amen ka šaj te hava e Devleskoro gajreti salde odokhar kobor so Ov dengja o kurbani amengje. Kana ka roda e Devleskoro lafi ponizno vilea anglal amende ka phravel pe uči tematika taro pukjiba. Dži kote dikhaja la ola ka dikha sar jasno em kana ka kjera zori te hava olakoro učipa em horipa sako drom ka bajrol.

Amaro dživdipa ka valjani te ovel e Hristoskere dživdipaja valjani sako drom te ikava olestar te parvara amen olestar dživde marea so hulilo tari havaja, te piya taro o našhinavdo haing(izvori) oleskere barvalipastar. Kana sako drom anglal amende dikhaja e Devele, te mukhljam amaro viło te iranel pe salde šukaripaja(blagodarnost),

amaro religiakoro dživdipa sako drom ka kjerel šudraripe(osvežjibe). Amare molitve ka oven sar kjeriba lafi e Devlea sar so kjerel pe lafi pe amaleja. Ov korkoro ka vakjerel o garavina. But drom ka hošina baht so ikljol taro džanlipa kaj tari amari godi džana kaj isi e Isuse. But drom amare vile ka thabljon kana Ov ka avel paše te kjerel amencar lafi sar so kjerela sine e Enohea. Kana odova ka ovel kotor taro iskustvo taro sako hristiani ko oleskoro dživdipa ka dikhel pe jekhutnipa, skromnost, tromalipa em teleperavdo vilo (ponizno srce) - osobine kote ko sa so avel dži ko kontakti oleja, ka sikavel kaj sine e Isusea em kaj sikkilo olestar.

Okola so si astarde olaja, e Hristoskiri religia ka phravgjol sar sasljaribaskoro akti so bajrola sar dživdi, butikjerdi duhovno energija. Ki olende ka sikavel pe freši takati thaj baht taro sa ternipa. O viro so lel e Devleskoro lafi na rodel so našavgjovel, thaj phajrardo haing so našavel plo barvalipa. Odova si sar plaineskiri tikni len so ikljola taro našuki haing(izvor) kaskoro šudro thaj friško pani rupinela taro bar ko bar osvežibaja e čhinde, trošale thaj phare mukaja pherde.

Akava džanlipa sakone sikklovneske(učitel) e čačipaske dela baš adaja osobina so kjerela e Hristoskoro prestavniko. O duho taro Hristoskoro sikklojbe ka kjerel pobaro takati em pašipako leskere vakjerina (izjave) em oleskere molitve. Oleskoro tasviriba e Hristoske nane te ovel limitirime thaj bidživdipaskoro. O propovedniko nane palem taro suro te propovedinel jekh a jekh propovedia. Oleskiri godi ka ovel phravdi saste načinavde prosvetibaja taro Sveti Duh.

O Hristos vakjergja: "Ko hala mlo trupo em piel mlo rat, isi le savakteskoro dživdipa.. Sar mande so pali mande si o dživdo Dat, em me dživdinav sebepi mo Dat agjaar okova so hal mande ka dživdinel sebepi mande.., O duho si okova so dela dživdipe... O lafia so vakjergjum tumengje si em duho em dživdipa" (Jovan 6,54-63). Kana ka ha e Hristoskoro trupo em ka pijsa oleskoro rat ko amare propovedia ka sikaven pe elementia taro savakteskoro dživdipe. O dosadna, em o natakatengere propovedia ka našavgjojen. Kas sikaven pe o purane čačipa numa neve rošea. O čačipa ka havel pe ko nevo čhani jasno em takatea so sare ka notirinen la. Sare so isi len šajdipa te šunen asavke propovedia em prifatinen o vlijanie taro Sveti Duh, ka hošinen

o sasljaribaskoro takati e neve dživdipaske. Olende ka bajrol i jag e Devleskere mangipaske. Ka dživgjon olengoro kad'ripete notirinen em ola ka zapendžaren o lačhipa em baripa e čaćipaskoro.

O Kherutno ka sikavel okova so valjani sako sikavno e čhavengje thaj ternengje. Te astargja e Devleskoro lafi sar barvalipa sako drom ka havel neve lačhipa em nevo čaćipa. Sar sikavno te ikjergja pe upral o Devel ko molitve, oleste ka bajrol e Hristoskoro Duho, em o Devel ple Sveti Duhoja prekal oleste ka vlijanel ko gogjaja e vaverngje.



Te ha e Hristoskiri snaga, o maro,
ki dendi Devleskiri Večera,
odova si kaj anen leljame e
Hristose ko vilo

devleskere
LAFIJA

Leskiri godi hem leskoro vilo o Sveto Duho ka pherel le gudle umuteja (so nedež) hem hrabrost em ko biblisko ilustririmo čhani vakjeribaja, a ov sa odova ka prenesinele e ternengje so sikavel olen.

O hainga taro havajakoro sansari hem lošipe(radost) štampime ko vilo e sikleske lafencar taro Vdahnovenie, ka pretvorinen pe ki but zorali len em gudlipa sare so si vrska olea. I Biblia nane te ovel pobut lil so tani phari e siklenge. Arkaja taro gogjavera sikle (nastavnikija), o Lafi ka ovel sa pomangli. Oj ka ovel sar maro e dživdipaske em nane niked te purangjovel. Olakoro friši thaj šužipa ka astarel sa pobut e čhavengje thaj ternen. Ka ovel sar kham so rošarel i phuv načhinavde dejbaja roš thaj tatipa em nikana na činavela.

Ko oleskoro Lafi arakhel pe devlikano duho, sveto edukacia. Tari sako oleskiri rig ikljola nevi em bari roš. Olate si arakhlo o čaćipa bare lafencar thaj rečenicencar so džovapinena ko sako čhani, odova

si e Devleskoro hango so hošinel pe andre ko ilo. O Sveti Duh mangjel te vakjerel e ternenege em te sikavel o nevo barvalipa e Develskere lafeske. O dendo lafi so vakjergja o Baro Siklo lošarel o džanlipa em animirinel o ilo takatea so avel taro Devel. O barvali godi e ternengiri prependžarel pe prekal duhovna moldipe so sar plain ikljol anglal o barikade.

O lafia e čačipaskere ka oven sa maj prioritetna ka resen buvlipa em sasto džanlipa kaske angleder ni na dikhljam ko sune. O lačhipa em o barvalipa e Lafeske ka ovel olen palem bijando kati upral i godi thaj o tabijati. I roš e havajakiri mangipaske ka rošarel o vilo e takatea taro vdahovenie.

Kobor pobut sikklovaja i Biblia sa pobuter ka moldina la. Kotar te irana amen sikklobaja olakere riga ka arakha dokazija - e Devleskere nalimitirime gogjaveripaja thaj mangipaja.

I smisal e jaudijakere religiakere sistemea nane panda ko sa havdo. Oleskere adetencar thaj simbolia si sikavde nalimitirime soikerina e čačipaske. O Evangelie si natari so phravel sa olakere garavina. O prependžaripa e planeske ko pukjiba dela arka te hava olakere čačipa. Amengje si dendo prioriteti te hava sa akala lačhe teme, numa olaja na but na sajginajamen. Amen valjani te hava o horipa e devlikane čačipaske. O melaikija da mangen te khuven ko čačipa so si olenge sikavde okolenge so vilea roden e Devleskoro lafi em molinen pe te resen džanlipa pobare dimenziencar-pobaro buvlipa, hor thaj učipa so šaj salde ov te del olen.


Sar avaja dži ko agor e istoriake taro akava sumnal, o anglovakj erina(proroštva) so legaren pe e agorutne divesenge valjani šukar te sikklova olen. O agorutno lil e Neve zaveteske pherdi si čačipaja so valjani te hava le. I Satana kojrargja i godi butederenge em ola hari lena sa so si vakjero te na sikklova o Otkrovenie. Numa, o Hristos prekal plo sluga o Jovan havljarel so ka ovel ko agorutne divesa em vakjerel: „Halali okoleske so drabarel, halali okoleske so šunel o lafia taro anglovakjerina em iranen sama(vnimanie) so odothe hramosarela“ (Otkrovenie1,3).

Korkoro o Hristos vakjerela: „Akava si savakteskoro dživdipa: te pendžaren tut, jekhutno čačutno Devel thaj Isus Hristos“ (Jovan 17,3).

Soske odotar pohari havaja o moldipa akale džanlipaske? Soske na tabljona ko amare vile okola slavna čačipe, soske na tinanena taro amare vošta, soske na pronikninena ko sa amaro trupo?

Dejbaja plo Lafi, o Devel dengja amen sa o čačipa so valjani te kurtalinel amen. Miliona manuša astargje akala hainga e dživdipaske numa odova butipa panda na tiknilo. Milja dikhen e Hristos angal

„Halai okoleske so drabare, halai okoleske so šunel o lafi taro proroštvo (Biblja), em pazinena o hramosardo ko odova lili.



peste, dikhijaba irangje pe em ule sar ov. Olengoro duho thabljal olende ko vakti kana kjeren lafi oleskere karaktereske, ko vakti kana havljaren okova so o Hristois ulo olenge em so ule ola e Hristoske. Numa o manuša so rodarinena(istraživačija) panda na iscrpingje akala bare em sveta teme. Javera bizo numero milja šaj te kuven ko rodariba tari garavinja taro kurtalibe. Kana bavinaja amen e Hristoseskere dživdipaja em e karkaterea tari oleskeri misija, ko sako drom te phrava em te arakha o čačipa, olakere zrakia si sa pozorale. Sako nevo rodiba arakhel nevo em maj interesno so sine angleder amengje pendžardo. Akaja tema si bizo agor. O siklijobe taro Hristoskoro lejba trupo, oleskoro džajbe kurbani taro sansarluko (pomiruvanje) em oleskiri posledničko sajgija, ka okupirinel o gogja taro bukjarne rodarutne em ko savaktipe(večnost); hem dikhindo ki havaja hem premal oleskere bberša bizom numero, ola ka čhingaren: „Bari si i garavin taro devlipa!“

Ko savkateskoro dživdipe ka siklijova okova so šaj sine te siklijova

akate kana bi ova mukhle te ova prosvetlime, sar so šaj sine te ova akate. O teme phanle e pukjibaja ka okupirinen amaro vilo, godi thaj i čhib e pukjibaske ko sa vakti. Ola ka haven o čačipa so manglja o Hristos te sikavel olenge pe siklenge so ola našti sine te haven olen soske na sine len but pakjajbe. Ko savakti ka sikavel pe neve dikhina taro Hristoskoro perfektno em slava. Ko thavdipa taro svakteskere zamania taro o savakti e pakjavutno Kherutno(domakjini) taro plo barvalipa ka ikavel em o nevo em o purano.

Dešudujto šero

TE RODA TE ŠAJ TE DA

(Akava šero si kjerdo premal e Lukaskoro evangelie 11,1-13)

OHristos lela sako drom taro o Dat te šaj te del amen. Ov korkoro vakjergja: "O Lafi so šunen nane mlo, numa taro o Dat so bičhavgja le mange" (Jovan 14,24). „Sar o Čahvo e manušeskor so na alo te kjerer buti oleske, numa ov te kjerel buti“ (Matej 20,28). Ov dživdinel sine del sine godi bičhavel sine molitve na peske, numa javerengje. Sar ka nakhel sine but arija(saatia) e Devlea, Ov džala sine te legarel olenge e havajakoro rošalipe e manušengje. Sako dive palem krstinel pe sine e Bare Duhaja. Ko javinakere saatia ko sako nevo dive o Devel vazdel le sine taro suno, kjerel sine mazunipe oleskere mahoske em oleskere voštengje te šaj te hulavel javerenge. Tar e havajake re avlina dena pe sine leske neve lafia, lafi so ko čačutno vakti ka vakjерel e čhindengje em peravdengje. Korkoro odoleske vakjergja:



O proroko Isaija a resel leske haberí
taro Devel, kote džanle čhibabaj
hramosarela la ki Biblijá

Odeveskere
LAFIA

„O Devel, o Devel dengja man džanli čhib te šaj sasljarov e čhindén lafencar. Sako javin Ov džangavel mo kan te šaj te šunav sar o sikle“ (Isaja 50,4).

E Hristoskere sikle sine but lošale oleskere molitvencar em oleskere adetea te ikjerel pe paše dži ko Devel. Jekh dive palo oleskoro otsustvo arakhlje ple Devle sar si hor ki molitva. Ko avgo momenti sar nadžanlo kaj ola si odothe ov thavdingja ple molitvaja em odova čhingarinaja. O vile e siklengere sine hor asatrdene. Kana ov agorkjergja e molitvaja ola vakjergje: “Devla sikav amen te molinam!”

Dejbaja džovapi o Isus palem kjergja e Devleskiri molitva sar so vakjergja la ki Veš. Em palo odova ilustririme sikavgja i pouka so mangla te vakjerel olenge.

Vakjergja: „Kana khoni tumendar isi le amal em džal oleste ki jekvaš i rakj em vakjerel oleske: „Amala dema ko zaem trin mare, soske alo mangje amal taro drumo, a anane man so te čhivav anglal oleste, a okova andral te vakjergja džovapi: Ma doasdin man o udar si akana phanloo čhave si mancar em pašlilem našti uštav em te dav tut, vakjerav tumengje te na uštilo te del ole soske si amal oleske, ka uštel te dele kobor valjani sebepi soske sine but dosadno!“

Akate o Isus sikavel e molitele so ro dela te šaj del javereske. Valjani sine te lel maro soske na ka šaj sine te čajljarel e čhinde, em kasno alo dromarutno. Uzal so o komšia sine agjaar ko našukar vakti vazdimo našti sine te iranel ole, e amaleske valjani te del pe arka, em agjaar ko agor taro oleskoro rodiba sine phursarkjero em leksere mangina čajljarde.

Ko asavko čhani o sikle da valjani te roden gudlipa taro Devel. Kana parvargja butederen em vakjergja i propoved taro havajakoro maro, o Isus ple siklenga sikavgja so valjani te kjerer sar oleskere sikle. Ola e manušenge valjani sine te hulaven o maro e dživdipaskoro.

Okova so dengja olen i buti džanel sine kobor drom ka oven čhivde ola ki kontrola. Džanel sine kaj but drom ka arakhen pe ko bilacho momenti svesno kaj o manuša nane te oven ko takati te arakhen momenti te rešinen o problemi. O manuša, bokale e dživdipaskere mareske ka aven olende, a ola ka hošinen pe otstranime taro sa hem ka našti te den len araka. Odoleske korkoro ka kjerer te resen dži ko

o duhovno hajbe soske nane te ovel olen khanči te den javerenge, a na valani te mukhen ni jekh bokhal maho. Odoleske o Hristos bičhavel olen sine ko hainga kote ka šaj te len. O manuš kaskoro amal alo te rodel arka, uzal ko našukar vakti, paše ki jekvaš i rakj. Ov na irangja



Olsus parvargja e džianen pandže
marencar em duje mačhencar em
vakjerela: „Me sium e
džidipastoro maro, me sium e
havajakoro maro

O devleskere
LAFJA

ole. Na sine le khanči so te del ole, numa gelo okoleste kaste isi hajba em rodingja olestar sa dži kote o komšija na dengja ole. A o Devel so bičhavel ple slugen te šaj parvaren e bokhalen nane li te čajljarel olengoro mangipa bašo oleskoro delo? Numa, o sebično komšia ko akava misal na sikavel e Devleskoro tabijati. I pouka na lel pe taro kobor si slično numa tari kontra odoleske. Em o sebično manuš ka prifatinel o sig rodiba za te šaj cidel pe olestar so dosadinel le. O Devel uživinela te del. Ov si pherdo sabr'ea, džanlipaja mangel te del sarinengje so aven oleste em rodena numa te ovel olen pakjiv. Ov dela amen te šaj amen da te da javerenge odolea so ka ova sar oleste.

O Hristos akcentirinela: „Molinen em ka ovel tumengje dendo! Roden em ka arakhen! Khuven em ka ovel tumengje phravdo! Soske sako ko rodel a lela, em koj rodel arakhela, a okova so khuvela ka ovel oleske phravdo!“

O Spasiteli majodorig vakjerela: „A ko si okova dat maškar tumen-de,“ so ka del pe čhaveske bar, te rodingja maro? Jali rodel mačho a ko than mačho del le sap? Jali te rodingja jaro te del le skorpia? Em agjaar tumen so sien bilače. Šaj te den šukar bukja tumare čhavenge, kobor pobut e Devleskoro Dat ka del len o Baro Duho okola so ka molinen le?“

Te šaj kjerel majzorali amari pakjiv ko Devel, o Hristos sikavel amen te anavkjera le neve anavea, anavea so si i vrska e majšukar liparimo(spomnimo) ko amare vile. Ov dela amen prioriteti o nali-mitirimo Devel te akhara ole amaro dat. Akava anav sar so anavkjera ole kana rodaja le jali kjeraja lafi oleske, si nišani amare mangipaske premal oleste amari konekcija olea odova si kapara oleskere arakhi-baske amenge, sar ov legarel pe premal amende. Vakjero kana rodaja oleskoro pašipa jali gudlipa reflektirinel sar muzika ko olesker kana. Te šaj ma te dikha le sar nalačhipa odova so anavkjera ole odolea lafea

Ko si okova dat so ka del pe čha-
veske jali čhajakebara jali
skorpija Te rodingja olestar
maro, mačhe jali phabaj?



Ov korkoro vakjergja ole nekobor droma em mangel odova anav te ovel amengje paše. O Devel amende dikhel sar oleskere čhave. Ov pukjingja amengje taro akava bilačho sumnal em alusargja te ova taro oleskoro thagarutni familia čhave thaj čhija e havajakjer tagaripaastar. Ov akhargja amen te ikjera amen upral oleste pakjivaja pobari tari pakjiv e čhaveskiri premal plo dat. O jeria (roditelia) mangjen pe čhaven, numa e Devleskoro mangipa si but pobaro pobuvlo em pohor taro manušikano mangipa. Oj našti te merinel pe. Em odova te sine akale phuvjakere jeria džanen te den šukar bakšišia pe čhavengje odoboka pohari o Dat ka del o Baro Duho sare okolenge so rodena le.

E Hristoveskere vakjerina baši molitva valjani te dikhen pe šukar. Ki molitva pašljol e devleskiri nauka em akava Hristoskoro misal

akcentirinel o aktia so ka oven taro hairi sare okola so ka haven olen. Ov sikavel sar dikhela o čačutno duho tari molitva, akcentirinel o zoralipa taro istrajnost kana ikaven o rodiba anglal o Devel em mangel te sikavel kaj ov si hazri te šunel em te del džovapi ko amare molitve.

Amare molitve na troman te oven sebična salde amare haireske. Amen valjani te roda te šaj te da. O akti taro Hristoskoro dživdipa valjani te ovel akti em ko amaro dživdipa. Vakjeribaja premal ple sikel ov vakjergja: „Sebepi olenge dava man mande, te šaj oven ola da posvetime premal o čaćipa“ (Jovan 17,19).

Odoja isto predanost, o isto kurbanluko, i isto pokornost anglal o rodiba taro Develskoro lafi so dikhol sine ko Hristos, valjani te dikhen pe em ko oleskere izmekajra. Amari misia ki lumia si na te sajgina amenge, jali te kjera šukaripa salde amenge, amen valjani te bajrakjera e Devle, barabar olejate te kurtalina e manušen so isi len bezeha. Valjani te roda taro Devel gudlipa so ka šaj te da amare majpašenge.

O kadr'luko te priminesalde šaj te ačol, salde te dengjam. Amen na ka šaj te la e devleskere gudlipa odola te na hulavgjam olen javerencar so si trujal amende.

Ko akava misal o moliteli nekobor drom sine iramo, numa na cidingja pe taro plo nieri. Odoleske amare da molitve na dobinena ko odova momenti džovapi jali agjaar dikhen pe o bukja; numa o Hristos sikavel amen kaj na valjani te činava te molina amen. O molitve na valjani te kjerer desavi promena ko Devel, numa odoja valjani te anel amen majpaše dži ko Devel. Kana olestar rodaja, Ov šaj te dikhel kaj odova valjani amenge but thaj te kjerel te prekontrolirina amaro vilo thaj te kaina amen bašo desavo bezeh. Odoleske legarel amen prekal kontrole thaj pharipa telepravel amen ko ponižibete šaj te dikha sos i odova so našti kjeraja o akti so valjani te kjerel o Svetu Duho prekal amende.

Isi šartia(uslovia) prekal so e devleskere dende lafia ka šaj te pher-gjon. O kjeriba buti niked našti trampinen pe molitvencar. O Hristos vakjerel: „Te manglen man ka arake mle kanunia!“ em so vakjerava!“ „Sako kaste isi mle kanonia em vakjerina ka pazinel olen, ov mangjela man, em okova so mangela man, ka ovel manglo taro mo Dat, me da

Isus : „Te manglen man, ka pazinen
mle zapovedia“



ka mangav ole em korkoro ka avav oleste“ (Jovan 14,15.21). Sare so vakjeren ple mangina anglal o Devel, iranibaja taro oleskere dende lafia trujal so na pheren o šartia te praven e Devle. Ola vakjeren e Hristoskoro anav sar dokazi kaj isi len niami te šaj te pherel pe olengiri mangin numa na sikava amari pakjiv ko Hristos em amaro mangipa premal oleste.

Buteder ple došeja našavgje pli i šajsarin te oven astarde taro o Dat. Amen valjani bare samaja te dikha o kreditno lil kolea ikljova anglal o Devel. Dži kote na šunaja amen anglal o Devel legaraja obvrznica so ka valjani te pukjina kana nane te phera o šartia telal so šaj te pukjina olen. Amen ikava anglal o Devel oleskere dende lafia em rodaja te pherel amare mangina, trujal so ov odoela ka peravel plo anav.

O dendo lafi si: „Te ačhilen ki mande thaj me lafia ačhon ki tumende, roden sa so manghen em ka ovel tumengje dendo“ (Jovan 15,7). O Jovan vakjerela „Em palo odova džanaja kaj pendžara odova te kjergjem oleskere dende kanunia. Okova so vakjerel: “Džanava odova“ a na kjerel odova hovavno si thaj o čaćipa nane ki oleste. A okova so kjerel buti te šaj pherel oleskoro lafi, ki oleste e Devleskoro mangipa čaće reslja perfekcija“ (1.Jovan 2,3-5).

Jekh taro agorutne Hristoskere zapovedia dži ko ple sikel sine: „Mangjen tumen jekh jekhe sar so me mangav sine tumen, agjaar tumen da te mange tumen jekh jekhea“ (Jovan 13,34). Pheraja li amen akaja zapovedi jali negujnaja zorale na hristijansko bukja ko amaro

tabijati? Te kjergja ko savo da čhani mazunipa jali nekaste uvredinjam amari savala si te prznajna amari greška em te roda te baruština amen. Odova valjani te kjerel pe te šaj te ikljova anglal o Devel pakjivaja em te roda nevo blagoslov(gudlipa).

Isi panda jekh pučiba so but drom pomukhaja le okola so ikljon anglal o Devel manginaja. Sien li sine iskreno em česno anglal o Devel? Prekal o proroko Malahija o Devel vakjerela: „Panda taro tumare dadengoro vakti tumen ciden tumen taro mle vakjerina em kanunia em na arakhen olen. Iranen tumen premal mande em me da ka iranav man premal tumende kjerel lafi o Devel upreder sa. Pučena: „Sar te irana amen?“ Tromal li manuš te ikjerel peste odova soj e Devleskoro? A tumen ikjerena adavaj soj mro thaj pučena: „so si odova soj tro a ikjeraja amende?“ Ko dešto kotor(desetok) em ko prinosa“ (Malahija 3,7.8).

Sar okova so dela men sa o šukaripa(blagoslovija) o Devle isi le niami ko desavo kotor so isi amen. Odoja si oleskiri rezerva kasaja ov podržinela o propovedanje taro Evangelie. Kana ka kjera zori o dešto kotor(desetok) te irana e Devleske, amen sikavaja kaj čače sajdinaja oleskere bakšišia. Numa te na dengjam taro okova so si oleskoro sar šaj te roda olestar gudlipa? Te sijam bipakjavutne ke phuvjakere šukaripa, sar šaj te adžikera olestar te del amen e havajakere lačhipa? Šaj baš odothe garavel pe i garavin taro naresle molitve.


Numa o Devel ple baripaja si haz'ri te prostinel em odoleske vakjerela: „Anen sa tumare desetokija ki riznica te ovel hajbe ko mlo kher. Tegani kontrolirinen man. Nane li te pharava tumengje e havajakere brane em nane le te dav upral tumende pherdo gudlipa. Nane le sebepi tumengje ma te mukhav o skakulco te na ruminel o giv em te ovel gabeli o drakha ko tumare umalja(polia)... Tegani sa o džianija ka dikhen tumen sar bahtale, soske ka oven mangli (blaženo) – vakjerel o Devel upral sarinende“ (Malahija 3,10-12).

Isto odova važinela baši sa o javera Devleskere rodariba. Sa o bakšišia ka den pe salde te sien sine gogjaver te šunen. E Devle isi le del pherdo gudlipa sa okolenge so ka kjeren buti olea. Sare so šunen le šaj te roden olestar a Ov ka pherel sa pe dende lafia.

Numa amen valjani te sikava zoralni, em upreder sa bari pakjiv ko

Devel. Ov odložinel te pherel amare mangjina te šaj te kontrolirinel amen amari pakjiv jali o čačipa amare mangjinake. Te rodingjam so si paše Oleskere lafestar amen ka valjani te pakja ko oleskoro dendo lafi em palem te vakjera amare mangina numa zorale so ov ka našti te iranel amen.

O Devel na vakjerel rode jekh drom em ka dobine! Ov akharel amen te roda, numa stalno bizo te čhingjova ko rodiba. Ov stalno rodiba kjerela amen te ova panda majserozno em bajrarde mangipaja okolestar so rodelia. O Hristos vakjergja e Martake ko limori e Laz-



E Lazareskoro voskresenie; o Isus
vakrel e Martake; Ti phral o Lazar
ka uštel. Pakiajā lit u ko odova?

reskoro: „Nali vakjergjum tuke te pakja, ka dikhe sine e Devleskoro baripa?“ (Jovan 11,40). Numa but amendar nane len dživdi pakjiv. Odoleske da na dikhena pobut dokazia ko Devleskoro zoralipa. Olengoro nazoralipa si problemi tari olengiri na pakjiv. Olende isi len pobari pakjiv ko olengere delija a na ko delija so kjerel o Devel olenge, solea kjerem o korkoro legariba galja peske. Planirinena em kjerena, numa hari molinenem em isi len hari čačutni pakjiv ko Devel. Ola gndinena kaj isi len pakjiv numa odova si salde momenti. Na resibaja te haven ple mangjina jali e Devleskoro hazripa te šaj te čajljaren olen ola nane uporno ko plo rodipa anglat o Devel.

Amaro rodiba valjani te ovel odobokha čačutno thaj zoralo jekh a jekh sar so o rodiba taro amal kana si ki bibaht em alo ki jekvaš i rakj te rodel maro. Kobor majozbilno em zorale rodaja sa pozorale

ka ovel amari duhovno jekhipa e Hristoja. Ka resa pobare gudlipa odoleske so amari da pakjiv bajrola. Amari buti si te šaj te roda em te pakja, em te kjera buti popaše e Devleja so šunela amare rodiba, gogjaja kaj „siem Devleskere džibukjarne“ (1.Korinkjania 3,9) em te kjera lafi em buti premal amare rodaripa.

Ka dobina but bukja bizo agor kana o bibahta ka sikaven kaj siem inspiririme čačučutne pakjavibaja ko than(na mesto) amare molitve te sikaven kaj si ola samo kjeriba čuče lafia.

Kana ka ikljon o bibahta kana ka arakha amen ko pharipa ma udžaren o manuša te den arka. Roden taro Devel. O adeti amare bibahtalipaske em mukengje te vakjera olen javerenge kjerela amen salde panda po rušale a na pozorale na kjerel ni amare pašen. Odolea pheraja olende da pharipaja amare duhovno maanencar so našti te lokharen amen. Amen rodaja takati taro bezechendar kerde bitia, mule manuša ko momenti kana šaj te resa takati taro čačutno thaj o majbaro Devel.

Na valjani te džan dži ko agor e lumiake te šaj resen gogjaveripa thaj džanlipa soske o Devel si paše. O džanlipa so isi tumen akana jali ka resen len ko sig vaktia nane te kjerel te ovel tumen pobaro spatalipe. Ka ovel tumen okova so ka šaj o Devel te kjerel tumengje. Amende valjani te ovel amen pohari pakjiv ko okova so šaj te kjerel o manuš a pobut pakjiv ko okova so šaj te kjerel o Devel sakoneske so pakjala. Ov mangjel te kjeren odova pakjivaja.

Ov mangel olestar te udžarten bare aktia. Ov mangjel te haven em e phuvjakere em e devleskere pučiba. Ov šaj te kjerel but pobari tumari intelegracia. Ov šaj del tumen taktičnost em džanlipa. Istemalkjeren tumare darbe, roden e Devlestara gogjaveripa em ka dobinen sa okova so rodena.

Ikjeren tumen upral e Hristoskoro lafi. Ov na akhargja tumen te aven oleste? Ni jekh drom ma vakjeren lafia so ka kjerel mazumi jem ka uništinel o umuti(nadež)! Te kjergjen agjaar but ka našaven. Dikhibaja salde o avrutne faktia, thaj negiriba em rodiba salde kana isi tumen pharipa em presie tumen odolea sikaven kaj tumari pakjiv si nazorali thaj nasvali. E Devleskere rezerve si maj zurale, oleske preperel sa o sumnal. Dikhen pakjibaja ki havajal. Dikhen Okole so isi le roš, zoralipa thaj butikjeriba.

I čačutni pakjiv si zorali, zorale aktencar, saste nietea so našti te oven nazorale ni vaktea ni torea. „O terne čhingovena, o tikne čhav našti stabilno pirena. Numa okola so pakajana ko Devel o takati nevikjerel len, bajron olenge o paka sar ko orlia prastan, načhingjove-na džana majodorig.“ (Isaija 40,30,31).

Buteder mangjen te den araka javerenge, numa dikhen kaj nane len duhovno takati jali roš so šaj te hulaven la pe majpašencar. Ola neka sikaven ple mangjina anglal o troni e mangipaske. Te roden te šaj resen dži ko Svetu Duho. O Devel tergjola palo sako dendo lafi so vakjergja ole. Biblijaja ko vasta vakjeren: „Kjergum sar so vakjergjan, Sikavav to dendo lafi: „Rodem em ka ovel tumenge dendo! Roden em ka arakhen! Khuven em ka ovel tumenge phravdo!“

Na salde so isi amen prioriteti kana molina amen ko Hrostoskoro anav, numa valjani te ova inspiririme taro Svetu Duho. Odova sikavel so manglja te kjerel o Pavle kana hramosargja kaj o Svetu Duho „posredinel amengje panda navakjerde lejabaj soluko“ (Rimjania 8,26). O Devel mangjel te del džovapi ko akala molitve. Kana ozbilno thaj jagale sikava molitve ko anava taro Isus Hristos, tegani baš odova jagalipa si Devleskoro depoziti em Ov ka lel amari, molitva thaj „ka kjerel buteder taro okova so šaj te dikha jali te džana“ (Efesijania 3,20)

O Hrsitos vakjergja: „Sa so rodingjen ko molitve, pakjan kaj odova reslen, em ka ovel odova“ (Marko 11,24). „Em so te roden ko mlo anav, ka kjerav, te šaj bajrol o Dat ko Čhavo“ (Jovan 14,13). A o manglo Jovan pherdo andral Bare Duhoha, vakjer but jasno em bare umuteja: „Amende isi pakjiv ko Devel em džanaja kana amen molina amen bašo odova so si ko aspekti oleskere mangipaja, Ov ka kjerel odova. Džanaja kana rodaja Ov šunel amen em džanav kaj ko amare rodarina ka resa em džovapia“ (1 Jovaneskoro 5,14.15). Odoleske sikaven tumare mangina anglal o Dat ko anav taro Isus! O Devel ka bajrarel odova anav.

E Devleskiri renkija(vinožito) so arakhel pe ko troni odova si fakti kaj o Devel si čačutno, kaj oleste nane trampa, thaj nane ni učharin kaj irangja. Amen kergjem bezeha premal oleste em na siem kadari te mangel amen, numa palem Ov korkoro čhivgja ko amare vošta majšuže taro sao rodaripa. „Ma frde amen sebepi to anav, ma ladžav-

Amaro Spasiteli em Prvosvešteniko o Hristos, ke havajakoro Svetilište ple čhaven legarel ko plo vilo.



Odevleskere
LAFIA

ker o troni te baripaske, de tut godi em ma čhinav to dendo lafi amencar (Eremija 14,21). Kana ka ava oleste vakjeribaja kaj siam sine nabare em isi amen bezeha, Ov dengja peske savala kaj ka šunel amare mangjina. O baripa oleskere troneske si depoziti kaj ka pherel sa o dende lafia so dengja amengje. Sar o Aron so simbolikano sikavel e Hristose amaro Spasiteli ko Hrami legarel o anava taro sa preperutne ple naciake ko plo vilo. Amaro Prvosvešteniko liparel sa o lafia solea dela emen sine gajreti te pakja. Ole sako drom isi ki godi plo zaveti.

Sare so rodena le ka arakhen le. Sare so khuven ko udara ka phravel pe. Nane te šunen pe o lafia: „Ma te dosadine man; o udara si phanl, na mangava te phravav o udar!“ Nikaske nane te vakjerel: Našti te dav tut arka!“. Okola so ki jekvaš i rakj ka roden maro te šaj parvaren e bokhale ile ka oven šunde.

Premal e Hristoskere lafia okova so rodingja maro te šaj parvarel e jabandžia dengje le“ odokhar kobor so valjani sine“. Premal savi mera o Devel ka del amen te šaj da amare pašengje? „Premal i mera taro Hristoskoro bakšiši“ (Efesjania 4,7). O melaljaikija bare samaja dikhena sar legaren pe o manuša premal ple majpašencar. Kana ka dikhen kaj khoni sikavel sar hristijansko sožalibe premal okola so kjeren bezeha, ačhol uzal oleste em vakjerel leske pohari lafia so valjani te oven vakjerde so si maro e dživdipaske odole ileske. Em agjaar o Devel „ka pherel sa tumare potrebe, premal plo barvalipa“ (Filipjania 4,19). Tumaro čačutno tasviripa Ov ka kjerel ole zorale ko

takati e dživdipaske so ka avel. E Devleskoro lafi ko tumaro muj ka ovel lafi taro čačipa thaj jekhipa.

Plesutne zoreske (lična naporija) javerengje valjani te ovel anglal vakjerdo baripa taro garavde rodipa soske valjani baro gogjaveripa te havel pe i nauka bašo kurtaliba e mahongoro. Angleder te kjerer lafi e manušencar kjerer lafi e Hristosea. Oven hazrkjerde anglal o troni taro devleskoro mangipa te šaj te kjerer buti tumare pašengje.

Tumaro vilo neka ovel pherdo mangjinaja te ikljon anglal o Devel, anglal o dživdo Devel! E Hristoskoro dživdipa sikavgja so šaj te resel manuš kana ka ovel leske dendo taro devlikano baripa. Sa so reslja o Hristos taro Devel, šaj amen da te resa odova e Devlestari. Premal odova roden em ka resen. Pherde, istrajno, Jakoveskere pakjivaja, naphagje zoralipaja taro Ilija, roden te resen sa okova so dengja tumengje lafi o Devel.

Ki tumari godi neka formirinen pe bare idee e Devleske. Tumaro dživdipa garavde relacijaja neka ovel phanlo e Hristoskere džvdipaja. Okova so vakjergja e rošalipaske te rošarel o karanluko mangel te rošarel em ko tumare vile te zapendžarel e Devleskere baripa ko muj taro Isus Hristros. O Baro duho ka pučharel e devleskere lafija, anibaja sar dživdipaskoro takati ko vilo so si hazri te šunel. O Hristos ka anel tumen anglal o udar e Develskoro. Ka šaj te dikhen o baripa palal o perda em ka sikaven e manušengje o butiba taro Okova so savakteske dživdinel te šaj te molinel pe tumengje.

Dešutrinto šero

O DUJ MANUŠA SO MOLINENA PE

(Akava šero si kjerdo premal e Lukaskoro evangelie 18,9-14)

„**A**okola so sine ki peste sigurno kaj si pravedeno thaj baripaja dikhen sine ko javera“, o Hristos bičhavgja olenge i gnd bašo farisei thaj o cariniko. O Farisei gelo ko hrami te molinelpe e Devleske. Na odoleske kaj dikhla peste sar manuš so kergja bezeha, thaj rodiba te kosel pe taro o bezeha, numa peste dikhla sar pravedniko udžaribaja odoleske te ovel falimo. Odova so džal sine te sajginel e e Devleske odova dikhel sine sar pli zasluga odolea so mangjel sine te sikavel pe e Devleske. Ko jekh ov pakjala sine kaj o manuša ka dikhen le oleste javer čhane sar baro em kaj si odolea paše uzal o Devel. Ov odova kergja te ovel respektirime em taro Devel em taro manuša. Oleskoro pakjajbe ko Devele ulo salde taro plo interes.

Mangel sine but te vazdel pe. Agjaar kjerel sine, agjaar džala sine agjaar molinelpe sine. Hulavgjovel sine javrenedar sar te mangel sine te vakjerel: „Chiden tumen! Ma aven uzal mande paše ma te bajrarav tut“ (Isaija 65,5). Tergjol sine em molinelpes sine salde peske. Zadovolno korkori pestar, gndinela peske sine jkaj o Devel da em o manuša dikhen le isto čalipaja.

Vakjrel sine: „Devla! Šukuri kjerava tuke so nasium sar o javera manuša: čora, bi pakjavutne, švalejra, jali sar akava cariniko!“. Plo tabijati na dikhel sine premal e Devleskere norme e tabijeteja taro javer manuša. Oleskere gndia irangje le taro Devel em dikhel sine e javere manušen. Odothe pašljola sine i garavin taro oleskoro čalipa korkoro peja.

Ov poodorig da gejnel sine ple šukar kjerde delija: „Postinava duj drom ko kurko em dava deš procentia taro mlo barvalipa. „I religija taro farisei na astargja dži ko oleskoro vilo. Ov na kjerel sine zori te ovel sar o Devel ko karakteri, o vilo te ovel leske pherdo mangipaja thaj gudlipaja. Ov sine čalo e religijaja ko okova kotor so sine dikhlo so kjerela ov. Oleskoro nijami sine salde oleske - plod taro oleskere delja em moldinel sine la premal o manušikane norme.

Sako okova so peste dikhela sar pravedniko ov dikhel e javeren javere jakhencar. Sar peste so kjerel sine paralela javere manušencar, o farisei em sae javeren kjerel sine paralela salde premal oleste. Plo nijami dikhel sine premal olengiro, agjaar so kobor ola dikhel len sine sar majbilačhe sa pobuter ov dikhel pe sine sar pošukar. Oleskiri korkoro pravda kjerel sine te došakjerel e javeren. E „javere manu-



Dui molitelia ko hrami: o Farisei
em o cariniko

Devleakere
LAFIJA

„šengje“ ov notirinel sine kaj si okola so phagjena e Devleskere kanunia. Odolea sikavgja o duho e satanakoro, koj došalela amare pralen. O manuša so sine inspiririme asavke duhoja našti te keren jekhutnipa e Devlea, našti kjerena lafi olea, em odoleske gelo peske khore bizo te ovel leske dendo e Devleskere gudlipa.

O cariniko alo ko hrami e javere pakjavutnencar, numa sig chidingja pe ki rig dikhibaja peste korkoro sar nadostojno te lel than ko olengoro pakjaviba ko Devel. Terdipaja korkoro ov tromala sine „ni pe jakha te vazdel upre ki havaja, numa salde khuvel pe sine ko kolin“

pherdo peste kaibaja em nakamibaja korkoro peste. Sine svesno kaj iklilo hovavno anglal o Devel, em kaj si bezechencar thaj rumimo.

Ov džanel sine kaj našti udžarel ni te te dele gajreti taro manuša so si uzal oleste, soske sare dikhen le sine javere jakhencar potele. Džanel kaj nane le khanči kjerdo te šaj ikljol anglal o Devel. Em tari bari muka ov vakjergja: „Devla, ov milostivo premal mande so sium pherdo bezechencar!“. Na kjerel sine paralela javerencar. Džando odolea kaj korkoro si bango odoleske tergol sine sar korkoro te ovel anglal o Devel. Mangjel sine salde te prostinel pe leske em rodel sine gudlipa taro Devel. Em sine leske dendo gudlipa taro Devel. O Hristos vakjergja: „Akava irangja pe khore opravdime, a o javer na!“

O Farisei em o Cariniko si sikavde sar duj bare kupe manuša sa so aven te kainen pe anglal o Devel. O avgo duj čhave, bijame ki phuv sine o duj avgo prestavinikia akale kupengje. O Kain peste korkoro dikhel sine sar pravedniko em alo anglal o Devel anibaja salde baro mali. Na angiargja nisave bezeha em na hošingja te del pe leske gudlipa. Numa, o javer alo ratea so sikavel sine kaj si taro Develskoro bakhro. Alo sar manuš bezechencar, vakjeribaja kaj si našavdo. Oleskiri jekhutni pakjiv sine salde te resel tari nazaslužno Develskiri mangji. O Devel lelja oleskoro kurban, numa o Kaini thaj oleskoro kurban našti sine te lel. Gogjalipaja kaj valjani amengje o Devel, kaj valjani te angiargjra amaro čorolipa em o bezeha, ola si avgo šarti te ova lende anglal o Devel. „Halalli neka ovel e čorolengje duhoja, soske olengoro si e devleskoro thagaripa“ (Matej 5,3).

Sakone taro akala duj kupe, sikavde e farisejea em e carinikoja ko rapporti e dživdipaske taro apostoli Petar garavel pe but važno sikaviba. Ko avgo dive taro plo siklajviba o Petar peste dikhel sine sar but zoralo. Sar o farisei premal oleskoro dikhiba ov „na sine sar o javer manuša“. Ko anglal i rakj ko vakti kana o Juda kergja o predavstvo kana o Isus vakergja ple siklengje: „Savore ka čajljaren tumen!- o Petar odobokha bareste vakergja:“ Em sare te čajljargje pe, me nane te kjerav odova“ (Marko 14,27.29). O Petar na džanel sine savi riziko avela sine. O baripa ko oleskir maho hovavgja le. Ov esapingja kaj šaj korkoro te ikljol ko agor e rizikoja numa palo desavi aria, numa i kontrola em ov dejbaja armanja korkoro pe hulavgja pe taro plo Devel.

Kana o bašno kukurikingja dengja pe godi ko Hristoskere lafia em iznenadimo okolea so kjergja ole dikhlja ple bare Sikle. Ko odova momenti em o Isus dikhlja e Petare em odova mazumi dikhiba kote



O Petar armanjencar chidel pe
taro Hristos

sine dikhindo kaj isi le em sočuvstvo em mangipa dengja arka e Petareske te havel pe korkoro peste. Iklilo em mukhlja kjerke asva. Odova dikhiba taro Hristos phagla oleskoro viro. Arakhlya pe ko štar drumia(raskrsnica) em hor pelo pišmani bašo kjerdo bezeh. Sine isto sar o cariniko ko plo periba tele ko plo pišmanluko em sar o cariniko laalja o gudlipa. E Hristoskoro dikhiba sikavga oleske kaj sa leske prostime. Tegani našavdilo oleskoro korkoro baripa. Niked pobut na kjergja odova baripa javer drom. Palo plo voskresenie taro Isus trin droma kontroliringja e Petre: „Simone, čhavo taro Jona, mangjeman li pobut taro javera?“ O Petar na manglja te vazdel pe pobut taro ple phralja. Mukhlja pe Okoleske so šaj te drabarel leskoro viro. Vakjergja: „Oja, Devla tu džaneja kaj mangava tut“ (Jovan 21,15.17)

Em tegani si dendo oleske buti. Dendo sine leske desavi savala, but pobari em porespektirimi taro okola so kjerel len sine angleder. O Hristos vakjergja te legarel e bakhren te parvarel olen čajraja. Dejbaja ko odova čhani ov te arakhel o ile kaske dengje plo dživdipa, o Hristos e apostoleske Petar dengja le majzoralo fakti ple pakjajbaja ki oleste te ovel sigurno kaj popravingja pe. Nekana o namudro falmdžia em but korkoro baro sikavno ulo teleperavdo em pišmani. Otegani džal sine palo plo Devel ko korkoro hulaviba em ko kurbanluko. Ulo kotor

taro Hristoskir ponižiba, em kana o Hristos drom ka bešel ko troni taro plo baripa, o Petar da ka lel than ko oleskro baripa.

O bilačhipa so kjergja periba ko Petar, o bilačhipa so chidingja e fariseje te ovel paše taro Devel avdive da zijankjerela milja manušen. Khanči nane odokhar potele kjerdo e Devleske, khanči odobor opasno manušeskere ileske, sar so si o korkoro baripa, sadžanlipa. Taro sa o bezeha ov si maj bizi pakjiv em majphareste sasljarela pe. O periba taro Petar na ulo taro jekh drom, numa ari poari. O korkorobaripa ki oleste kergja baro siguriteti kaj si kurtalimo em ov pro palo pro gelo majtele sa dži kote na chidingja pe taro plo Siklo. Nikeda našti bizo riziko te ikjera amen upral amende em ma te da amen godi kaj siem panda ki akaja phuv soske siem siguritetno taro o iskušenia.

Sare so prifatingje e naj Bare kobor te ovel čačutno olengiri transformacia na troman niked te vakjeren jali te den pe ki godi kaj si kurtalime, spasime. Odova šaj te chidel olen taro čačutno drumo. Sako valjani te sikljol ma te našavel i pakjiv em i mangjin; kana džanaja kaj Ov amende prifatingja na siem avrial taro iskušenia, e Devleskoro lafi vakjерela; “Sako so gndinel kaj tergjol, neka pazinel te na perel” (1. Korinkjania 10,12). Amaro jekhutno siguriteti si i načchinavdi napakjiv ki amende em sako drom ikjeriba upral o Hristos.

E Petareske valjani sine te havel ple tabijateskere maane em plo valjanipa taro Hristoskoro takati em gudlipa. O Devel našti sine te ikjerel le taro iskušenia em našti sine te ikavel le taro našavipa. Kana o Petar ka ovel sine hazri te šunel e Hristoskiri opomena ka ovel sine džangavdo em ki molitva. Ka dživdinel sine tinanibaja em taro Develskoro darvlipa iranibaja sama ma te preperel. Tegani ka resel sine devlikani arka em io bang khanči našti te legarel sine i pobeda.

O Petar pelo soske ikjerel pe sine but bareste, numa oleskoro kajiba em oleskoro teleperiba palem zojrakerhje oleskere pre. O rapporti taro oleskoro džanlipa šaj te ihrabrinel sakone so ka kajnel pe bezechendar. Trujal so but kjergja baro bezeh o Petar na sine frdimo. E Hrsitoskere lafia sine andre oleste ko ilo: „Ama me tuke molinav man sine ma te tikjnarel pe ti pakjiv“ (Luka 22,32). Ko vakti tari pli kjerki agonija taro kajiba, akaja molitva thaj dejbe godi sar o Hristos dikhla ole pherdo mangjiplaja em sarespekti dengje le motivi. Palo plo voskre-

senie o Hristos dengja pe godi ko apostol Petar em prekal o melaiko bičhavga haberi dži ko džuvlja: „Džan em vakjeren oleskere sikelengje em e Petareske, Ov džal anglal tumende ki Galileja, Odori ka dikhen ole“ (Marko 16,7). O naj Baro so oprostinel o bezeha prifatingja em o pišmanluko taro Petar.

Odova gudlipa so sine dendo e Petareske em sikavel pe thaj avdive sakone iloske so prepeli telal o sabrluko. O beng kergja ekstra plani: e manušen majanglal te čhivel ko bezeha, a palo odova te mukhel olen agjaar bizi arka daravutne thaj pherde darajbaja te šaj roden te molinel pe olengje. Numa soske te dara akana o Devel vakjergja: „Jali te avel telal mli pak, te phanel tromalipa mancar, em ka kjerel tromalipa



mancar“ (Isaija 27,5). Bare iloja sine amengje dendo sa so valjani te chidel pe amendar o bilačho te del amen gajreti te irana amen ko Hristos.

O Hristos dengja plo phago trupo te šaj te kinel e Devleskoro barvalipa, e manušengje te del panda jekh šajsarin. „Odoleske šaj te krstinel olen savakteske okola so prekal oleste aven dži ko Devel, soske ov dživdinel te šaj te sikavel pe baši olende (Jaudie 7,25). Ple bibezehengoro dživdipa, ple gogjaveripaja thaj kandipaja ple meribaja ko trušol e Golgotake, o Hristos kjergja vrska e našavdo manušikan rodo.

A akana, na salde sar jekh tikno manuš so molinela pe, numa sar pobedniko so khedel o emiši ple pobedake, koj rodelo o plodija tari

pli pobeda, sar šerutno amare kurtalibaske, Ov posredujnela amengje. Oleskoro kurbani si kompletno, em sar amaro posrednikoz Ov kjerala sajgija so korkoro alusargjala, vazdibaja anglal o Devel i kadilnica pre užare(čista) zasluge em e molitvencar, o angigariba em o šukuri kjeriba ple džijanestar. Sungalo sungalipaja (mirišmo mirisea) taro plo čačutnipa ola vazden pe sine anglal o Devel sar lačho sung. O kurbani si astardo, thaj sa o kjerde bilačhe bukja sine učarde thaj pomilujme. O Hristos dengja lafi kaj ka ovel ov so ka trampinel amen em ka ovel i garancia thaj Ov nikaste nane te mukhel bisterdo. Okova so našti sine te mukhel e manušen te džan ko savakteskere preperiba, okova so po ilo mukhlja le meribaske ko than olenge, ka užarel šukaravibaja em mangjipaja sakone iloske so havel kaj našti te kurta-linel pe korkoro peste em ka vazdel sakone so ka molinel pe. Ov so



ki pli vrska ko sako manuš arakhļja nalimitirimi rezerva taro moralno takati, ma te mukhel šajsarin odova takati te na istemalkjeren le ko plo kjari.

Sa e bengeskjere brigade nane len takati te peraven ne jek ilo kote jekhutne pakjavibaja ikjerel pe upral o Hristos. „E trušaleske iranel o takati em zojrarel e trušale (Isaija 40,29). „Te vakjergjam amare bezeha, Ov pakjal amende em ka prostinel sa amare bezeha ka užarel amen taro sa o bilacipe“ O Devel vakjeren: „Salde vakjere ti doš kaj cidingjan tut taro Devel, taro tlo Devel.“ „Ka prskinav tumen uže panjea te šaj te užarel tumen. Ka užarav tumen taro sa tumare melali-

pa thaj sa tumare idolia“ (1. Jovanovo 1,9; Eremija 3,13; Ezekil 36,25).

Numa, valjani te pendžara amen korkoro amen - pendžariba so valjani te kjera amen ponizna te šaj te dobina šukarin thaj tromalipa. O Farisei na sine tasviri ko plo kjeriba bezeha. Odoleske o Svetu Duho našti sine te delujnel upral olsete, Oleskor ilo sine astardo sar ko oklopi taro korkoro vakjero čačipe so na reslja te posaven ni e Devleskere strele trujal so olende namestingje olen em nišaninen sine melaikongere vasta. O Hristos šaj te kurtalinel salde okole so si svesno kaj kjergja bezeha. Ov alo „te anel bahtalo haberi e čorolengje, troma-lipa e phanlenge, te dikhen o korole, em te mukhel rahati e manušen so cidena“ (Luka 4,18). „O saste nane len valjanipa taro doktori, numa e nasvalen“ (Luka 5,31).

Amen valjani te džana amaro čačipaskoro hali. Soske tegani nane te hajova kaj valjani amengje e Hristoskiri arka. Valjani te hava o riziko so šaj te astarel amen soske nane te roda palo odova garavipa. Valajni te hosalina i dukh so kjeren o rane soske nane te manga te sasljara amen.

O Devel vakjerel: „Soske vakjerea: ’ Barvalo sium em barvaliljum, em na valjani mange khanči!’, a nadžane kaj sian čorolo, bibahtalo, kororo thaj nango! Te sikavav tut kaj valjani mandar te kine tuke galboni, užardo jagaja, te šaj te barvaljove, parne ſea, te šaj urave tut ma te dikhel pe i ladž taro tlo nangipa em iljači jakhengje te šaj makhe te jakjha, te šaj te dike pošukar“ (Otkrovenie 3,17.18).

O galboni so si užardo jagatar si i pakjiv so kjerel paralelno buti mangipaja. Salde odova šaj te kjerel harmonia maškar amende thaj o Devel. Amen šaj te ova aktivno thaj te kjera but, numa bizi mangjin, okoja mangjin so si ko viло taro Isus Hristos em nane ni jekh drom te ova kotor taro devleskiri familia.

Ni jekh nane ko hali korkoro pestar te havel o kjerde bezeha. „Maj-hohavne taro sa si o ilo em but dukhala so šaj te ikljol olestar?“ (Eremija 17,9). O muj šaj te kjerel lafi e čorolipaske ko viло trujal so o viло na mangjel te dikhel odova. Sa dži kote o manuš rodeli e Devle em vakjerel bašo plo duhovno čorolipa, oleskoro viло šaj te thablol taro baripe, kaj kosem tari oleskiri poniznost em barikani pravednost kaj oleskoro viло si but pošukar taro javera vile. Numa, i realno slika

korkoro peske šaj te dikha salde ko jekh čhani. Valjani te dikha e Hristose! Baš o na pendžariba e e Hristose šaj te kjerel o manuša te vazden pe korkoro pli pravednost. Kana ka gndina baši oleskoro užipa, em baš oleskoro sovršenstvo, tegani ka dikha amaro kislipe (slabost), amaro čorolipa o maane ki čačutni roš. Ka dikha kaj siam našavde em bizo umuti(nadež), uravde kiko šeja tari amari praved-



O Hristos prifatinel amari
molitva so si vakjerti prosto
jekhutne iloja em pakjiv sar ko
tikno čhavo

O devleskere
EGLAFIJA

nost, sar sa o javera manuša so isi len bezeha. Da dikha kaj o kurtalibe našti te astara le salde amare šukaribaja, numa jekhutne(edinstveno) Devleskere nalimitirime mangipaja.

I molitva taro cariniko sine lendi soske ov angigjarda kaj si athinalo taro Devel em so kjergja zori te dajanel pe ko Majbaro. Korkoro ov ko ple jakha nane zaslužno bašo khanči, zaslužno si salde baši ladž. Agjaar valjani te dikhen pes sare so rodena e Devle. Pakjivaja - pakjiv so frdela sako ikjeriba upral peste – o moliteli kana arakhel pe ko bilačipe šaj te konektirinelpe e haingoja taro nalimitirimo takati.

Nisave formalna obredia našti trampinen i jekhutni pakjiv thaj saste frdiba tari pli nairami prakrt, plo purano ego(me sium). Numa ni jekh nane kad'ri saste te frdel plo purano tabieti. Amen šaj te ikeramen upral o Hristos. Ov te kjerel odoja trampa ki amende. Tegani amaro ilo ka kjerel lafi: „Devla le mo ilo, soske me korkoro našti te dav tut le! Odova si tlo. Arakhle taro rumipa, soske me našti te arakhav le baši tute! Spasin man soske me našti, soske isi man kisli

(slabo) nahristijansko purani prakrt. Oblikujn man, iran man vazde, mo užipa dži ko havajakiri atmosfere, agjaar so taro mlo vilo šaj te thavdel butipa taro tlo mangjipa.

Akava frdibe e purane prakrtake taro manuš na ovela salde ko suro taro oleskoro hristiansko dživdipa. Odova valjani te ovel ko sako momenti taro olkeskoro progresi premal o havaj. Sa amare šukar kotora athinena taro takati so si avrial amendar. Odoleske amaro ilo valjani sako drom te dikhel e Devle, odoleske valjani sako drom seriozno thaj čačutne te vakjera amare kjerde bezeha em ponzna viloa te ikljova anglal oleste. Te frdingjam non stop amaro purano tabiati thaj te ikjergjam amen uzal o Hristos ka šaj rahati te dža majodorig ko drumo premal i havaj.

Kobro siem popaše dži ko Hristos odobkhar but pojasno, kober dikhaja pojasno o užaripe taro oleskoro tabijati, thaj sa pojasno dikhaja o bare kjerde bezeha em pohari ka manga te vazda korkoro amende. Okola so i havaja kjerela len sar sveto ola ka oven agorutne so ka sikaven plo šukaripa. O Apostol Petar ulo pakajvutno e Hristoskoro izmekjari em sine pursalime devlikane rošeja em takati em khelgja aktivno rolja ko kjeriba e Hristoskere khangirake, ama o Petar niked na bistergja o bilačo džanlipa taro oleskoro ponižiba, oleskoro bezeħ sine prostime numa ov šukar džanel sine kaj ko ko kislolipe taro tabijati so kjergja oleste peripa šaj te del le arka salde e Hristoskoro mangjipa. Ki peste na arakhlja khanči so šaj sine te falinel pe.

Ni jekh taro apostolia thaj porokia na vakjergje peske kaj nane olen bezeha. O manuša so dživdinien sine ko majbarop Devleskoro pašipa, manuša so sine haz'ri te džan kurbani pe dživdipaja ko than ma te kjeren bilačhipa, o manuša kaste o Devel pursargja devlikane rošaripa-ja em takati angjargje, ple bezeha ki pli prakrt. Ola ni hari na pakjana sine ki peste thaj na vakjergje kaj olende isi len desavo pravednost numa ikjeren pe sine ko Hristoskiri pravednost. Agjaar ka ovel sari-nencar so dikhen e Hristose.

Ko sako nevo frdimo pro(čekori) ko amaro hristijansko džanlipa, tumaro pokaiba ka ovel sa pohor. Baš okolengje kaske si prostime, okolen so angjargja sar ple manuša, o Devel vakjerel olenge: „I tegani ka andinen tumare lošno drumia em nepravde, em korkoro ka za-

mrzinen tumen sebepi o kjerde bezeha em gadno bukja“ (Ezakil 36,31) Em palem akcentirinela: „Ka kjerav tuja sojuzi em ka džane kaj me sium o Devel, te šaj te andine tut thaj te ladža em tari ladž ma te phrave to muj kana ka prostinav tuke sa okoleske so kjergjan“. (Ezekil 16,62.63). Tegani amare muja nane te phravgjon te šaj te vazda amen korkoro. Ka džana kaj amari spasta athinel salde tari amaro jekhipa e Hristoja. O angijigariba taro apostoli Pavle ka ovel amaro da angijigariba. „Džanav kaj nisavo šukaripa na dživdinel mande, thaj ko mlo binal (snaga)“ (Rimjania 7,18). „Nisar ma te falinav man javerea, samo šaj e trušoleja taro amaro Devel Isus Hristos prekal kote o sumnal si ulavdo em zakačime samo baši mande em e sumnaleske“ (Galatia 6,14).

Odoleske akale džanlipaja si em i zapoved:“ Gradinen tumaro kurtaliba darajbaja em tinanibaja. Soske o Devel si okova so čhivel tumen te mangjen em te kjerer buti prekal oleskoro mangipa“. (Filip-jania 2,12,13). O Devel na rodeli tumenda te daran kaj ov ple dende lafia nane te kjerel len ka čhingjol taro plo sabrluko, kaj nane te ovel le sožaliba. Tumen valjani te daran kaj tumaro merako(volja) ma te iranel pakjiv premal e Hristoskiri merakoja em tumare dživdipaja ma te legarel o tumare bilače em kustikakjere (nasledna) tabijateskere osobine.

„Soske o Devel si okova so del tumen sabri em gajreti te mangjen em te kjerer sar ov so mangela“. Valjani te daran maškar tumaro maho em tumaro baro Siklo ma te ikljol tumari purani prakrt: daran deka tumaro „Me“ ma te garavel i mangin kote o Devel mangel te resen la; daran ma te chidel plo vas taro Hristoskoro vas em te džan premal tumaro drumo bizo oleste.

Amen valjani te cida amen odolestar so ki amende šaj te vazdel čalmi, valjani te pazina amen ma te da jali la pofalno lafia. O Vazdiba em čalamluko si bengalni buti. Ov kjerel odova prekal faliba em prekal došperavibna. Ov falibaja kjerel te upropastinel o vilo. Sare so slavinien e manušen o beng kjerel buti olencar sar plo alati.

E Hristoskere bukjarne na troman te falinen ni te oven falime. Tari amari panorama našavgja okova „me“. Salde o Hristos valjani te ovel vazdimo ko piedestali. Premal olste okova so mangjel amen em so

tromalingja amen taro amare bezeha, prekal o rat „te vazdel pe falba taro amaro ilo em premal oleste neka ovel legardo sako jak“ (Otkrivenie 1,5). Okova dživdipa kote isi dar taro Devel, nane te ovel pherdo mazunipaja thaj umoribaja. Kana o Hristostos nane ate, o muj kjerel te ovel mazumi, a o džvdipa pherdo solukoja(vozdiški). Okola so si pherde korkoro peja, so mangena korkoro pes, na hošinena potreba te ovel olen dživdi, hem lično konekcija e Hristoseja. O vilo so na pelo upral i Karpa(o Hristos) si baro pea em ple saikjeribaja. O manuša mangen dostoinstveno religia. Ola mangen te džan taro drumo so si buvlo i religia te lelaren o ple asavke save si, sa olengere tabijateja. Olengoro korkoromangjipa em o mangipa te oven falime em bare, čhinaven e Spasitele taro olengere vile, em bi oleskoro ačhol len salde mazunipa. Numa, e Hristoskoro dživdipa ano manuš si talo haing tari loš. Sare so priminen ole ola si bahtale. „Soske agjaar kjerel lafi o Baro em o Majučo, so savakteske dživdinel thaj o anav oleskoro si Sveto: „Bešava ko učo thaj sveto than, ama me sium em okolencar so si mučime em peljardo, te šaj kjerav dživdo o duho taro smirime, em te kjerav dživdo o vilo taro cidime“ (Isaija 57,15).



Bizo Hristos ko vilo - dar, nemir,
nasiguriteti, nadžanljipa, asva, hapia
sojbaske..

Kana sine garavdo ko jekh than ki karpa, o Mojsej dikhraj e Devleskoro baripa. Kana amen ka garava am odola thana tari i Karpa, o Hristos ka garavel amen ple posavde vastea em ka šuna so vakjerela o Devel ple izmekjarengje. Amenge da sar e Mojsiaske, o Devel ka

sikavel sar „O Devel si lačho em šukarutno, so trpinel i holi, but šukarutno em čačutno, sikavel šukarin milja manušengje, prostinel o kjerde bilačhipa bezeha e sako zulumi (2 Mojsieskiri 34,6.7).

E Hristoskoro delo - oleskoro otkup - anel šužipa so manuš phare šaj te havel ole. „Sa i jakh so na dikhlja, thaj o kan so na šungja, em ko manušeskoro ilo na alo, o Devel si haz'ri sarinengje okola so mangen ole“ (1. Korinkjania 2,9). Iramo taro Hristoskoro takati kana o manuš so kjergja bezeha avel paše dži ko vazdimo trušol, kana ka perel ko kočaka ov ovel nevo. Resle nevo ilo em ovel nevo kjerdo ko Isus Hristos. O Baripa na rodel pobuter.

O Devel „pravdinel okole so pakjala ko Isus“ (O Rimjania 3.26). A „okola so opravdingja len em kjergja len bare“ (Rimjania 8.30). Kobor te ovel bari olengiri ladž, em olengoro rumipa kjerdi taro olengere bezeha, panda pobaro si sajidin(čest) em o falimo dendo lafi lendi taro otkupime mangjipa. E manušenge so mangjen te ovel olen devlikano muj, dela pe lenge niami te uživinen devlikano barvalipa, bari sajidin so ka vazdel len ko pobaro piedestali čak pobaro taro melaikija, so niked na pele.

„Agjaar kjerel lafi o Devel, e Izraeleskoro otkupiteli, Oleskoro Svetco, okola so prezirinen ole em čhudena le o nacie. Ka vazden pe o thagajra, ka frden tele e knezen, sebepi o Devel, so sikavgja plo pakjajbe, e Izraeleskoro Svetco so alusarel tut „(Isaija 49,7).

„Sako so peste korkoro vazdela, ka ovel ponižime, a okova so korkoro ponižinel peste, ka ovel vazdime“ (Luka 18,14).

Dešuštarto šero

O DEVEL KA ARAKHEL PLE ALUSARDEN

(Akava šero si kjerdo premal e Lukaskoro evangelie 18,1-8)

A kate o Hristos vakjerala bašo o vakti so si angla oleskoro dujato aviba em o rizikia kotar so ka nakhen oleskere sledbenikia. Dikhibaja odova periodi Ov vakjergja o misal odoleske „sar valajni sako drom te molinen pe em te na peren mazumi“.

„Ki jekh diz sine peske jekh adalatori(sudija) so na daral sine taro Devel, em na dikhel sine hič e manušen. A ki odoja diz isto dživdinel sine em jekh phivli, so sako drom avel sine oleste em molinel le sine: „Arakha man taro mlo rivali!“ Ov desavo vakti na mangel sine te šunel ola, a palo odova vakjergja korkoro peske: „Trujal so na darav taro Devel, ni o manuša interesirinen man, ka dav dumo e phivljaje, soske sako drom dosadinel man! A o Devel vakjergja: „Šunen so lafi kjerel akava rumimo adalati! “Nane li o Devel te arakhel ple alusarime so roden le em dive em rakj em ka mukhel li len lungo vakti te udžaren? Vakjerava tumenge but sig ka arakhel olen!“

E adalateske so sine anvakjerto akate na sine le gajlje e čačipaske than na žalinel sine e manušen so cidime sine. I phivli so vakjergja pli muka angla oleste sako drom iranel la sine. Oj palem avel sine oleste samo te ovel primimi ponižibaja em paldimi tari sudnica. O adalati džanel sine kaj o nijamalipe(pravda) si tari olakiri rig kaj šaj odma te dela arka ola, numa na mangel sine. Ov mangel sine te sikavel

plo baripa em takati, odova čajlola sine te mukhel la te rodel te molinel em ko čučo te del armanja. Numa ni oj na mukela sine. Kontra oleskoro ramnodušnost em zoralo viло, oj palem vakjerel sine pli molba sa dži kote o adalati na lelja te dikhel olakoro problemi.

Ov korkoro vakjergja: „Trujal so na darav taro Devel, ni o manuša interesirinen man, ka dav dumo e phivljake“! Te šaj te arakhel plo respekti em po muj, te na sikavel javno savi rig si, jekherigakoro



pristap ko aktia parnice, ov odbraningja e uporno džuvlja. „A o Devel vakjergja: 'Šunen so lafi kjerel akava rumimo adalatori!“ Nane li o Devel te arakhel ple pakjavutnen so roden le em dive em rakj em ka mukhel li len lungo vakti te udžaren? Vakjerav but sig ka počminel te arakel olen.“ O Hristos akate akcentirinel i zoralo ulavipe(razlika) maškar o na šukar adalati thaj o Devel. O sudija pomukhlja sebepi sebično te šaj te chidel pe tari dosadno phivli. Ni žalingja ika ni sfatingja la. Olakiri muka olske khanči na značingja. Kobor si različno akava taro Devleskoro stavi premal okolende so avena ki oleste! Ov bare sožalibaja šunel o molbe taro čorole em mazume manuša.

E džuvljake so rodela sine arakibe taro adalati, o meriba lelja olakere rome. Čoroli thaj bizo nikaste ola na sinela khanči te šaj te iranel plo lendo latar mali. O manuš da sebepi o kjerdo bezeh našavgja pli vrska e Devlea. Našti nisar ov korkoro te arakhel kurtaliba. Numa, amen e Hristoja siam palem ande paše e Devlea. E Devleskere alusarde si paše oleskere vileste. Odova si o manuša so ov akhargja olen

taro karanluko em kalipa ko plo lačho dikhlo than te šaj vazden ole dži ko rošalipa, sar fakelia ko karanluko akale sumnaleske.

O nanijamalo(nepravedno) adalatori na sikavja ekstra interes te šaj spasinel e phivla so dosadinel le sine. Numa, te šaj te chidel pe olatar em olakere stalno molbencar, ov lelja olakoro rodiba em spasingja la taro olakoro rivali. Numa, o Devel mangela pe čhaven bilimitirime mangipaja. Oleske i khangiri si majčacutni buti taro sa ki phuv. „Soske o nasledstvo e Devleskoro si o džiani oleskoro, o Jakov si oleskoro nasledstvo. Ov ole arakhla le ki stepsko phuv, ki bari mulan(pustina). Astargja ole bajrakjergja le em arakhla le sar pe jakhakiri zenica (5. Mojsije 32,9.10). „Agjaar kjerel lafi o Devel upral okola so si maribaske kaskoro baripa bičhavga ko mo džiani so čorgje tumen. „Ko astarel tumende astarel ki zenica tari oleskiri jakh“ (Zaharija 2,8).

I molitva tari phivli. „Arakh man taro mlo rivali!“ si i molitva taro Devleskere čhave. O beng si olengoro baro rivali. Ov si „obviniteli amare phralenge“ so došakjerela olen anglal o Devel em dive em rakj (Otkrovenie 12,10). Ov stalno kjerel zori bangivale te došakerel em hovavel em te peravel e Devleskere džiani. Akava misal o Hristos akharel ple siklen te molinen pe ko Devel te arakhel olen tari dar e bengeskiri em oleskere izmekjaria.

Ko proroštvo taro Zaharija o beng si sikavdo sar došakjerdo, numa o Hristos so kontririnel oleske e rivaleske so si kontra oleskoro narodo. O proroko vakjerela: „Palo odova sikavja mange e Isuse o avgo svešteniko so tergjol sine anglal e Devleskoro melaiko em i satana so tergjol sine desno te šaj te obvininel. O Devel vakjergja e bengeske: „O Devel te prekorinel tut benga“ O Devel so alusarga e Erusalime te prekorinel tut ! Nali ov si jalmi ikavdo tari jag a o Isus (o čavo taro Josedek) sine uravdo ko melale šeja dži kote tergjol sine anglal e Devleskoro melaiko“ (Zaharija 3,1-3).

E Devleskoro džijani akate si sikavdo sar te kjerel pe lafi čoreske anglal o adalati. Amaro avgo svešteniko o Isus rodel devleskoro gudlaripa(blagoslovi) pe džijaneske so si ki bari belja. Ko vakti kana molinelpe anglal o Devel o beng tergjola tari desno rig sar rivali. Došakjerela e e Devleskere čhaven kjeribaja zori olengoro slučaj te sikavel len ko so pobari bezehende kjerde delija. Ov anglal o Devel

vakjerel em gejnel olengere bilačhe kjerde bukja em olengere maane. Sikavel olengere maane em bilačhe bukja pakjajbaja kaj ola ko jakha taro Hristos ka ikljon džungale em bilačhe so ov ka mukhel olen bizi arka kana ka roden olestar. Sar mistidžija(prestavniko) taro Devleskoro džijani, o prvosvešteniko o Isus (o čavo taro Josedek) tergjola teleder o prokletstvo, uravdo ko melale šeja. Svesno bašo kjerde bezeha taro plo džijani, Ov si optovarime em daraja. O beng pherel sine oleskoro maho kaj isi pherdo bezeha, odolea so ov hosinela pe sine bizo umuti, a tergjol sine sar moliteli sa dži kote o beng si kontra oleste. O satana plo delo sar došjakjero surakjergja le panda upre ki havaja. Isto odole deloja kjerel sine buti em tele ki phuv ko vakti taro manušeskoro periba, a odoleja ka bavinel pe em poodorig sa dži ko agor e historiake akale lumiake. Sebepi so dikhel kaj oleskoro vakti si tikno, ov ka kjerel buti panda pointezivno em porešitelno kjeribaja zori te kjerel pobaro hovajbe em zijani. Ov si holjame kana dikhel tele ki phuv kaj o manuša trujal so si slabu em bezechencar palem respektirinen e Devleskere kanunia.

Ov rešingja te phagel olengoro kandipe(poslušnost) premal o Devel. Kjerela baro merako ki olengoro nedostojnost, kjerela trikia sakone mahoske, kjerel sako manuše te anel ko plo fako em odolea te ciden len taro Devel. Kjerel zori te došakjrel ole me te prezirinel



O beng sar lavi tergjol garavindo
me kjerel sa e manušen te astarej
len ko plo fako em te mudarkjrel
olen.

devleskere
LAFIJA

le anglat o džijani, numa sare so kjeren zori ki akaja lumia te kjeren sa oleskere nietia mangipaske, šukarin em o prostiba.

Sako manifestiriba taro Devlikano zoralipa angla oleskoro džijani ko beng kjerela zulumi. Sako drom kana o Devel kjerel ko olengoro hairi em kjari i satana ple demonencar bare jagalipaja kjerel sa te peravel. Ov si kskandžija ko sa okola so arakhle ko Hristos plo takati. Oleskiri mangin si te kjerel kskani em bilačipa, a te resla te kjerel odova sa o došalipa te frdel upral okola so pele ko iskušenie. Ov sikavel olengiri melale šeja em sikavel olengere karakteristike em maane. Sikavel olengere slabostia em na tolerancia, olengiri na šukjuri kjeriba(neblagodarnost) sar bezeh, olengiri diferencia taro Hristos kote so ladžavkerje olengere Otkupitele. Sa odova sikavel sar fakti kaj isi le niami te peravel olen. Kjerel sa te daravkjerel olengiro maho te kjerel ki olende svest kaj olengoro slučaj nane la spas em i damka tari olengiri ladž niked našti te ikavel pe. Ov pakjal kaj odolea ka randel olengiri pakjiv em ka oven telal oleskir kontrola em ka ciden pe taro Devel.

O preperutne taro Develeskoro džijani niked ka našti korokoro te peraven o došakjeriba upral olende taro beng. Sa dži kote kontrolirinen peste ka peren ki depresia. Numa ola ka roden em e Devleskere zastapniko. Ka ikjeren pe upral o zasluge taro Otkupiteli. O Devel šaj te sikavel kaj „si pravedno em te pravdinel sa kone okole so pakjal ko Isus“ (Rimjania 3,26). E Devleskere čhave bare pakjabaja rodena olestar Ov te frdel sa o doš peraviba em bangipa tari satana em te cidel olendar oleskere trikia „Arakh amen taro amaro rivali“! molinen pe ola; em e bare dokazea taro trušol, o Hristos trainkjerel e došakjerde so si but bilačo.

„O Devel vakjergja e satanake: „O Devel te džezinel tut (kazninel tut) satano! O Devel so alusargja e Erusalime te džezinel tut! Nane li ov jalmi ikavdo tari jag?“ Kana o satana mangel te kaljarel e Devlekserje džijane em te peravel ole, o Hristos odma heminel pe. Trujal so kjergje bezeha, o Hristos olengere bezeha lel ko plo maho. Ov e manušikane rodo ikavgja olen tari jag sar jalmi. Ple manušikane prakrtaja o Hristos si phanlo e manušeja, dži kote ple devlikane prakrtaja Ov si phanlo e savakteskere Devlea. E mahonge so meren uzal o vas tergjol te del arka, o Rivali si ukorime.

„A o Isus sine uravdo melale šeencar dži kote tergjol sine angla e Develskoro melaiko. O melaiko vakjergja okolenge so tergjon sine

anglal olende: "Huljaven olestar odola melal šeja!" Em vakjergja oleske: "Ake huljavav tutar o bezeha em uravav tut ko but skupo šeja!" Em poodorig vakjergja: „Čhiven oleske užo stadik ko šero!" Ola čhivgje oleske užo stadik ko šero em uravgje ole skupo šeja a odova sa dikhlja e Devleskoro melaiko"

Tegani o Devel upral o askeria ovalstingja e melaiko te kjeren savakteskiri unia e avgo sveštenikoja Isuseskoro prestavniko e Devleskere narodoske: „Te geljan palo mle drumia, em pazine mle dende lafia, ka ove šerutno ko mlo kher, ka arakhe mle avlina em ka mukhav tut te šaj te khuve okote kote javer da tergjona odothe" em maškar o melaikia so si uzal e Devleksoor troni" (Zaharija 3,3-7).

Trujal o mane taro Develskoro džiani, o Hristos na frdel okolen kaste pazinela len. Oleste isi takati te šaj trampinel olengere šeja. Ov huljavel olengere melale šeja em sare so kainen pe em pakajana uravel olen šeja taro plo čačipa. Ke havajakere raportia trujal olengoro anava tergjola em lafi: „Pomilujmo!" Ov angigjarela olen sar ple anglal o celo kosmosi. Olengoro rivali, o beng, avel sar došakjerdo em hovavno. O Devel čače ka del olen pravdina bašo ple alusarde.

I molba „Arakhman taro mlo rivali !" na legarel pe samo e bengeske sar dušmani, nego sa e takatenge kolea ov sajginela pe sine ki načačutni roš sikavel, te iskusinel sine em te kjerel zijani e Develeskere džianeske. Sare so resingje te ikjeren e Devleskere kanunia taro džanlipa ka dikhen kaj maren pe rivalea so isi le kale takatia zoralipa. Asavke rivalia mangen sine te ponižinen e Hristose ko svako momenti, a sar načchinavde em faisalkjerede(rešeni) kjeren sine odova niked na kjerga o manuš nane te dzanel! E Hristoskere sikel em olengoro Sikavno sine ikjerde telal savakteskere iskušenia.

O lil sikavel o hali ki lumia angleder o dujto aviba taro Hristos. O Apostol Jakov sikavgja o bičalipa em bokh em o terori so ka oven but.. Ov vakjerel: „Avena akana tumen o barvale!" Tumaro barvalipe phergjen ole ko agorutne divesa. Eke o kjari taro argatia so lunargje tumare nive so tumen lelen la tumengje, em i čhingar taro lunajra, ale dži ko kana e Devleske upreder o askeria.

Ki phuv džividinen barvale em raskosno, parvargjen tumare vile sar dive čhinibaske. Adalatikjergjen thaj mudargjen e pravedniko a

Ko agorutne divesa o barvalipa
akale lumiake, džala ko vasta
taro barvale ki smetka taro
čorole



Devleskere
ELAFIJA

ov na kjerel khanči kontra tumende (Jakov 5,1-6) Odoja si i slika so si avdive. Razno terorerea thaj čoripaja o manuša phergeje pe barvalipaja dži kote anglal o Devel pekinel o bokhalo manušipa.

„O nijamalo adalati(pravosudstvoto) em o nijami tergjola dur, soske o čačipe pelo ko drom em nane le pobut avipa dji ki sajdin. O čačipa našavdilo, a ko chidel pe taro bilačipa, ka ovel plenimo“ (Isaija 59.14.15). Akava ulo taro Hristoskoro dživdipa ki phuv. Ov pakjivaja kjerel sine e Devleskere kanunia, čhudel sine e manušikane paramisia em rodiba so si čhivde ko than odoleske. Baš odoleske ov sine mrzimo em paldimo. Akaja historia palem ovela akana.

O manušikane kanonia em tradicie vazden pe upreder Devleskere kanunia, a okola so pakjana ikjeren pe dži ko Devleskere kanunia palem si ponižime em paldime. Baši plo pakjivipe ko Devel o Hristos sine došalo kaj phagel o savato em hulinel ko Devle. Sine vakjerdo kaj si opsednimo taro demonia em sine havljardo kaj Ov korkoro si Velzuveli. Ko odova čhani doškjerena em peravena e oleskere sledbenikia. O beng isi le umuti kaj odoleja ka čhivelen ko bezeha em i ladž ka frdel la upral o Devel.

E tabijeteja taro o adalatori ki akaja parabola, adalatori so na daral sine taro Devel thaj na ladžal sine taro manuša, O Hristos sikavel o sudiba so kjerel pe sine tegani em kote ko sig vakti korkoro ka astarel pe ko asavko sudiba. Ov mangjel sine oleskoro džijiani bašo sa vaktia te haven kaj našti te ikjeren pe upral akale phuvjakere upravitelia jail sudie ko momenti kana ka ovel olen bibahtalipa. E devleskere sled-

Olsus došakjero phanle vastencar
anglal o šerutne. Em oleskere
sledbenikia nakhena isto odova
drumo



benikia but drom ka valajani te ačhoven anglal o manuša ki službeno stavi kote e Devleskoro lafi na prifatingje le sar merka em sovetniko, numa legarde taro ple na devlikane instiktia.

Kjeribaja lafi bašo o na čačutno adalatori, o Hristos sikavgja amen so valjani te kjera. „Nane o Devel te arakhel amen sar sledbenikia, so rodena len em dive em rakj?” Amaro misal o Hristos na kjergja khanči te arakhel pe jali te tromakjerelpe. Ov pli slučka mukhlja Devleske ko vasta. Em oleskere da sledbenikia na troman te došakjeren jail te peraven nekas te jali zorea te kjeren nešto te šaj te kurtalinen pe korkoro peste.

Kana ka sikaven pe o bibahta so našti te rešina olen na tromaja te mukha te peraven amaro rahatluko. Trujal em te kjeren pe našukar nijami (nepravda) prema amende, na troma te holjana. Te arakhlijam amende duho taro na mangipa em dusmanluko amen salde ka kjera amengje zijani. Ka randa amari pakjiv ko Devel em ka kjera mazumi e Sveti Duho. Uzal amende isi amen tasviri, e havajakoro haberđija, so ko than amengje ka vazdel o bajrako kontra amare dušmania. Ov ka arakhel amen e rošale zrakoncar taro o Kham taro nijamalipe, kotar so o beng našti te nakhel. Ov našti nakhel taro odova štiti tari devlikani roš.

Dži kote ki lumia bajrol o terori em narespekti ni jekh amender našti te hovavgjovel kaj amende nane te ovel amen muke em problemia Baš odola muke em problemia šaj te anel amen dži ko troni paše dži ko Majbaro. Ka šaj te roda godi Okolestar so isi le majbaro gogjaveripa.

O Devel vakjerela: „Akhar ma ko pharo dive” (Psalam 50,15). Ov akharel amen te sikava em vakjera amaro pharipa anglal olste te šaj te roda e devleskiri arka. Ov dengja amen zapoved te ova majsig ko amare molbe. Salde so ka ovel amen desavo problemi jali pharipa amen valjani te bičhava leske ozbilna molitve. Amera uporno molitvencar sikavaja fakti ki amari hor pakjiv ki oleste. I svest taro amari potreba te molina amen ozbilno em amaro havajakoro Dat si havljardo taro amare molbe.

But drom sa okola so si ponižime em izložime ko paldiba (progonstva) sebepi pli pakjiv ola si ko iskušenie te šaj te gndinen kaj o Devel bistergja olen. Ko jakha e manušenge ola si sar malcinstvo. Dikholapes sar te pene olengere dušmania lošalen upral olende. Nu-ma ma te mučinel pli sovest! Okova so cidingja olengoro sebepi, so legarel sine olengoro mazunipa em pharipa ov na bistergja olen!

E devleskere čhave nane mukhle bizo nikaste em korkoro. I molitva čhivel ki akcija o vas taro Majbaro. Molitvaja „pobedinela o thagaripa, kjerde delija taro nijamalipe pravednost), resle dendo lafi, phanle o muja taro arslania, em čhinavge o zoralipa e jagakoro”. So si i molitva, amen ka hava kana ko akava ka dophera o raporti e mučime mahoj so mule baši pli pakjiv so „teringje ko našipa ko javer askeria” (Jaudie 11,33.34)

Te kjergjam amaro dživdipa te ovel ki sajgija salde Oleske amen niked nane te arakha amen ko momenti kote o Devel nane haz’ri. Savi te ovel amaro hali, amende isi amen Lideri so ka sikavel amenge o drumo save te oven amare muke amende ka ovel amen sigurno Sovetniko, save te oven amare mazunipa savo te ovel amaro kor-korutnipa, amende isi amen Amal so si uzal amende. Te kjergjam taro na džanlipa disavo bilačo delo, o Hristos nane te mukhel amen. Oleskoro hango jasno em sikavdo šunel pe sar kjerela lafi: „Me sium drumo, čaćipa em dživdipa” (Jovan 14,6) “Ov ka kurtalinel e čorole so mučinel pe, em e mučime so si cidime em maltretirime so nane len arka”(Psalmi72,12).

O Devel vakjerel kaj respekti čhivane oleske okola so mangen te oven aše uzal oleste em verno kjeren sako oleskoro dendo kanuni. „E zorale duhoja tu arakhea le dži ko perfektno rahatluko soske ki tute

Me sium drumo, čaćipa em
džidipa, drumo so legarel ko
savakteskoro džidipa vakjel o
Isus. Džan palo mle pire! Ma darajn
! Me ka dav tumen arka.



“pakjala” (Isaija 26,3). O vas taro Majbaro si dendì te legarel amen angle em samo angle. Džan aglal soske o Devel vakjergja me ka bičhavav arka! Kjerel mange čalipa te roden odoleske em ka resen mandar araka! Me ka ovav panda pobaro anglal okola so mangen te dikhen tumen sar nadjanena. Ola ka dikhen sar mlo Lafi sako drom pobedinela. „Em sa so ka roden ki molitva pakjajbaja šaj te resen (Matej 21,22).

Sare so arakhen pe ko bilačipe kasaja kjerel pe nepravedno, neka akahren e Devle! Mukhen okolen kaskere vile si zorale sar čeliko, em sikaven tumaro rodariba anglal o Majbaro! Ni jekh drom nane frdimo ni jekh taro okola so iklile anglal oleste phage vilea. Nane našavdi ni jekh čačutni molitva. Em ko maškar taro gilja tare havajakere horia o Devel šunela i vika em taro majkislo manuš. Kana o mangjina amare vilengere sikava olen ki amari soba, keda amare molbe vakjeraja olen dži kote džaja dromal, amare lafia resen dži ko troni taro o Majbaro e kosmoseske. Ola šaj si našunde obično manušikane kaneske, numa našti te našavgjoen ko prostori jail te zadušinel i galama so isi trujal amende. Khanči našti te zadušinel o rodiba amare viloske. Upral e dromeskiri čingar, upral i čingar taro but manuša, ola vazdена pes upreder o devlikane avlige. Amen kjeraja lafi e Devlea, a Ov šunel amare molitve.

Em tumen so hošalinena pe sar nedostojno ma daran tumare mu ka te mukhen la e Devleske. Kana dengja pe korkoro o Hristos, baš o bezeha taro sumnal, o Devel lelja o slučaj taro sekova manuš.

„Okova so na poštedingja ni pe čhave numa dengja le sarenge amenge sar te del amen sa bakšišI barabar olea?” (Rimjania 8,32). Zarem nane te pherel o gudle lafia so bičhavgja olen te del amen kuraži em te zojrakerel amen?

Majbut taro sa o Hristos mangela sine te otkupinel plo nasledstvo taro vasta e satanake. Numa anglal te kurtalinel amen tari satana so si uzal amende, Ov valjani te tromalkjerel pe taro oleskoro takati so si ki amende. O devel mukhel te aven bilače momentia te šaj te užara amen taro svetovnost taro sebičnost, em i bilače nahristijansko crte ko amaro karakteri. Ov mukhela amaro maho te učharen la hor panja taro bibahta te šaj zapendžara pe olea em e Isus Hristea, kaste bičhavgja te šaj hor ko plo vilo te kerel mangipa te ova užarde taro o melalipa em tari kontrola te ikljova majužarde, porošale em pobahtale.

But drom khuvaja ko šporeti taro bibahta, soske amare vile si melale, sebičnostea, em te trpingjam i kontrola so kjerel amengje o Devel olatar ka ikljova tabijateja so si isto sar e Devleskoro. Kana ka phergjol oleskiri mangjin taro ande bibahta „tro nijami ka ovel panda porošali, a to adalati sar dive” (Psalam 37,6).

Nane riziko o Devel te bistrel o molitve pe džianeske. Riziko Devleskoro narodo so si i bibahta šaj te našavel i pakjiv em ma te kjerel sa dži ko agor ko ple molitve.

O Spasiteli sikavgja devlikano džanlipa premal i džuvli Sirofeničanka. Oleskoro vilo sine astardo kana dikhla olakoro hor mazunipa. Manglja te sikavel olake kaj olakiri molitva si astardi. Ama mangjel sine ple siklenge te sikavel, pa kjergja sar demek desavo vakti našunel sine olakere molitve taro olakoro mučimo vilo. Ama kana sikavgja pe olakiri pakjiv, Ov bičhavgja olake bare lafia em mukhlja la barvale bakšišea so rodeli sine. O sikel niket na bisterje akala vakjerde lafija, a oj si notirime te sikavel o rezultatia tari načchinavdi molitva.

O korkoro Hristos ke dajakoro vilo odole džuvljake sadinja zoralipa so natromal sine te bistrel pe. Baš o Hristos vdahninda odole phivlja, te ovel hrabro em rešitelno anglal o adalati. Odova Hristos angleder but vekia, ko vakti taro garavdi bitka ko Javok, vdahningja e Jakove tari odoja bari pakjiv. A i pakjiv so korkoro ov sadinja, niket na mukhlja te te phursakerel ola.

Ov, so bešel ko devlikano Svetiliše, adalatinela nijamalo (pravedno). Ov pobuter mnagela ko plo džijani, so marel pe e iskušeniena ki akaja sumnal, nego ko čete taro melaikija so si paše uzal oleskoro troni.

Sa e havajakiro kosmos si zainteresirimi baš amaro hurdo kotor amaro sumnal, soske o Hristos pukjingja nalimitirimi cena bašo o dživdipa taro olakere manuša. Arkaja taro bidikhle viziteria o otkupiteli e lumiake e phuvja phanlja e havajaja, soske ki olate bešen e Devleskiri otkupnica. E havajakere suštestva kana da vizitkeren e phuvja isto sar ko divesa kana phiren sine em kjeren sine lafi e Avramea em e Mojsiea. Maškaral i galama ko amare bare dizja, maškar kote so stiskinen pe ko droma em ko kurke, kote taro sabaj dži ki rakj, o manuša kjeren agjaar sar o bukja, o sporti, o uživiba sar jekhutne so isi len ko akava dživdipa, kote hari isi asavke so den pe godi bašo o nadikhime realitetia em ko odola thana.

E Devle isi le ple opservatoria so dikhena sa, em ple sveto manuša. Isi bidikhle takatia so dikhen sako lafi, sako manušeskoro delo. Ko sako bukjarno khedipa ki sako zabava, ki sako sajgija e Devleske, isi pobuter okola so šunena nego so šaj te dikha manušikane jakhaja. Podesavo puti e devleskere takatia vazdena i perda so gavarvela e nadikhle lumiake, agjaar so amare misle šaj te oven irame tari trka em i dinamika e dživdipaske em te kjeren buti e faktea kaj isi nadikhle tasvirija bašo sa so ka kjera ili ka vakjera.

Valjani but pošukar te hava i misia odole havajakjere reportejra. Ka ovel šukare te džana kaj ki sako amari buti šaj te udžara arka tar e havajakere suštestva. Okola so si mudro em ponizno so pakjan ko Devleskere dende lafia em ikjeren pe dži ko odova, arakhen len o nadikhle askeria e rošake em e takateske. Heruvimia em serafimia em o angelia so si zorale, - deš milje, puta deš milje em milje em milje tergjon tari Develskiri desno rig, "Ola si duhia so sajginena, bičhavde te sajginen okolenge so ka avel olenge o kurtalibe" (Jaudie 1,14).

Akala melaikija - haberdžije - legaren čaćutno raportie lafenge em kjerde aktengje taro o čhave e manušeskere. Sako melalo em hovavno akti mujal e Devleskere čhave, sa so trpingje em chidingje taro okola so kjerena sine zulumi, sa si notirime ki havaja.

O havaja si perdi milionija
melaikoncar, haz'ri ko saho vakti te
aven te den alk'a e Devleskere
čhavenge kana si ko zori.



„Nane li o Devel te arakhel olen ple alusarden so akharen le em dive em rakj, em ka mukhel li but te adžikeren? Vakjerava but sig ka braninel olen” (Luka 18,7.8).

„Em odoleske ma frden amari pakjiv kote isi baro bakšiši. Tumenje valjani salde sabri me kana ka pheren e Devleskiri mangjin, te resen o dendo lafi. Soske panda hari, but hari em Okova so avela ka avel em nane te harinel” (Jaudie 10,35-37). „Odoleske oven sabrlie te ovel tumen trpenie, phraljalen dži ko Devleskoro aviba! Ake o bavčandžia adžikerel o baro reslipe tari i phuv, adžikjerel sa dži kote na aven o rano em docno bršima. Adžikeren tumen da zojrakeren tumare vile, soske si paše e Devleskoro aviba” (Jakov 5,7.8).

E Devleskoro sabri si but lačho. I pravednost lungo udžarela, dži kote i šukarin akharel okole so kergja bezeha. Numa, o „nijamalipa em o adalati si darho taro oleskere troni” (Psalm 97,2). O Devel si „lungo sabrlia (dolgotrpelivo), ama baro si takatea”. Ov niked „nane te mukhel sa okola so si došale ma te oven kaznime. Oleskoro drumo si ki bari bavlal em kijameti. O oblakia si praho, so vazdena oleskere pre” (Naum 1,3). I Lumia uli rumimi em phagela e Devleskere kanunia. Soske o Devel but si sabrlia, a o manuša gazingje oleskoro avtoriteti. Ikjeren pe sine jekh jekhea ko zulumi em ko terori, premal oleskoro nasledstvo, vakjeribaja: „Kotar džanel o Devel? Džanelia li o Majbaro? (Psalm 73,11). Numa, isi linia so ola našti te nakhen la. Avel o vakti kana ka resen dži ki granica. Paše si o te nakhaven o limiti taro baro develskoro sabrluko, o limiti taro oleskoro šukaripa, em

šukarin. Definitivno o Devel ka heminel pe te odbraninel pri sajin, te ikavel ple džijane em te čhivel agor bašo akava bikanunluko (bezakonie) kova so sa pobuter bajrola.

Ko dive taro Noe o manuša na respektirinen sine e Devleskere kanunia, sa dži kote na našavgje sa so sinelen em so bistergje e devleskoro čačutnipe. Olengoro zulumkjeriba reslja odokhar bare so o Devel kjergja baro pajnipe(Potop) ki phuv em učhargja sa olakere rumime dizutnen. Tari kustik ki kustik o Devel kjerel sine buti sar ov so džanel. Kana bi ovel kriza, Ov ka sikavel pe em ka činavel o plania e bengeskere. Kana kjerel pe sine lafi e džijaneske, familiengje ili poedincogje(individue), Ov mukhel sine te kjeren pe krize, resarinaja oleskiri intervencia te šaj te dikhel pe. Ov agjaar sikavel sine kaj isi Devel ko Izrael, kova so vazdel sine plo kanunie em arakhel si ne ple džijane. Ko akava vakti kana isi bikanunipe(bezakonie) amen šaj te džana kaj sigate ka ovel i bari em i agorutn kriza. Kana o prkosiba premal e Develskore kanuni si sar univerzalno sikaviba, kana oleskoro džijiani si čhivdo ko terori em maripa taro ple majpaše, o Devel mora te heminelpe.

Avel o vakti kana Ov ka vakjerel: „Ajde sa mo džijani neka khuven ko sobe em phanen o udara pali tumende. Garav tut momenteske sa dži kote na nakhel i holi. Soske ake o Devel ka ilkljol taro plo kher te šaj te kazninel e phuvjakere dizutnen, soske kjergje bezeha. I phuv ka frdel o sa o rat okola so sine mudarde olate” (Isaija 26.20.21). O manuša so vakjerena kaj si hristijania, akana šaj te hovaven em te mučinen e čorolen; Šaj te čoren e bidadengere čhaven e phivlen, šaj te den takati ple bengeskere džungalipaske, soske našti te upravinen e gogjaja taro devleskoro džijani, ama odoleske o Devel ka ikavel len anglal o adalati. „Soske i osuda nane te ovel la šukarin premal okolen so na sikavgje milost” (Jakov 2,13). Panda hari vakti ola ka ikljon anglal o Adalatori, e sae phuvjake te den o esapi e dukhenge so kjergje pherdo trupenge em lenge taro olakoro mal. Ola šaj avdice te vazden hovavne došperavina, šaj te len ki hajgara, sa okola so čhivgje o Devel te kjeren oleske buti, šaj te gurinen sa oleskere pakavutnen ko phanlipa, ko prangie, te palden olen em te mejrakeren olen, ama baši sako duk, baši sako asvin ka valjani te den džovapi.

E havajakere adalatest e angiale e havajakoro Adalati, ka den džovapi sa okola bilačhe manuša so kjerje bilačipa e Devleskere izmekjareng.



O Devel duplo ka pukjinel olenge bašo sa olengere bezeha. E simboleske tari frdimi khangiri, bašo Vavilon, Ov ka vakjerel ple izmekjareng ko adalati: „Soske olakere bezeha pherdile dži upre ki havaja em o Devel dengja pe godi bašo kerde zulumia. Iranen olake sar oj so irangja tumengje em iranen duplo, primal olakere delia; ko tahtaj, kote oj čhorela sine, akana čhoren tumen duplo!” (Otk. 18,5.6).


Tari Indija, tari Afrika, tari Kina taro denizeskere ostrovia taro baro numero mučime taro agjaar vakjerde hristijanska phuvja, pri-minga o Devel, bičhavena vika taro bare dukha. Odoja čingar nane lungo te udžarel džovapi. O Devel ka užarel i phuv taro moralno ruminipa, na e panjencar taro bare densia sar ko vakti taro Noe, numa denisea taro jaga so ka našti te ačhavel pe nisave manušikane kjerde zorea.

O Devel ka užarel i phuv taro bezeh em okola so kjerje bezeha, jagaja.



„Ko odova vakti ka uštel o Mihael, o baro knezi so arkahel e čhaven taro plo džijani). Odova ka ovel vakti taro stradiba savo nasine taro starti e manušeskoro pa dži ko odova vakti” (Daniel 12,1).

Taro tavanja em o kolibe taro karanluko em javer than taro planine em o mulana(pustine) taro peštore e taro panjengere horipa, o Hristos ka legarel ple čhaven ki peste. Ki phuv sine em čorole, paldime, em mučime. Milionia gele ko limoria, tovarime ladžaja soske na mangle te šunen e hovavnen thaj e benge. Ko manušikane adalatia e Devleske-re čhavenge sudinen sine o majphare zlostornikia em džungale ma-nuša. Numa paše si o dive kana o Devel ka ovel o sudia (Psalam 50,6). Tegani o presude e phuvjakere nane te ove važno. „Ka huljavel i ladž



taro plo džijani, ki sai phuv” (Isaija 25,8. Sakone olendar ka ovel leske dende parne ſea (Otkrovenie 6,11). „Ola ka oven anavkjerde sar sveto džiani, develskere iskupnikia: (Isaija 62,12).

Sakone trſaleske so valjani sine te legaren ole sakone našavdeske so sine olen, sakone paldibaske so trpingje, em okola so mule akate ki phuv, e Devleskere čhave ka oven barvale phursarkjerde. „Ka dikhen oleskoro muj, a oleskoro anav ka ovel ko olengere čekatia” (Otkrovenie 22,4).

Dešupandžto šero

„AKAVA PRIMINEL MANUŠA BEZEHENCAR”

(Akava šero si kjerdo premal e Lukaskoro evangelie 15,1 - 10)

„Dži kote uzal o Hristos khedena pe sine o danočnikia em manuša so isi len bezeha“ o rabinia ko hango vakjeren sine: „Akava bešel manušencar so isi len bezeha em hala olencar“ solea mangle te akcentirinen kaj o Hristos but šukar nakhel manušencar so kergje bezaha, so si namoralno em kaj oleske na prečinel olengoro rumimo ilo. O isus čače but phare kergja mazumi e rabinen. Soske manuš odokhar uče karakterea bi chidel pe te na ovel olencar em te sajginelpes olengere metodencar taro sikaviba? Soske legarel pe odokhar prosto, soske phirel maškar sa o preperutne taro sa o staležia? Kana bi ovel čačutno Mesia, vakjeren sine oleske, Ov bi soglasinel pe olencar, a primal o danočnikia em okola so kjer bezeha ka legarel pe ramnodušno, so zaslužinena da. Odola redaria taro sasoitnikano (opštstveno) morali, sine holjame so Okova kasaja stalno khuvena pe, kaskoro dživdipaskoro užariпа kjerel sine olende baro respekti, trujal so adalatinena le sine, soske bare naklonibaja sine amal okolencar so ola gndinde kaj si rumime manuša. Na soglasinena pe sine oleskere metodologijaja. Peste ola esapinen pe sine sar educirime, barvale, ama anglal sa em kaj isi len pakjiv ko Devel. Numa akaja Hristoskiri parabola sikavela olengiri sebičnost.

Trujal sa olende holjanekrel sine da em soske uzal o Isus khedena pee m bare samaja šunena sine oleskere lafia, so primal olende sar rabinia sikaven sine salde narespekti, em manuša so na gele niked ko sinagogue. O kniževnikija em o farisera hosinena sine kaj oleskoro naporočno lejbe than osudinel olen, odoleske soke o danočnikija em okola so isi len bezeha kheden pe uzal oleste?

Ola na džanena kaj odothe garavel pe baš ko olengere lafia kaj potceninena le: „Akava priminel manušen so isi len bezeha!” O manuša so aven sine ko Isus ko oleskoro prisustvo dikhen sine kaj olenge da isi kurtaliba taro bezeha. O fariseria primal olende sine len salde ponižiba em te adalatinen, a o Hristos dela vas sine olenda sar Develskere čhave so čače cidingje pe taro o Baro Develskoro kher, ama ačhile paše dži oleskoro vilo. Baš odoleske sebepi olengoro čorolipa e bezeha, Ole sine le panda pobaro haljovipa premal olende. Kobor podur chidingje pe olestar, pohor sine oleskiri mangjin pali olende em pobaro kurbani te šaj te kurtalinel olen.

Sa odova o sikel ko Izrael, šaj sine te sikljon taro sveta spise, so baripaja arakhen len sine em komentirinen len sine: „Me našavdilum sar našavdo bakhro; o rode te izmekjare!” (Psalm 119,176). Zarem o Mihej na sikavgja e Develskoro mangipa, premal okola so isi len bezeha kana vakjergja: „Ko si sar tu, so prostinel i anarhia, so prostinel o bezeha em nakhel prekal o kjerde zulumia ko resto taro plo nasledstvo. Ko na ačhilo ki pli holi dži ko agor pe vekoste, numa Ov uživine-la te sikavel mangipa em milost(šukarin) (Mihej 7,18).

O našavdo bakhro

Akava drom o Hristos na kjergja zori te potsetinel ple šunavalen ko lafia tari Biblia, ama iranel pe sine ko plo dživdipaskoro džanlipa. I bari plain istočno taro Jordan sine barvali čajraja bašo o bakhre, a ko klisure em ko učipa so sine kašta našavgjovena sine but našavde bakhre so o pastiri pharipaja arakhel len sine em iranel len sine ko stadia. Maškar o buteder so khedingje pe uzal o Isus sine em pastiria em manuša so sine len stadia krupno em hurde hajvania pa sare šaj sine te dikhen oleskiri parabola: „Ko tumendar te soine le šel bakhre em našavel jekh olendar, nane te mukhel e enjavardeš thaj enja ki mulan em nane te rodel e našavde bakhre sa dži kote na arakhel ola?”

Akalen mahon so tumen ponižibaja dikhen olen, mangjel sine o Isus te vakjerel kaj ola preperen e Devleske. Em kjeribaja em otkupea ola si olekere em but si dragoceno ko leskere jakha. Sar o pastiri so mangela plo stado, em nane te ovel rahati te na sine le jekh, agjaar samo ki pobari mera o Devel mangjela sako našavdi em frdimo ilo.

O manuša šaj te frden oleskoro mangipa, šaj te chiden pe olestar, šaj te arakhen javere šerutne; ama ola palem preperena oleste em Ov mangjel palem te iranel olen ki peste. O Devel vakjerela: „Sar o pastiri so arakhela ple bakhren kana ka arakhel pe ko hulavdo stado, me ka sekirinav man mle bakhrenge em ka khedav len taro sa o thana kote so gele ko dive taro badal(oblako) em karanluko” (Ezekil 34,12).

Ki akaja parabola o pastiri džala te rodel salde jekhe bakhre so falinel sine ko gejniba. Premal odova kana bi ovel našavdo salde jekh ilo, o Hristos bi merel salde odole jekhake da.



Kana bi ovela salde jekh
našavdo ruhi, o Hristos bi merel
em olake.

O deveskere
ELAFIJA

O bakhro so ka našavgjovel taro stado ov si bizi arka em mukhlo korkoro peste. O pastiri valjani te rodel le soske oj korkoro nadžanel te iranel pe. Agjaar si em e ilea so našavdili taro Devel; em ako e devleskoro mangipa na avel lake ki arka, oj niked nane te resel te iranel pe ko Devel.

O pastiri kana ka dikhel kaj falinel leske jekh bakhro ov na dikhela agjaar rahati plo stado so arakhlja šukar garavdo than jail na vakjerela da: „Isi man enjavardeš thaj enja bakhre. Korkoro neka avel peske em me ka phravav o udar taro trlo em ka mukhav la te khuvel andre!” Na, kana o bakhro ka dujrargjovel taro stado, o pastiri si sekrimo em darala. Ov palem gejnel e bakhren. Kana ka dikhel kaj čače jekh bakhro našavdilo ov našti ni sovela. Mukhel e enjavardeš thaj enjna bakhren ko trlo em džal te rodel odoja jekh so si našavdi. Kobor si pokali em kijameteja i rakj em but rizično o droma, odokhar si pobari

i gajlja em i sekiracia e pastireskiri em but seriozno rodelala. Ov kjerela bare zoria te arakhel e našavde bakhre. Save lokhipaja šunela ko dur olakiri čingar so edvaj šunela pe! Šunibaja o hango ov uklelea ko majučo than avel dži ko agor e karpake so si ko učipa em anel ko riziko em plo dživdipa. Em agjaar rodelala sa dži kote dikhel kaj i čingar o bakhro sikavel kaj isi le panda hari takati. Em ko agor oleskoro zori si phursakerdo odolea so ka arakhel e bakhre. Tegani ov na akhošel ape olaja so kergja leske odokhar bare problemia. Na khuvelala kaštea. Ov na kjerel da zorea te legarel la ko po stado. Ov bahtaja lela la ko piko so saste tari dar tinabela; te sine ratvardi lela la ko vasta grabujnela la te takjarel la ple vile ate saj iranel la ko dživdipa. Pherdo čalipaja so oleskoro rodiba sine hairesko, iranel la palal ko trlo.

Slava nek ovel e Devleske so na mukhlja o Isus te gndina desavi slika sar mazuni pastiri so iranel pe bizo bakhro! O misal navakjerel naspastalipa(neuspeh), nego bašo pursalipe em i loš taro kurtaliba. Ki oleste dendo si e devleskiri garancia kaj ni jekh jekhutne našavde taro bakhre nane te ovel mukhli bizi arka. Sare so mangjen ka oven kurtalime. O Hrostos ka ikavel len taro horipa e rumibnaske em taro kare e bezechengje.

O vilo so nane le kuraži, nek ovel le kuraži, trujal so dživdine sine ko bezeha! Ma te gndine kaj o Devel nane te prostinel tuke, em ma ov ko duj gogja kaj nane te ove uzal oleste! O Devel lelja o avgo piro, Panda kana sijan sine ko hali sar bunti mujal oleste, Ov cidingja te



Ni jekh jekhutni taro našavde
bakhre taro Devleskoro
stardonane te ovel bisterdo.

rodel tut ! Šuže iloja sar pastiri mukhlja enjavardeš thaj enja bakhren em gelo ki veš te arakhel okola so našavdili. O maho, so si khuvdo em ranimo, paše dži ko meriba, lelja la ki angali pe mangipaske em batale legargja ole te garavel le ko plo trlo.

O Jaudie vakjeren sine kaj okova so isi le bezeha valjani te kainel pe anglal te šaj te ovel le mangipa taro Devel, kaj o kaiba si akti kote e manuše ka ovel le havajakoro barvalipa. Odoleske bašo odova kergja o Fariseia te den vika čudibaja thaj holjaja: „Akava lela em okolen so isi len bezeha”! But po javer čhane taro olengoro dikhiba. Ov na tromal sine nikaske te mukhel te avel dži oleste salde okola so kaingje pe. Numa ki pouka e našavde bakhreske o Hristos vakjerela kaj o kurtalibe na dobinel pe salde odleske so amen roda e Devle, nego soske o Devel ro dela amende: „Nane gogjaver, nane ni jekh so ro dela e Devle; sare gele ki rig (Rimjania 3,11,12). Amen na kaina amen te šaj o Devel zamangjel amen, numa ov sikavel plo mangipa te šaj te kjera kaiba.

Kana e našavdo bakhro angja dži ko trlo, o Pastiri pli bah sikavgja prekal šuže gilja. Akhargja ple amalen em komšien em vakjergja olenge: „Oven lošale mancar soske arakhljum mle našavde bakhre!” Em agjaar kana o baro Pastiri e bakhrengoro kana ka arakhel ple bakhre em i havaja em i phuv ovensa jekh a jekh ki loš so bičhaven dži ko Devel.

„Vakjerava kaj pobari loš ka ovel ki havaja jekhe manušeske so isi le bezeha, ko than taro enjavardeš thaj enja pravednikia so nane len zaruripa(potreba) te kainen pe”. Tumen o fariseria manglja te vakjarel o Hristos tumen dikhen tumen sar devleskere milenikia. Gndinena kaj sien but sigurno ki tumari nijamalin(pravda). Odoleske te džanen kaj mi misia na legarel pe tumengje dži kote na valjani tumengje nisavo kaiba. Me aljum te kurtalinav baš okola ponizna manuša so si svesna ple čorolipaske em ple bezechenge. E havajakere melaikija si zainteresirime odole našavde vilonge so tumen potceninenena len. Reagirinena hem ko majtapi lena len kana jekh taro odola vile ka aven mande, numa, te džanen kaj o meljaikija si lošale kaj upre ko devleskere avlina isi pobedničko giljaviba.

E rabinen sine len vakjerin kaj upre ko havaja isi bahtalipa kana ka ovel peravdo okova so kjerda bezeh premal o Devel, a o Isus

vakjergja kaj o zijankjeriba na mangjel te kjerel o Devel, em o sa i havaja del lošarela kana e Devleskoro muj ka nevikjerel pe ko ile a o Ov kjergja olen.

Kana okova si našavdilo dur ko bezeha em mangel te iranel pe ko Devel arakhel pe kritikaja em narespektiribaja. Isi asavke so telal o muj vakjerena:” Ov nane zoralo, na pakjav kaj ka ikjerelpe!”. Asavke manuša na kjerena e Devleskoro merako, numa kjerena e bengeskoro merako so si došakerdo ple phralenge. Kjeribaja buti olengere kriticizmea, o bezehalo pakjal kaj ka daravel olengere vile em ka chidel la panda podur taro Devel em tari pakjiv. Odoleske sa okola so kaingje pe taro bezeha, valjani te del pe godi e havajakere bahtake kana ka iranel pe jekh našavdo ilo. Neka ovel rahati ko Devlikano mangjipa em ma te daral taro okola so zakačinen le em okola so si fariseia so si šubelie upral oleste.

O Rabinia kjerena sine esapi kaj e Isuseskiri parabole si bašo o danočnikia em okola so isi len bezeha, ama ola te isi panda pobuvli konotacia. E našavde bakhre o Isus na sikavel salde desave manuša so isi len bezeha, ov sikavel e sumnale so cidingja pe taro Devel em sine pherde bezehencar. Akava sumnal si salde jekh atomi maškar o nalimitirime sumnalja kote sa si telal o Devel, a palem akava tikni bezehencar pherdo sumnal – odova jekh našavdo bakhro si but poskupo ko oleskere jakha taro enjavardeš thaj enja sumnala, so na našavdile taro stado. O manglo Zapovedniko ke havajakere avlina, o Isus, mukhlja plo but učo than, mukhlja pri slava so sine le ko Dat, za te kurtalinel akava našavdo sumnal. Muklja e sumnalen ko kosmosi so nane len bezeha enjavardeš thaj enja asavke so mangen ole, em alo ki akaja phuv te ovel posavdo amare bezechonge, em te ovel peravdo bašo amare irame vile (Isaija 53,5). Ko plo čhavo o Devel dengja pe te šaj te uživinen i loš so isi e našavde bakhre kana iranel pe.

„Dikhena savo mangjipa dengja men o Devel, te šaj anavkjera amen Devleskere čhaye, a odova da siem” (1.Jovanovo 3,1). O Hristos vakjerela: „Sar so tu man bičhavgjan ko sumanl, agjar me da ka bičhavav len ko sumnal (Jovan 17,18) – „te šaj me da te kjerav ko cidipa taro Isus baši khangiri, so si leskoro trupo” (Kol 1,24). Sako vilo so kurtalingja le o Hristos akhardi si te kjerel buti ko oleskoro

Olsus si šukare čobani so dengja
em plo ruhi pe bakhreng. Ola
pendžaien oleskorio hanga thaj
džana palo leste



anav bašo kurtaliba e našavdengje. Odova delo sine bisterdo ko Izrael. Avdiveda na zanemarinela pe li baš okolendar so peste dikhe sar e Isusekere sledbenikia?

Kobor okolendar so našavdile, tu so drabarea rodingjan li te irane pe ko trlo? Kana irane dumo okolenge so na mangen olen, dali havena pe kaj baš odola vile si so rodel o Hristos? Baš ko vakti kana tu dujrargjove olendar, šaj isi len but baro rodiba bašo plo sočustvo. Maškar sarinen so aven ki molitve ko hramia, isi asavke so but mangjen te ovel len raatluko, em tromalipa. Šaj agjaar avrial dikhel pe kaj isi len bigajljakoro dživdipa numa ola nena odokhar bizo oset tari presia taro o Duho. Buteder olendar šaj te pridobinen e Isuseske.

Ako o našavdo bakhro na iranel pe ko trlo, oj ka rodel sa dži kote na preperela. Buteder gele ko bilačipe soske na dengje plo vast te kurtalinen. Akala našavde vile šaj dikhovena sar zorale em nakom-promisno, ama kana bi ovel len akala aglunipa so isi e javeren, šaj ka sikaven but pobaro respekti e vilengje em pošukar sposobnosti baš i sajgija so isi ola hairi. E melaikongje si but žal akale našavde vilenge. O meljaikija rovena dži kote e manušeskere jakha si šuke em o vile phanle baši i šukarin.

O kobor si retko odoja hor trogatelno šukarin premal o našavde em okola so si ko iskušenie! O kana bi sine len e Hristoskoro ilo, em pohari, but pohari, peste e plo duho!

O fariseria havgje kaj e Hristoskere parabole si dende sar prekor. Ko than te prifatinel olengere kritike ple kjerde bukjake, Ov ukoringja

olen agjaar so soske bistrena sine e danočnikon em okola so kjerena bezeha. Ov odova na kjergja le phravde te šaj ma te phanel olengere vile baso plo sikaviba, em pe lafencar ov sikavgja o aktia so udžarel e Devle olendar em ola so pomukhle a na kjergje. Te sikaven pe sine sar čačutne pastiria akala starešine taro Izrael, ka kjeren sine pastirska butikjeriba, ka sikaven sine e Hristoskiri šukarin em oleskoro mangipe so pašakjeren pe olea ki oleskiri misia. Namangipaja te kjeren odova, ola odolea sikavgje kaj olengiri pakjiv ko Devel si hovavni. Pobuter taro okoa so šunen sine frdingje oleskere lafia ki rig. Palo e Hristoskoro voskresenie upral olende čhoridlo e Bareskoro ilo, em ola kjergje unia e siklencar ko isto akti so si hramosardo ki pouka e našavde sumnaleske.

O našavdo denari

Kana vakjergja olenge i pouka e našavde bakhreske, o Hristos vakjergja em javer vakjeribaja: „Jali, koja džuvli te sine la deš lire, em našavel jekh, nane te tharel momoli em nana te šulavel o kher, em nane te rodel bare samaja, sa dži kote na arakhel ola?”

Ko purab(istok) o khera taro čorole sine len salde jekh soba bizo pendžerke em ko karanluko. O sobe na užaren pe sine em i moneta te peli tele but sigate ka ovel učhardi pravoja em gunoja (gubre). Te šaj te arakhel pe em diveste valjani sine te tharel pe momoli em pohari te užarel pe sao kher.

O mirazi so anel sine i džuvli kana ka prandinel pe sine ko love so oj bare samaja arakhel len sine sar jekhutno baro barvalipa te šaj palo desave berša te del len ple čhienge. Te našavgja salde jekh taro odola monete bi ovel bari bibaht a olengoro arakhiba bari baht kote than lena sine em o komšike.

O Hristos odova akcentiringja da: „A kana ka arakhel le ka akharel ple amalinjen em komšien em ka vakjerel: ,Lošankjeren mancar soske arakhljum i lira so našavgjum ola! Ko odova čhani vakjerav tumengje lošakjerena em e Devleskere melaikija. Bašo jekh manuš bezehencar so kainel pe!”

Akaja parabola sar i anglutni da, sikavel o našavipa neštoske so šaj te arakhel pe salde bare samaja ked rodelna pe em te kjerel bari loš.

I Borij mirazea taro metalno monete. O našavipa ijekeh monetake si bili baht olake.



Numa, akala duj misalja sikaven duj različna kupe. O našavdo bakhro džanel kaj si našavdo. Ov korkoro mukhlja e pastire em e stado a nadžanel te iranel pe. Odova sikavel okolen so haven kaj hulavgje pe taro Devel em učharde oblakoja taro našavipa ponižime em ko iskušenie. I našavdi moneta sikavel okolen so si našavde ko kjerde greške em bezeha numa nane svesno so kjergje. Ola dujrardile taro Devel numa odova na džanen. Olengere vile si ko riziko, numa nane svesna em nasekirinen pe. Akale misalencar o Hristos sikavela em okolen so si ramnodušno prekal e Devleskere rodiba si oleskoro mangipa so sožalinela len em olende da valjani te roden pe te šaj te iranen pe primal o Devel.

O bakhro dujrargja pe taro stado em našavdili; našavdili ki mulan jail ki plain. I lira našavdili khore. Sine akate, uzal o vast, numa šaj te arakhel pes sine bare samaja.

Akava misal isi le sar haberi bičhavdo dži ki paše familia. Ko khera but drom isi baro na fermiba e vilenge taro olakere džene. Maškar olende šaj te oven asavke da so dujrardile taro Devel; numa ko familijarna odnosija but hari kjerel pe gajlja dali khoni olendar ka našavgjovel so si dendo lenge „sar Develskoro bakšiši”.

I Lira ako pašljol ko praho em gunoj ov poodorig palem si lira. I gazdraica e lirakiri rodelia la soske si skupo. Agjaar da sako vilo ako si ponizime taro bezeha ko devleskere jakhja oj si palem skupo. Sar i moneta so legarel o muj em o anava taro thagar, agjaar o manuš kana sine stvorimo oleske sine dendo muj em anav taro Devel; em odova

anav te sine avdive rumimo em ekvas koslo sebepi taro bezeha ole-skere trage ačhon ko sako vilo. O Devel mangjel ki peste te iranel sakone asavke viloja em te kjerel le sar neve mujeja tari pli nijamalipe (pravednost) em svetost.

I džuvli kaske vakjerela o Isus bukjarne rodelia i našavdi lira. Oj tharel momoli em užarel o kher. Cidibaja sa so šaj prečinel lake ko rodiba e lirake. Uzal so si našavdi salde jekh lira oj nane te čhinavel sa dži kote na arakhel ola. Agjaar isto ko jeri(ki familija) te sine jekh dženo našavdo taro Devel valjani te kjerel baro zori te šaj iranel le. Sa o javer džene ki familija bare zorea valjani korkoro te kontrolirinen pes. Neka ispitinel pe o ponašanje sarinengoro. Te dikhel pe šaj li desavi greška, jali propusti kjergja odova manuš te zojakerel plo tabijati.

Dži kote ki familija desavo čhavo nadžandle pe bezehenge o jeria na troman te pomukhen. Naka tharen o momolja em neka roden e Devleskoro lafi em ki odoja roš bare samaja te rodel pe sa ko kher te šaj dikhen soske o čhavo sine našavdo. O jeria neka dikhen ple vile ple navike em adetia. O čhave si dende taro Devel a amen siem džovaplime anglal olste sar kerajaj buti ko oleskoro mali.

Isi da em daja so mangjen te kjeren buti ko desave dur misionska thana; buteder si aktivno ko hristiansko kotor avri taro khera dži kote olengere čhave si strancia e Spasiteleske em oleskoro mangjipa. O resiba taro aktia taro Hristos but jerija mukhen e propovednikoske jail e sikleske(nastavnikoske) ko savateskoro siklojbe(savaktesoro siklojbe) numa kjeribaja odova ola pomukhena o džovapluko so dengja len o Devel. I edukacia em o obučuvanje e čhaven te sikaven pe te oven hristijania si majbari sajgijaso šaj te kjeren o jerija e Devleske. Odova si akti so rodelia but pahro butikjeriba so trajnela celo dživdipa. Te bistergjam odoja buti amen sikavaja odolea kaj siam napakjajbaske poverenikia. O Devel nane te astarel nisavo izviniba asavke bukjake.

Numa okola da so si došale asavke legaripaske na valjani te oven mazumi. I džuvli so našavgja pli lira rodelia la sine uporno sa dži kote na arakhla ola. O jerija da mangipaja pakjajbaja em molitvencar te kjeren buti e familijake ko plo kher sa dži kote na oven ko hali bahtale

te aven anglal o Devel lafencar: „Ake me em me čave so o Devel dengja len mange” (Isaija 8,18)

Odova si o čačutno misionersko butikeriba ko kher, jekh a jekh bitno o em okolemge so kjerena em okolenge so si kerdo. Te sikavjam čače interes okolenge so dživdinen ko amaro kher, amen siem hazri te kjera buti em e preperutnengje tari bari Devleskiri familia okolea



O čhave so isi len darba, si
nasledstvo taro Devel, em
amen siem džovaplime
anglal o Devel olenge


Devleskere
ELAFIJA

so te sine pakajivale e Hristoja ka dživdina ko sa o vakta sadživdipaske. Premal amare phralja thaj phenja ko Hristos valjani te sikava jekh ka jekh siklojba so sikaven o džene tari jekh familia jekh jekheske.

O Devel mangel agjaar te ova hazri te kjera buti em javerencar. Kana o krugo tari amari galja ka bajrol em amaro mangipa ka bajrol ko sa o riga ka arakha buti amengje. E Devleskiri bari manušikani familija sa o sumnal a odova na tromal te ovel bisterdo tari odoja familia em taro olakjere džene.

Kaj da te ova, desavi našavdi lira udžarela te arakha ola. A rodajala li? Taro dive ko dive arakha manušen so na sikaven nisavo interes e religikare pučibaske; posetinaja olen em kjereaja lafi olencar, numa sikavaja li desavo interes bašo olengoro duhovno šukaripa? Sikavaja li olenge e Hristos sar Spasiteli so prostinel amare bezeha? Te sine amaro viło čače takjardo e Hristoskere mangipaske, kjeraja li amen lafi odole mangipaske? Te na kjergjem odova sar ka arakha amen odole vilencar nasavde ko savaktia kana ka ikljova anglal e Devleskoro

troni? Ko šaj te proceninel i moldi taro jekh vilo? Te manglem te džanen olakiri moldi, džan ki Getsimanija em odothe oven barabar e Hristoja ko thavdipa odole saatenge tari oleskiri agonia kana ko oleskoro cekat thavdela sine ratavlo teri! Dikhen e Spasitele uče ko trušol! Šunen oleskoro dukhavdo vikiba: „O Devla, O Devla soske mukhljan man!” (Marko 15,34). Dikhen oleskoro ratvalo šero, oleskere posavde rebria, em mudarde pre! Den tumen godi kaj o Hristos čivgja sa ki kocka! Sebepi amaro otkupi, ko opasnost ali sa i havaja. Ko teluno kotor taro trušol, dejbaja godi kaj o Hristos bi dela plo dživdipa em bašo jekh jekhutno bezechencar manušeske, tu da šaj te dikhe i moldi jekhe viloskiri! Te sine tume jekhin (zaednica) e Hristoseja, tumen sako manuše ka proceninen le premal leskiri moldi. Tumen ka hošinen premal o javer jekh a jekh odova hor mangjipa so sine e Hristos premal tumende. Em tegani ka oven ko hali te pri-dobinen, na te čhiven zorea, nego te anen len uzal tumende a na te



iranen len okolen kaske Ov mulo. Ni jekh niked nane te ovel iramo anglal o Devel kana o Hristos na kergja plo zori bašo oleste em salde asavke kjerde zorea amen da šaj te kurtalina vile. Kana ka dikhen okolen so merena nane te ovel tumengje sa jekh em našaviba e diveske. Kobor si pobaro olengoro bezechem pohor olengoro čorolipa sa poozbilno em ponežno ka oven tumare kjeriba zori te šaj te pri-dobinen olen. Tumen ka preprendžaren o momentia so valjani olenge

so stradinena, so gresingje premal o Devele so si tovarime bare bezechencar. Tumaro vilo ka phergjol solidariteteja olencar em tumen ka den olen vas baši arka. Ki angalin tari pli pakjiv em mangjipa tumen ka anen len ko Hristos. Tumen ka pazinen len ka den len kuraži em tumare solidariteteja em pakjiv ka keren te oven istrajno ki pakjiv.

Ki akava delo tumen kjerен buti e havajkere melaikoncar. Sa o havajakere hainga si ko raspolaganje okolenge so kjerен zori te kurtalinen okolen so si našavde. O melaikija ka den tumen arka te šaj te astaren em e majnemarno em okola so si majzorale. Em kana jekh olendar ka iranel pe ko Devel ka ovel lošarel sa i havaja; o serafimia em o heruvimia ka len ple galbena(zlatna) harfe em ka giljaven slava e Devleske em e Bakhreske sebepi olengoro šukaripa premal o manusikane čhave.

Dešušofto šero

NAŠAVDO THAJ ARAKHLO

(Akava šero si kjerdo premal e Lukaskoro evangelie 15,11 - 32)

Oparbole bašo našavdo bakhro, baši našavdi lira thaj o našavdo čavo sikavel but šukar e Devleskoro mangjipa em gajreti sarinencar okola so mukhle ole em našavdile. Trujal so irangje dummo e Devleske, Ov niked na mukhel len ko odova čorolo hali. Ov si but šukar prema okola so si ande ko duj gogjalipa taro o hovavno dušmani.

Ki pouka bašo o našvado čavo sikavdo si e Devleskoro ponašanje okolencar so nekana pendžaren sine o mangjipa taro Dat em palo odova mukhle okole so kjerel lenge iskušenie te astarel len em te legarel len sar ov so mangela.

„Jekhe manuše sine le duj murša čhave. O poterno olendar vakergja pe dadeske: „Dade de man o kotor taro mali so si mlo. Em o dat hulavgja o imoti. Palo nekobor divesa o poterno čavo khedingja sa so si oleskoro em gelo peske ki dur phuv”.

Akava poterno čavo čhindilo taro zagnluko(stege) ko leskere dadeskoro kher. Ov gndinel sine kaj olaskoro tromalipesi ograničime. Ov nadikhel sine šukar o mangjipa pe dadeskoro em odoleske kergja sar ov so mangjela sine.

O terno manuš na mangjel sine nisave bukja te den pe leske em ni sikavgja desavo šukjuri kjeriba(balgodarnost) a palem rodingja sar oleskoro čavo te lel kotor taro o mali. O barvalipe so bi dela pe leske sine palo oleskere dadeskoro meriba, manglja odma te lel le. Bitno leske sine o momentalno čalipa, em na gndinela sine bašo avutnipa.

Kana lelja plo kotor gelo „ki dur phuv” dur taro plo dadeskoro kher. Sine le but love em tromalipa te šaj kjerel so mangjel, em ov džal sine ideaja kaj phergja sa pe mangjina so manglja oleskoro vilo. Na

sine niko ko te vakjerel leske: Ma agjaar soske ka kjere tuke zijani jali kjer agjaar em ka ovel šukare soske odova tano čačutno! Oleskere rumime amala guringje le ko pobare bezeha, agjaar so oleskoro sasto mali našavgja ole „dživdimo jekh but rumimo životi”.



O poterno čhavo – princo lelia
plo kotor taro barvalipa em gelo
ko dur than, so podur taro
leskere dadeskoro kher

I Biblja vakjerela manušenge so „gndinen kaj si gogjaver” a ule „bigogjakjere”(Rimjania 1,22) em odova si i historia akale terne manušeske sar misal. O barvalipa so sebično rodingja ole taro plo dat rasturingja le palo džuvlja. Bihaireskoro haržingja sa o barvalipa taro plo muršipa. O baravle berša e dživdipaske, o takati taro intelekti, o lače rošale vizie ternipaskere, o duhovno idealia sa odova thabilo ko jaga taro starstia.

Kana alo o bokhalipa, alo o čorolipa, em gelo te ovel izmekjari ko desvao manuš ki odoja them so bičhavgja le ki niva te parvarel balen. Jekhe Jaudiskae odova sine majteluni em majladžavutni buti. O terno so falinel pe sine kaj si tromalo, akana sine sar robi. Sine phanlo ko majphare sindžiria – „ko šele taro ple bezeha”(Gogjaver vakjerina 5,22). Našavdile o barvalipa em i roš so dikehla len sine em hošinen sine salde o pharipa taro o sindžirija. Bešipaja ki odoja mulani em pherdi bokhal phuv, bizo amala salde o bale, sine čhivdo te hal kore taro mešunke solea parvarel sine e hajvanen. Taro oleskere lošale amala so sine uzal leste ko dive kana sine barvalo, so hana sine em piena sine a sa ov pukjinel sine na ačhilo ni jekh olendar te šaj te dele

dumo. Kaj si akana oleskiri buntovno loš? Džikana smirininela sine pi godi, em kjerel sine panda potupo olsekiri svest, ov peste dikhel sine sar bahtalo, ama akana bilovengoro em bokhalo, peravde čalmea, em peravde moralno prakrtaja, slabo em bizo pakjiv merako, ačavde blagorodna hoša (čuvstva), ulo majčorolo sarinendar.



Taro princo – manuš so arakhel
baleň, taro barvalo - čorolo,
teljarde šereja, našavde
manuškane respektne

devleskere
LAFLJA

Savi slika baši o pravo hali taro jekh manuš so isi le bezeha! Trujal so uzal oleste isi o halalutnipe(blagoslovia) taro devlikano mangipa, o grešniko so pomukhel kana hošinel pe kislo em grešno blagodetia, majbut taro sa mangjel te hulavgjovel taro Devel. Jekh sar o nablagodarno čhavo ov esapinel kaj čačutne preperela e devleskere halalutnipa. Ov lel odova sar nešto so dikhela le sar leskoro na iranel šukaripaja em na kjerel sajgija e Devleske taro mangipa. Sar o Kaini so gelo peske taro Develskloro pašipa te rodel peske kher; sar o našavdo čhavo so gelo ki „dur phuv”; agjaar o manuša so isi len bezehd gndinenka kaj ka arakhen baht te bisterge e Devle (Rim.1,28)

Bizo fakti tari avrutni forma em liko sako dživdipa si jekh kjerdo peske, a odova si kheldo dživdipa. Sako so kjerel te dživdinel bizo Devel, hardžinel o majbaro kotor taro dživdipa. Našavel o najšuže berša taro plo dživdipa našavel o džanlipa e gogjakoro, e viloskro em andruno kjeribaja zijani em bankroti bašo plo savakteskoro dživdipa. O manuš so hulavel pe taro Devel te šaj salde peste dikhel, ovel izmekjari e mamoneske. I godi so dengja le o Devel bašo društvo

meljakencar, mukhel pe tele ki phuv em maškar o hajvania. Asavko si o agor kana manuš kjerel salde peske šukaripa. Te kjergjen asavko dživdipa, tegani te džanen kaj tumare love ka hardžinen bašo nešto so nane hajbe, em ko bukja so nane te čajljarel tumen. Normalno ka arakhen tumen ko momentia kana ka haven kaj pelen but tele. Kor-koro ki tumari „dur phuv“ ka ove svesno tumare čorolipaske em tari muka ka den vika: „korolo manuš sium me! Ko ka kurtalinel man taro akava meribaskoro trupo?“ (Rimjania 7.24). Saastardo čaćipa garavel pe ko lafia taro proroko: „Ma te dikhel hairi o manuš so pakjala ko manuš em na zoralo trupo esapinen le sar pli kak, em kaskoro vilo iranel amen taro Devel, Soske odova si sar kare ki mulan, na dikhel kana i baht si paše, redinel o divesa ki šuki mulan, ki londali, bizo manuša phuv“ (Eremia 17,5.6.). O Devel „vakjergja e khameske em ov ikljola em upral o bilačhe em lače, em Ov dela biršime pravednonge em okola so si napravedno“ (Matej 5,45), numa o manuša si kad’ri korkoro te arakhen pe em taro kham em taro biršim. Em agjaar trujal so o kham tari Pravda takjarela, trujal so o biršima taro devlikano mangipa perela upral sarinende, amen hulavdo taro devel majodorig šaj te džividina ki “šuki mulan – pustina” ki londali em bizo manušikane phuvja“.

E Devleskoro mangjipa i poodorig mangela okole so hulavela pe olestar em kjerel različno presie te iranel ole ko kher taro Dat. O našavdo čahvo ko plo čorolipa „alo pi peste“. E hovavne takatea so dengja le i satana, sine phagi. Dikhlja kaj oleskoro cidiba si salde taro oleskere kjerde delinipa, em odoleske vakergja peske: „Kobor izmekjaria ko mo dat isi len but maro, a me akate merava bokhatar! Ka ušatav em ka džav ko mo dat“. Trujal so sine ko čorolikano hali, i gnd kaj oleskoro dat panda mangela le dengja le pakjiv e našavde čaveske. Odova umuti kjergja te iranel pe ko plo kher. Premal odova o sigurnost taro devlikano mangjipa kjerel manuš te iranel pe ko Devel. „Na džane li sine kaj e Devleskoro šukaripa kjerela te pere pišmani?“ (Rim.2,4). Sako ponižimo ilo si astardo taro galbeno sindžiri e Devleskere šukaripaske em mangipaske so sožalinela. O Devel vakjerela:” Mangav tu savakteskere mangjipaja, odoleske stalno dava tut šukarin“ (Eremija 31.3). O čahvo manglja te angijarel pli greška. Ka džav

oleste em ka vakjerav: „Dade grešingjum prema i havaja thaj anglatute, na sium pobut dostoyno te ovav tiro čhavo“ Em, sikavibaja kobor si limitirime oleskoro džanlipa bašo mangjipa taro o dat ov ka dopherel:“ Primin man sar jekh taro tle izmekjaria!“

O terno manuš mukhlja o stado balencar em o lušpe taro mešunkaria em gelo premal plo kher. Phare phiribaja so tari bokh ov mangjipaja chidela ko drumo. Nane le nešto te učharel ple pharavde šeja: ama o čorolipa peravel oleskoro garvasijalipa(gordost) em ov sigjarel te arakhel than sar izmekjari ko kher kana nekad sine čhavo.

Kana ikljola sine taro udara taro dadeskoro kher odova lošalo em adžamija čhavo na džanel sine e dukhake thaj nostalgiake so mukhlja ko oleskere dadeskere vileste. Ko vakti kana hana sine em pijena sine pe amalencar, ov na gndinela sine tari i učharin(senka) so sine upral oleskoro kher. A ni akana dok aval sine čhindo em nasvalo ko plo kher na džanlea sine ko adžikerela le. Numa, „kana sine panda dur oleskoro dat prependžargja ole. „E mangipaskiri jag dikhela dur thaneste. Čak ni o mučimo muj taro nekoborberšeskoro nakhaviba



Definitivno o dat em o čhavo
ko tato taro vilo gušiba

O dadeskere
ELAFIJA

ko bezeha, našti sine te garavel e čhave taro dadeskere jakha. „Oleskoro dat dikhla em pelo mazuni, em odoleske phrastandilo primal oleste frdingja pe leske ki men em čumingja le“, prifatingja ole jekeh bare zorale em nežno grabujba.

O dat na manglja te mukhel ni jekh uročime jakha te šaj te kjerem hajgara e čorolipaja hem e partalencar soleja sine uravdo oleskoro

čavo. Hulavgja la taro dumo i buvli but šuži nametka em olaja učhangja o istrošimo muj taro plo čavo, dži kote ov rojbaja vakjergja o lafia taro kaiba: „Mo dat grešingjum premal tute em prema i havaja. Nasti više pobut te vakjerav kaj sium to čhavo!” O dat zorale grabungja ole em legargja ole ko plo kher. Na dengja le te ovel sar izmekjari. Ov si čhavo so ka ovel majšukar sajgimo so isi ko kher, kaste o izmekjaria em o izmekjarke ka respektirinen ole em ka sajginen o leske.

O dat vakjergja e izmekjarengje: „Sig, anen o majšuže šeja, em uraven ole em čhiven i angrustik ko vas em uraven le o minie ko pre. Anen e parvarde guruve čhinan le, te ha em te lošar, soske akava mlo čhavo sine mulo akana si dživdo, sine našavdo a akana arakhlo. Em počmingje te khelen.”

Ko plo ternipa o našavdo čhavo pe dade dikhel le sine sar lošno em strogo. A akana but irangja pli gnd! Agjaar saren so zavedingja o beng e Devle dikhena sar zoralo, so but rodelia. Ola oleste dikhena le sar desavo adalati so udžarel salde nekaste te kjerel bange em te adaletinel ole, so okova so isi le bezaeha na mangjel te priminel le thaj ni te del le arka sa dži kote na rodel em lel legalno prostiba e bezechonge. Ola oleskere kanunia kjerena len sar barikada ko drumia premal i baht e manušeske bašo pharo jaremi kaste bare voljaja bi čhuden le. Numa sarinenge kote e Hristoskoro mangjipa phravela o jakha džanen kaj o Devel si pherdo mangjipa. Ov na sikavel pe sar tiranini so mangjel te iranel o garazi numa sar dat so mangjela te gušinel ple čhave so perela pišmani. Odoleske okova so kergja bezeha šaj te del vika barabar e psalmistea: „Sar o dat so galinel pe čhaven agjar o Devel galinel sarinen okolen so darana olestar” (Psalm 103.13).

Ki akaja parabola o dat naakošela em na mazunkjerel ple našavde čhave sebepi oleskoro rumimo dživdipa. O čhavo dikhela kaj o nakhlo vakti o dat prostingja leske, koslo em bisterdo savakteske.

Agjaar o Devel vakjerela e manušeske so kjergja bezeha: „Sar magla paldingjum sa te bezeha em sar badal sa te bilače bukja” (44,22). „Me ka prostinav olengiri gjunaja em nane te daman godi ko olengere bezeha” (Eremija 31,34). „Okova so na pakjal ko Devel neka mukhel plo drumo, a okova kova so na pakjala ple gnda”. Nek iranel pe ko Devel so ka kajnelpe pe, prema amaro Devel soske ov kjergja

pobut te prostinel pe” (Isaija 55,7). „Ko okola dive ko okova vakti kjerel lafi o Devel - ka roden e Izraeskere bezeha, numa nane te ovel ole pobut; ka roden e Jaudijengere zulumia, ama nane te arakhen olen soske prostingjum sakone kas arakhlijum” (Eremia 50,20).

Savo dendo lafi taro Develskoro hazrkjeriba te šaj te priminel e manušen so kainenape baši ple kerde bezeha! Dali tu da so drabare akava lil cidingjan ko tlo drumo? Dali dujrardiran taro Devel? Dali kjergjan zori te ha taro emiši taro phagiba kanunia, salde te dikhe kaj ule praho ko tle vošta? Akana kana našavdilo to barvalipa, kana tiknile sa te dživdipaskere plania kana mule sa te pakjiva bešeja salde li korkoro? Akana o hango so but kjerel sine lafi te vilea em so namangje sine te šune le ikljov jasno em sikavde: „Ušten, džan! Akava nane than raatlukoske! Soske ulen melale odova ka zijankerel tumen ja, saste ka zijankerel tumen“ (Mihej 2,10). Iranen tumen ko tumare Dadeskoro kher! Ov akharel tumen lafencar: „Vakjer mangje soske me lelum tumare gunaja tut!” (Isaija 44,22).

Ma šunen e dušmane so ubedinel tumen kaj našti te iranen pe ko Hristos sa dži kote na oven pošukar odobokhar šukar e Devleske te šaj te priminel tumen. Te udžargjen odova momenti nikana našti te iranen pe. Kana o beng ka sikavel tumare melale šeja, vakjeren bašo Isusekoro dendo lafi.

„Okova so ka avel ki mande nane te paldav ole” (Jovan 6,37). Vakjeren e dušmaneske kaj o rat taro Isus Hristos kosela sako bezeħ. I molitva taro David neka ovel tumari da: „prskinman tereja za te šaj



O Hristos ka sigjarel te lel tut em
te grabujel tut ki peste ko
oleskoro nalimitimo mangipa

O devla kere
LAFIJA

te užaraman, thov man em ka ovav poparno taro iv” (Psalm 51,7).

Ušti em dža ko to dat! Ov ka ikljol tuke ko merametluko. Te kjergjan salde jekh piro taro kaiba Ov ka sigjarel te gušinel tut ki pli angali tari nalimitirimo mangjipa. Oleskoro kan si phravdo bašo soj phage ileske. Oleske si pendžardo em kana tumaro ilo avgo drom irangja prema ko Devel. Niked nane kjerdi molitva kobor da te ovel nasovršeno, niked na thavdingja asvin, kobor te ovel garavdi, niked na sikavgja pe čačutno mangipa prema o Devel kobor te trušalo. E Devleskoro ilo te na uštilo te bajrarel olen. Anglal te vakjarel pe jali te havljarel pe i molitva jail te sikavel pe o mangipa ko vilo. E Hristoskoro šukaripa kjerel buti upral manušeskoro vilo.

Tumaro Dat mangel te huljavel tumare melale šeja taro bezeha. Ko lačho simbolikano proroštvo taro Zaharia o pravosvešteniku Isus (o čhavo taro Josedek) tergjol ko melale šeja anglal e Devleskoro melaiko si sikavibaja e manušen so isi len bezeha. Em o Devel vakjarel o lafia: „Huljaven olestar odola melale šeja! Em vakjergja oleske: „Ake hulavav tutar džunaja em uravav tut ko skupo šeja.” Čhiven oleske



uži stadik ko šero! Ola čhivje leske uži stadik ko šero, uravje le skupa šeja uzal e Devleskoro meljaiko” (Zaharia 3,4,5). Isto agjaar o Devel tute da ka uravel tut ko „plašto taro čačipa” (Isaija 61,10). „Dži kote tumen raatlinena sine tumen maškar o stadia sien sine sar gulubia kaskere paka rošangje ko rupuj, a o perduvia sar galbenoja”

(Psalm 68,13). Ov ka anel tut ko sobe kote isi hajbe em ka učharel tut pe mangjipaja (Gili upral o gilja 2,4). „Te gelanj prema mle drumia” vakjerel o Devel, „tu ka ove legarutno ko mlo kher, ka arakhe mle avlina ka dav tut te šaj ave maškar okola so tergjon odothe” – maškar o meljaikia so si paše uzal olskoro troni” (Zaharija 3,7).



„Sar o džamutro kana prandinel pe bojraja.. agjaar to Devel ka lošarel tuja”(Isaija 62,5). „O Devel to Devel si ki tute ko maškar, zoralo Spasiteli. Ov ka lošarel tuke, pherdo lošaja ka ovel tuke gudloro ko to mangipa, ka ujral lošale uzal tute”(Sofonija 3,17). Em i phuv em o havaja ikjeren pe ki bah premal o Dat giljavdi ki gili: „Soske akava mlo čhavo sine mulo em palem dživdo, sine našavdo em arakhljum le”!

Sa dži akate ki parabola taro Spasiteli nane desavi naharmonično nota te peravel o harmonia e lošale cenake. Ama akana o Hristos anela nevo elementi. Kana o našavdo čhavo alo khere, o phureder čhavo „sine ki niva”. Kana irangja pe alo paše dži ko kher, šungja gilja thaj kheliba, em akahrgja jekhe taro izmekjaria em pučlja so si i buti. A ov vakjergja oleske: ‚To phral alo peske em to dat čhingja telco soske iragja pe sasto vesto.‘ Ov holjangja em namanglja te khuvel andre”

O phureder phral na hulavel sine i dar taro dat jail te udžarel te iranel pe o našavdo phral. Odoleske na lelja than ki loš taro oleskoro dat so irangja pe oleske o našavdo čhavo. I muzika na phravel sine šukar momentia ko oleskoro vilo. Ov ko izmekjari pučlargapes soske

oleskoor dat si lošalo a o džovapi kjergja te ovel k'škani. Na mangle te khuvel em te seljaminkerel pe našavde phralea. O mangipa so sikavgja le premal o našavdo čavo o javer phral dikhlja la sar teleperaviba navreda oleske.

Kana o dat iklilo te lačharel o hali ki oleste me te čhivel le andre, tegani sikavgja pe o bilačhipa em namangjipa taro oleskoroo tabijati. Plo dživdipa ko kher pe dadeske ov sikavel sar bukja kola niked na sine phursarkjerde, em ki bilačhi roš, sikavelasine o prioriteta so si oleske dende taro čavo salde so irangja pe. Phravde vakjerel kaj oleskiri uloga ko kher pobut si sar izmekjarsko, nego li sar leskoro čavo. Ko than te ovel bahtalo so si ko kher pe dadeske, ov del pe godi bašo phursako so zasluzinel sine ple bukjaja em normalno dživdipa. Oleskere lafia sikavena baš sebepi akava hairi ov otkažingja pe taro sa o čalipa e bezechengje. Premal odova o poterno čavo te lelja than ko hulaviba e e maleske, tegani o pophureder phral ka dikhel pes sar ko zijani. Odoleske si ov bičalo sebepi o prioriteta so dobingja o poterne čavo. Ov jasno sikavel kaj nane te iranel sine palal e našavde terne čhave te sine ko than taro plo dat. Ov džal odokhar dur so na angigjarinenale le ni sar phral, numa oleske kjerela lafi sar adava „to čavo”.

Numa, o dat hem premal oleste legarel pe sine šukar: „Mo čavo, tu stalno sian mancar, em sa so si mlo odova tano em tlo.” Ko thavdipa sa akale beršenge so nakhvgja to phral zarem nane tut odova oset em te uživine mancar?

O dat but mukhel sine olenge so šaj te istemalkjeren ki olengiri baht. E chave na sine le potreba te del pučiba baš o desave phursakoja em bakšišia. „Sa so si mlo odova tano em tlo!” Valjani sine salde te astare mlo mangipa em o bakšiši so sine dendo tuke ko izobilie!

Jekh taro čhave vakeske dujrardilo taro kher, nadžanle bašo dadeskoro mangipa. Ama akana irangja pe o napliv tari loš em i baht legargja but lošno gndija thaj liparia taro nakhlo vakti: „Soske akava tlo phral sine mulo em uštilo, sine našavdo em arakhlem ole”.

Dali o phureder phral ulo svesno bašo plo lošno ilo? Dali havgja kaj o našavdo čavo poodrig si palem oleskoro phral trujal so kjerel sine sa so na valjani? Dali o phureder phral pelo pišmani sebepi so

kjergja kskani em inati ko vilo? Odoleske o Hrsitos na vakjerel khanči. Ko parbole si vakjero salde okova so ulo a okola so šunena valjani korkoro te hošalinel o rezultati.

E phureder phralea si sikavde o na pokaime Jaudie ko Hristoskoro vakti, ama em o fariseia taro sa o vaktia so prezirea dikhen sine sarinen so olende dikhen len sine sar aračlie em bludnikia. Sebepi so na pele ko odola majhor porokia ki olende sine svest baši plesutno nijamluko(samopravednost). O Hristos khuvgja pe odole sitničaren-car ko olengoro tereni. Sar o phureder čhavo ola da sine len prednost anglal o Devel. Ola peste dikhena pe sine sar čhave ko Devlikano kher, numa sine pherde naemnočko ideoja. Kjeren sine buti, numa na taro mangipa odoleske so udžjaren sine phursako. Ko olengere jakha o Devel sine zoralo šefi. Ola dikhle sar o Hristos akharel e aračlien em e bludnikon thaj olenge da dela bakšiši taro plo gudlaripa (blagodat), o bakšiši taro rabinia so ola gndinen kaj salde ola šaj te len le phare bukjaja em sine holjame. O iraniba taro našavdo čhavo kote e dadeskoro ilo phergja le bahtaja, olen salde kergja te oven ksaknadžie.

O vakjero lafi taro dat premal o phureder čhavo si nežno apeli so bičhavela o Del premal sa o Fariseia „Sa so si mlo – si tlo”! – nane hako, numa bakšiši. Sar o našavdo čhavo tumen da šaj taro Devel te len odova sar bizo zaslužno bakšiši taro mangipa taro Devel.

I plesutni pravda(samopravednost) kjerel ko manuša na salde hovavne te sikaven e Devle, te ovel olen šudro vilo em kritički raspoložime premal pe phralja. Pherde sebičnostea em kskanlukoja, o phureder phral sine hazri te kontrolirinel ple phrale te kritikujnel sako oleskoro delo em te bangjarel le baš i majtikni greška. Sine haz'ri te arakhel sako oleskiri maana em te istemalkjerel sako oleskoro bezeh delo. Agjaar ov manglja te opravdinel plo zoralo ilo.

Avdice da isi but sar oleste. Dži kote desavo ilo legarel ple avgo maripa mujal o bare iskušenia ola tergjon ki rig, inatime, korkoro pherde te arakhen mane em salde te akošen pe. Ola peste šaj te dikhen sar e Devleskere čhave, numa keran buti inspirativno satansko ilea. Ola ple legaripaja premal ple phralja akala tužitelia korkoro peste čhiven pe kote o Devel našti te rošarel ple rošaja taro plo muj. Buteder pučena pe: „Solea ka ikljovav anglal o Devel ka perav ko kočia anglal

o baro Devel? Ka avav li anglal oleste kurbanea, telconcar? ka oven li hari milja bakhre, milja thaj milja lenja taro zejtini?“ Numa, “manušea vakjero si tuke so si šukar. So rodelo o Devel tutar: te kjerel pi nijamalipe, te mangel pe o milosrdie hem te te phiredl pes krotko ple devleja” (Mihej 6.6-8).

Ake i sajgija so mangjel o Devel: „Te čhine o nijamale sindžijra, te phrave o šele taro pharipe, te mukhe ko tromalipa e mučimen, te phage sa o sindžirija, te hulave to maro e bokhalengje, te anel e čorolen bizo khera ko to kher, te urave okole so ka dikhel le nango, em ma te garave tut okolestar so si to rat” (Isaija 58,6.7). Kana amen dikhaja amen sar manuša so isi amen bezeha so si spasime salde taro dendo mangipa e havajakere Dadestar, tegani ka sikava amaro čaćutno mangipa em respekti primal o majpaše so čhidena sebepi so sine bezechale, em o dikiba nane niked te nakhava ole kskanlukoja em akošibaja. Kana ka bilal o buzi(mrazo) taro sebičluko ko tumaro vilo



Te hulave to maro e
bokhalencar..te urave okole so
ka dikhe le nango.

Odevleskere
LAFIJA

tegani ka složinen pe e Devlea em ka hulave olea i baht so ikljola taro kurtaliba e našavdengje.

Tumen vakjeren kaj sien Devleskere čhave; numa odova vakjeriba valjani te sikaven le, tegani okova so sine „mulo em uštilo, em sine našavdo pa arakhlo” čače ka ovel “to phral”. Ov si phanlo tuja majzorale vrskaja, soske o Devel angigarinelale le sar plo čhavo. Te irangjan akava jeripa olea, sikaveja kaj si kiradžia ko kher a na čhavo tari

Devleskiri familia. Te na pridružingjan tut okolencar so na mangen šukar avipa e našavden palem i loš ka džal poodorig o otkupime ka resen ko than uzal o Dat em ko aktia taro Devel numa ka ačhove ko karanluko, avrijal taro kher. „A okova so na mangjel, nadžanel e Devle, soske o Devel si mangipa” (1. Jovaneskoro 4,8)

Dešeftato šero

„MUKHLA PANDA AKAVA BERŠ“

(Akava šero si kjerdo premal e Lukaskoro evangelie 13,1-9)

Ko plo sikljojbe o Hristos o anglo havlajrina e adalatikjergja, pravgale olen e apelea baši šukarin.“Odoleske e manušeskoro Čavo na avel te mudarel manušeskere ile, numate kurtalinel olen” (Luka 9,56). „Soske o Devel na bičhavga ple Čhave ki lumia te šaj su dinel e lumiake, numa i lumia te ovel kurtalimi olestar” (Jovan 3,17). O odnos maškar oleskiri misia tari šukarin, em Devleskiri nijamalin (pravednost) em o adalati si hramosardi ki pouka taro jalovo kaš.

O Hristos vakjerel sine e manušengje e Devleskere thagaripaske so ka avel em majzorale ukorinela olengoro na džjanlipa em olengiri ramnodušnost. E havajakere nišania so havlajrena o vakti but sig halilele, numa o nišania taro vakti so odobokhar sikavena oleskiri misia, na pendžargjelen.

Numa, tegani da sar avdive da, o manuša sine haz'ri te havlajren pe korkoro sar develskere milenikia em te anen prasiv kaj o ukoria si vakjerde javerengje. O šunavale vakjergje e Isuseske bašo momenti so kjergja bari vozбудa ko džiani. Desave merke taro guverneri tari Judeja, Pontie Pilat peravga ple džijane. Uli bari džijaneskiri revolucija ko Erusalim em o Pilat manglja te peravel odova zorea. Jekh drom oleskere askeria khuvgje ko hrami em mudargje nekobor galilejsko poklonikia so ko vakti dengje kurbanii. O Jaudie akaja bibaht esapingje la sar kazna nesave bezehoske em o reporteria so angje i informacia akale incidenteske odova kergje le garavde čalipaja, esapinaja kaj ola korkoro si but pošukar taro Galilejcia em kaj ole isilen pobaro Devleskiri mangjin. Udžargje o Isus te adalatinel odole manušen kote primal olengere norme zasluzingje pobari kaznatari odoja.

E Hristoskere sikel na tromalinen sine te den plo dikhiba anglal

te haven so gndinel olengoro Sikavno. Ov dengja len angleder zorale pouke e ocenibaske taro tabijati e javere manušengje em kjeribaja i globa srazmerno olengere limitirime adalatibaja. Numa, udžargje da o Isus te adalatinel odole manušen sar pharo bezeh. Baro sine olengoro iznenadiba kana šungje oleskoro džovapi.

Iranimo ko manuša so šunenale sine o Spasiteli vakjergja: „Gndinen kaj odola Galilejcia sine pobuter bezechencar taro o javer Galilejcia, pa odoleske sine mudarde? Na, vakjerava tumengje, numa ako na kaingjen tumen sare agjaar ka meren!” Akaja bari bibaht valjani te phagel o vile em te kjerel te kainen pe bašo ple bezeha. E garazeskiri bavlal si hazri em valjani ko sig vakti te perel upral sarinende so na arakhle garaviba ko Hristos.

Kana kjerel sine lafi ple siklencar em e butipaja, o Isus proročko oj jakhaja dikhel sine o avutnipa em dikhla e Erusalim sar si astardo taro askeria šungja o khujbe taro pre taro jabandžii sar marširinen mujal akaja diz em dikhla baro numero milja mule ki akaja ofanziva. But Jaudie isto sar o Galilejcia sine mudarde anglal o avlina taro hrami ko momenti kana anen sine kurbani. I bibaht so arakhla e Galilejcen sine sar Develskiro haberi sa e džianeske so sine došalo. O Isus vakjergja: „Te na kaingjen tumen sare ka meren”! Panda hari ka prolongirinel pe o momenti baši olengiri kontrola. Isi len panda vakti te džanen so si bitno olengere rahateske.

Odoleske o Isus vakergja poodrig: „Nesavo manuš sadinja smokva ko oleskere drakha, em alo te dikhel isi li reslipe olate, numa na arakhlikja. Tegani o manuš so arakhel drakha vakjergja: „Ake trin berša avav em rodava plodia tari akaja smokva ama na arakhava. Činen la! Soske poodorig ka smetinel e phuvja?

E Hristoskere šunavale našti sine hovajbaja te prokomentirinen akala lafia. O David giljavel sine e Izraelske sar loza andi taro Egipet. O Isaija hramosargja: „O drakha e Develskere upral o askeria e Izraelskoro kher; oleskoro alusardo rasad, o manuša o Jaudije” (Isaija 5,7). O pokolenie kotar alo o Spasiteli sine sikavdo sar i smokva ko Develeskere drakha so uživinel sine ki oleskiri galja thaj gudlipa.

E Devleskiri mangjin ko plo džijani em i šajsarin so sine e džijane sine vakjerde ko akala šuže lafia. „Ka anavkjerer pe kašta e nija-

malipaskere, e Devleskoro rasad - oleskere slavake (Isaija 61,3). Inspiririme tari Duho, ko plo anglomeribaskoro jatako o Jakov vakjergja ple najmangle čaveske: „O Josif si plodea pherdi, ranik uzal i len, o ranika ikljon ko upral o duvari” palo odova vakjergja: „Prekal o Majbaro so blagoslovinel tut prekal devleskere blagoslovia upraldan blagoslovencar tari provalija natele. (1 Mojsieskere 49,22,25). Em agjaar o Devel sadingja e Izraele sar šukar drakh trujal o len e dzividipaske. Ov sadingja ple drakaha „ko plodno učipa” phanlja le “užargja le taro bara em sadingja blagorodno drakha” (Isaija 5,1,2).



O Devel amendar udžarel ma te ova krija, numa te ova plodna so bijanel smokva, plodno drakh barvel plodencar

„Pakjala sine kaj ka bijanel šukar drakha, numa odova biijangja divo drakh” (Isaija 5,2). O džijani ko vakti taro Hristos sikavel sine majbari avrutni pakjiv ko Devel taro Jaudie ko purane vaktia, ama ki pobari količina olendar sine namukhlo taro blagorodno šukaripa taro Develeskoro ilo. O barvale plodia taro tabijati kote e Josifeskoro džividipa kjeren le sine lače na sikavgja pe ko Jaudiengoro džiani.

Prekal plo čavo, o Devel rodel sine reslin ama na arakhlja le. Mazunipaja o Izrael salde te čhiinavel sine e phuvjake. Oleskoro thanjariba ulo arman soske lel sine than taro drakha so lelja o than desave plodno kašteske. Ov e lumiake čhinavel sine o gudlipa so o Devel dela len sine. O izraelcia pogrešno sikaven sine e Devle ko javer džiania. Na salde so nasine olendar hairi ama sine da čaćutni blokada. Olengiri religija odobor sine izopačimi so, ko than te ovel thare bari

gudlarin (blagoslov) em kurtaliba, oj e lumiake anela sine salde zijanluko.

Ki akaja parabola o drakalutno na anela sine ko pučibe i prasiv o kaš te ovel čhindo te ačhilo bizo reslin, ov salde džanel sine kobor o gazda barabar olea si zainteresirime akale nahaireskere kašteske. Khanči našti sine te lošarel ole nego te dikhel sine le sar bajrol em anel plodo. Kana o gazda roidingja olestar te čhinel e kaste ov vakkjergja: „Gazda muk le panda akava berš dži kote randav trujal olsete em te čhivav gjubre pa šaj ka bijanel o javer berš!”

O drakalutno na irangja ma te kjerel buti trujal akava našužo kaš. Sine hazri te dikhel la panda pobuter em ko savo hali arakhel pe sine te posvetinel o lake pobari sama.

Em o gazda em o drakalutno ko jekh sikavgje interes e smokvake. Agjaar em o dat em o čhavo si jekhutne ko plo mangipa prekal o alusardo džijani. O Hristos dengja lafi ple siklenge kaj ka del len panda pošukar šajdipa. Ka ovel lendo sako sredstvo so šaj te del pe godi e Develskiri mangjin, te šaj te ove kašta taro nijamalipe so ka anel reslin bašo gudljariibe(blagoslov) e lumiake. Ki parabola o Isus na vakjерел so kergja o lozari ple bukjaja. Ko odova than i storia čhinavgjovela.

Oleskoro agor sine mukhlo e kustikengje so avena em šunen oleskere lafia. Olende sine učhardo em utsavakjerdo(svečeno) lafi „šaj ka bijanel o berš so avela, te na čhine!” Olendar athinela sine dali ka akharen sine naultimatumeskoro aktii. O dive tari holi si sa popaše. O bibahta so arakhle e Izraele o gazda e drakhengoro milostivo angleder andinela sine e manušen bašo zijankeriba e kašteske so na dela sine reslipe.

Akaja opomena odglasinel pe ko vakti sa dži ko amare divesa. Dali tu o bigajljakoro ilo, sian nareslo kaš ko Devleskere drakha? Dali sebepi odoleske isto adalati ka ovel vakjerdi i upral tute? Kobor lungo vakti priminea oleskere daria? Kobor lungo dikhela tut hem udžarela tut te irane Oleske mangipaja? Koboro prednostia sine tut so sine sadime ko oleskere drakha, telal i jakh taro drakhalutno! Kobor drom o šuže habejra taro evangelie pherel sine to ilo! Legarea e Isuseskoro anav, kozom si preperutno tari khangiri oleskori, kova si oleskoro trupo(telo), a palem sian svesno kaj nane tut dživdi vrska e bare ilea

taro mangjipa! Tutar na thavdel i len taro oleskoro dživdipa. Ko tlo dživdipa na dikhen pe o lačhe linije taro oleskoro tabijati, "o reslipa taro Duh".

O bi reslo kaš istemalkjerel o kham em o biršim, o drakhalutno dikhela le bare samaja em kjerel ki oleste buti. Ov lel hajbe tari i phuv. Numa ple na resle ranikencar salde garavel i phuv, agjaar so ki oleskiri učarin našti bajron o em džana angle o plodno čajra. Agjaar e Devles-kere baksija so o Devel dela tut sine nisavo gudlipa e lumiake. Javer-endar leja o predimstvia so sar te na sian tu, šaj te del pe sine olenge.

Em akana havea šaj panda na odokhar jasno kaj sian salde pharipa e phuvjake. Numa ki pli bari milost o Devel panda na činavgja tut. Ov na dikhel tut šudreste; na iranel pe sajekh(ramnodušno) tatar thaj na mukhel tut ko zijankeriba. Baš dikhibaja tute, del vika sar so dengja vika ko Izrael angleder but berša" So te kjerav tuja Efrem, sar te dav tut Izrael. Nane te dav takati e holjake, nane te zijankerav e Efreme, soske me sium o Devel a na manuš" (Osija 11,8,9). O mazumlia Spasiteli vakjerel tuke: „Ka mukhav le panda akava berš, ka randav uzal oleste em ka arakhav ole!

Odole bare mangjipaja o Isus kjerel izmeti e Izraelske ko sa vakti taro gudlipa so džal poodoriga. Em ko trušol molinel sine: „Dade kjer lenge afi soske na džanena so kjerena!" (Luka 23,34). Palo oleskoro voznesenie o evangelie majanglal vakjerel pe sine ko Erusalimi. Odothe sine čhordo em o Svetu Duh. Odothe i avgo Evangeljsko khangiri sikavel plo takati taro voskresime Spasiteli. Akate o Stefan

"Dade prostin lenge - kjer lenge
afi, na džanen so kjerena!"



– kaskoro muj sine „sar muj taro angeli” (Delia 6,15)- havljargja pli tasvirin em mukhlja plo dživdipa. Sa so šaj te kjerel o Del, sine kjerdo.

O korkoro Hristos vakjergja: „So šaj sine panda te kjerav me drakhenge so panda na kjergjum?” (Isaija 5,4). Agjaar ni oleskoro gajla em oleskiri buti baši tute na tikjnarela pe nego zojarakerela pe. Ov poodorig da vakjerela: „Me,o Devel arakhav ole, dava le pani sako momenti em ma te zijankerel javere arakhava le em dive em rakj” (Isaija 27,3).

„Šaj ka bijanel o javer berš, tena, čhin la!” O ilo so na iranel pe ko devleskere lafia sa pobuter ovela zoralo em ovela bizo oset ki presia taro Svetu Duho. Tegani savakteske vakjeren pe o lafia: „Čhinen la! Soske poodrig da te zijankjerel i phuv!”

Avdive Ov akahargja tute: ”Izraele, irantut ko Tlo Devel. Ka sas-kjarav olen taro olengoro hulavipa ka mangavle sa me vilea..ka ovav leske sar biršim e Izraelske ov ka lulugjovel sar o Liljani ka mukhel darho sar taro Livani. Palem ka iranel pe ki mli učharin, ka bajrarel plo gib ka arakhel drakha prekal mande sian plodno akale plodencar (Osija 14,1-9).

Dešoftoto šero

„IKLJOV KO DRUMIJA THAJ MAŠKAR O OGRADE“

(Akava šero si kjerdo premal e Lukaskoro evangelie 14.12-24)

Ko jekh momenti o Sapsiteli sine misafiri ko jekh farisei. Ov džala kana akahren le o barvale, ama em o čorole em sar so si okova so desinela pes sine anglal oleste konektirinela le sine ple poukencar taro čaćipa. Maškar o Jaudie o sveta gozbe ko anav e Devleske sine kotor taro olengere nacionalno em religiakjere baredivesa (praznikija)–bidžukia. Odova olenge sine sar simboli taro blagoslovia so ka oven olen ko olengere savakteskere dživdipa. Baro hajbe kote ka bešen barabare e Avramea, e Isakoja, e Jakovea, dži kote okola so pakjan ko pobut devela, ka ačhon avrijal em ka dikhen bokhale jakhencar, sine tema so kjeren la sine bare čalipaja. I pouka so manglja te del olen, o sovetia em o opomene so manglja te bičhavel lenge, o Hristos akana formiringja len sar storia baši jekh bari večera. E devleskere halalipa, akana em ko avutno dživdipa. O Jaudie mangle odova te ikjeren salde peske. Iranen sine em i korkoro pomisla kaj o Devel šaj te ovel milostivo em okolenge so pakjan ko pobuter devla. Akale poukaja o Hristos sikavgja kaj ola odolea iranen o apelia baši šukarin, o akhariba te aven ko Devleskoro thagaripa. Sikavgja olen kaj i akharin so ola irangje la ka ovel bičhavdi okolenge kaste ola na mangjena sine len okolenge so na mangle ni te astaren olen ni ko šeja, sar te oven inficirime nasvale kastar valjani te čistinen pe.

Rodibaja e misafiren baši o akava baro hajbe em pijba, o farisei legarel pe sine taro ple sebično interesia. Odoleske o Hristos vakjergja oleske: „Kana dejahajbe jail večera, ma akhar te amalen, ni te phralen,

familija, jail e barvale komšien, soske ola da ka akharen tut javer drom, em odova ka ovel sar te iranen tuke o šukaripa. Tu ked ka de hajbaske em pijbaske, akhar e chorolen, e nangjen, bangjen em e korolen! Em ka ove bahtalo, soske nane solea te iranen tuke. Ka ovel tuke irame kana ka voskresinen o pravednikon”.

O Hristos akate palem vakjerel sine o pouke so dengja e Izraelske prekal o Mojsej. Palo Develskiri naredba ko olengere posebna gozbe valjani sine te aven – „o levitia soske nane le kotor taro nasledstvo ki tute – okova si alo avrialdan o čorolo, i udovica so dživdinen ki tli diz, te han em te čajljon” (5. Mojsieskiri 14,29)

Akala khedipa valjani sine te oven sar misal e Izraeleske. Kana ko odova čhani ka sikljon te lošalen so ikljola taro čačutno lačhe udžari-ba misafiren. O izraelcia em ko thavdipa e beršeske kjeren gajreti em mazumi manušengje em e čorolengje. Akala bare hajbe em pijbe dena sine pobuvli pouka. O duhovno gudle lafia dende taro Izrael, na sine legarde salde olenge. O Devel dengja len o maro e dživdiapske te šaj te phagen le e sumnaleske.


Ola akaja savala na kjergje ola. Odoleske e Hristoskere lafia sine sar ukor bašo olengoro sebičluko. Oleskere lafia posebno sine but phare e farieseenge. Pakjajbaja kaj o lafi ka legarel le ki javer rig jekh olendar pherdo dujmujalipaja devlikane jagaja dengja čhingar: „Halali ka ovel okoleske so ka hal maro ko Develskoro thagaripa!“ O manuš zorale pakajala sine kaj ka ovel le than ko odova thagaripa. Oleskoro legaripa sine jekh a jekh sar okola so sine kurtalime taro Hristos trujal so na phergje sa o šartia taro oleskoro kurtalipa. Oleskoro duho sine jekh a jekh sar o duho taro Valam kana molinel pe sine: „O te pakjav kaj ka merav meribaja sar predavniko em mo agor ka ovel sar olen-goro!“ (4. Mojsieskiri 23,10).

O farisei na gndinel sine bašo plo hazrkjeriba baši havaja, numa salde okoleske so mangjel sine te ovel ole odothe. Ple vakjeribaja kjerel sine o gndia e misafirengere te iranel olen taro lafikeriba oleger praktično savalenge. Kamel sine ko gnda te legarel olen premal oleskoro akanutno dživdipa ko durutno vakti taro voskresenie e pravednikongoro. O Hristos drabarel sine o ilo akale manuše so sine dujmujalo, em plo dikhiba legargja ole premal oleste, sa e misafirenge

vakjergja o tabijeti em i moldi akanutne prioritetenje. Vakjergja kaj isi len uloga te khelen te šaj te uživinen ko gudlipa(blagodet) e avutnipaske.

Vakjergja: „Jekh manuš kjergja hajbaske em akhargja butederen, kana alo o vakti e hajbaske bičhavga ple izmekjare te vakjerel e misafirengje: „Bujrum soske i sofra si hazri!” Numa, ola sikavgje kaj olenge si sa jekh jali ka aven jali na. „Sar te phene dogovoringje pe maškar peste em počmingje te izvininen pe. O avgo vakjergja: „Kingjum niva em valjani te džav te dikhav ola. Molinavtut, kjer mange afi! O javer vakjergja: „Kingjum pandž kotora guruva pa valjani te džav te probinav olen, molinav tut kjer mange afi! A o trinto vakjergja: „prandingjuman, odoleske našti avav!”.

Ni jekh izgovor na sine kerdo upral o čaćipa. O manuš „so džal te dikhel” pli niva ov kingja la. Oleskiri bari mangjin te džal te dikhel i niva sikavgja kaj si sa astardo odolej trgovijaja. O guruva da sine kinde. „Te probinen pe o guruva” sine salde te čaljarel plo interes. Ni trinto izgovor na sinele čaćutni karana. O fakti kaj o misafiri sine prandime našti sine te kjerel ma te ovel odothe. Soske i romni da šaj sine te avel olea. Numa ole sine le ple idee čalipaske soske odola idée sine but pogudle taro okola so dena pe sine ki akaja gozba. Ov sikkilo te ovel oleske šukar ked amalinel javerencar, a na e gazdaja odole gozbata. Odoleske na kjergja zori te opravdinelpa a kjergja zori te del desavo pošukar opravdiba soske na avela. Oleskoro „našti” sine sar privedno učharipa frdimo prekal o čaćipa: „Na hal man gajlja jali na



But siium astardo, našti avav ki ha-
vakakiri sofa! Agjaar vakjergena
avdive milionia manuša



Odevlekere
LAFJA

mangav te avav!” Sa o izgovoja sikavgje kaj i godi si astardi javere bukjencar. I akharin bičhavdi e misafirenge te aven ki gozba olenge nasine odoboka bitno soske o javera interesia sine olenge buteder po bitna pa odoleske na mangle te aven. Ama odoleske o kherutno sine uvredimo taro olengoro ramnodušnost.

E bare hajbaja o Hristos sikavgja o gudljaripa so dela o evangelie. Odolea sine dendo em o korkoro Isus Hristos. Ov si o maro so hulilo upraldan; olestar thavden o lenja kurtalibaske. E Devleskere haberia havljaren sine e Jaudiengje o aviba taro o Spasiteli; ola sikaven sine ko Hristos: „Develskoro bakhro so lel pea o bezehae e lumiakere” (Jovan 1,29). Ko hajbe so kjergja olenge o Devel del len o majbaro so na džanel pe oleskiri moldi. E devleskoro mangipa kjergja baro skupo hajbe em bare rezerve. O korkoro Hristos vakjerel: „Te halja neko akale marestar ka dživdinel savakteske” (Jovan 6,51).

Numa, te šaj te aven ko evangelisko hajbe ple phuvjakere interesia valjani sine te kjerer len jekeh resarinaja: Te prifatinen e Hristose thaj oleskiro njamalipe. O Devel e manušeske dengja sa em Ov rodela oleskiri sajgija te čhivel pe upral sa akale phuvjakere interesia. Ov našti te prifatinel hulavdo ilo. O ilo so si astardo akale phuvjakere interesencar našti te ovel legardo premal o Devel.

Akaja pouka tali bitno baš o savaktia. Amen valjani te dža palo Devleskoro Bakhro sakote kaj ka džal. Valjani te prifatina oleskoro legaripa em oleskoro amalipe(društvo) te moldinale hem više taro amare akale lumijakereakanutne amala. O Hristos vakjerela: „Koj mangel pe daja pobut mandar ov našti ovel uzal mande; em koj mangel čhave jail čhija poviše mandar, ov našti ovel uzal mande” (Matej 10,37).

Khedime uzal i jerikani(semejno) sofra kana phagel pe sine o sakodiveseskoro maro, ko dive taro Hristos buteder vakjeren sine o lafia: „Halali ka ovel okova so ka hal maro taro develeskoro thagaripa!” Numa, o Hristos sikavgja kobor phareste šaj te arakhen pe misafiria so ka bešen ki sofra so si kjerdi odobor uče cenaja. Okola so šungje oleskere lafia sine svesno kaj irangje i akaharin tari šukarin. Olenge e phuvjakoro mali, o barvalipa em jo čalipa ko sa okupiringje olengiri sama. Sar po dogovor, sare ola arakhle desavo izgovor.

Odova ovela em avdive da. O izgovorja so o akharde misifiria pravdinenpe, nesavo drom so iranen sine i akharin e hajbaske, učharen la sa i lepezaja taro opravdania so den o manuš avdiveda, kanma na mangjen te šunen i evangeleskiri akahrin, zorikjeribaja te šaj ma te mukhen akale lumiakere pursakij, adaleja so ka prifatinen o rodipa taro evnagelie. Ola akale phuvjakere interesia dikhena sar pobare nego okoal o savakteskere. Em agjaar o gudlaripe(blagoslovia) so dengja len o Devel si bariera so olengoro ilo hulavel olen taro Tvorco em Okupiteli. Na mangjen te oven ačhavde ko ple akale phuvjakere interesia em odoleske vakjerena e haberdžiengje tari šukarin: „Akana dža tuke! Kana ka arakhav vakti palem ka akharav tut! (Delia 24,25). Javer sikaven ko pharipa so bi ovela olen ko olengere sasoitnipaskere relacie kana bi astaren pe ko Devleskoro apeli. Ola vakjeren kaj našti peske te pomukhen te peraven o realcie ple jerijencar em amalencar. Agjaar sikavema kaj si manuša so o Hristos vakjergja len ki parabola. O gazda e hajbaske esapinel kaj akale ple providno džovapenca sikavgje na šajdipa premal oleskiri akharin.

O manuš so vakjergja: „Ženingjum man odoleske našti avav” si i pobari kupa. But roma em romnja mukhen ple partnereske te na mukhen te len e Devleskiri akharin. O rom vakjerel: „Dikhav kaj valjani te džav ki akahrin, numa, našti rešinav man sa dži kote mi romni na ovel hazri. Oj ple presijaja but kjerel te šaj ma te kjerav odova!” Kana i romni ka šunel i akahrin tari šukarint: „Bujrum, soske i sofra si hazri!”oj vakjerel: „Izvini! Mo rom iranel o akharina tari

„Prandingjum man, odoleske
našti avava”



šukarin. Vakjerel kaj i buti na mukhel ole te avel. „Valjani te ikjerav man uzal mo rom em odoleske na avav!” O ilo e čhavengoro kovljola hem mangen te aven, ama zorale si phanle pe dadea em dajaja te len i evanglsko akharin em odoleske ni ola našti avena. Ola da vakjerena: „Molinav tut izgovern man!”

Sa ola iranena i akharin taro Spasiteli soske daran taro hulaviba ki familia. Gndinena kaj tena šungje e Devle ka arakhen rahatluko em progresi ko kher, ama hovavgjovena. Sare so seinena sebičluko em sebičluko ka arakhen. Frdibaja e Hristoskoro mangipa ola frdena sa okova so o manušikano mangipa dela užipa em stabiliteti. Na salde so ka našaven i havaja, nego ka pomukhen sar so valjani te uživinen ko okova kaske so i havaja da dengjela ko kurbanii.

Premal o Hristoskere lafi, o domakjini e hajbaske kana havgja sar kjerer o akharde misafiria ki oleskiri akharin holjangja em vakjergja e izmekjareske: „Ikljov sig ko droma em ana sa e čorolen, bangen e korolen, e sakaten em o invalidija!”

O Kherutno mukhlja sarinen okolen so na dikhle oleskoro šukari-pa em akhargja e bokhalen, bizo khera e čorolen okola so čače dikhen o butipa so si lenge dendo. O Hristos vakjergja: „Čače vakjerav tumengje o aračlie em o bludnikia angleder tumende ka džan ko Devleskoro thagaripa” (Matej 21,31). Bizo fakti kober si čorole desave manuša so o javer manuša na mangen olen palem ola na pele odokhar tele e Devleske ko jakha te šaj te na mangjel olen. O Hristos mangjel o mučime gajljatar, o čhinde em omaltretirime manuša te aven ki

O Hristos akharel e bokhalen
thaj okola bizo khera... okola so
ka moldinen o izobilie so del
ape lenge



oleste. Ov mangjela te del olen roš, baht thaj rahatluko, te del olen okova so našti akarhen le ko javer than. Em o majbare manuša bezechencar si predmeti taro oleskoro hor, iskreno sožaliba em taro oleskoro mangipa. Ov bičhavel plo Svetu Duho majlačhe te ovel uzal olende, te šaj anel olen ki peste.

O izmekjari so angja e čorolen thaj koroloen ko hajbe reportirinel e šerutnoske: „Rajorneja(gospodare) kjerdo si sar so vakjergjan, numa isi panda than!” “A o rajo vakjergja e izmekjareske ’Ikljov ko droma em o akhar len saren te pheren mo kher!”.

Akate o Hristos sikavel o akti taro evangelie avrial taro barikade taro judaizmi, ko droma akale lumiake.

Šunindo akava o Pavle em o Varnava sikavje e Jaudienge: „Majan-glagl valjani sine tumengje te vakjerel pe e Devleskoro lafi, numa tu-men frdingjen ole tumendar em na sien kad’ri savakteskre dživdipaske, ake, amen vakjera okolenge, soske o Devel vakjergja odova: „Čhivgjum tut sar roš e manušengje so pakjan ko buteder. Te ove olengoro spasiteli dži ko agor e phuvjake. Kana ola šungje odova ola sine lošale e Develskere lafeske em pakjandile buteder so sine hulavde sadživdipaske(večno dživdipe)” (Delia 13,46-48).

I suština taro Evangeljsko poraka so havljargje ola e Hristoskere apostolia sine oleskoro avgo avipa ki lumia. Oj e manušenge anel sine o lošalo haberi bašo kurtalipe pakjivaja ki oleste em sikavgja kaj ov ka avel dujto da drom ke devleskoro slava te ikavel ple džianie kolea e manušenge anela pakjiv kaj e pakjivaja em šunibaja ka hulaven o nasledstvo tari roš ko sa vaktipa. Akava haberi si bičhavdo e manušengje avdice da em akava da drom oj si phanli e havljaričaja kaj ko sig vakti o Hristos ka avel dujto drom. O nišania so sikaven akava so korkoro dengja ole pherena pe, em upral o darho taro sikkloviba taro Devleskoro lafi amen šaj te džana kaj o Devel si anglal o udar.

O Jovan ko Otkrovenie havljarela anglal o dujto aviba taro Hristos ka propovedinel pe o haberi taro evangelie. Ov dikhlja melaiko „sar ujrala upre so sine savakteskoro evangelie te šaj sikavel e manušengje tari phuv sakone džianeske, talukava(plemeske), čhib em rasa, kjeri-baja lafi zorale hangoja: „Daran e Devlesttar em den le baripa soske alo o ari taro oleskoro adalati em teljaren tumaro šero angla okova

so kjergja i havaja, i phuv, o denizi em o panjale hainga.” (Otkrovenie 14,6,7).

Palo akava proroštvo, palo havlajriba e sudeske thaj o poraka so si phanle olea, palo odova avela o aviba e Isuseskoro taro o badala. O havlajriba e adalateske si propoved taro dujto aviba e Hristoske kaj si anglal o udar. Odova havljarija si anavkjерdo sar savakteskoro evan-



“Daran e Devlestар em den le
baripa, soske ale o ari taro
oleskoro adalati!”

geline. Premal odova, o propovediba taro dujto Hristoskoro aviba, havljarel pe kaj si ko pašipa em sikavdo si sar suštinsko kotore tari evangelsko haberि.

I Biblijа vakjerel kaj ko agurutne divesa o manuša ka oven okupirime lumiakere astaribaja, bare mangipaja primal o love. Ola ka oven korole baš e e havajakoro realiteti. O Hristos vakjerel: ‘Sar so sine ko dive taro Noe agjaar ka ovel em ko avipa e manušikane čhaveske. Soske sar ko dive anglal o potop hana sine hem piena sine, ženinen pe sine em prandinen pe sine dži o dive kana o Noe khuvgja ko kovčego, em na havgje sa dži kote na ale o bare panja em legargja sa; agjaar ka ovel ko avipa e manušikane čhaveske’ (Matej 24,37-39).

Agjaar si thaj avdive. O manuša prastan palo sebično kjari, sar te nane Devel, sar te nane havaja thaj dživdipa palo meriba. Ko vakti taro Noe o anglohavljariba so sine phanlo e bare pajnencar sine bičhavdo te chidel e manušen taro akava poroko em akhargja te kainen pe. Isto akhal o haberि taro sigutno Hristoskoro aviba, si

esapimo te ciden e manušen taro olengoro prastajbe palo akale lumiakere bukja em o prastajbe te ovel svesno baš e havajakere realitetija e, te astarem i akharin te bešen ki Devleskiri sofra.

I Evangeljsko akharin valjani te ovel vakjerdi sa e lumiake sakone naciake, talukava(pleme), „chib thaj rasa” (Otrovenie14,6). O agorutno haberl tari šukarin valjani te phravel sa e phuvjakoro baripa. Ov valjani te astrel sa e manušen e barvalen e čorolen, e sajdimen thaj e bisterden, o Hristos vakjerela: „kljov ko droma thaj barikade em akhar sarinen te aven te pheren mlo kher!”.

O sumnal preperel soske nane evangelje. Isi bokh palo Develskoro lafi. Hari si okola so vakjeren o Lafi so si navalkajmo tari manušeskiri tradicia e manušikane paramisencar. Trujal so isi olen Biblija ko vasta, o manuša na dobinen o blagoslovia so dengja len o Devel ki olate. O Devel akharel ple izmekjaren oleskoro haberl te legaren e manušengje. O lafi taro savakteskoro dživdipa valjani te vakjeren pe okolenge so meren ko ple bezeha.

Ki zapoved te ikljon ko droma thaj barikade o Hristos dela len buti sarinengje, so akhargja olen te kjerem izmeti ko oleskoro anav. Sa i lumia si sar niva e Hristoskere izmekjarengje. Sa i manušikani familia si sar olengoro phralipa. O Devel mangjel oleskoro Lafi taro blagodeitia te havel pe sakone iloske.

Ki majbari mera odova šaj te postigninel pe plesutne(lično) zoreja. Odole metodaja ikjerel pe sine em o Hristos. Oleskoro delo, ki majbut droma, ikjerelapse sine ko kjeriba lafi e manšencar korkoro. Ov moldinel sine okolen so šunena so sine kjerdo taro jekh ilo. Prekal odova jekh ilo but drom o haberl legarel pe maškar milja javera.

Amen na tromal te udžara o ile te aven ki amende; valjani te roda olen odothe kaj so dživdinena. Kana o Lafi propovedinel pe taro jekh ko javer, i buti počminjgja. Buteder taro manuša niked nane te oven astarde e evangeljeja dži kote odova na legarel pe olenge.

I akharin hajbaske majanglal sine bičhavdi e Jaudijsko džianeske, džiani kaskere manuša sine akharde te kjerem buti sar učitelia em lideria maškar o manuša, džiani kote ko vasta sine lenge dende o sveta spise, so havljaren sine e Hristoskoro aviba. Džiani kaske dengja pe i simboličko buti so si sar oleskiri misia. Kana o sveštenikia em o džiani

aven pali akaja akharin šaj sine te pašakjeren pe e Hristoskere nevipaja ki havljarin e evangelsko ki akharin e lumiake.

O čaćipa sine bičhavdo te šaj te buvljaren le. Kana ola irangje i akahrin odoja akharin sine dendi e čorolengje, e bangjengje e korolengje thaj e sakatengje. O danočnikia thaj o bezeh manuša lele i akharin. Kana e evangelsko akharin sine bičhavdi okolenge so pakjan ko butederdevelja, kerdo si o isto bukjarno plani. O haberi valjani sine majanglal te ovel sikavdo „ko dromia” e manušengje so sine len aktivno rolja ki buti, e siklengje thaj e liderenje taro džiani.

E Devleskere haberdžije te ovel olen odova ki godi. E pastirengje taro stado, e siklengje so čivghja olen o Devel, o haberi valjani te ovel lenge dendo sar akharin so opomeninela. Okola so si ko majuče sasoitnipoaskere učipaja valjani te avel pe dži olende phralikane thaj krotko. O manuša taro sumnal taro biznis, ko uče hem odgovorna thana, o manuša uče inovaciencar em o manuša so bavinena pe e naukaja, o manuša duhoja, o sikavne taro evangelie, kaskiri godi nane panda zapendžardi e čaćipaja akale vakteške valjani te oven avgo so ka šunen o haberi. Olenge valjani te bičhavel pe i akahrin.

Isi buti so valjani te kjerel pe e barvalengje. Ola valjani te oven ki godi bašo plo džovapa sar manuša kaske si dende devleskere bakšišia. Valjani te potsetina len kaj jekh dive ka den o esapi anglal Okova so ka adaletinel e dživdenge thaj e mulengje. Olencar valjani te kjera buti mangipaja thaj Devlikane daraja. But drom o barvale pakjal ko plo barvalipa em nane svesno baš o riziko so avela oleske. O jakha tari oleskiri godi valjani te oven legarde ko okova so isi le savakteskoro moldipe. Ov valjani te angigjarel o avtoriteti taro čačutno šukaripa so vakjerela: „Aven ki mande sare so sien mučime thaj tumengje phare, em me ka lokharav tumen. Len mo jaremi ki tumende em sikljoen sa mandar. Soske sium krotko em ponizno iloja em tumen ka arakhen than te dajninum tumaro ilo, soske mo jaremi em mlo pharipa si lokhe” (Matej 11,28-30).

But hari vakjerel pe o evangelie e educirime manušengje, e barvalengje em e respektirimengje. But hristojanska bukjarne si ko duj gogja te aven paše akale manušengje. Numa, na tromal te ovel agjaar. Kana khoni tasljol, amen ka tergjova ki rig thaj ka dikha sar merel

soske salde so si pravniko, trgovco jail adalati. Kana ka dikha manuše sar džan ki provalija, normalno nane te ova ko duj gogja, numa ka astara le, bizo olengoro statusi em dživdipaskiri akharin. Agjaar da tromal te ova ko duj gogja kana valjani te vakjera e manušengje savi opasnost pretinela olengere mahoske.

Ni jekh tromal te ovel bisterdo soski si prividno astardo ko akava sumnal. But manuša uče funkciencar si bibahtale thaj čale taro dzivdipaskere suetendar. Ola mangjen rahatluko so nane olen. Em



O Hristos: „Aven ki mande sare so
nane tumen takati, soj tunenge
but pahro, em me ka dav tumen
rahatluko“

Devleskere
LAFIJA

ko majuče sasoitnipaskere(opštstvena) nивоја је асавке со си бокхале, ем трушале баš о курталите. Ној људа кај астарен и дени арка, кана е Девлескоро хабердžије кај авен паše узал олende, шукар ем фривде вилеја со си пхердо Христоскере мангипаја.

О спасталипе таро евангелско хабери на атхинел салде таро сикло ем дžанло људаш ће таро вакјерива ем зорале фактја. Одова атхинела тари едноставно хабери хем тари олакрија адаптација премал окола иле со си бокхале е дživdipaskere мareske. „Со вљани те кјерав те решав дžи ко савкateskoro dživdipa? - одова вљнai саконе илоске.

Милја људшengje њај те авел пе ко простио ем гудло чани. Побутер интелектуалција, околен со о људа дикхел олен сар бут кајри мурша ће дžuvlja ки лумија, ној дрома си освежиме таро лафикарија околандар со мангјен е Девле ем со дžанен те кјерен лафи одоле мангипаске одобокхар нормално сар е лумијакере даа људа со керена лафи баšo

okova soj si majhor zainteresirime. But drom o lafia bare samaja hazrkjerde em vakjerde isi len hari vlijanie. Numa, o čačutne em ileskere lafia taro disavo Devleskoro čhavo jail čhaj, vakjerde jekhutnipaja isi len takati te phraven o ilo so lungo sine phanlo e Hristoske em oleskere mangjipaske.

Okova so kjerela buti e Hristoske sako drom neka ovel le ki godi kaj na valjani te kjerel buti ko plo takati. Neka ikjerel pe ko Devleskoro troni pakjivaja ko oleskoro zoralipa te šaj kurtalinel. Neka marel pe odolea so ka andinel e Devle ki sako molitva, a palo odova neka kjerel buti odolea so ka lel sa o džanlipa so dengja le o Devel. O Svetu Duhu tergjol oleske ko raspolaganje sar zalogo olengere spastalibaske. O melaikija so sajginena si uzal oleste te šaj delujnen ko olekoro ilo.

Kana o starešine em o sikle ko Erusalimi bi len sine o čačipe so vakergja olenge o Hristos, savo misionorsko cenatri ka ovel sine olengiri diz! O frdimo Izrael ka iranel pe sine. Uzal o Devel ka khedel pe sine baro askeri em kobor sig o evangeli ka ovel sine legardo ko sa o thana ki lumia! Odova isto avdice da ka ovel sine! Kana okola o bare respektirime manuša, so si tane but kadrlije baši sajgija so isi la hairi, bji oven sine pridobime baš o Hristos, savo zoralo delo šaj sine te kjerel pes prekal olende te vazden pe okola so si pervade, te kheden pe o frdime em ko sa o riga buvljarel pe o lošalo haberis bašo kurtaliba! But sig o apeli bašo o evangelsko baro hajbe šaj te havljarel pe sarine-nje, em o misafijra te kheden pe ki Devleskiri sofra.

Numa, na tromal te gndina salde e bare em talentirime manušenje, a te bistra e čorolen. O Hristos dengja zapoved sa ple haberdžienge te džan maškar okola ko droma em o barikade ko čorole em ponižime ko (sasoitnipa) opstestvo. Ko ploštadia em ko droma ko bare dizija ko frdime droma ko desave thana isi individue em familie šaj jabandžie da ko javer phuvja so nane phanle e khangiraja em ko plo korkorutnipa gndinena kaj o Devel bistergja olen. Ola nadžanen so te kjerer te šaj resena dži ko savakteskoro dživdipa. But džene batingje ko bezeha. Buteder pele ko nanipe. Optovarime gajlencar, valjanipaja, bi pakajbaja em mazumeja! Šaj te astaren sako nasvalipa, so astaren em e manušikane trupo em ani dar o ilo. Ola mangen te arakhen garajpe ple nanipaske a i satana legarel olen te roden odova

ko strastia, ko sevdaluki aso leagren len ko meriba. Ov dela olen sodomska phabaja kola so koj muj ka kjeren pe ko praho. Ola ple love hardžinen okoleske so nane hajbaske a plo butikjeriba(trudo) okoleske so na čaljrarel amen. Ko akala manuša so stradinena, valjani te prependžara manušen kaske so o Hristos alo te kurtalinel olen.

O satana thai oleskere banditsko demonia. So si fridime taro del upraldan, e manušenge dena sodomsko phabaj.



O devlekere
LAFIJA

Oleskiri akharin dži olende si: „O sare tumen so sien trušale, aven ko pani, a so nane tumen lire aven kinen em han. Oja aven em kinen mol em thud! Šunen mande em ka han šukare em ka uživinen ko gudle hajba. Čhiven tumaro kan em aven ki mande šunen man em tumaro ilo ka dživdinel” (Is. 55,1-3).

O Devel dengja amen posebno zapoved te pazina e jabandžien, e paldimen e čorolen so nane len moralno takati. Buteder so agjaar dikhindo kosem si olenge sa jekh a jekh primal i religia, hor ko ilo mangjena rahatluko. Trujal so šaj hor pele ko bezeha, isi šansa te oven kurtalime.

E Hristoskere izmekjaria valjani te kjeren okova so o Hristos kjerala le sine taro than ko than. Ov del sine gajreti e mučimen, a sasljarel sine e nasvalen. Palo odova vakjerel sine bare čaćipa oleskere thagari-paske. Odova akti valjani te keren le sare so si olea. Kana ka amortizirinen e iloskere dukha, ka arakhen čhani te čajljaren em o ilo. Šaj te sikaven olenge e kovime Spasiteli, te vakjeren baši i mangjin taro baro Doktori so salde ov šaj sasljarel olen. Vakjeren e čorole mukhle

ilonge so iklide taro drumo, kaj na valjani te oven mazumi. Trujal so si bezehencar em na kergje čačutno tabijati, e Devleske si but šukare so irangia olen ki peste, ka oven lošale bašo o kurtaliba. Ov uživinel te lel, dikhlo ko jakha materiali so nanele nesavi moldi, okolena prekal kaste kjerel sine buti o beng, em te kjerel olen simpatizejra taro plo gudlipa. Ov si lošalo so ka ikjavel olen tari holi so ka perel upral okola so na šunena sine. Vakjeren olenge kaj isi iljači em užaiba sakoneiloske! Ki Devleskiri sofra isi than em olenge. Ov udžarel olen te priminel olen e lafea šukar avilen.

Okola so džan ko droma em uzal o barikade ka arakhen e javeren manušen različno tabijateja kaske ka valjani arka. Ka arakhen manušen so dživdinen isto sar o roš, ka kjerem o izmeti e Devleske najšukar sar džanena, trujal so džanena kaj uzal olenge em okolenge so si paše olancar valjani te kjerem panda buti. Ola mangjen pošukar te zapendžaren e Devle, soske tek akana hošinela i pobari roš so delape lenge, em asvencar molinena pe e Devleske te del olen halalutnipe (blagoslov) kova so pakjivaja hosinelpe dujraldan. Bute olendar šaj te arakhen pe ko okova rumipa ko bare dizja, buteder dživdinen skromno čorolikane, em odoleske ačhona nadikhel tari lumia. Isi asavke kaske ni o propovednikia ni o khangira nadžanen olenge panda. Numa, ko sako skromna em čorole thana ola tasvirinena e Devleske. Trujal so isi olen hari roš em hari šajdipa te oven majsovrvšeno te oven hristijania, ko maškar taro odova nanipa bokhalipa thaj šudripa ola kjerem zori te den arka ple pašengje. Odoleske o povekernikia taro sa rigarutni Devleskiri šukarin neka roden odolen, neka džan ko olengere khera, em ko takati taro Svetu Duho neka pheren olengere mangjina. Sikljoven i Biblijem molinen tumen olencar prosto, agjaar sar so sikavgja tumen o Svetu Duho. Pe izmekjarengje o Hristos ka sikavel haberi so ka šaj te len odola ile sar maro tari havaja. Em agjaar akava moldo halalutnipe ka legarel pe taro ilo ko ilo tar jerija ko jerijja (familija ki familija).

E Hristoskoro dekreti: „Kjeren zori te aven!” but drom bangje dikhela pe. Nesave dikhena odova sar dekreti te dža em te prisilna e manušen zoreja te astaren o evangelie. Numa, odova sikavel o sigaripe taro akava apeli, em o spastalipe(o uspešnost) taro faktia so sine

istemalkjerde(upotrebime). O Evangelie niked na sajginelpe zorea te anel e manušen ko Hristos. Oleskoro haberis: „O sare tumen so sien trušale aven uzal o pani!“ (Isaija 55,1). „O ruho em i bori vakjerena: „Ava!“ Em koj ka šunel neka vakjerel: ‚Ava!.. em ko mangjel neka lel taro akava pani dživdipaske“ (Otkrovenie 22,17). O takati taro Develskoro mangipa thaj dekreti kjerel te ava!

O Spasiteli vakjerela: „Ake, tergjovav angal o udar thaj khuvava; te šungja neko mo hango ka phravel o udar, ka khuvav oleste ka hav rakakoro ahjbe olea em ov mancar“ (Otkrovenie 3,19.20). Oleste na iranen le ni okola manuša so kjerena hajgara, ni palem okola so pretinena oleske. Ov rodel salde e našavden vakjeribaja: „Sar te davtut?“ (Osija 11,8). Trujal so zorale iloja frdena oleskoro mangipa, Ov iranel pe em panda pozorale akharel olen: „Ake, tergjovav angal o udar thaj khuvava!“ Oleskoro baro takati taro mangipa kjerel o ile te phraven. Ola salde angigjaren e Hristoske: „Tlo gudlipa salde bajrakjerel man“ (Psalmi 18,36).



O Hristos ko ple haberdižie ka sadinel odova mangipa so oleste isi ole rodibaja e našavden. Na tromal salde te vakjera: „Ava!“ Isi asavke so ka šunen i akharin, numa olengere kana na šunen šukare te šaj te preprendžaren so odova značinela. Olengere jakha na dikhen te šaj te prprendžaren savo šukaripa dela pe olenge. But džene dikhen plo iramo ilo em vakjeren: Na sium dostojo te dža te del pe mange arka.

Mukhen man rahati! Ama e Devleskere izmekjaria na troman te pomukhen em te iranen pe. Bare mangipaja em mazunipaja aven dži akala frdime ile. Den len tumaro hrabrost, tumare umuteja, tumare takatija! Tumare šukaripaja kjerem te aven tumencar! “Premal okola so si pišmania oven šukare a e javeren kurtalinen olen cidibaja tari jag; a premal o javera oven milostiva daraja, mrzindor o šeja so si melale taro trupo(telo)” (Juda 22,23).

Te gele e Devleskere izmekjaria bare pakjivaja ki oleste, Ov ka del olen takati ko olengoro habero. O Devel ka kjerel oleskoro mangipa em o riziko so šaj te ovel olen ko ile te irangje e Devleskere gudlipa te sikaven len ubedlivo em o manuša te ove motivirime te astaren o evangelie. O Hristos ka kjerel fantastikane čudija kana o manuša ka kjerem okova so o Devel vakjergja olenge. Avdive ko manušikano ilo šaj te kjerel pe baro prebijanipa sar so sine em ko nakhle kustika. Em o Džon Banjan nekanutno razvratniko thaj so na pakjal sine ko Devel, em o Don Njutn nekanutno trgovco so bikinel sine robia, sine otkupime te šaj te havljaren e voskresime Spasitele. Avdive da maškar o manuša šaj te ikljon neve banjanovcia em njutnovcia. Kana o manuš ka kjerel buti barabar e Devleja, šaj te kjerel pe but bašo okola so si mukhle em frdime, kola so tari pli rig ka kjerem te nevjikeren e devleskoro muj ko ple paše. O zrakia tari roš valjani te rošaren em okolen so o šajdipa te prependžaren na sine len baro em so džan ko bezeħ taro drumo soske na džanen pošukare. Olenge valjani te vakjeren pe lafia, isto lafia sar sine vakjerde bašo o Zahaja: „Avdive valjani te ovav ko tlo kher” (Luka 19,5) em tegani ka dikhel kaj o ile so esapingjem kaj si bezechale, si nežna sar o ilo taro tikno čhavo baš odoleske soske o Hristos alo paše olende em sikavgja olenge sama. But manuša ka mukhen o bare zablude em bezeħa em ka len o than okolengoro so sine len šajsarin a na moldingje odova. Ola ka redinen pe uzal okola e Devleskere prioritetia em o Hristos kana ka avel ko plo thagaripa ola ka tergjon uzal oleskoro troni.

Numa „Dikhen te na frden Okole so kjerel lafi (tari havaja)” (Jaudie 12,25.) O Isus vakjergja: „Vakjerav tumengje: ni jekh okolendar so sine akahrde nane te tatinen taro o hajbe!” Ola irangje i akharin em niko olendar panda jekh drom nane te ovel akahrdo. Iranibaja e

Pakjavelen drabarutnen, o
Hristos em tuke sar e Zahjeaske.
vakiarel: „Avdive valjani te ovav
ko to kher !



Hristos, o Jaudie zojrakjergje ple vile odobokhare so dengje plo takati e bengeske so ulo nevozmožno te astaren e Hristoskoro mangipa. Akana da odova ovela. Te na moldingjem e Devleskoro mangipa, te na ulo praktika so valjani te kjera, so kovljarela o ilo, amen ka ova našavde. O Devel našti del amen pozoralo sikaviba taro plo mangipa okolestar so dži akana dengja amen. Dži kote e Isusekoro mangipa na teljarel amaro ilo, nane javere alatkaja so šaj Ov te astarel amen.

Sako drom kana nane te šunen o haberi tari šukarin, korkoro tu-men zojrakjerena ko bi pakjija. Sako drom kana ka pomukhen te phraven o udar taro tumaro ilo e Hristoske, oven panda ponahazrkjerde te šunen oleskoro hango so akahrel tumen odolea so tikjnaren tumaro šajdipa te den džovapi e šukarutnipaske. Ma mukhen tumengje da te ovel hramosardo: „O Efrem ulo amal e idolencar. Mukhen ole!” (Osija 4,17). Ma mukhen o Hristos te rovel upral tumende sar so rovel sine upra o Erusalm lafencar: „Kobor drom mangljum te kehdav tumare čhaven, sar i khani so khedela ple piličken telel o paka, ama tumen na manglen. Ake tumaro kher ka ačhol pusto”(Matej 23,38).

Amen dživdinaja ko vakti kana maškar o manušikane čhave sikavel pe o agorutno haberi baš i šukarin i agorutni akharin. O zapoved: „Ikljoven prekal o droma thaj o barikade”! definitivno phergjola. E Hristoskiri akharin ka ovel legardi sakone iloske. O haberdžie vakjeren: „Bujrum soske i sofra si hazri!” E Devleskere melaikija kjeran buti barabar e manušikane alatencar. O Sveto Duho istemalkjerel sako fakti te šaj te ave o leste. O Hristos bare samaja šunela, udžarindo hem

majtikno nišani koleja so ka dele ko džanlipe deka i brava e udareskiri taro tro ilo pravdili te šaj Ov te khuvel. O melljaikija udžarena te legaren ki havaja lošalo haberri kaj si arakhli panda jekh našavdo manuš so isi le bezeha. E havajakere askejra hazrij tane em udžarena te bašaven ko ple harfe, te giljaven bahtali gili so panda jekh ilo lelja i akharin te avel ki evangeljsko sofra.

Dešenjato šero

O NAPI (MERKA) TARO PROSTIBA

(Akava šero si kjerdo premal e Matejeskoro evangelie 18,21-35)


O Petar alo dži ko Hristos thaj pučlja ole: „Devla kobor drom te prostinav me phraleske so kJerel bezeha mujal mande?” O rabinia vakjeren sine kaj šaj te prostinenpe trin droma. Preptostaviba ja kaj kjerela e Hristoskoro sikaviba, o Petar angja prasiv o numero te bajrarel efta droma dži ko drom so ka sikavel sovršenstvo. O Hristos rodel amendar niked ma te čhingjova taro prostiba. Odoleske vakjergja oleske: „Na vakjerav tuke dži ko efta droma, numa eftavradeš droma puta efta!”

Palo oodva vakjergja o čačutno šarti sar šaj te resel pe dži ko prostiba thaj o riziko soste mukhel pe o manuš so na mangjel te prostinel. Vakjergja jekh storia taro nesavo thagar thaj oleskere delja premal ple bukjarne službenikia, kola so dikhen sine sar javera kjerna buti ko oleskoro thagaripa. Nesave taro odola manuša kjeran sine buti bare lovencar so sine e državakere love. Kana o thagar rodingja te dikhel o bukja so dengja olen te kjeran anglal oleste sine ando manuš kaskoro konto sikavel sine kaj ov ple gazdaske si borčlja bare love taro deš milje talantia. Sebepi so na sine le sole ate iranel o borči primal o teganutno adeti o gazda dengja prasiv te del pe sar robi barabar ple maleja em odolea te iranel plo borči. Ama o daravutno borčlja pelo anglal oleskere pre em počmingja te rodel šukarin (milost) e lafencar: „Rajo ov sabrlja premal mande em sa ka pukjinav tuke”. E Rajoneske pelo bezeh odole izmekjareske, mukhla ole em na rodingja o borči.”

Numa kana o borčlja iklilo em arakhla jekhe taro izmekjaria so sine leske borčlja šel denaria astargja te tasavel ole lafencar: „Iran

mo borčil!” Tegani o izmekjari pelo anglal oleskere pre em molinela le sine: „Ov sabrlijia primal mande em sa ka pukjinav tuke.“ Ama ov namanglia nego gelo em frdingja le ko phanlipa sa dži kote na iranel oleske o borči. Kana oleskere izmekjaria dikhle so ulo, but sine mazumi em gele te vakjeren pe gazdaske so ulo. Tegani o oleskoro Rajo akhargja ole em vakjergja oleske „Tu bilačho izmekjar kjergum tuke halali sa o borči soske molingjan man. Na valjani li sine tu da te smilujnen pe te izmekjareske sar me so kjergjum tuja?“ Em oleskoro Rajo holjangja em dengja le ko mučitelia sa dži kote na pukjingja okova so sine leske borči.”

Akaja parabola khuvela ko okola bukja so valjani te džanen pes te šaj te kompletirinel pe i vakjerdi slika, kote nane desavo duhovno džanlipa. Odoleske na valjani te iranel pe i sama baš o detalja. Numa, akale storijaja si vakjerde desave bitna čaćipa em olenge valjani te gndina. O prostiba so dengja o thagar si o prostiba taro Devel premal o bezeha. O Hristos si sikavdo sar o thagar so legardo taro sočuvstvo, prostinela o borči ple izmekjareske. Odole manušeske šaj sine te astarel le globa so hramosarel o kanuni so si phago. Ov našti sine korkoro te kurtalinel pe thaj odoleske o Hristos alo ko akava sumnal, muklja pli ple devlikani prakrt e manušikane prakrtajaem dengja plo dživdipa - pravedniko baš o napravednikija. Dengja pe korkoro peste amare bezehenge em odoleske sakone iloske bilovengoro dela o prostibe so Ov rateja stekningjale. „Soske i šukarin si ko Devel thaj



O Isusu kjergja afi amare bezehon-
ge, em mulo olenge ko trušol em
amengje dengja dekreti te kiera afi
jekh javereske maškar amende

O
devleskere
LAFIJA

but oleste arakhel pe o kinibe” (Psalm 130,7). Akava si reoni kote valjani te sikava mazunipa prema okola so kjeren bezeha sar amende. „Mre mangle, kana o Devel zamangjel amen agjaar, amen da valjani te manga amen jekh jekhea (1. Jovaneskoro 4.11). O Hristos vakjerela: „Bilovengoro lelen, bilovengoro den”(Matej 10,8)

Kana o borčlija tari parabola rodingja o borči te odložinel pe em vakjergja: „Nek ovel tut sabri premal mande em ka pukjinav!” - i globa sine irandi. Sa oleskoro borči sine koslo em šaj sine te kjerel okova so kjergja oleskoro rajo so prositingja oleske. Ikljojbaja tari palata dikhlja jekhe ple amale so sine leske borčlija tikno borči. Oleske sine prostime deš milje talantia; a akava sine leske borčlija salde šel denaria.

Numa o manuš premal kaste kergja be bari šukarin, premal plo amal legjargja pe ko but javer čhani. Oleskoro borčlija bičhavgja oleske molba asavki sar ov so bičhavgja e thagareske, ama bizo jekh a jekh rezultati. Odova manuš so angleder tikno vaktidobingja prostiba, na sine le ni mangipa ni mazunipa. I šukarin so sine sikavdi primal oleste na sine sikavdi olestar primal oleskoro amal. Na lelja i molba te ovel sabrlija. I asavko nablagodarno izmekjari na gndinel sine ko khanči trujal ki odoja tikni suma love so sine leske borčlija oleskoro amal. Rodingja salde plo em gndingja kaj isi le niami em odma ko delo angja i presuda sar okoja so leske milostivo sine prostimi.

Koboro isi avdive da so sikaven asavko tabijati! Kana o borčlija rodeli sine šukarin taro plo gazda na sine le pojma kobor si oleskoro borči. Na havgja plo nanipa. Pakjandilo kaj ple butikeribaja ka kurta-linel pe. Odoleske rodingja da: „Ov sabrlija premal mande sa ka pukjinav tuke!

Agjaar pakjana but džene kaj ple aktencar ka resen dži ko Develski-ri šukarin. Ola haven plo naštipa. Na len e Devleskiri šukarin sar Devleskoro korkoro dendo bakšiši, numa mangen te buvljaren nesavi pli nijamalin. Olengere ile nane phage em ponizno sebepi o bezeha so kergje olen em odoleske si zorale premal o javera. Olengere bezeha premal o Devel kana bi kjeren pe sar paralela e bezechencar taro olengoro phral premal olende ola bi dikhen pe sar deš mile talantia primal šel denaria - vakjerdo jekh milioni premal jekh, a na daran te oven natrampime, naharzrkerde te prostinen.

Premal e Hristoskere lafia o rajo akhargja e namilosrdno borčlija em vakjergja: „Tu sijan lošno izmekjari! Prostingjum tuke sa o borči soske molingjan man. Na valjani li sine tu da te smilujnen tut te izmekjareske sar me so smilujngjum pe tuke? Em oleskoro rajo holjangja em dengja le e manušengje so marena sa dži kote na pukjinel plo borči sa so sine borčlija. O Isus gelo poodorig: „Agjaar em mlo Devleskoro Dat ka kjerel tumengje sakone tumendar ako sako na prostinel taro ilo pe phraleske.” Okova so na mangle te prostinel frdel pester pakjiv kaj korkoro ka resel o prostibe.

Numa, i vakerin tari akaja parabola na tromal te teleperavel pe. E devleskoro hazrkjeiba te prostinel amengje ko ni jekh javer čhani na tiknjarel amari savala te šuna. Ko jekh amaro prostiba so kjera amare najpašengje na tiknjarel olengere pravedno savale premal amende. Ki molitva so sikavgja ple siklen o Hristos vakjeral: „Prostin amare borčia sar so amen prostina amare borčlienge”(Matej 6,12). Odolea o Hristos na manglja te vakjeral kaj amen na troma te roda taro amare borčlie te pheren sa o kanunikane delja premal amende te manglem te resa prostiba amare bezechonge. Te na sine ola ko takati te kjerer odola obvrske, em tegani kana na kjerer gogjaver buti, amen na tromal te phana olen te mučina olen jail javer bilače te kjera olenge. Numa, i parabola na rodelna amender te ova manuša so nane te kjera buti. E Devleskoro lafi vakjerala „okova so na mangel te kjerel buti na valjani ni te hal” (2. Solunjanija 3.10). O Devel na rodelna e manušestar so kjerel buti te lokherel e nabukjarnen. But olendar našaven plo vakti, na dena baro zori, em odoleske pheren ko čorolipa. Dži kote odola so isi len akala maane na dena zori te nevikjeren pe, sa so šaj amen te kjera olenge ka ovel sar čhijba barvalipe ko gono bizo agor. Palem, isi em čhorolipa em amen valjani te sikava nežnost em respekti premal o bibahtale. E amare pašencar valjani te ova agjaar sar so mangaja te oven amencar kana amen siem asavke,

O Svetu Duho akharel amen prekal o apostol Pavle: „Em agjaar te sine desavi pakjiv ko Hristosi, te sine desavo nadarajbe taro mangipa, te sine desavi jekhin e Duhoda, te sine amen pakjiv thaj respekti, kjerer mli baht te ovel celo, te ovel tumen jekh a jekh gnd thaj mangipa, phanle ko duho em jekhe resarinaja. Ma kjeren khanči taro rivaliteti

jail nasvali sueta, numa ko poniznost dikhen tumen sar jekh javere pobaro korkoro pester. Ma dikhen salde tumare interesia, numa em o javerengere interesia” (Filipjania 2,1-5).

Numa, o bezeħ na trebel te havel pe sar lokhe gogjakoro. O Devel angja prasiv ma te trpina o bezeħ ko amaro phral. Ov vakjerela „Te kergja to phral bezeħ akoše!” (Luka 17,3). O bezeħ valjani te anav-kjerel pe čaċutne anaveja thaj valjani te vakjerel pe okoleske so kjerela odova.

Vakjeribaja ko Timotej, a ispiririme taro Svetu Duho, o apsolot Pavle hramosargja: „Propovedin o Lafi, vakjer le ko vakti em ko kijameti, ukorin, anglohavljar, ohrabrin sa e sabrlukoja em gogjaver lafeja” (2.Timotej 4,2). E Titeske da hramosargja: „Isi but nateleperav-de manuša so hovavena em so vakjera ķuče lafija... Odoleske de o lenge šukare čingar, te oven saste ki pakjiv” (Tit 1.10-13).

Korkoro oHristos vakjerela: „Te kjerġia bezeħ to phral dža em akoš le ama korkoro. Te šungja tut tegani dobiningan te phrale. Numa, ako na šungja tut, le tuja em panda jekhe jali dujen em taro muj e dujdženengoro jali trin tasvirija te ačoven odola lafija. Te na šungja olen da vakjere e khangiriake, em te na šungja em e khangira da neka ovel tuke sar napakjajbaskoro em borčlija (Matej 18,15-17).

Amaro Devel sikavel amen kaj o pharipa maškar amende valjani te regulirinel pe ki khangiri. Na tromal te vakjera olen anglal okola so nane len dar taro Devel. Te kergja e hristijanske o leskoro phral nesavo bilačhipa thaj zulumi, ov ma te phenel okolenge so na pakjana ko Devel jali ko adalat. Neka džal premal o dekreti so dengja o Hristosi. Ko than te kjerel garazi, neka kjerel te kurtalinel pe phrale. O Devel ka arakhel o interesia okolengere so mangjena ole em so daran olestar em odoleske bare pakjivaja šaj amaro slučaj te mukha Okoleske so ka anel nijamalutni čaċikani prasiv.

But drom kana o bilačhipa kjerel pe nekobor droma, a okova so kjerela le sako drom angigjarinela len, o khuvdo ovela ħindo em għndinela kaj si leske više dovolno prostimo. Ama o Spasiteli vakjergja amenne decidno kaj valjani te kjera khanci premal okola so kjeren bilačhipa: „Te grešingja to phral akoše em muk le te perel pišmani” (Luka 17,3). Ma te kjere te na esapinel le sar dostojo respekteske.“

Arakh tumen ma te oven tumen da ko iskušenie” (O Galatia 6,1).

Te phralja te kjergje bezeha tu valjani te prostine lenge. Ked ka aven ki tutee ma te vakjeren so kjergje, ma te vakjerel olenge: „Gndinav kaj na sikavje but poniznost!” Kotar tuke nijami adalatine ked na sian kad’ri te drabare olengere ile? E devleskoro lafi vakjerela: „Te kajnjga pe prostin leske. Em efta droma ko dive kjerel bezeha premal tute em efta droma avel ki tute em vakjerela: „Pišmani sium!” - prostin leske” (Luka 17,3.4). Em na salde efta droma, numa eftavardeš droma po efta – odobohare but kobor so o Devel prostingja tuke.

Amen bašo sa siem borčlie e bare Devleskere šukarinake. I šukarin taro zaveti kergja amen te ova oleskere čave. I šukarin taro amaro Spasiteli kergja te šaj te ovel otkup, nevikjeriba, vazdipa dži ko rango taro okola so ka ova sar naslednikia taro Hristos. Te phrava o takati em e javerengje.

Okola so kergje bezeha ma te da olen povod te daran. Ma te kjeren sar o fariseija so kergje te dukhaven tumaren phralen. Ni ki godi ni ko ilo ma te sikavel pe tuke ksknluko, jali kjerki gnd. Ko tumaro lafi ma te sikavel pe nisavo narespekti. Te manglen te vakjeren desavo

Olsus kjerja afi e bare bežehegenre džuvjajke, bludnicake” na doškierava tut, kjeraf tuke afi, numa dža em ma kje pobut bezeha!”



tumaro dikhiba jali lena sa jekh a jekh stavi ka sikaven šubikjeriba, jail napakjiv em tume salde ka zapečatinen o periba odole iloske. Olake valjani phral so respektirinel em del gajreti kote ple mangijipaja si sar o phureder Phral(Hristos), ka kjerel lačhe ko manušikane

emocie. Neka hosinel zoralo astardo vas taro phral em neka šunel o krotko lafi: „Ajde te molina amen!” O Devel em leske em tuke ka del baro džanlipa. I molitva phanel amen maškar amende hem e Devleja. I molitva legarel e Isuse ki amari rig em e trošale em bunime ileske dela nevo takati so pobedinela o sumnal, e trupo(telo)em e benge. I molitva iranelia o napadija taro beng. Kana neko ka mukhel okolen o naperfektno manušen te šaj te dikhel e Isuse, ko oleskoro karakteri ovel devlikani transformacia. O Sveti Duho kjerela o ilo em iranel oleskoro muj kjeribaja jekh a jekh sar e Hristoskere iloja. A palo odova vazden e Isuse. Tumare duhovno jakha neka dikhen e „Devleskere



I molitva kjerela tumen paše
jekh a jekh e Devleja. I molitva
legarel e Isuse ki amari rig.

Bakhre so lel pea sa o bezeha e lumiakere!” (Jovan 1,29). Kana ka oven kotor taro oleskoro delo, den pe godi kaj: „Okova so ka iranel e manuše so isi le bezaj taro bezechengoro drumo, ka kurtalinel oleskoro ilo dži ko meripa em ka učharel but bezeha” (Jakov 5,20).

„Tumen te na prostingjen e manušenge olengere bezeha, ni o Devel nane te prostinel tumare”(Matej 6,15). Khanči nane te opravdinel o nepomirlivo duho. Okova so na prostinel thaj si holjamo prmeal o javera, sikavel kaj na sine le ni korkoro kotor taro Develskiri šukarin koja so prostinel pe o bezeha. E Develskoro prostiba khedela o ile taro okola našavde ko jekh baro ilo kote isi baro mangipa. Ko ilo taro okova so kergja bezeha khedela pe baro pani taro develskoro sožaliba, a odothar odola panja džana ko ile javerenge. I nežnost thaj i šukarin

so sikavga o Hristos ko plo perfektno dživdipa ka dikhel pe ko dživdipa okolenge so isi len kotor tari oleskiri šukarin. Numa, „neko te na sine le e Hristoskoro duho, ov nane oleskoro” (O Rimjania 8,9). Ov ulo jabandžia e Devlea thaj savakteske ka ovel dur olestar.

Čače o Devel nekana oprostingja oleske ama oleskoro zoralo ilo sikavel kaj frdela e Develskoro mangipa so prostinela. Ov korkoro hulavgja pe e Devlestар em akana si isto sar kana sine angleder te prostinel pe leske sa. Ov otkažingja pe te perel pišmani em oleskere bezeha palem ka oven leske pharipa so niked na kajngja pe.

Numa, i suština tari akaja pouka ki akaja parabola garavel pe ki razlika maškar e Develskoro prostiba em žaliba em e manušeskoro zoralo ilo, faktea kaj e Devleskiri šukarin so prostinela valjani te ovel napi(merka) amare prostibaske. „Na valjani li sine tu da te smilujne pe te izmekjareske, sar me so smilujnjum pe premal tute?”

Amengje nane prostime soske amen prostinaja, numa sa dži kote prostinaja. O darho(temeli) taro sa akava prostiba arakhel pe ki nazaslužimo Develskoro mangipa a amen amare manirencar premal o javer sikavaja dali odova mangipa ulo em amaro. Odoleske o Hristos vakjerela: „Soske save adalateja adalatinena, asavke ja ka adaletinel pe tumenje da; save napeja(merka) ka merinen, asavkaja tumengjeda ka merinel pe” (Matej 7,2).

Bišto šero

KJARI SO SI SAR ZIJANI

(Akava šero si kjerdo premal e Lukaskoro evangelie 12,13-21)

Ko vakti kana o Hristos sikavela sine trujal oleste uzal o sikle kheden pe sine thaj javeria. Pe siklenga kjerel sine lafi bašo desave bukja kote ko sig vakti ola da ka len than. O čaćipa so vakjergja olenge valjani sine ko sig vakti te vakjeren len savorengje em odova ka kjerel konfliktia e thagarencar akale lumiake. Ka oven ikavde anglal o adalatia em anglal o vlastia. Dengja len lafi kaj ka kjeren gogjaver bukja so ka našti koni te kontririnel. Oleskere lafia, so khuvena sine ko ile taro buteder a buninel sine oleskere rivalen sine svedoštvo e takateske taro Duho so dengja len sar lafi ple sledbenikonge kote ka dživdinel olencar.

Numa, sine asavke so mangjen sine em e devleskoro gudlipa. Ama salde ple sebično čalipaske. Dikhle kaj e Hristos sine le baro džanlipa sa o čaćipa te sikavel ki javer roš. Šungje o dendo lafi so vakjergja ple sledbenikonge kaj ka del len gogjaveripa em džanlipa te kjeren lafi anglal o thagaria. Numa soske Ov te na del olen odova takati te šaj te kjeren sa bašo ple akale phuvjakere resarinja(celija)?

„Tegani neko tari odoja bari kupa manuša vakjergja: „Siklea, vakjer me phralske te hulavel plo mali mancar!” O Mojsej dengja legaripa sar šaj te kjerel pe o nasledstvo e maleske. O majphureder čhavo reslja duj kotora taro ple dadeskoro mali (5 Mojsieskiri 21,17). Dji kote o poterne phralja resle po jekh kotor. Akava manuš esapinel sine kaj oleskoro phral leja pobaro kotor olestar ko mali. Oleskoro zori te šaj te kjerel ple prava sine čuče, ama gndingja kaj ka šaj te kjerel o Hristos te urgirinel oleske. Šungja e Hristoskere interesno akharina thaj oleskere ustavalо(svečano) osude upral o kniževnikija em o fariseija.

Kana asavke avtoriteteta del pe naredba sine oleskere praleleske, tegani ov na ka tromal taro zijankjerdo phral te ačavel peske oleskoro kotor taro mali.

Ko vakti taro utsavale(svečeno) pouke so vakjerel sine o Hristos, akava manuš činavgja ole salde taro sebično karane. Ov moldinel sine sa okola e Devleskere džanlipa te ovelen honga(korist) olen bašo ple akale lumiakere resarina. Ama e iloeskre čačipa na kjeret sine presia ki oleskiri godi jali ko oleskoro ilo. O mali astragja sa o leskiri godi. Oleske o thagar taro baripa, o Isus, so sine barvalo, numa sebepi amende ulo čorolo phravga o barvalipa taro develskoro mangipa. O Svetu Duho ohrabrinela le sine te ovel nasledniko „e nakirne thaj nahulavde malestar si niked na kirkola“ (1. Petrovo 1,4). Dikhlja o dokazia taro Hristoskoro zoralipa. Reslja šajsarin te vakjerel e bare Sikavneskete sikavel ple najhor mangina ko ilo. Numa, sar o manuš melale gribloja tari alegoria taro Bunjan, ov plo dikhiba legargja ole premal i phuv em na dikhlja i kruna upreder plo šero. Isto sar o Simon Magioničari, ov e Develskoro bakšiši moldingja le sine sar alatka te khedel akale phuvjakoro kjari.

I misija taro Spasiteli e phuvjakoro avela sine but sig ko agor. Ačhilo le panda nekobor masekoja te agorkjerel i buti soske alo em te čhivel plo thagaripa tari šukarin a palem manušikano bičalipa kerela le sine te iranel le taro oleskoro delo em te čhivel le ki čhingar – bašo kotor phuv. Ama o Isus našti sine khanči te dujrarel ole tari oleskiri misija. Oleskoro džovapi sine: „Manušea ko mande čhivga ma adalati te šaj te hulavav me upral tumende“?

O Isusi akale manušeske šaj sine te vakjerel oleske kaj isi le niami te lel. Ov džanelia sar valjani te ovel o pravedno numa o phralja akošen pe sine soske o duj da sine bičale. Odothe o Hristos sar te manglia te vakjerel nane mi buti me te rešinav tumare dileme! Ov alo javere niteja te vakjerel o evangeline em agjaar te del arka e manušen te oven ki godi baš e havajakere realitetija.

E Hristoskoro delo ko akava misal sine pouka sarinengje so mangjen te istamalkjeren oleskoro anav. Kana bičhavga e dešujduje dženen vakjergja olenge: „Sa dži kote džana vakjeren kaj avela e devleskoro thagaripa. Sasljaren nasvalen, iranen e mulen, užaren e

leproznen, palden demonen, bilovengoro resljen, bilovengoro den” (Matej 10,7.8). Ola valjani sine te rešinen akale lumiakere konfliktia. Olengiri savala sine te den arka e manušengje te šaj baruštinan pe e Devlea. Odoleske sine olengoro takati te oven blagoslov e manušipaske. Jekhutne iljači bašo bezeha thaj mazunipa bibahtalipa e manušengje si o Hristos. Jekhutne o evangelie tari oleskiri šukarin šaj te paldel o bilačhipa so mučinel e sasoitnipes (opsteštvo). O nanijamalipa (nepravda) taro barvale pramal o čorole em o namangipa taro čorole premal o barvale isi plo darhi ko sebičluko, a o sebičluko šaj te cidel pe salde mangipaja premal o Hristos. Salde Ov šaj sebično ilo pherdo bezechencar te trampinel neve ilea pherdo mangipaja. E Hristoskere izmekjaria neka vakjeren o evangelie, inspiririme taro Duho so alo tari havaja, em neka kjeran buti sar so kjerel sine o Hristos baši o šukaripa e manušengoro. Em tegani ka dikhen pe o rezultatia - halalipe thaj vazdiba e manusipaske savo niked angleder našti sine te

Olsus vakjerigja e apostolenge:
„Tumari savala si te den arka e
manušenge te baruštinan pe
e Devlea.



kjerel o manušeskoro takati. Amaro Devel astargja darho e problemeske so mučinela oleskere sogoverniko a o darhi sa e problemenje si kana vakjergja: „Arakhen tumen tari sako forma taro bičalipa, soske e manušeskoro dživdipa na ikjerela pe ko barvalipa taro oleskoro mali!”

„Em vakjergja olenge i parabola e lafencar: ’I phuv taro jekh barvalo manuš but bijangja oleske. Em gndinel sine peske: So te kjerav

nane kaj te khedav mro reslige? Palo odova vakjergja: 'Ka kjerav agjaar: Ka peravav o ambaria, em ka kjerav pobare me odothe ka khedav sa mlo giv. E tegani ka vakjeraav me mahoske: Maho, isi tut hajbaske thaj pijbaske bute beršenge, raathin, ha, pi em lošal!' Ama o Devel vakjergja oleske: "Delinea, erat ka rodav to ruj! Kaskoro ka



ovel sa odova so khedingjan! Agjaar nakhela sako so khedela barvalipa salde peske, a nane barvalo e Devlea."

E parabolaja taro delino barvalo manuš o Hristos sikjavgja o dilinipa sarinengoro so si phanle e lumiaja em kote lumia si olenge sa! Akava manuš sa so sine le dengja le o Devel. E khameske sine mukhlo te rošarel oleskere nive, soske oleskere zrakia resle dži ko pravedniko da em dži ko napravedniko. E devleskere biršima perena em e šukar manušeske em e lošno manušeske. O Devel kjergja o bilke em o čajra te bajron em te anen plodia. Em akana o barvalo arakhlja pe ko bišukaripa so te kjerel ple rodoja. Oleskere ambaria sine prepherde na sine le than kaj te čhivel okoja resto pobut luni(žetva) so isi le. Na del pe sine godi ko Devel kotar avel sa akava barvalipa. Na havgja kaj o Devel kjergja le sar povereniko bašo sa akava šukaripa te šaj te pomožinel em e čorolen. Sine le baravlo šajdipa ko than e Devleske te del e čorolengje, numa ov dikhla salde peske.

O hali taro čorole, o phivle e čhavenge bizo dat thaj daj e mučimenge em okola so si ko bibahtalipa, sine pendžarde e manušeske em ko

but thana šaj sine te hulavel plo barvalipa. But lokheste šaj sine te hulavel pe taro plo barvalipa em but khera ka oven sine ikavde taro čorolipa. But bokhale muja ka oven parvarde, but nange ka oven sine uravde, but ile ka oven sine lošale. But molitve mareske em šeenge ka oven sine šunde em premal o del but gilja ka oven sine giljavde sar halalikjeribe(blagogodarnost). O Devel šungja sa o molitve taro čorole em ko plo šukaripa kergja e čorolengje (Psalm 68.10). But rezerve sine khedime so ka valjani bute dženege a sine dende ko barvalo. Ama ov phanlja po ilo ko akharina taro čorole em dengja da zapoved ple izmekjarengje: „Ka kjerav agjaar: ka peravav o ambaria em ka kerav pobare em odothe ka khedav sa i luni. E tegani ka vakjerav me ruheske, Ruhu akana isi tut hajbaske em pijbaske bašo but berša, rathin, ha, pi em lošal!“

O resarina(celija) akale manušeske na sine sar i resarina so merena sine o hajvania. Dživdinel sine sar te na ovel Devel, sar te na ovel havaja, sar te nane avutno dživdipa, sa so sine le sar te sine salde oleskoro, sar te na sine borčlja e Develske thaj e manušenge. O psalmisti akale manuše sikavgja ole sar barvalo manuš kana vakjerga:” O bigogjakoro vakjerga ple ileske: ‘Nane Devel!’“(Psalm 14,1).

Akava manuš dživdinel sine em planirinel sine salde peske. A kana havgja kaj but ikavgja ple avutnipaske kaj nane pobut te kjerel buti trujal te arakhel o reslina taro plo butikjeriba em te uživinel olende. Havljargja pe sar majbahtalo javerendar em peske hramosargja sa o zasluge ple gogjaver ekonomijaja. Ja, uživinela sine respekti em ko jakha taro oleskere paše manuša ki diz; ola falinen le sine sar manuš saste gogjaja, em odoleske isi le barvalipa. Soske o manuša „falinen tut soske kjereja tuke šukaripa”(Psalm 49,18-premal anglikano originali).

Ama „o gogjaveripa akale lumiake si namudripa anglal o Devel” (1 Korinkjania 3,19). Dži kote o barvalo udžarel sine te uživinel beršencar, o Devel kjergja javer plania oleske. Akale napakjavutneske vakjergja: ’Dilineja, erat ka rodav to ruho!‘ Ando si o dekreti kolea so našti sine te kinel pe lovencar. E barvalipaja so khedingja ole našti sine ni te prolongirinel olakoro kjeriba. Ko Momentisa o oleskoro dživdipa ulo bizo nisavi moldi. „kaskoro ka ovel s a odova barvalipa

so khedingjan?” Oleskere bare nive em opherde ambaria našle olestar. „O manuš nakhlja sar učalin(senka) sueta si sa oleskoro barvalipa, khedela a na džanel koj ka lel ole” (Psalmi 39,6).

Na arkahlja peske okova so akana bi ovela leske but moldo. Sebično dživdipaja ov frdingja e devleskoro mangipa kote prekal oleste ka džal sine ko oleskere majpaše. Em agjaar frdingja o Dživdipa soske o Devel si o mangjipa a o mangjipa si dživdipa. Akava manuš lelja akale



Akate si o agor sakoneske so khedel barvalipa peske, a nene barvale e Devleja

lumiakoro kotor ko than e devleskoro, pa barabar e phuvjakoro ov da valjani sine te našavgjovel. „O manuš so dživdinel bigogjakoro si jekh a jekh sar o hajvania so merena” (Psalmi 49,20).

„Agjaar nakhela sako so khedel barvalipa peske a nane barvalo e Devlea” Akaja slika legarel pe bašo sa vaktia. Tumen šaj sebicno te planirinen salde tumenge korkoro, šaj te kheden barvalipa, te kjeren bare em skupo palate sar so kjerena sine ko nekanutno Vavilon; numa nasti te vazden odobokhare učo duvari jail udar odobokhar zorali te šaj te ikjerel e haberdžien taro preperipa. O thagar o Valtasar “kjergja baro hajbe em pijbe” Pien sine mol thaj bajraren sine ple devle taro galbenoja(zlato) thaj rupuja(srebrija) tari bronza em sastrn taro kaš em bar” Numa, o vast taro Bidikhlo hramosargja ko duvari lafia tari prokletstvo em anglal o udara tari oleskiri palata šundilepe o piribe tari dušmanskiri četa. „Ki odoja rakj sine mudardo o haldejsko thagar Valtasar” em ko oleskoro troni bešljajaver monarho (Daniel 5,4.30).

Te dživdinelpes korkoro peske odova značinela te properel pe. O bičalipa, sebičluko em kjari, hulaven o ilo taro dživdipa. Te lel peske korkoro, te grabinel pe korkoro peske, odova si bengano ruhi. E Hristoskoro ruho kjerel te del pester, te ovel kurbani korkoro javerenge. „Ake o tasvirluko(svedoštvo): O Devel dengja amen savakte-skoro dživdipa a odova dživdipa si ko oleskoro čavo. Kaste isi e čhave isi le odova dživdipa, kas nane e Devleskere Čhave nane le odova dživdipa (1. Jovaneskoro 5,11,12).

Odoleske ov vakjergja: „Oven ki sama(pazinen) em arakhen tumen taro sekova vrsta bičalipa, soske e manušeskoro dživdipa nane ko barvalipa taro oleskoro mali”

Bišujekhto šero

I BI NAKHAVDI PROVALIJA SI NAKHAVDI

(Akava šero si kjerdo premal e Lukaskoro evangelie 16.19-31)

Ki pli parabola bašo o barvalo manuš thaj o čorolo Lazar, o Hristos sikavela kaj o manuš ko akava dživdipa anel resenija baš pl savakteskiri jazija (sudbina). Ko vakti akale kontrolake e devleskori šukarin si dendi sakone iloske. Numa, o manuša te mukhle o šajsarina so dena pe olenge em ko than odoleske dživdinena sar so ola mangena, ola tegani korkoro cidena pe taro savakteskoro dživdipa. Nane te ovel lenge dendo nisavo nevo vakti tari šukarin. Ple ande prasivaja ola korkoro kjerer peske binakavdi provalija maškar peste em o Devel.

Akaja parabola akcentirinela o kontrast taro barvalo manuš so na ikjerel pe upral o Devel em o čorolo so kjerela sine agjaar. O Hristos sikavela kaj avel o vakti kaj o hali akale manušikane kategoriengje ka oven ko sa trampime. Okola so si čorole akale lumiakere barvalipaja, numa pakjan ko Devel em bare sab'reja ikjeren o pharipa, jekh dive ka oven vazdime upreder okola so avdive si ko učo tronia so del len akava sumnal, numaplo dživdipa na dengjele e Devleske.

O Hristos vakjerela: „Sine peske jekh manuš so uravel pe sine sako drom ko purpuri em leneno tekstili em lošarela sine sako dive. A jekh čorolo, anavea Lazar sine sa ko čiria, pašljola sine anglal oleskere udara em mangela sine te hal okova so perela sine tele tar ebaravleskiri sofra.“

O barvalo na sine čhivdo maškar o manuša sar o napravedno adalati kova so phravde sikavel sine po nerespekti premal o Devel em premal o manuša. Ov peste dikhel sine sar čhavo taro Avram. Ov premal o čorolo na kjerel sine zulumi thaj na rodel sine te chidel pe

olestar soske oleskoro muj sine džungalo. Ole na sine le ni kontra mujal akale čorole manuše but džungale mueja majodorig te ovel anglal oleskoro udara te sine le uteha odolea so salde ka dikhel le kana ka nakhel uzal oleste. Numa sine sebično ramnodušno premal oleske-



re valjanipa ple izmučime phralestar. Ko odova vakti na sine hospitilia kote šaj sine akava manuš te sasljarel pe. O stradalnikia em o čorole sine mukhle okoleske so o Devel dengja len baravlipa te šaj del arka em gajreti.

E Lazareske valjani sine arka soske na sine le amala, na sine le kher, ni love ni hajbaske. A palem sine mukhlo taro dive ko dive te dživdinel ko asavke šartia(uslovia), dži kote o barvalo šaj sine te čajljarel sako



pli potreba. Okova so sine but, kadrlja te šaj te amortizirinel o čorolipa javereske dživdinel sine sebično sar so kjeren but em avdive.

Avdive da buteder amender si bokhale, bizo kher. Te na dengjam olen arka akale čorole manušengje amen phergovaja pharipa so jekh dive ka arakjha amen akale pharipaja. Sako lakomost si adaletimi sar idolopoklonstvo. Sako sebično pomukhiba anglala amare bare mangjina si phagiba o kanuni anglat e Dveleskere jakha.

E barvale manuše o Devel čhivgja pe sar povereniko upral plo šukaripa, em odoleske oleskoro borći si te ovel taro hairi sar so sine o slučaj e Lazarea. O zapoved džal agjaar: „Odoleske te mange te bare Devle sa te ileja sa te mahoja em sa te takatea”, em „te mange te najpaše sar so mange tute!” (5 Mojsieskiri 6,5;3 Mosjiejkiri 19,18) O barvalo sine Jaudia em džanel sine e Devleskiri zapoved, ama bistergja te sajginel e šukaripaja so sine leske dendo. Upral oleste baro develskoro šukaripa sine učhardo ama ov kjerel sine odova sebično te šaj te vazdel pe korkoro a na e Devle.

Odolea so lelja barvalipa sine le savala plo barvalipa te kjerel te vazdel o manušipa. Odova sine Devleskiri zapovest numa o barvalo na gndinela sine talo ple savale premal o Devel. Del sine love kamataja ama na del sine kamata e lovenge so o Devel dengja ole. Sine le love em džanlipa ama na istemalkjerel len sine sar so valjani. Bistribaja e Devle sa plo barvalipa kjerel sine te uživinel. Sa okolea so sine le uzal oleste kote čalipaja kjerel sine odova o faliba em vazdiba taro oleskere amala - sa odova kjerela sine oleskoro sebično uživiba. Odobokhar i godi leskiri sine obzemini ko amalipa pe amalencar, so ov našavgja plo svest talo plo džovaplipa te kjerel buti e Devleja ki oleskiri sajija tari šukarin. Sine le šajsarin te havel e Devleskoro lafi em em odola aktija te sikavelen sine ko plo dživdipa, numa o društvo koleja sine phanlo, predadimo ko šukaripa akale phuvjakere, ki adaja mera lelja oleskoro vakti, so ovistaergja e savakteskere Devle.

A palo odova alo o vakti kana uli trampa ko akala duj manuša. O čorolo sako dive cidel sine, numa sa odova trpingja sab'rea em krotko. Palo desavo vakti mulo em sine parume. Na sine niko te rovel oleske; numa odoleja so sine sa'brija ko plo chidljaripa, tasvirinela sine e Isuseske, izdržingja i proverka tali pli pakjiv em ki Biblij si sikavdo

sar o meljaikija lena le ko vasta thaj ligarena le ki angalin e Avrameske.

O Lazar si slika taro e mučime čorole manuš so pakjan ko Hristos. Kana ka šunel pe e devleskiri truba, barabar sare so si ko limoria ka šunen e Hristoskoro hango em ka ikljol te lel plo phursako(nagrada), soske oleskiri pakjiv ko Devel na sine salde teorija numa realiteti.

„Mulo em o barvalo em parungje le. A ko adote ki muka ov phravel ple jakha em dural dikhlija e Avrame em e Lazare ki oleskiri angali em vakjergja: ”Dade, Avram, smilujn tut mange em muk e Lazare te sapankjerel plo naj ko pani em te šudralel mli čhib soske but mučinava man ki akaja jag”.

Ki akaja parabola o Isus dikhlija pe manušencar ki olengiri phuv. O sikeljoibe taro svesno hali e manušeske ko vakti maškar o meriba thaj o uštiba taro mule(voskresenie) zastapinena sine but džene so šunena sine e Hristoskere lafia. O Spasiteli džanel sine baš olengoro pakjajbe, a pli parabola kjergja la agjaar za te šaj te havlajrel olenge bitno čaćipa baš prekal olenegere darhoja phanle gnda(vkoreneta sfakjanja). Ov anglal ple šunavale vazdingja ajna te šaj te dikhen o čaćutno odnos premal o Devel. Kjergja premal olemgiri pakjiv te šaj te del olen i gnd so manglja te vakjerel la anglal sarinende kaj o manuša na valjani te oven moldime premal olemgoro mali, soske sa e manuše so isi le leljla le sar zaem taro Devel. Ola bilače istemalkjeribaja(zloupotrebibaja) odola darbe, o manuš korkoro peste peravela pe tele taro majčorole hem izmačime maškar manuša so mangena e Devle hem so pakjana sine ki oleste.

O Hristos mangel sine oleskere šunavle te haven kaj o manuš palo o meriba našti kerel khanči te kurtalinel pe. E Avrameske čhivgja ko muj o lafia: „Mo čhavo det tu godi kaj primingjum sa o šukaripa panda ked sian sine dživdo, a o Lazar o bilačipa! Akana ov akate arakhlija rahatluko a tu mučineja tut. Trujal odova maškar amende em tumende isi baro provalija em okola so ka mangen te nakhen em te aven amende ka našti ni amen te ava ki tumende” odolea o Hristos sikavgja o bizoumutluko(beznadežnost) te rodel pe panda jekh šansa. Akava dživdipa si jekhutno vakti dendo e manušeske te šaj te hazrikjerel pe savakteske (večno dživdipaske).

O barvalo na frdela i gnd kaj si ov e Avrameskoro čhavo, em

dikhajale sar ko plo mučime rodelo olestar arka. Molinela sine: „Mo dat Avram smilujn tut!” Ov na molinel pe sine e Devleske nego e Avrameske. Odolea sikavga kaj čhivel eAvrame anglal o Devel em gndinel kaj si paše e Avramea, hem ka šaj te kurtalinel ole. O razbojniko ko trušol pli molitva bičhavel la premal o Hristos: „Isuse, de tut godi ki mande kana ka rese ko tlo thagaripa!” (Luka 23,42). O džovapi alo: Čače vakjerava tuke avdive (sa dži kote sium humlavdo ko trušol em cidava em mučinava man) kaj ka ove mancar ko rajo! Numa o barvalo manuš molinel pes sine e Avrameske em oleskere molbe na sine lende. Salde o Hristos si majupreder „baso legarutno em spasiteli”... te šaj te del pokajanie e Izraeleske em em te oprostinel amare bezeha”(Delia 5,31). „Nane kurtalibe ko nijek javer, nane javer anav teleder i havaja dendo e manušenge kotar šaj sine te ova kurtalime” (Delia 4,12). O barvalo manuš sa plo dživdipa nakhlja le te kjerel



Jekh taro o čora ko krsto: „Isuse
de tut godi ki mande kana ka
ava ko to thagaripa”

peske lokhipa em but haringja kana dikla kaj na kjergja khanči baš o savakti(večnost). Havgja plo dilinipa; dengja pe godi pe phralenge so poodorigda ka dživdinjen sar so ov dživdinela sine, ka dživdinjen salde olenge te ovel šukare. Odoleske bičhavgja apeli: „Molinav tut mo dat, bičhavle khore ko mo dat; odori isi man pandž phralja neka vakjerel olenge ma te aven da posle ola ko akava than taro muke!” Numa, „o Avram vakjergja oleske: ”Olen isi len o Mojsez thaj o prorokia, neka šunen olende!” Ov vakjergja: „Na mo dat Avram! Salde kana khoni

taro mule te džal olende, ola ka kainen pe.‘ Vakjergja oleske: ”Te na šungje e Mojsije thaj e prorokon nane te pakjan ni ko okova so ka uštel taro mule!”

Kana o barvalo rodelia sine neve faktia so ka kjerem presia ko oleskere phralja, oleske jasno sine vakjerdo dži kote den pe em neve faktia, ola nane te pakjan. Akaja molba sine nadovakjero prigovor dži ko Devel. O barvalo sar te manglja te vakjero: Te vakjere mange sine majozbilno akana nane te ovav sine akate! Ki pli parabola o Isus vakjerala kaj o Avram dengja džovapi agjaar: ”Te phralengje sine dovolno havljardo; olenge sine bičhavdi i roš, numa ola namangle te dikhen ola; o čačipa sine olenge havljardo, numa ola namangle te šunen ola!

„Te na šungje e Mojsije thaj e prorokon nane te pakjan ni okoleske so ka uštel taro mule!” Akala lafia sikavena plo fakti ki historia e jaudijeskere džianeske. E Hristoskoro agorutno em bitimo čudo sine o uštiba taro mule taro Lazar tari Vitanija taro mule kote štar divesa pašljola sine mulo. E jaudienge sine dendo akava baro fakti bašo devlikano takati taro Spasiteli ama ola irangje ole. O lazhar uštito taro mule em dengja olen tasvirluko, ama ola zojrakrgje ple ile sakone fakteske, duri mangle te mudaren ole (Jovan 12,9-11).

O kanunia em o prorokia si Devleskoro alati te šaj te kurtalinen o manuša. O Hristos vakjergja: Neka šunen odola faktia! Te na šungje e Devleskoro hango so kjerel prekal oleskoro Lafi, tegani nane te lend a ni o tasvirluko taro manuš so uštito taro mule.

Okola so ka šunen e Mojsije thaj e prorokon nane te roden majbari roš tari okoja so dela len o Devel. Ama te irangje i roš te na istemal-kerje i šansa so delape lenge o manuša nane te šunen ni okole so alo taro mule te havljarel e devleskiri akharin. Nane te uverinel olen ni odova fakti soske sare so frdingje o kanunia em o prorokia zojrakergje ple vile a palo odova irangje sako roš.

O lafkjeriba maškar o Avram thaj o nekanutno barvalo manuš valjani te havel pe sar simbolika. Olestar valjani te lel pe i gogjaver vakjerin dali sako manuš reslja kobor so valjani roš te kjerel transformacija so dengja le o Devel. O džovaplipa sako manušeske si kjerdo aso oleskoro džanlipa. O Devel sakone dela roš kobor so valjani em

„Te na šungjen e Mojsije thaj e prorokon, nane te pakjan ni ko okova so ka uštel taro mule“



gudlipa te šaj bitinel i buti. O manuš te pomukhlja em na kjerel i buti so ka dikhel pe ko oleskoro neverstvo, oleskoro haljakavost te istemalkjerel o gudlipa(blagoslovija) so dobingja olen. „Okova so isi le pakjiv ko majtikno, isto si pakjivalo verno em ko but, a okova si nane le si pakjiv ko majtikno nane le pakjiv em ko but (Luka 16,10). Okola so na mangen te oven prosvetlime prekal o Mojsije em o prorokia a so mangen te dikhen baro čudo, nane te oven tasvirime kana čače da kjerelape adava čudo.

O misal taro barvalo em o Lazar sikavel sar si pulisarde(ocenime) ko nadikhli lumia o duj kupe sikavde ko akala duj manuša. Nane nisavo bezech ko odova o manuš te ovel barvalo te na sine odova barvalipa dobimo ko ko našukar čhani. O barvalo nane adalatimo soske sine barvalo, numa o armanja ka resen ole soske odola love hardžinel salde peske. But pošukar ka ovel sine kana ple love čivel sine ki develskiri riznica, olencar te kjerel šukaripa. O meriba našti manuše kjerela čorolo kana bi posvetinelape te hem dela zori te dobinel e savakteskoro barvalipa. Numa, manuš so bajrarel o barvalipa salde peske ov našti olestar te lel peja upre ki havaja. Ka sikavel pe sar napakjavutno povereniko. Ko oleskoro dživdipa oleske sine ko raspolaganje oleskoro barvalipa em bistergia ple savale premal o Devel. Pomukhlja te arakhel peske e havajakoro barvalipa.

O barvalo so sine le odothar komoditeti sikavdo si sar manuš so pomukhlja te kerel šukaripa peske te šaj odola delia oven dostoyno i ko avutno baro dživdipa te oven tasviri bašo istemalkjerde duhovno

prioritetia. I resarin taro otkupi nane salde te kosen pe o bezeha, num a te iranen ko manuš okola iloskere moldipa so našavgja len sebepi izopačimo vlijanie taro bezeha. Love našti legaren pe ko avutno džividipa soske odori love na ka valjani. Ama o šukar delja so leja pridobin-gjem e manušen baš o Hrisots, ka legara len upre ki havajakere avlina.

Sare sebično so ikjeren peske e Devleskere bakšišia, so pe najpašen so valjani lenge arka mukhen olen em na kjeran khanči olenge em so nakjerena khanči te džal angle e Devleskoro delo ko sumnal, la-džavkjeran ple Stvoritele. Trujal olengere anava ko devleskere kitapia ka ovel hramosardo kaj čorgje da e Devle.

O barvalo sine le sa so šaj sine te kinel pe lovencar, numa na reslja o barvalipa kote šaj sine te ovel paše dži ko Devel. Dživdinel sine agjaar sar sa so sine sar kosem si oleskoro tano. Frdingja e devleskere akharina em rodiba taro mučime čorole. Ama ko agor šungja i akharin so našti sine te iranel la. O takati kaske našti sine te kontririnel vakjergja oleske te mukhel sa odola šukaripa soske našti ka legarel len sar povereniko. O nekanutno barvalo ko desavo čhani ulo nango čorolo. Našti sine te učharel le ni o šeja taro Hristoskiri pravednost so sine tkaimi ko develskoro razboj. Okova so nekana legarel sine majkuč purpuri, majšužo leni, akana ačhilo sa nango. Oleskoro vakti tari šukarin nakhlja. Na angja khanči ko akava sumnal, khanči na legargja da peja.

O Hristos cidingja i perda em sikavgja lenge akaja slika taro sveštenikia em starešinia e kniževnikonge em e fariseenge. Dikhen la tumen barvale akale lumiakere barvalipaja. So sien čorole anglal o Devel! Nane li te gndinen akale scenake? Okova so isi le bari moldi maškar o manuša, ko Devleskere jakhja si džungalo. O Hristos pučela: "Savo hairi isi e manuše te sine le sa o sumnal a kjerel zulumi ple ileske? Em so šaj o manuš te del sar trampa ko than ple ileske?" (Marko 8,36,37).

Pouka e jaudisko džijaneske

Dži kote o Isus vakjerel sine o misal bašo o barvalo em o Lazar, but preperutne taro jaudiiskoro džiani arakhen pe sine ko mazunipa

sar o barvalo so e devleskere bakšišia istemalkjerel sine te šaj te čajljarel sebično mangina em sine hazri te šunel i presuda: „Sian sine merimo ko kantari em arakhlo majlokheste” (Daniel 5,27). O Barvalo uživinel sine sa o materijalna em ileskere barvalipa ama na kjerel sine buti e Devlea, te sajginel odole šukaripaja (blagoslovencar). Agjaar sine e jaudieskere džiane. O Devel odole džiane čhivgja le sar čuvarti plo sveto čačipe. Čhivgja le sar povereniko tali pli šukarin. Dengja le sa o duhovno em materijalno baripa em vakjergja odova gudlipa te hulavel sarinencar. Dengja le legaripa so te kjerel e phralencar so ka peren ko nanipa, e jabandžiencar so dživdinen sine olea em e čorolengje so sine uzal oleste. Ov na tromal sine te ovel sebično numa te gndinel em e javerendarda. O Devel vakjergja kaj ka del le halalipe (blagoslovija) premal oleskere kjerde delja taro mangipa em gudlipa. Numa, sar o brvalo da, o jaudisko džiani na dengja vas e mučime manušipaske thaj na kjergia zori te čaljarel o materijalna em o duhovno potrebe e ple najpašengere. But bareste o Jaudie peste dikhen sine sar povlasteno Devlikano džiani; a na kjerer sine buti e Devleske em na respektirinen le sine. Sa olengoro kurtaliba ikjerle pe sine ko



O barvalo na tromala sine te
ovel sebično, numa valjani sine
te del pe godi em e javerenge
so valjani olenge

Avram thaj olengoro jeripa olestar. „Amen siem e Avrameskere čhave!” vakjeren sine bareste (Jovan 8,33). Kana sikavgja pe i kriza sikavgja pe kaj si saste hulavde taro Devel em kaj ikjeren pe ko Avram sar ove te ovel olengoro devel.

O Hristos but mangela sine o rošalinel i phanli jaudijengiri godi. Odoleske vakjergja olengje: „Te sien sine e Avrameskere čhave, kjer en e Avrameskere delija. A kana mangen te mudaren man, manuš so vakergja tumenge o čačipa so šungjum taro devel. O Avram na kergja agjaar” (Jovan 8,39,40).

O Hristos nisave baripa na hramosargja baš o rodoslovie. Ov vakjerel sine kaj i duhovno vrska si majbari hem phanela sa akale phuvjakere vrske. O Jaudie vakjerena sine kaj ola si taro Avram; numa na keren sine e Avrameskere delija, ola sikavje kaj ola nane oleskere čhave. Jekhutne salde okola so ka sikaven kaj duhovno si paše e Avramea, soske šunen e devleskoro hango, si kotor taro oleksoro čačikano darhinalipe(potmstvo). Trujal o čorolo Lazar sine esapimo sar džiani taro teluno nivelo, o Hristos čivgja e Lazare maškar o manuša kasaja so o Avram vospostavingja but paše amalipa.

O barvalo, trujal so sine le sa so mangela tari phuv, nagjol sine ko hor nadžanlipa, so e Avrame čivgja ole ko than kote preperel salde Devleske. Te moldinel sine ple uče prioritetia, em te mukhel e Sveti Duhoske te formirinel oleskiri godi em oleskoro ilo, ka arakhljovel sine ko sosem javer than. Odova isto desinela pe sine e džiania so sine olengoro prestavniko. Kana o Jaudia bi iranen pe ko Devliakno akhariba olengoro avutnipa bi ovel sa javer čhane. Ka resen o čačutne duhovna barvalipa. Sine len šukaripa so o Devel panda pobut dengja olen agjaar so ka oven olen buteder te legaren i roš em o devlikano gudlipa sae lumiake. Numa, ola but dujradile taro devleskoro redo, kolea izopačingje sa plo dživdipe. O baksišia so resle sar Devleskere poverenikija na istemalkjergje olen sar so valjani e čačipaja thaj jekhipaja. Ki olengere esapina na khuvgja o savakteskoro dživdipe, em sar posledica taro olengoro napakjivibe sa e džianen arakhlja preperiba.

O Hristos džanel sine kana ka perel o Jerusalim, o Jaudie ka andinen ko oleskoro preduprediba. Em agjaar sine da. Kana upral o Erusalim sine i katastrofa kana e džiane astargja bokhalipa em nasvalipa sare andingje e Hristoskere lafia em havgje oleskere parabole. Bistribaja pli savala so e Devlesttar dendri roš te rošaren sa o sumnal, korkoro peske angje stradiba so arakhlja olen.

Ko agorutne divesa

Ko agor tari parabola e barvaleske vakjerde si o agorutne scene tari historia akale phuvjake. O barvalo falinel pe sine kaj si taro Avrameskoro darhinalipa, numa sine hulavdo taro Avram bare horipaja - e tabijateja so bange buvljaredale. O Avram kjerel sine o izmeti e Devleske em kjerel sine e devleskere lafia pakjibaja thaj šunibaja. numa, o barvalo na irangja pe premal o Devel em o ko potrebe taro mučimo manušipe. Nanakavdi provalija maškar oleste em o Avram sine i provalija taro nakandipa. Avdive da but džene džana odole drumoja. Trujal si hramosarde ke khangiriakere lila, ola nane obratime. Ola šaj te len than ki khangirakiri sajgija, šaj te giljaven o paslm: „Kobor so si i košuta trušali panjeske, agjaar mlo ilo da si pali tute Devla” (Psalm 42,1) – ama odova si hovavno tasviriba. Ola nisar nane popravedno anglal e Devleske ko jakha taro majbilačho bezehano manuš. O ilo so but mangel akale sumnaleskoro barvalipa em i godi si astardi manginencar te rasfrdel pe, našti te kjerel sajgija e Devleske. Sar o barvalo da tari akaja parabola, odova manuš nane le mangipa te marel pe e mangjinencar taro oleskoro trupo(telo). Ov mangjel te čaljarel ple pohotna mangjina em alusarela atmosfera pherdi bezehencdar. Kana taro jekh puti ka avel leske o meribe, džal ko limori legaribaja o tabijeti so formiringjale le ko plo dživdipa ko partnerstvo e bengeja. Ko limor nane le šajsarin te alusarel, šukar jali bilačhipa; soske ko momenti o manuš kana merel, preperen sa oleskere nietia (Propov. 9,5.6; Psalm 146,4).

Kana e Devleskoro hango ka vazdel e mulen ola ka ikljon taro limor isto mangjinencar em strastencar, odole tabijeteja so sine len dži kote sine dživde. O Devel nane te kjerel čudo palem te kjerel manuše so na manglia te ovel palem kerdo kana uživinel sine ko sa o prednostija em kana anglal oleste tergjona sine sa odola bukja. Ko plo dživdipa na na lošarelape sine ko Devel jali te arakhel čalipa ki oleskiri sajgija. Oleskoro tabijati na sine jekh a jekh e Devlea em odoleske našti te ovel bahtalo ke havajake ki familia.

Avdive ki amari lumia isi manuša so si čale ple nijamalipaja. Ola nane bičaljarde nane pijanice em nane ni napakjavutne numa mangen te dživdinen peske a na e Devleske. O Devel nane ki olengiri godi

em ola si akana bi pakjivale. Kana bi ovel olenge mukhle te khuven ko udar tari devleskiri diz, olen nane te ovel olen niami ko dživ-dipaskoro kaš, soske negiringje kana sine dende olenge e Devleskere zapovedija, so lendar sine rodime. Ola na sajginena sine e Devleske akate; odoleske nane te sajginen e Devleske ni ko savakteskoro džov-dipa. Ola našti te dživdinen ko oleskoro pašipa. Ka hošinen(osetinen) kaj sako than bi ovela olenge pošukar nego li i havaja.

Te sikljava taro Hristos značinela te resa oleskiri šukarin, koja si suština taro oleskoro tabijati. Ama okola so na moldinen em na istemalkeren o barvalipa taro sveto vlijanie so si dende olenge ki phuv, nane kad'ri te bajararen e Devle dži kji havaja. Olengoro tabijati na karakteri na formiringja pe premal e Devleskere tabijateja. Ple nemnostea ola kjergje hor rupa so našti khanči te nakhavel pe. Olen taro pravednikia hulavela olen hor provalija.

Bišudujto šero

LAFIA THAJ DELIJA

(Akava šero si kjerdo premal e Matejeskoro evangelie 21,23-32)

Jekh manuš sine le duj čhave, em gelo ko avgo čhavo em vakjergja: 'Mo čhavo dža ko drakha em ker buti odothe adive!' Ov vakjergja: 'Ka džav rajo' ama na gelo. Palo odova gelo ko dujto čhavo em vakjergja leske isto. A ov vakjergja: 'Na džav!' ama palo odova pelo pišmani em gelo. Ko olendar duj dženendar kjergja e dadeskoro merako? Ola vakjergje: 'O dujto!'''

Ki vakjerin(govor) tari gora o Hristos vakjerela: „Sako so vakjerel mange Devla, Devla!” nane te khuvel ko Devleskoro thagaripa numa okova so kjerel i mangjin taro mlo Dat so si upre ki havaja”. (Matej 7,21). O čačipa na kontrolirinel pe prekal o lafia, numa prekal o delija. O Hristos nikas na pučlja: „So vakjergjan pobuter taro javera? - numa „so kjerena pobut javerendar?” (Matej 5,47). Oleskere lafia: „Kana džanen akala bukja gndljarde sien so kjerena len” (Jovan 13,17), isi olen baro bitnost. E lafen nane moldipa te na sine ikjerde soodvetno

Ke havajakoro thagaripa ka
khuvel salde okova so ka kjerel i
mangjin me Dadeske so si upre
ki havaja.



deloncar. Odova si pouka so šaj te hava la taro misal e duje čhavencar. O Hristos akava vakjergja le ko vakti taro oleskoro agorutno misaferluko angleder te merel. Tegani taro hrami paldingja e trgovcon em e mušterien. Oleskoro hango kjergja presia upral olengere ile bare devlikane takatea. Ola daravutne ama bizo te vakjeren lafi em te kjenren zori šungje oleskere lafendar.

Kana olengiri dar hari nakhlja o sveštenikia thaj o starešine irangje pe ko hrami em arakhle e Isuse sar sasljarel nasvalen em manušen so merena sine. Šungje pe lošale vike em gilja. Ko hrami o čhave kaske o Isus irangja o sastipna paftinen sine palmino patrinencar em giljaven sine: „Osana e Davideske čhaveske!” O hangia taro majtikne da bičhaven sine šukrikjerin em afikjeriba e bare Doktoreske. Ama e sveštenikonge em e starešinengje sa odova na sine palem dovolno te našaven o predrasude em olengiro kskanluko. O javer dive kana o Isus kjerel sine lafi ko hrami „ale leske o pravosveštenikia em e džianeskere

Ekstra galija, nežnost em man-
gipa o Isus sikavel sine premai o
čhave so kojekh ola da iranen
sine tate em čačutne mangijpaja



starešine vakjeribaja: „Save vastea kjereja odova? Em ko dengja tut odova niami?

E sveštenikon em e staresinen sine len čačutne faktia e Hristoskere takateske. Kana užarel pe sine o hrami ko oleskoro muj sine rošalo taro avtoriteti. Ola našti sine te iranen e takateske kolea so kjerela sine lafi. Ov ple bare sasljribaja palem dengja len džovapi ko olengoro pučiba. Ov dengjalen bare faktia baso oleskoor avtoriteti. Ama odola


na sine o faktia so rodena len sine ola. O sveštenikia em o starešinia maj tate mangjena sine o Isus korkoro te havljarel pes sar Mesija te šaj te istemalkjeren ko bilačipa oleskere lafia em te vazden e džiane mujal oleste. Mangle te randen oleskoro takata em te mudaren le.

O Isus džanela sine kaj nane te pakjan te vakjergja kaj Ov si o Hristos(Mesija), soske na sine panda kad'ri te preprendžaren ki oleste e Devle em oleskere delija te dikhen faktija bašo oleskoro devlikano tabijati. Odoleske ko olengoro pučiba dengja javer džovapia kote o pharipa akana frdingja le upral olende.

„Ka pučav tumen em te vakjergjen, me da ka vakjerav save vastea kjerav akava. Kotar sine e Jovaneskoro krstibe? Tari havaja jali taro manuša?

O sveštenikia em o starešinia sine bunime.” A ola ki peste vakjerena sine” Te vakjergjem tari havaja, ka vakjerel amengje sine, „Soske tegani na pakjana sine ole?“ ,A kana bi vakjereja sine nane tari havaja, tegani daraja sine taro džiani, soske sare dikhen e Jovane sar prorok.” Em ola vakjergje: „Na džanaja!” Ov vakjergja lenge „Ni meda ni nane te vakjerav tumenge save vlasteja kjerava akava.”

„Na džanaja” Akava džovapi sine hovavipa. O sveštenikia havgje kaj si akana ki nezgoda, pa gele te hovaven te šaj te arakhen pi čham. O Jovan o Krstiteli alo te tasvirinel Okoleske kaste ko oleskoro avtoriteti sinelen šube. O Jovan vazdibaja e Hristose vakjergja: „Ake e Devleskoro Bakhro so lel sa peske o bezeha an i sumnal!” (Jovan 1,29). Ov krstingja ole em pala ko krstiba, sa dži kote o Hristos molinelpe



O Hristos e Jovan Kristitele
havljargja le sar jekh taro
majbare prorokia



sine, prhravdili i havaja, upral oleste hulilo e Devleskoro Ruho sar gulabi em taro učiba šungja pe hango sar kjerela lafia: „Akava si mlo manglo čavo, so si pali mli volja” (Matej 3,17)

Dejbaja godi sar o Jovan citirinel sine o proroštvia baši i Mesija e liparibaja o scene taro Isuseskoro krstiba, o sveštenikia em o starešinia na troman sine te vakjeren kaj e Jovanskoro krstiba nane tari havaja. Te angijarde kaj o Jovan tano proroko, sar so pakjana da sine, sar ka iranen oleskoro tasviriba kaj o Isus taro Nazaret si e Devleskoro čavo? A na tromanina sine te vakjeren kaj e Jovaneskoro krstiba si taro manuša daraja kaj o džiani so pakjala sine kaj o Jovan si proroko. Odoleske vakergje:” Na džanaja!”

Tegani o Isus vakjergja olenge o misal e dadea emjoleskere duj čhave. Kana o dat alo e avgo čhaveske em vakjergja oleske: „Mo čavo dža ko drakha em kjer buti odothe avdive!” - o čavo sigate vakjergja: „Na džav!” našungja em dengja pe ko lošno dživdipa em lošno društvo. Ama palo odova kaingja pe em gelo.

O dat gelo e dujto čhaveske em isto odova vakjergja oleske: „Mo čavo dža ko drakha em ker buti odothe!” Akava čavo vakjergja: „Ka džav rajo!” ama na gelo.

Ko akava misal o Dat si sikavdo sar o Devel a o drakha sar khangiri. O duj čhave si sar duj tipija taro manuša. O čavo so irangja o lafi vakjeribaja: „Nadžava!” - sikavel amengje okole manušen so ašikjari pagjena e Devleskoro kanuni, hem kjerena bezeha, ola na vakjerenia

kaj pakjan ko Devel, em ašikjari na mangjena te astaren o jaremi taro limitiriba em šuniba so rodelo e Devleskoro kanuni. Ama buteder olendar palo odova perena pišmani em len e devleskiri akharin. Kana sine sikavdo olenge o evangelie prekal o poraka taro Jovan Krstitel: „Kainen tumen, soske paše si e Devleskolro thagaripe!”, ola pele pišmani em angijargje ple kjerde bezeha (Matej 3,2).

Prekal o čhavo so vakjergja: „Ka džav rajo!” ama na gelo, sikavdo si o tabijati taro fariseia. Baš sar odova čhavo e jaudiengere šerutne na sine hazri te peren pišmani em kjerena pe sine ko barikane. Odolea e religiakoro dživdipa taro jaudinegoro džiani ulo salde agjaar dikhlo formalno. Kana sine havljardo o Kanuni taro Sinaj, sa o džiani dengja sovli kaj ka šunen. Sare vakjergje: „Ka džav rajo!” ama na gele. Kana o Isus plesutno(lično) alo te vakjerel o delija taro kanoni, ola irangje le. Ko jaudiengere šerutnengje ko plo vakti o Hristos dengja olen but faktia ple avtoriteteske em e devlikane takateske. Trujal so dikhena sine ola palem na mangle te astaren odola faktia. O Hristos sako drom sikavel len sine kaj ola iranena sa odova soske nane len ruhi so legaren len ko čačutno drumo. Odoleske Ov vakjergja olenge: „Agjaar čhinnavgjen e Devleskoro lafi sebepi tumare purane tradicie... Nae fajda so peren mangje tele a sikljona sikaveiba so si legarde taro manušikane povelbe” (Matej 15,6.9).

Maškar okola so šunen sine e Hristose sine em kanunikane manuša em fariseia, sveštenikia em šerutne, pa o Isus kana vakjergja o misal e duj e čhavencar dengja pučiba: „Ko taro o duj džene phergja e dadeskiri mangjin?”. Bistredo peste o fariseia vakjergje: „O avgo!” Agjaar vakjergje soske na havgje nadžando kaj agja okarakterizirinen peste korkoro. Tegani taro Isuseskoro muj šungja pe o došperaviba: „Čače vakjerav tumengje, o danočnikia em o bludnice anglal tumende ka džan ko Devleskoro thagaripa. Soske o Jovan alo ki tumende prekal o drumo taro čačipa em na pakjandilen oleste a o danočnikia em o bludnice pakjandile; i tumen dikhlen, numa, palo odova na pelen pišmani te pakjan ki oleste.

O Jovan Krstiteli alo te propovedinel o čačipa em taro oleskere propovedia o manuša bezechencar osvedočingje em irangje pe. Ola

sine but podostojno te aven ko devleskoro thagaripa taro okola so zojrakerde ko plo čaćipa na mangle te len i svečeno anglohavljajrin (opomena). O danočnikia em o bludnice dživdinen sine ko nadžanli-pa dži kote akala educirime manuša džanena sine o drumo dži ko čaćipa. Ama palem na mangle te džan prekal akava drumo so legarel dži ko Devleksoro raj. O čaćipa so šaj sine te ovel olenge dživdipaskiri aroma e dživdipaske uli olenge aroma meribaske. Phravde bezehenge-re manuša so na dikhen sine peste korkoro prifatingje o krstiba so kergja le o Jovan; ama akala sikavne sine dujmujale. Olengoro zoralo ilo ulo barikada te astaren o čaćipa. E devleskoro duho sikavel len sine ama ola džana sine kontra. Odbingje o kandibe premal e De-vleskere zapovedija.

O Hristos na vakjergja olenge: Tumen našti khuven ko Develskoro thagaripa! - numa sikavgja olenge kaj ola korkoro peske kjerен barikade te khuven. O udar kale Jaudinegere šerutnengje palem sine phravdo; i akharin ola poodorig da šunena la. O Hristos but mangjel sine te mukhen ole te tasvirinel olenge em te iranel olen.



O sveštenikia em o starešine ko Izrael plo dživdipa nakhaven le sine ko religisko ceremonie so ola dikhen len sine sar but prioritetno te šaj te phanen pe akale lumiakere bukjencar. Odoleske ola gndinen sine kaj olengoro dživdipa si legardo e religijaja. Ama ola o ceremonie kjerena sine len te dikhen len sarine te šaj te esapinen len kaj ake ola

si but religiozna manuša. Trujal so ola vakjerena kaj šunen e Devle ola ustvari na mangjen sine te šunen Ole. Na implementirine(sikavena ko delo) sine o čačipa kaske vakjerena kaj ola akana zastapinena la.

O Hristos e Jovan Krstitele havljargja ole sar jekh taro majbare prorokia em ple šunavalengje sikavgja kaj isi but karane te pakjan kaj si ov bičavdo taro Devel. O lafia kale prorokoskere tari mulan čače sine but zorale.

Ov plo haberi vakjerela le sine bizi dar ko muj vakjerel sine o kjerde bezeha taro sveštenikia em starešine em rodelar sine olendar te kjerem delija te šaj te džan ko devleskoro thagaraipa. Vakjerela sine kaj but kjerem bezeha kana na respektirinen sine o avtoriteti taro plo havajakoro Dat, soske na kjerem sine o delija so Ov dengja olen. O Jovan na kjerel sine nisavo kompromis e bezehoja em agjara kjergja buteder te frden pester o bikanunluko(bezakonie).

Kana i religia so propovedinen sine akala jaudiajkere šerutne te ovel sine čačutni, ola bi pakjana sine ko tasvirluko taro Jovan em ka prifatinen sine e Isuse sar Mesija. Ama ola na sikavgje nisave reslige (plodija) taro periba pišmani jali čačipa. Odoleske da ulo baš okola so preziringje okolen ola te khuven anglal olende ko Devleskoro thagaripa.

Ki parabola o čhavo so vakjergja: „Ka džav rajo!” sikavgja pe sar pakjavutno em so šunela ama o vakti sikavgja kaj oleskoro vakjeriba sine hovavno. Ov čače sine le desavo iskreno mangjipa premal plo dat. Agjaar o fariseia da falinen pe sine ple pakjajbaja am akana sine čhivde ki kontrola, dikhla pe kaj si lokhe. Sako drom kana sine len interes, e kanuneskere rodiba dikhen le sine zorale, ama kana olendar rodelar pe sine te šunen tegani hovavne irame vakjerinencar na den sine takati e Devlengere aktengje. Olenge o Hristos vakjergja: „Sa so ka vakjeren tumengje, kjerem ama pazinen te na kjerem okova so ola kjerena, soske ola samo lafi kjerena lafi, numa na izvršinena” (Matej 23,3). Ola na sine len čačutno mangjipa ni premal o Devel ni primal o manuša. O Devel akhargja olen te kjerem buti olea te anen halalipe e sumnaleske. Numa, trujal so lafea prifatingje i akharin, ko delo sikavgje kaj na kjerena odova. Ola ikjeren pe sine upral peste em ola sine but ko baripe ko plo šukaripa, ama kontririnen sine e devleskere

dekretenge zapovedia. Na kjergje i buti so dengja len o Devel, em bašo odova olengoro bezeh o Devel hazrikjergja te činavel i konekcija e e džijaneja so nakandela sine.

I pravednost so si bazirimi ko delija, ki suština nane ni pravednost, em okola so ikjeren pe upral salde plo šukaripa ka valjani te oven džovaplime bašo posledice odole ple fatalno zabludake. Avdive buteder vakjeren kaj ikjeren e Devleskere zapovedija trujal so o ilo olenge nane pherdo Devleskere mangjipaja em odova mangjipa na ikljola olendar premal javera. O Hristos akharela len te oven sare jekh em te oven sare oleskere kjerde aktea bašo kurtaliba e lumiake, ama ola si čale e lafencar: „Ka avav rajo!” Em palo odova nadžana.

Ola na kontaktirinen okolencar so kjerena e Devleskiri sajgija em si salde džabe izmekjaria. Agjaar sar akava čavo dena hovano lafia e Devleske. Kana ale ki khangiri em dengje sovli kaj ka prifatinen em ka šunen e Devleskoro lafi, kaj pes ka legaren sa premal e Devleske ki sajgija, numa odova na kjerena le. Lafencar vakjeren kaj si Devleskere čhave, numa ple ple dživdipaja em e tabijateja sa odova frdena. Pli mangjin na anena ola jekh a jekh e Devleskere manginaja em agjaar ola dživdinjen ko hovavnipa.

Plo dendo lafi kaj ka šunen e Devle, formalno kjerena ole salde kana olendar na valjani te rodenpe disavo kurbani; numa kana dikhen kaj valjani te vazden o trušol, tegani ola garavena pe. Em agjaar pohari našavel pe i svest te ikjera amaro lafi so dendem ole, em tegani o svesno pagjipa taro Devleskoro zapoved ovela sar navika. Šaj ji poodorig ola pe kanencar panda te šunen e Devleskoro lafi, numa nane olen panda andruno takati te haven la. Olengoro ilo zojrardilo, a i godi uli tupo.

Ma te gndinen kaj adaleske so nasikavena našukaripa naamalipa (neprijatelstvo) premal o Hristos, kaj tumen leske khanči kjerena. Odolea salde hovaven tumari godi. Kana taro Devel kratinaja odova so dengja amengje te istemalkerale ki oleskiri sajgija, bizo razlika dali kjerel pe lafi vakteške, jali materijalno jali javere dende šukaripaske, amen ustvari kjerja buti kontra oleste.

I satana istemalkjerel i ramnodušnost em i koroli nemarnost taro okola so si samo ko anav hristijania te šaj bajrarel plo takati em te lel

olengere ile ki pli rig. Buteder so gndinena kaj si tari Hristoskiri rig, ola na kjeren ništo oleske em kjeren e dušmaneske anglal olende te astaren o tereni em odolea te ovel ki prednost. Olengere nahazrkjeriba te kjeren mučno ple Sikleske em olengere naagorkjerde bukja em ple trajbaja ola mukhle e satana te astarel olengere ile so šaj sine te oven sine e Hristoskjere.

Sa dži kote siam bibukjarne niked nane te ova kurtalime. Jekh čačutne irame manuš našti dživdinela čučo em naistelamkjerdo dživdipa. Khoni amender našti rodel javarestar te legarel le upre ki havaja. E bibukjarnengje odothe nane than. Te na kjergjam buti čačutne te dža ko devleskoro thagaripa em te na dengjam ozbilno takati te sikljava odola kanonia, nane te ova hazri te ova olea. Sare so na mangen te kjeren buti e Devlea ki phuv ne bi keren buti olea ni ki havaja. Odoleske nane te ovel ni bezbedno em preporačivo te oven primime ki havaja.

Pobut pakjiv isi e danočnikongje em e bzechengere manušengje, nego li okole manušengje so džanena e Devleskoro lafi, a na mangjena te šunen ole. Okova manuš so pes dikhela pes bezechencar, kaskere bezeha našti te garaven pe, so havel kaj anglal o Devel phučhardo si sa oleskoro rumimo ilo, trupo em ruh astarel le dar kaj zastalno ka ovel isključimo taro devleskoro thagaripa. Ov dikhela kaj si duhovno nasvalo em odoleske rodelia iljači taro majbaro Doktori: „Okova so avel ki mande nane te paldav ole” (Jovan 6,37). Akala ile o Devel šaj te istemalkjerel olen sar bukjarne ko oleskere drakha.

O čavo so ko momenti na šungja o dendo dekretri taro plo dat, o Hristos na došakjergja ole ama ni falingja ola. Okola so kjerena sar o avgo čavo so na šunena našti resen pofalba odole manireske. Olen-goro iskrenost em phravdo ilo našti dikhel pe sar lačhi karakteristika. O svetost em o džajba palo Devel(pobožnost) ko Devel kjerela e manušen te oven kad'ri te oven tasvirija e Hristoske, numa kana adale bukjencar ka sajginenpe o bezeħ manuša, adaleja peravelape e Devle. O fakti kaj neko nane dujmujalo na kjerela leda te ovel ov pohari bezehalo. Kana ko tumaro ilo ka šunel pe i akharin taro Svetu Duho, amen valjani majsig te irana amen em te astara i akharin. Kana ka šunen o dekretri: „Dža ko drakha em kjer avdive buti odothe!” -ma te

iranen. „Avdive te šungjen oleskoro hango ma phanen tumaro ilo” (Jaudie 3,7). O kandipa, nane preporačlivo te mukhel pe javere dromeske. Šaj i akharin palo odova nikde te na ovel dend.

Ma te pakjan kaj o bezeha so kjera len sine, but lokheste lungo vaktea šaj te frden pe. Nane agjaar! Sako bezeh so kjeraja kjerel amen panda potikne tabijateja em nakhel sar navika mukhibaja pali oleste telesno, mentalno em moralno kirnipa sar posledica. Tumen šaj te peren pišmani okoleske so kejrgjen bilačhipa šaj tumare delija te legaren olen ko čačutno da drumo ama tumari irami godi em tumaro pašipa e bilačhipaja ka kjerel pharipa te dikhen o razlike maškar o lačho thaj bilačho. Trujal taro zojrakjerde nalačhe maniria o beng palem ka atakujnel.

E dekretea: „Dža ko drakha em ker avdive buti odothe!” - o čačipa sakone iloske si čivdo ki kontrola. Ka ovel li kjerde delija, a na salde lafia? Dali o akharde ka čhiven po džanlipa ki sajgija e Gazdaske taro drakha? Ka kjeren li oleske pakjivutne thaj nasebično?

O Apostol Petar zapendžarel amen e planea kote valjani te ikjermen. Ov vakjerela: „Te bajraol tumengje o šukaripa em o sansari (mir) ko prependžariba e Devle em e Isuse, amare Devle. Oleskoro devlikano takati dengja amen sa so valjani amengje bašo dživdipa em pakjiv ko Devel prekal čačutno prpendžaripa Okoleske so akhargja amen prekal plo baripa, em šukaripa kolea dende amengje bakšišia sa okola skupo em bare dende lafia em prekal olende te oven kotor

E Devleskere drakha valjani te buv-
ljargoven em te astarel sa o kotor
tarilumia



tari develskiri prakrt, sar cidingjen tumen taro rumime bukja, so prekal i lakomost akana legarel e lumia. Odoleske den sa tumaro takati em pheren tumari pakjiv šukaripaja, o šukaripa džanlipaja, o džanlipa i korkori kontrola sab'rea, a o sab'ri pakjivaja ko Devel i pakjiv ko Devel phralikane mangipaja, a i phralikani mangjin mangipaja” (2.Petrovo 1,2-7).

Te kjergjen čačutne buti ko tumare drakha taro ilo, o Devel ka esapinel tumen sar oleskere bukjarne partneria em tumen ka valjani te kjerent akti na salde tumengje nego javerengje da. Sikavibaja i khangiri sar drakha, o Hristos na vakjerel kaj amen amari mangjin em amaro zori valjani te limitirina salde ko preperutne tare amare religie. E Devleskere drakha valjani te buvljon. O Devel mangjel odova te astarel sa i lumia. O šukjurikjeriba(blagodarnost) e Devleske kana ka resa akala pouke odoleske sar arakhena pe akala barvale čajra, amen valjani akava džanlipa te hulava ole javerencar. Agjaar amen ka buvljara e Devleskere drakha. O Devel mangjel te dikhel dokazia amare pakjivaske, mangipaske em sabr'luko. Ov mangel te dikhel kaj amen istemalkergjam sa amare ileske moldipa za te ova džanle bukjarne ko oleskere drakha an i phuv te šaj te khuva ko develskoro rajo, okova edemsko kher kotar so sine ikavde o Adam thaj i Eva sebepi o kjerdo bezeħ.

O Devel premal plo džiani legarel pe sar dat em sar daj isi le niami amare savakteskere butikjeribaske. Dikhen e Hristoskoro dživdipa. Tergojbaja ko čekat e manušipaske em sajgijabaja pe dadeske Ov si misal okoleske so šaj em so valjani te ovel sako čavo. Asavko kandipe so sikavgja o Hristos premal plo Dat avdice da rodelia pe taro sekova manuš. Ov pe Dadeske sajginel mangipaja, dobrovolno em bahtaja. Ov korkoro vakjerela sine: „Mangava te kjerav tri mangjin Devla, em legarav to kanuni hor ko mlo ilo” (Psalam 40,8). O Hristos ni jekh kurbani na dikhel le sine sar bari buti ni jekh kjerdo zori sar baro te kjerel o akti soske alo te kjerel ole. Ko plo dešuduj berš taro dživdipa Ov vakjergja: „Na džanen li kaj me valjani te ovav okova so preperela me dadeske?” (Luka 2,49). Ov šungja i akharin em lelja i savala. Vakjergja: „Mlo hajbe si te pherav i mangjin Okoleske so bičhavgja man te kjerav oleskoro delo” (Jovan 4,34).

Amen da agjaar valjani te kjera buti e Devleske. Oleske kjerel buti salde okova so ka resel o majuče norme taro šuniba. Sare so mangjen te oven e Devleskere čhave em oleskere čhija valjani te sikaven pe sar bukjarne ko Devel e Hristoske em e meljaikongje. Odova si testi kotar so valjani te nakhel sako ilo. Okolengje so kjerena buti bukajrne thaj čačutne o Devel vakjerela: „Ola ka oven mle, mlo kapitali. Ko dive so ka avel ka ovel olenge gudlo sar o dat so si gudlo e čhaveske so kjerela leske buti” (Malahija 3,17).

Pheribaja ple nietia o Devel isi le bari resarin te kontrolirinel e manušen em te del len šansa te buvljaren plo tabijati. Odolea mangjel te dikhel dali ola šunena le sine jali na. Amen, amare šukar kjerde deloncar našti te kina e Devleskoro mangjipa; e aktencar salde sikava-ja kaj olate šaj te lošara(uživina). Kana mri mangjin daja e Devleske odova nane mangjipa aktencar te resa dži ko Devleskiri mangjin? Oleskiri mangin o ilo reseal sar bizouslovno(bišartijalo) bakšiši em sebepi i mangjin premal oleste amen bahtaja kjera buti ko sa oleskere dende zapovedia.

Avdive ki lumia isi salde duj tipija manuša, em salde odola duj tipija ka oven angigjarde taro adalati - ka oven hulavde ko duj kupe - jekh so phagela e Devleskere kanunia em o javer so šunena le. O Hristso sikavgja i norma solea ka sikava siam jali na pakjivale premal o Devel. Ov vakjergja: „Te manglen man ka šunel mle lafija. Kaste isi em šunel me lafija ov mangjela man, a ko mangjel mande ov ka mangjel em me dade em me ka mangav le, em me korkoro ka havljarrav oleske. Ko na mangjela man, na ikjerel me lafia, em o lafi so šunel nane mlo, oj si taro o Dat so bičhavgja ma.” „Ka ačhon ko mlo mangjipa te ikjergjen mle dekretia, sar me so ikjergjum o dekretia taro mlo dat em ačhovav ko oleskoro mangjipa” (Jovan 14,15-24; 15,10).

Bišutrinto šero

E DEVLESKERE DRAKHA

(Akava šero si kjerdo premal e Matejeskoro evangelie 21.33-44)

Jaudiengoro džiani

Kana vakjergja o misal e duje čhavencar, o Isus gelo ko misal e drakhencar. Ko avgo misal o Isus e jaudijengere starešinenge akcentiringja o bitnost taro kandipe. Ko dujto akcentiringja o baravle halalutnipe (blagoslovia) dende upral o Izrael em odolea devlikano niami ola te šunen. Sikavgja olenge i slava taro devlikano nieti so šaj sine te pheren la ple šunibaja. Cidibaja o učhariba taro avutnipa, Ov sikavgja e džianeske sar šaj saste te mukhen i šansa te pheren oleskoro nieti našavgje e devleskere gudlipa em angje preperiba peske.

O Hristos počmingja agjaar: „Sine peske jekh domakini so sadingga drakha, učhargja le ogradaja em randingja than gmečibaske o drakha; kjergja kula dengja le telal i renta e manušengje so sadinen o drakha em gelo peske ko drumo”.

Akala drakha ilustriringja len o proroko o Isaija: „Ka giljavav gili me najmangleske, gili me mangleske, em oleskere drakha: ‘Mlo manglo sine le drakha ko plodno rido. Randingja le, užargja le taro bara - čistingja le, em sadingja le drakhaja so ka bijanel. Ko maškar kjergja stražarnica, em čhivgja pivnica ki oleste. Pakjala sine kaj ka bijanel šukar drakha, ama odova bijangja sa divo drakh’” (Isaija 5,1.2).

O bavčandžija(so hanel i phuv)lelja kotor phuv ko divo than, zagradingja le užargja le randingja le em sadingja le drakhaja, udžaribaja barvalo bijanipa. Akava kotor tari phuv sine but poškar tari nakjerdi pustelia am odova valjani sine te del rezultatia taro oleskoro butikjeriba so kjergja kana randingja le. Odva o Devel tari lumia

rodingja em arakhļja manušen te šaj educirinel le em arakhel le Hristoskere arkaja.

O proroko vakjerela: „O drakha taro Devel upral o askeria si Izreleskoro kher, oleskoro alusardo rasadi, o manuša o Jaudije“ (Isaija 5,7). Odole džianeske o Devel dengja len baro prioriteti, bareste lačchargja olen ple bare šukaripaja. Olendar udžarel sine te kjeran Oleske sajgin odoleja so ka anen plodija. Prekal akava džiani valjani sine te havljaren pe o aktia taro Develskoro. Maškar i bezehali, rumimi lumia odova džiani valjani sine te sikavel o karakteri e Devleskoro kaske kjeran sine buti.

Sar devleskere drakha olendar udžarel pe sine te anen drakha so ko sa ka ove javer čhane taro drakha taro okola so pakjana ko buteder devlende. O okolna idlopoklonička džanija pele ko bare bezeha. Bez te ograničinen pe, ola keren sine na kanunikane delija em zulumia, taro bičalipa, ponižiba em praktikujnen sine majrumime adetia. Odova kirno em rumimo kaš bijanel sine anarhia, rumime bukja em



čorolipa. O Devel udžarel sine kaj o drakh so sadingja le Ov ka bijanel ko sa javer drakha. O Jaudie dobingje prioriteti te sikaven e Devleskoro tabijati agjaar sar so sine sikavdo e Mojsieske. Dejbaja džovapi tari Mojsieskiri mangjin te sikavel oleskoro baripa O Devel dengja lafi: „Ka mukhav anglal tute te nakhel mlo baro rošalipe“ (2. Mojsiestar 33,18,19).

O Devel ”nakhlja uzal oleste em javingja pe: ‘ Devla, Devla, o Devel so dela em so si milostivo, so ikjerel sab’ri ko bezeha but manglo em čačutno sikavel gudlipa, šukaripa miljenge, prostinel zulumia, bezeha em phagiba kanonia” (2. Mosievo 34,6.7). Asavke drakha udžarel sine



o Devel taro džiani. O užariba taro olengoro tabijati o učipa taro olengoro dživdipa, olengoro gudlipa em šukaripa em olengoro mažumlia ilo, valjani sine te sikaven kaj „e Devleskoro kanuni si perfektno em arakhel o ilo” (Psalm 19,7).

Prekal o Jaudisko džiani e Delve sine le nieti ple barvale halalutnipaja te čhorel upral sa o džiani. Prekal o Izrael valjani sine te kjerel pe o drumo buvljaribaske tari oleskiri roš ki sa i lumia. O džiani e lumiakoro dikhibaja ple rumime adetia, našavgje e Devle. Palem o Devel ple gudlipaja na koslja len tari phuv. Ole sine le nieti te del šansa te zapendžaren pe leja prekal oleskiri khangiri. Ov planiringja o aktia sikavde prekal oleskoro džiani te oven instrumenti ko manuš te nevikjerelpe e Devleskoro moralno muj.

Te šaj te pherel akava nieti o Jakov em oleskere čhave sine ande ko Egipet resarinaja maškar odova baro rumimo džiani te šaj sikaven o aktia taro Devleskoro thagaripa. E Josfieskoro šukaripa em olekoro lačho kjerdo akti – te ačhol o sasto egipetsko džiani – ki čačutni roš sikavgje o dživdipa taro Isus Hristos. O Mojsej em but javer sine tasvirija e Devleske. Ikavibaja e Izraelcen taro Egipet, o Devel palem sikavgja plo zoralipa em plo mangipa. Oleskoro baro akti olengoro

ikaviba taro phanlipa em oleskere aktia baši olende ko olengoro dromariba tari mulan(pustina), na sine salde olenge sar devleskoro bakšiši. Sa odova valjnai sine te ovel sar pouka e javere da džianengje. O Devel sikavgja pe sar Baro kote but dureste nakhavel sa o manuskane avtoritetia em baripa. O nišania em o čudia so kjergja len ple džianeske sikavel oleskoro legaripa upral i natura(priroda) em upral o majugledno obožavatelia e naturake. O Devel nakhlja prekal i barikani egipetsko phuv sar so ka nakhel tari sasti phuv ko agorutne divesa. Sikavibaja jag em šemšekija, phuvjakere tinaniba (zemjotresia) hem meribaja, o baro ME SIUM ikavgja ple džiane. Ikavgja olen taro phuv robengiri. Legarel sine len prekal okola “bari em daravutni mulan, prekal i phuv taro jagale sapa em skorpie prekal šuko bipajnale phuvja” (5. Mojsievo 8,15).

Ov „khuvgja i karpa em thavdingja pani”, parvargja olen „devleskere mareja” (Psalmi 78,20.24) O Mojsiej vakjergja: „Tegani e Devleske pelo leske o džiani, o Jakov sine leskoro nasledstvo, Ov arakhla le ki stepsko phuv, ki bari dravutni mulan. Rakhlja le educiringja ole em arakhela le sine sar zenica ki pi jak. Sar so o kartali(oreli) so arakhel sine plo gnezdo, arakhibaja ple tikne kartalen(orelia), agjaar Ov buvljarel sine pe paka, lelja le em legargja le ko ple paka. O korkoro Devel legarel sine ple džiane, javer devel na sine olea” (5. Mojsievo 32,9-12). Agjaar angja len ki peste te šaj te dživdinen ki učharin senka taro o Majbaro.

O Devel legarel sine e Izraelcon tari
bari daravutni bipanjesciri mulan
– pustina 40 beša em parvael len
sine deleskere mareja, em ikavel
lenge sine pjanja taro karpe



Plesutne(lično) o Isus sine legarutno e Izraeleskere čavengje ko thavdipa taro olengoro dromaripa ki mulan. Uravdo stuboja taro badal(oblako) diveseske, em stubo taro šemšekia rakjate Ov legarel len sine. Pazinel sine taro rizikia ki pustina, em angja len ki phuv so sine lenge dendo lafi em anglal o jakha taro sa javera džiania so na angigjari sine e Devle utvrđingja e Izraele sar plo lendo ploipa, sar e Devleskoro drakhon(lozje).

Odole džianeske o Devel dengja len em o proročko Lafi. Ogradin-gja len e aktencar taro plo kanuni, savakteskere aktia e čaćipaske; čaćipaja, em užaripaja. Ko šuniba odole aktengje pašljola sine oles-koro arakhibe, soske oj pazinel le sine te na khuvel pe korkoro ko bezechane adetia. Isto sar i kula o maškar taro drakha, o Devel ko maškar taro plo džiani čhivgja plo rošalo hrami.

O Hristos sikavel sine e Izraelcon. Na salde so legarel len sine prekal i mulan ov majodorig ačhilo olencar te ovel olengoro sikavno (učiteli) em lideri. Ko šatori dikhibaske em ko hrami baripaske si-kaven pe sine ki but sveto šekine upral o troni e gudlipaske.Načinav-de upral olende thavdela sine barvalipa taro plo mangipa em sabrluko

O Devel mangel sine te slavinel ple džiane taro Izrael. Odoleske dengja le sa e ruheskere prioritetia. Sa dela le sine so šaj povolno te kjerel ko kjeriba karakteri so ka sikaven ole ko sa o sumnal.

Te šunen e Devleskoro kanuni e Izraelcongje ka arakhel lengje lačharipa so ka voshitinen pe sine sa o džania ko sumnal.Odova so šaj sine te del gogjaveripa em džanlipa ki sako buti palem ka ačhol sine olengoro sikavno em prekal o šuniba taro Oleskoro kanuni ka vazdel len sine em ka oplemeninel olen sine. Te šunen sine ka oven sine arakhle taro nasvalipa so sine ko javer džiani em ka ovel lenge sine dende ekstra gogjaver kadrluko em džanlipa. E devleskoro bari-pa, em oleskoro takati ka sikavel pe sine prekal olengoro lačho dživ-dipa. Ola valjani sine te oven thagarutnipa e sveštenikongje em e knezengje. O Devel dengja len sa te oven majbaro džiani ko sumnal.

Prekal o Mojsej o Hristos ko majkjerdo čhani sikavgja e devleskoro njeti em šarti (uslovi) telal so šaj te resen odova šukaripa. Vakjergja olengje: „Tumen sine džiane posvetimo e Devleske, tumare Devleske, Devel, to Devel alusargja tute maškar sa o džania so si ki phuv. Odo-

leske te džane kaj Tlo Devel si čačutno Devel, pakjivalo Devel so ikjerel plo dendo Lafi em sikavel plo mangjipa dži ko milja generacie okolengje so mangjen ole em ikjeren oleskere lafija. Odolese ikjer o dekretia o kanunia em o aktia so davalen tuke avdive te kjere olen. A sar phursako(nagrada) te kjergjan akala kanunia te arakhlijan olen em te kjergjan olen - to Devel ka pazinel plo dendo lafi taro gudlipa kote dengjasovli tumare dadengje. Ka mangjel tut, ka blagoslovinel tut, em ka bijangoven but; ka del blagoslov ki tri reslin tari tli utroba em o reslin tari tli phuv; to giv, tli mol, to zejtini, o tikne bijame taro guruva em bajarriba tari stoka kaske halja sovli tumare dadengje ka hal sovli em tuke. Ka ove blagoslovimo upreder sa o džiania, o Devel ka cidel sako nasvalipa tutar, nane te mukhel upral tute ni jekh taro egipetsko bibahtalipa so tu djaneja len” (5.Mojsievo 7,6.9.11-15).

Te ikjergje o dekretia o Devel dengja lafi kaj ka del olen majšukar giv, em ka ikavel olenge avgin taro bar. Ka čajljaren len lungo dživdipaja em ka sikavel olen o kurtaliba.

Ple na kandibaja premal o Devel o Adam thaj i Eva našavuje o Edem; sebepi o bezech i sa phuv si čhivdi ko prokletsvo. Ama ako e Devleskoro džiani dikhel oleskere legaripa oleskiri phuv palem ka ovel barvali em lačhi. O Devel dengja len legaripa sar te randen i phuv



Pe našunipaja premal o Devel, o
Adam thaj i Eva našavuje o raj.

valjani te kjerem olea buti ki olakiri puvjakoro honipaso bijanipe. Odolea sai phuv, telal Devleskoro legaripa, ka ovel primirno rasadniko

tari ruheskere čaćipa. O šuniba prekal oleskere naturakere kanunia ka kjeren i phuv buvleste te phravel ple simantre(granice) em te šunen oleskere moralno kanunia ka del arka o ilo taro manuša te reflektirinen o crte taro oleskoro tabijati. Em okola so pakjan ko buteder devlen ka valjani te dikhen o zoralipa sarinengje okolenge so kjeren buti em mangjen e čaćutne Devle.

O Mojsej hramosargja: „Ake me sikavgjum tumen e kanunegje em e aktengje sar so vakjergja mangje mlo Devel vakjergja te kjeren buti tele ki phuv kote so ka džan te bešen. Pazinen len em kjeren len; ko jakha taro o džiania ka ovel tumaro gogjaveripa. Kana ola ka šunen sa akale kanunegje ka vakjeren: ‘salde jekh džiani si odobokhar gogjaver a odova si akava baro džiani. ‘Soske kova djiani si odokhar baro odoleske olencar si but paše o Devel amaro Devel amen kana ka akharaja ole? Kova si odova džiani odobokhar baro te ovel ole asavke kanunia so davale tumengje avdive?’” (5. Mojsievo 4,5-8).

E izraelskere čhave valjani sine te bešen ki sa i teritoria so dengja len o Devel. Olatar valjani sine te palden sa e džiane so na mangjen



sine te obožavinjen e čaćutne Devle em te kjeren oleskoro izmeti. Numa, o Devel mangjel sine prekal o Izrael te sikavel plo tabijeti em odolea te anel e manušen popaše peste. I evangelsko akharin valjani sine te ovel bičhavdi ki sa i lumia. Prekal o pouke so dela sine i ceremonijalno sajgijke so sine sar aniba kurbani, o Hristos valjani

sine te vazel la angleder sa o džiani te šaj dživdinen sare so ka pakjan oleste. Isto sar i Rava i Hananka jali i Ruta Moavka sare so ka mukhen o idolopakjajbe em te mangjen e čačutne Devle valjani sine te aven ko oleskoro alusardo džiani. Kana o numero taro Izraelcija ka ovel pobaro, ola valjani sine sine te buvljaren ple simantre sa dži kote olengoro thagaripa na astarel sine sa i lumia.

O Devel mangjel sine sa e džianen te anel olen telal plo legaripa. Ov mangjel sine i phuv te ovel pherdi bahtaja thaj sansarea; ov e manuše kjergja le te ovel bahtalo odoleske mangjel sine e manušeskoro ilo te pirel pherdo devleskere tromalipaja, ov mangel sine e manuše-skiri familija ki phuv te ovel simboli tari bari familia ki havaja.

Ama o Izrael na phergja e Devleskoro nieti. O Devel vakjergja: „A me sadingjum tut sar alusarimi drakh sar gudlo kašt. Numa, sar bijandiljan ki jalovo, divo drakh” (Eremija 2,21)? „O Izreal si čuči drakh so anel plodi salde korkoro peske” (Osija 10,1). „Akana o erusalemkska dizutne thaj o Jaudije anen dekreti maškar mande em ki mli drakh. So šaj sine panda te kjerav me drakhengje a panda so na kjergjum? Pakjava sine kaj ka bijanel pe šukar drakh a ake bijangja šutali drakh? Ama akana ka vakjeraov so ka kjerav taro mle drakha; ka chidav olatar o pleti, te šaj zijankjeren ole, ka peravav o zidime te šaj gazinen ole. Ka kjerav le ki mulan ni randlo ni kratimo neka bajrol sa ko kare; nane te mukhav te del biršim upral oleste. Ov udžarela prasiv, ama ake ka thavdel rat; adžikjerel Nijamalin(Pravda), ama ake šungjol čingar” (Isaija 5,3-7).

O Devel prekal o Mojsije havljargja o posledice taro akava napakjaviba. Te na respektiringje oleskoro zaveti ola ka hulavgjoen taro dživdipa so avela taro Devel em oleskoro šukaripa na ka šaj te učharel olende. O Mojsej vakjergja: „Pazin ma te bistre te Bare Devle, na-šunindo oleskere dekretia, oleskere aktia em kanunia so davalen tumengje avdive. Em sar ka ha dži ko čalipa kana ka kjeren šuže kher em ka dživdine odothe; kana o krupno em hurdo hajvania ka oven panda pobuter, kana ka khede o rupuja(srebro) em galbenoja(zlato) em kana sa so si tro ka kjerel te džal angle, tegani ma te vazdel pe to ilo em te bistre tle Devle. Ma vakjer ko to ilo: ‘Me takatea em me vastencar sa akava barvalipa resljum.’ Te bistergjan te Devle, em džaja

palo javera devela, em sikave olenge respekti, teljove olenge, dava sovli avdive kaj sa ka ove istrebimo... soske na šungjen o hango taro tumaro Devel (5 Mojsieskiri 8,11-14, 17,19,20).

Akaja daravin o jaudie na šungje ola. Bisterge e Devle bisterge le taro sa o uče prioritetia so dengja olen sar oleskere džene. O alalutnipe so dengja olen na angje nisavo šukaripa e lumiake. Sa akala prioritetia istemalkjergelen samo peske te šaj ola te vazden pe. Bisterge e Devle



O Izraelcia stalno phagen sine e
Devleskere kanunia em odoleske o
Vavilonsko obliko

tari sajgija so udžarel sine olendar, a ple majpašen taro legaripa ko religiakoro reoni sar maj rošalo misal. Sar o dizutne taro anglal poplavimo(pretpotopno) sumnal, akala da dikhen sine sa o idée taro plo bilačho ilo. Em agjaar angje sa okova so si sveto te ovel sar hajgara, soske vakjerena sine: „Devleskoro svetiliše! Devleskoro svetiliše! Devleskoro svetiliše!“ (Eremija 7,4), trujal so jekhevakeskoro hovavne sikaven sine e Devleskoro karakteri ladžarkjeribaja oleskoro anav em inficiribaja oleskoro Svetiliše.

O drakalutne so sine čhivde te keren buti ko Devleskere drakha na opravdingje i sikavdi pakjiv. O sveštenikia em o sikavne na sikaven sine šukar ple džiane. Na vazden sine anglal o manuša e develskoro šukaripa em oleskoro niami te ovel olen mangjipa em te keren buti oleske. Keren sine salde peste te vazden. Mangjen sine korkoro te lošalen ko drakha. Planski mangle te iranen i sama(vnimanie) e džianeske upral peste em olen te respektirinen.

I doš ko akala šerutne ko Izrael na sine jekh a jekh sar o normalno bezehncar manuša. Ola legaren sine utsavalо(svečeno) džovaplipa anglal o Devel. Dengje lafi kaj ka vakjeren salde: „Agjaar vakjergja o Devel!”, em ple sakodiveseskere dživdipaja ka den misal sar zoralo šunipa premal o Devel. Ola ko than te kjeren agjaar, ola irangje o Lila. Čhiven sine pharipa upral o dume taro o manuša em kjeren sine pharipa e manušengje ceremoniencar so sine len ko sako momenti ko dživdipa.O džiani dživdinel sine ko baro nasiguriteti soske na resle te pheren o rodipa so dena len sine o rabinia. Kana o manuša dikhle kaj naštì te pheren o kanunia so o manuša so nametninde lengje o manuša, ule nemarno em ko ikjeriba e Devleskere dekretija.

O Devel havlajrgja e preperutnengje taro plo džiani kaj Ov si gazda e drakhenge kaj sa o šukaripa so isi olen si kjerde em dende pakjivaja em valajni te istemalkjeren oleske. Ama o sveštenikia em o glavatoria pli sveto butikjeriba ola na kjergje la sar poverenikia e Devleskere maleske. Sistematski čorena sine e Devle lejbaja o love em o imoti so sine lenge dende te kjeren progersi oleskere aktengje.

Olengoro alčnost em lakomost kjergje olen em okola so pakjana ko buteder devela ma te respektirinen olen. Agjaar e buteder devlengere idolopoklonikia, dengja pe olenge pogrešno slika koleja sine tumačinena e Devleskore tabijati em o tabijati taro kanuni taro oleskoro thagaripa.

Pherdo dadeskere sab'rea, o Devel trpinel sine e preperutnen taro plo džiani. Marel pe sine olenge bašo šukaripa em dela len sine jali čhinavel lende sine. Sab'reja vakjarel sine olengere kjerde bezeha em sab'reja udžarel sine te angiigjarelen. Bičhavel sine prorokia em haberdžie te havljaren e devleskere rodipa e manušengje so bajraren sine o drakha; ama ko than ola te adžikeren le lafea šukar aljan ola olencar sine sar dušmania. Palden len sine em mudaren len sine. O Devel bičhavel lenge sine neve haberdžien ama ola da nakhle sar o anglutne odolea so akala bidušakjere drakalutne premal olende sikavgje panda pobaro dušmanluko.

Sar agorutno instrumenti tari pli šukarin o Devel bičhavgja ple Čhave vakjeribaja: „Ka ladžan taro mlo čhavo!” Numa, olengoro nakamipa kjergja olen te oven pobare garazlige, pa vakjergje jekh

javereske: „Akava si o nasledniko!” Aj te mudara ole em te la oleskoro mali!” Tegani o drakha ka ovne amare, em leja ka kjera so mangaja.

E jaudinegere šerutne na mangjen sine e Devle em odoleske hulavge pe olestar em frdingje sa oleskere mangjina pravedno te esapinen o esapija. O manglo Devleskoro Čhavo, Isus Hristos, alo te sikavel ko si Gazda pe drakhengjere placeske ama ola udžargje ole bare dušmanlukoja vakjeribaja: „Na mangaja akava manuš te legarel amen! Ola sine kskanlige ko Hristoskoro šužo tabijati. Oleskoro sikaviba sine but pošukar taro olengoro em oleskoro spastalin sarinen iznenadingja. Ov bičhavel sine prigovoria, sikavel sine olengoro dujmujalipa em sikavel olen sine sa so ka ovel olencar sebepi so agjaar ola kjerena buti. Odova hoiljankjerel len sine dži ko dilinipa. Ola pratinen sine sebepi o dende ukoria solea našti sine te trainkjeren le. Na mangjen sine em o uče kriteriumia ki pravednost so Ov sikavel len sine. Havgje kaj ov ple sikavibaja pučharela olengoro sebičluko em odoleske mangle te mudaren ole. Darana sine taro misal taro čačemangipa em respekti premal o Devel em tari bari duhovnost so dela len sine adaleja sa so kjerel sine. Sa oleskoro dživdipa sine ukor



O Sveštenikia kjerena plani te
mudaren e Isuse

olengere sebičlukoja em kana ali i agorutni kontrola so sikavel kobor ola šunena bašo savakteskoro dživdipa, jali našuniba baso savakteskoro meripa, ola frdingje e Izraeleskere Svetco. Kana sine akharde te alusaren maškar o Hristos thaj o javera ola vakjergje: „Mukh amengje e Varava!” (Luka 23,18). Kana o Pilat pučlja: „E so te kjerav tegani e

Odveleskere
LAFIJA

Isusea”? – but bilačhe rodingje: “Pharav le!” (Matej 27,22). „Tumare thagare te phravav”? - čudingja pe o Pilat kote so sa o sveštenikia em o glavatoria vakjergje: „Amende nane amen javer thagar salde o cezari” (Jovan 19,15). Ko vakti kana o Pilat thovela sine pe vasta vakjergja: „Na sium došalo e rateske taro akava pravedniko”! – o sveštenikia gele e nagogjaver gužvaja akharibaja: „Oleskoro rat upral amende em upral amare čhave!” (Matej 27,24.25). Agjaar e jaudinege-re starešine kjergje pli alusar. Olengiri prasiv si hramosardi ko lil so kjergja o Jovan ko vas Okoleske so bešel ko troni, ko lil so naštī phareva la ni jekh manuš. Sa ple došperavibaskere takatea akaja prasiv



ka sikavel pe angla olende okova dive kana o ili ka phravel o Lavi taro pleme Juda.

E jaudiaskere džiania peste dikhen sine kaj si havajakere mangle em sako drom ka uživinen sajgija ko respekti te sikavene Devleskiri khangiri. Amen siem čhave taro Avram vakjeren sine ola, a i funda taro olengoro šukaripa dikhel pe lenge sine odobokhare zorale so sine hazri te oven kontra em e Devleske em e phuvjake te mangle te len olengere niamia. Ama dživdipaja ko napakjivalipa ola sine hazrkjerde bašo devleskoro došalipa em hulavipa taro Devel.

Ki parabola e drakhencar kana e sveštenikonge vakergja akava učo akti bašo olengoro rumipa, o Hristos dengja len pučiba: „Kana ka avel o gazda e drakhengoro so ka kjerel ov e manušenge?” O Sveštenikia dikhen sine e Isuseskere lafia hor interesea em na phanlipaja i

tematika peja ola gele e džianea thaj barabar oleja vakergje: „Odola bibahtale but bilačhe ka ovel olenge a o drkaha ka den olen telal kiria javere manušenge so ka den o drakha ko vakti!”

Bez te hošinen so kjerena, korkoro vakjergje pli jazija. Taro Isuses-kere iskreno dikhiba ola dikhle kaj ov drabarel olengere bilačhe ile. Anglal olende sar šemšeko kergja pe e Isuseskiri devlikani prakrt hem bare takateja. Ko manuša so kjeran buti ko drkaha dikhle pe peste pa namangipja vakjergje: „Ma te del o Devel!”

Utsavale ama mazunipaja o Hristos pučlja len: „Ni jekh drom li na drabareingjen ko Lila: ,O bar so frdingje o zidaria ulo fundavno bar. Taro Devel tano em čudno ko tumare jakha?’’ Odoleske vakjerav tumenje kaj ka ovel lendo tumendar e devleskoro thagaripa em ka ovel dendo džianeske so ka anel o reslige e thagaripaske. Em ko ka perel upral odova bar ka ovel kotorvalo, em upral kaste ka perel – ka gmečinel ole!”

O Hristos bi činavel o preperipa e jaudiseskere džianeske kana bi len le ole. Ama o kskanluko kjergja olen natrampime. Ola rešingje ma te len e Isuse taro Nazaret sar plo Mesija. Frdingje e lumiakiri Roš em odoleske olengoro dživdipa pakjardilo ko kalipa sar i raki. E jaudiska-re džiane reslja len o kiometi.

Olengere bilačhe starstia legarge len ko preperipa. Ko korolo holjanipa zijankjeren pe sine maškar peste korkoro. Ple baripaja em holjanipaja kjergje ma te oven mangle taro rimska okupatoria. O Erusalm sine peravdo o hramia sine ruševine, a o than randlo sar bavča. E Judaskere čhave mule ko majbilačho meripa. Milionia sine dende sar robija ko javera phuvja.

Sar džiani, o Jaudie na kjergje e devleskiri mangin em o drkaha sine lende lele. O prioritetia so na kjergje olen i buti so ponižingjela, sa odova sine dendo javerenge.

I Avdisutni khangiri

I pouka e drakhencar na tromal te dikhel pe salde upral jaudiengo-ro džiani. Oj si pouka amenge da. I khangiri ki akaja kustik dobingja taro Devel bare prioritetia em šukaripa em ov amender udžarel

soodvetno reslige. Amaro otkup si pukjimo bare moldijaja. Premal o baripa taro odova otkupi šaj te dikha o posledice da. Ki akaja phuv so si sapankjerdi taro asva em o rata taro Devleskoro Čhavo valjani te bajron baravle plodia taro rajo. Ko dživdipa taro devleskoro džiani oleksoro lafi valjani te sikavel o baripa em učipa. Prekal plo džiani o Hristos valjani te sikavel plo karakteri em aktia taro plo thagaripa.

I satana kjerela zori ma te na mukhel te džal angle e Devleskoro delo em odoleske stalno posavel e manušen te len oleskere pravilja. Ov e devleskere alusarde džiane sikavel sar hovane zavedimo džiani. Ov so "bangjarel amare phralen" em olesker došperavina si legarde primal okola so sikaven o čačipa. O Devel mangjel ko oleskere došperavina te del džovapi prekal plo džiani sikavibaja o posledice taro šuniba o čačutne aktia.

Akala aktia valjani te sikaven kaj sako hristijani jekhutne, ki familia, ki khangiri ki sako ustanova institucia so si kjerdi te sajginel e Develeske. Sare valjani te oven simbolia okoleske so šaj te kjerel pe e lumiakesikaviba e takateske ka kurtalinenl ko evangelsko čačipa em artiklia te kjeren pe o bare devleskere nietia e manušikane rodea.

E jaudiakere starešine sine garvasijale(gorda) pe bare hramencar em e utsavale adetencar ko olengere religiakere sajgijencar; ama na sine len pravednost, telunipa thaj Devleskoro mangipa. O baripa e hrameske em i roš taro odola adetia našti sine te preporačinen anglat o Devel, soske našti sine te den oleske jekhutne so vredinel sine ko oleskere jakha - našti sine te kjeren kurbania teleperavde em phage vilea.

Kana taro vidiko ka našaven o aktia taro Devleskoro thagaripa, o ceremonie pobuter dromenge oven majbut em ovena raskošno. Kana nae te dikhel pe o kjeriba o tabijati kana ka činavel pe te kitinel pe o ilo, ko kana ka našavel pe o jekhutnipe e čačutne devlipaske, tegani o baripa em o mangipa premal o rasfrdiba počminela te roden bare khangirakjere palate, rošale džin džiria em bare ceremonie. Ama sa odova na kjerela bare e Devle. O Devel na mangel religia so isi la ceremonie, kosem si devleske, religia avrutne raskošea em barvalipa-ja. Ko asavke sajgije e Devleske na tergjona e havajakere haberdžie.

I khangiri si but mangle ko Devleskere jakha. Ov mangjela la na sebepi o avrutne barvalipa so dela nego sebepi čačutno devleskoro

respekti so kjerel diferencia(razlika) o sumnal. Ov olate dikhel dali si šukar prekal o baro numero pakjavutne ko pendžaripa taro Hristos



primal olengoro ruheskoro progresi. O Hristos mangel taro o drakha te lel drakh. Ov udžarel ko delo te dikhel o aktia taro mangipa e šukaripa. I majšužo lačhipa taro arti(umetnost) ka šaj te kjerel pe sporedba e šužipaja taro temperamenti em o tabijatija so ka sikaven oleskere sledbenikia. Asavki valjani te ovel i atmosfera so si ko ilo taro sako pakjavutno. Tegani o Svetu Ruh kjerel buti upral i godi em o vilo ko sako pakjavutno, kjeribaja ko dživdipaskiri aroma taro dživdipa em o Devel šaj te kjerel dova oleksre butikjeribaske.

Desavi lokalno khangiri šaj te ovel majčoroli da ani them. Šaj te ovel bilachi daseva dikhle fasadaja, ama ako o pakjavutne astargje e Hristosekere karakteria olen ka ovel len baht ko ple vile. O melaikija ka aven te oven olencar ko olengere sajgije. Olengere šukar vilendar ka vazdel pe baripa premal o Devel gudle aromaja.

O Devel mangel te vakjerel pe leskoro šukaripa em te kjerel pe lafi oleskere takateske. Prekal amaro šukrikjeriba(blagodarnost) amen daja le sajgija. Ov vakjerela: „Čačutne respektirinel man okova so anela lače kurbania” (Psalm 50,23). Ko vakti kana nakhel tari mulan (pustina) o Izraelskere čhave bairakjeren sine e Devle gilencar. E devleskere dekretia em dende lafia komponiringje pe gilja so giljaven sine o dromarutne taro sasto vakti taro droma. Em palo dikhiba ki Hanan ko vakti taro bare divesa praznikia, vakjeren sine e devleskere

čudna delija em ko ple gilja bičhaven sine šukrikjerin ko oleskoro anav. O Devel mangel sine sasto dživdipa oleskere džianeske te ovel dživdipa pherdo šukrikjerinaja em baripa e Tvorcoske. „Te šaj i sasti phuv zapendžarel to drumo sa o džiani to kurtaliba“ (Ps 67.2).

Agjaar valjani te ovel da avdive da. O manuša ki lumia mangjena hovavne devlen. Ola valjani te mukhe olengoro hovavno butikjeriba ko anava e devleske, ama na te adalatinen olengere idolen numa te sikavel pe nešto so si but pošukare. Valjani te havljarel pe olenge e develskoro šukaripa em mangipa. „Tumen sien mange tasvirija..., me sium o Devel (Isaija 43,12).

O Devel mangjel amen te moldina o baro plani taro otkupi te a stare le uče prioritetencar te uživina sar čhave e Devleskere em te dža anglal leste gogjaver em te šuna odolea so ka da le baripa. Ov mangjel te kjera izmeti ko nevo dživdipa, sako dive lošalipaja palem; mangjel te dikhel sar amare vile si pohurde šukaripaja soske amare anava si hramosarde ko dživdipaskere lila taro o Bakhro soske sa amare gajlija šaj te prefrda olen Okoleske so sekirinel pe amenge. Ov akharel amen te lošala soske siem Devleskere naslednikai soske e Hristoskiri pravednost, dendi ko oleskere pakjavutne, ule amare parne šeja, soske isi amen baro umuti ko sig aviba amare Spasiteleske.

Te bajarara e Devle sa em čače viloja ko jekh si amari zadača kobor em te molina amen. Amen valjani te sikava e lumiakem sa e havajakere takatenge kaj respektirinaja i lačhi devleskiri mangjin premal o peravdo manušipa em udžaraja sa pobare dove taro oleskoro nali-mitirime barvalipa. Pobut okolestar so kjeraja ka valjani te kjera lafi bašo šukar delija em funde taro amaro džanlipa. Kana ka dikha kaj ko amaro dživdipa ko ekstra čhani isi takati taro Svetu Ruho, amari loš ko Devel em amaro uspešno butikjeriba leske but drom ka bajraren pe te kjergjem lafi oleskere šukaripaske em oleksre fantastično delo so kjergja olen ple džianeske.

Kana agjaar bajarara e Devle i satana iranel pe. Amende nae amen pobut vakti te molina em te vakjera em o iskušuvači našavgjovela. Amende ovel majzoralo o tabijati kote akale phuvjakjere džania hazrikjerena len baši e havajakjere apartmania.

Asavko tasviriba isi le bari presia em upral o javera. Nane pošukar čhani način te pridobina o ile e manušengje baš o Hristos taro akava.

E Devle valjani te kjera bare em ki čačutni sajgija, te kera sa so si ko amaro takati te bajrara o baripa oleksre anaveske. O Devel del amen oleskere bakšišia te šaj amen da ate da em agjaar e lumia te sikava oleskoro tabijati. Ko vakti tari jaudiengoro sistemi o bakšišia em so anen sine importantno momenti ki sajgija legardi ko anava e Devleske. Taro Izraelcija rodel pe sine o dešto kotor taro olengere prihodja te del pe e sajgijengje ko Hramia. Trujal odova ola valjani sine te anen em kurbania bašo kjerde bezeha, dobrovolno bakšiša em bakšišia baši šukrikjerin. Odola sine love so ikjerena sine o evangelska sajgije ko odova vakti.

O Devel em avdive da na udžarel pohari amender nego so udžarel sine taro džiani ko odova vakti. O baro delo taro kurtalibe e manušengje valjani te džal angle. O Devel kergja plani akava delo te džal angle prekal o dejbe desetok, prinosija em o bakšišia taro love. O Devel mangel ko sako čhani te parvaren pe okola so propovedinen o evnagelie. Odova dešto kotor havlajrel le sar plo em odova sako drom valjani te dikhel pe sar sveto love so legaren pe ki oleskiri riznica taro šukaripa oleskere deloske. Ov amendar rodel em korkoro te da bakšišia tari šukrikjerin. Sa akava valjani te istemalkjerel pe te šaj o evangelie te legarel pe em ko majdurutne thanende an i lumia.

Em amaro personalno buti kjeriba si sa ki sajgija e Devleske. Kana mangaja te kurtalina e manušen taro sumnal, valjani te ovel koordinacia olea amare zorale takatea. E Hristoskoro nalog si: „Džan sakote ki lumia em propovedinen o evangelie sakone manušeske!“ (Marko 16,15). Legardo si sakone oleskere sledbenikoske individualno. Sare so si akharde te dživdinjen ko Hristos ola si akharde em ko akti taro kurtaliba e majpaštnengje. Olengere vile ka khuven ki harmonia e Hristoskere viloja. Olende ka ovel olen jekh e jekh mangjin te kurtalinen ruhen so sine Olste. Našti sare te len isto than ko Devleskoro delo, ama than em buti isi sakoneske.

Ko purano vakti e Devleske ki sajgija sine akharde na salde krotko em gogjaver manuša sar o Avram, Isak, Jakov, Mojsej ama sine da asavke sar so sine o Isus Navin javere džanlipaja. I gili em i muzika

tari Marija o nadaravipa em pakjiv ko Devel taro Devora, o čavorkano phanlipa taro Ruta, o gogjaveripa thaj pakjiv taro Samoil, i nahulavdi pakjiv taro Ilija, o blagorodno em smirimo pre ileja taro Elisija sine neophodno e Devleskere aktengje. Odoleske sare so resle Devleskere dove valjani te oven džovaplime ki aktivno sajgija; sako bakšiši valjani te istemalkjerel pe ko anglunipa e Devleskere thagaripaske, em te bajarrel pe oleskoro anav.

Sare so astargje e Hristos sar plo Spisteli valjani te sikaven o čačutno evangelie em olakoro kurtalibaskiri presia upral o dživdipa. O Devel na čivgja ni jekh pučiba te na dengja sredstvia bašo oleskoro kjeriba. E Hristoskere milostea amen šaj sa te kjera so ka rodel amender o Devel. E Devleskoro džiani valjani sine te sikavel sa e devleskere barvalipa. O Hristos vakjergja: „Mo dat ovel pobaro odolea so tumen dena pobari reslin em sikaven kaj ste mle sikle“ (Jovan 15,8).

O Devel isi le šajdipa upral sa i phuv sar pli drakh. Trujal so akanaoj si ko vasta taro o uzurpatori oj si e Devleskiri. Oj si oleskiri na salde sar uli numa em kana otkupingja pe e Hristoskoro kurbani sine andi em lumiake: ‘Soske o Devel odotar mangjel o sumnal kote dengja ple jekhe bijame čhave“ (Jovan 3,16). Ko odova jekhutno bakšiši e ma-



nušengje sine dende sa o javer bakšišia. Sako dive o sumnal priminela halalipe taro Devel. Sako kapli biršim, sako pro taro kham so svetinkjerel amaro našukrikjerdo(neblagodarno) manušikano jeripa, sako

Sako patrin, luludi, em plodi, si sar tasvirija e bare Devleskere sabrlukoske em baš oleskiro baro mangjipe.



patrin, sako luludi em reslin si tasvirija baš o baro Develeskoro sabrluko em oleskiri bari mangjin.

A sar irangja o sumnal ple bare Dariteleske? Sar legaren pe o manuša premal e Devleskere rodaripa? Kaske kjeren buti pobuter manuša? Kjeren buti e mamoneske! Olengiri mangjin si o barvalipa o statusi o sebičluko akale sumnaleskere čalipa odova mangjena. O barvalipa lena le zorea na salde taro manuša nego em e Devel. Istemal kjeren sa oleskoro šukaripa te šaj čajljaren plo sebičluko. Ko sa okova so šaj te kheden len le peske te šaj čaljaren pli alčnost em i mangjin taro sebično dživdipa. Odova bezech so angja preperipa e Izraeleske si bezech akale sumnaleske. O nahalaluko e Devleske em nakjeriba te šukrikjerinel pe ko šukaripa o sebičnost premal e devleskere baksisia - sa odova sine astardo e bezechencar kote o Izrael angja upral peste e devleskiri holi.

Odova bezech anela preperipa akale lumijke. O asva so pele taro Hristos ki Maslinsko plain kana tergol sine upral o alusardi diz nane thavdime salde e Erusalimeske. Ki jazija(sudbina) taro Erusalim Ov dikhla sine o preperipa taro sa o sumnal. „Te džane barem ko akava dive bašo okola bukja so anen rahatluko! Ama akana si garavde taro tle jakha” (Luka 19,42).“ Te džane barem ko akava dive! Odova dive avel o agor. O periodi taro gudlipa em prioritetia si paše nakhle. Aven o badala taro garazi. Sare so frdingje e Devleskoro rahatluko but sig ka oven astarde sig em nairame preperipaja. A o sumnal palem sovela.

O manuša na preprendžaren plo vakti, vakti taro olengoro periba.

Kote si i khangiri ki akaja kriza? Angigjarinena li olakere manuša e Develskere rodiba? Kjerena li oleskoro nalog, thaj sikaven li e lumiake oleskoro tabijati, iranen li i sama(vnimanie) ple pašengje ki agorutni rahatlukoskoro haberis so havljarela?

O manuša si ko riziko. Preperen buteder, a kobor agjaar anavkjerde Hristoveskere sledbenikia hošinen o džovaplipa odole manušengje? E lumiakiri jazia akana si umlavdi ko thav, ama odova sa but phareste šaj te mrdinel okolen so vakjeren kaj pakajana ko dur reslo čaćipa kote kobor da sine dendi e okolengje sare so ka meren. Dikhel pe kaj nane okova mangjipa so motiviringja e Hristose te ikljol taro plo havajakoro kher, te lel manušikani prakrt, resarinaja sar manuš te avel dži ko manuš em te anel le premal o Devel. O Devleskere džijane astargja letargia, paraliza, so na mukhel te havel pli momentalno savala.

Kana o Izraelcia khuvanje ko hanan na pherge e Develskoro nieti te len sa i phuv. Sebep so lele la jekvaš bešle te šaj lošalen ko emišija taro ple pobede. Ko plo narespektiriba em mangjipa premal komoditeti, khedingje pe ko astarde kotora tari phuv ko than te ušten em te astaren neve teritorie. Em agjaar počmingje te dujrarovent taro Devel. Nakjeribaja oleskoro nieti ola namukhle em oleske te pherel olemngjere dende lafia baso rahatluko. Odova na kjerel li avdiveda i khangiri? Trujal so anglal olende si i sa i lumia so valjani lenge evangeline, o agjaar anavkjerde hristijania khedena pe ko thana kote šaj korkoro te oven bahtale ko hairi taro evangeline. Nane len hoši kaj valjani te astaren neve teritorie, o haberis taro kurtaliba te legaren le ko javer dur thana. Na mangjen te kjerena e Hristoskoro nalogi: „Džan ki sa i lumia em vakjeren o evangeline sakone manušeske“ (Marko 16,15). Tegani dali si pohari došale tari jaudijengiri khangiri?

O agjaar anavkjerde Hristoskere naslednikia čhivde si ki kontrola anglal o jakha taro sa o kosmos; ama olengoro šudripa thaj nazoralipa ko kjerdo butikjeriba ki Devleskire sajgija olende notiringje len sar napakjavutne. Kana okova so kjerena ka ovel majšukar so šaj upral olende nane te ovel o haramluko, ama kana olengoro viro bi oven phanle e aktea, ola šaj te kjerena buteder. Ola korkoro džanan, a i lumia da džanel kaj ko baro numero našavgje o ruhi ko korkoročchinajbe

em nane hazri te legaren plo trušol. Ko devleskere lila trujal o anava taro pobuter ka ovel hramosardo: nane artiklirimo, nego salde mušterija! Buteder so legaren e Hristoskoro anav oleskoro baripa ulo kalo, oleskoro šuzipa garavdo a oleskiri čest frdimi.

Isi but asavke kaskere anava si hramosarde ko khangirakere lila, ama nane telal Hristoskoro legaripa. Ola našunen oleskere vakjerina, em na kjeren oleskiri buti. Ola si telal o leagripa taro dušmani. Ola na kjeren nisavo šukaripa ama nane baro zijani. Soske olengiri vlijanie na ne le aroma dživdipaske odova olo meribaski aroma meribaske.

O Devel pučela: „Em odova ma te džezinav?” (Eremija 5,9). Sebepi so na kjergje e Devleskoro nieti, e Izraeleskere čhave sine frdime em e devleskiri akharin sine legardi javere džianeske. A ola da sikavje pe sar napakjavutne em nane li te oven frdime isto agjaar?

Ko misala e drakhenge o Hristos e drakalutnen havljargja olen sar došale. Baš ola na mangle ple devleske te den o reslige so sine oleskere. Ko jaudiengoro džiani o sveštenikia em i sikavne ligargje e manušen ko našukar drumo em agjaar dujrekargje olen taro Devel em i buti so rodingja olendar o Devel. Baš odova irangaj e džiane taro Hristos.

E Devleskoro kanuni bi phare em bizo manušeskere paramisia, o Hristos sikavja ole, sar merka ko kobor šunela. Odolea kjergja o rabinia ma te mangjen ole. Odola manušeskoro sikaviba vazdela len sine upreder e Devleskoro lafi em odolea iranen sine e džiane taro oleskere aktia. Ola na mangjen sine te chiden pe em taro ple manušikane dekretia te šaj te astern e develskoro lafi. Sebepi o čaćipa ola na den sine kurban i plo intelektualno baripa thaj pofalbe kole de na len sine o manuša. Kana o Hristos alo sikavibaja e džianeske e Devleskoro rodaripa, o sveštenikia em o starešine na dengje le niami te ačhol maskar olende em o džiani. Na mangle te šunen thaj oleskere vakjerina em opomene em sa bare zorea kjeren sine o džiani te iranel pe kontra leste em ko odova čhani te upropastinen ole.

Odoleske ola sine džovaplime so o džiani naprifatingje e Hristose em o bilače bukja so ulo palo odova. O bezeh em o preperipa e džianeske valjani sinet te čhivel pe ko anava taro religiakjere lideria. A ko amaro vakti nane li isto asavke momentia? Na džana li ko družina sar e jaudiengere starešine but bukjarne ko devleskere drakha?

E religiakere nastavinikia na iranen li e manušen taro develskoro kanoni em na sikaven len li te kjeran zijanipa? Taro but propovedalne ko khangira o manuša šunen kaj e Devleskoro kanoni nikaste pobut na del le kaj valjani te džanel le. Vazden pe o manušikane tradicie adetia em ritualia. Arakhen pe o baripa em po korkoročalipa, em odova sar rezultati taro bakšišia dende taro Devel a ko jekh na šunen e Devleskere rodiba.

O bare šajdipa dende e Izraelske šaj sine te oven salde te kandenpes sine e Devleskere zapovedija. O isto sovršenstvo taro tabijati, o isto perdipe taro halalipe - o halalipe tari godi, taro maho hem taro trupo(telo), o halalipe ko khera em ko nive, o halalipe ko akava vestipe em ko vestipe so ka avel - šaj te uživina olende salde ako kandaja e Devle.

Ki duhovno lumia em ki lumia tari natura(priroda), o kandipa premal e Devleskere kanonia si šarti(uslov) bašo lačho bijanipa. Sikavibakja e džiane ma te sikljol e devleskere dekretia, o sikavne pali religia namangle činaven em na mukhena te anel reslin ko baripa e Devleske em agjaar ovena doškjerde anglal o Devel sin a del len o plodia taro oleskere drakha.

Palo dekreti taro Sikavno amende da resen e Devleskere haberia. Dikhibaja e Hristos ola da rodena gogjaveripa premal o Devleskoro lafi, sikavibaja olskoro čačipa taro reslina e drakhendar o plodia taro mangipa, poniznost em o niami taro baro butikjeriba. Na holjangje but bukjarne ko drakha ke Devleskere drakha sar so kjergje e jaudi-jakere šerutne? Kana havljargje e džianeske e Devleskere kanonia zarem odola sikavne na istemalkjergje sa plo džanlipa em baripa te kjeren o manuša te frden e Devleskre haberia? Odole sikavnjen o Devel anavkjergja len sar narespektirime izmekjaria.

O lafia si bičhavgja o Devel e nekanutne Izraelske sine len svečeno opomena ki avdisutni khangiri em olakere lideria. Bašo Izrael o Devel vakjergja: „Te hramosarav leske em milja mle kanonia, ov ka dikhel olen sar taro jabandžia“ (Osija 8,12) E sikavnengje em glavatorengje vakjergja: „Mlo džiani merela nane le džanlipa, soske tu frdingja o džanlipa, a me frdava tute taro mlo sveštenstvo soske bistergjan o kanunia taro tlo Devel; em me ka bistrav te čhavoren“ (Osija 4,6).

Akala Devlikane izjave ka ačhon nanotirime? Valjani li o prilike em o šajsarina baš i sajgija e Devleske te nakhen bi istemalkjerde. Zarem i hajgara so avel taro sumnal, i intelektualno baripa, legardi primal e manušeskere adetia em tradicie ka ikjeren e agjaar anavkjerde Hristoskere sledbenikia ma te kjeren buti e Devleske. Olada li ka frden e Devleskoro lafi sar so e jaudiengere glavatoria so frdingje e Hristos? O posledice taro bezeha e Izraeleskere si amenge pendžarde. Ka lel li i moderno khangiri akaja opomena?

„Te phagile desave ranika em tu divo maslinko si kalemimo maškar olende em koristine o gudlo soko taro koreni e maslinkake ma falin tut anglal o ranika!... Sebepi o napakjiba o ranika phagile a tu tergjove prekal ti pakjiv. Ma vazde tut, numa nek ovel tut dar. Soske o Devel te na arakhlja o prirodna ranika, nane te štedinel ni tute” (Rimjania 11,17-21).

Bišuštarto šero

BIZO BIJAVENGERE ŠEJA

(Akava šero si kjerdo premal e Matejeskoro evangelie 22,1-14)

Tari Hristoskiri parabola bašo bijavengere šeja šaj te lel pe but lači pouka. E bijavea si sikavdo o jekipe (pašakjeriba) o manuskano e Devlea; e bijavengoro šej sikavela o taijati bizo so ni jekh našti avel ki bijaveskiri sofra.

Sar i parabola baši i bari sofra, o Hristos em akate sikavela o evangelsko akharin, em lakoro iraniba tari rig e jaudiengoro džiani



O parne bijaveskere šeja si perfektno tabijati taro Devleskere čave, bizo so ola našti te aven upre kji havaja.

O devleskere
EGLAFIJA

em i akharin bašo krotkost bičhavdo dži ko okola so pakjana ko buteder devlen. Ama Ov notirinel kaj o misafiria iranibaja i akharin kjergje panda pobaro teleperaviba e kherutneske tari akaja sofra em reslja len panda pobari bibaht. Akava drom i akharin baši sofra alo direktno taro legarutno. Ali okolestar so sine le šajdipa te legarel em te komandinel. I akharin si bari sajgija. Ama o misafiria odoja čest na džangje te moldinen ola.

Potciteningje em o autroiteti e bareskoro. Dži kote ki akahrin taro kherutno o misafiria legaren pe sine sar te ovel olenge sa jekh, ki akharin taro thagar ola sikavje uvreda em mudaripa. Oleskere bičalutne na fermingje len, maltretiringje len em ko agor mudargje olen.

Kana dikhlja kaj o akaharde misafiria irangje olen ov vakjergja kaj ni jekh taro misafiria nane te tatinel tari odoja sofra. Ama okola so teleperavgje e thagare zijankjergja olen na salde okolea so nane te ovel olen than ki oleskiri sofra, ama i kazna si but pobari: „O Thagar holjangja bičhavga ple askjeren em mudargja sa okolen so mudarena sine em thargja olengiri diz”.

Ko akala duj parabole e misafirengje kjergja pe sofra, ama i dujto si sikavdi kote sare so ale ki sofra rodel pe sine olendar hazrkjeriba. Okola so na kjergje odova hazrkjeriba sine irame. „Kana o thagar khuvgja te dikhel e misafiren dikhlja jekhe manuše so na sine uravdo ko bijavengere šeja, em vakjergja oleske: „Amala sar aljan akate bizo bijavengere šeja?” A ov ačhilo bizo lafia. Tegani o thagar vakjergja e izmekjarengje: „Phanen oleskere pre em vasta em frden le ko karlukko. Odothe ka ovel čhingar em dandengoro čkrtiba!”

I akharin e sofrake bičhavdi si prekal e Hristoskere sikel. Amaro Devel bičhavga dešuduj dženen a palo odova eftavardeš kote propovedinena sine kaj alo e Devleskoro thagaripa, em akhargje e manušen te peren pišmani em te pakjan ko evangeli. Ama i akharin na sine lendi. Okola so sine akharde ki sofra na ale. Palo odova bičhavde si o izmekjaria, javere akharinaja: „Ake i sofra si hazri, mle juncia em o parvarde hajvania si čhinde em sa si hazri. Ajde bujrum ko bijav!”

O Bijav si but barvalo. O hajbe si barvalo. Čhinde si juncia em parvarde hajvina. Akharde si sare



Akaja akharin sine bičhavdi e jaudijakere džianeske palo Hristoskoro raspniba ko trušol. E džianeske so vakjerel kaj si alusardo Devleskoro džiani, frdingja o evangelie ando e takatea taro Sveti Ruho. Buteder kjergje odova majtelutne čhanea. Javer palem sine odobokhar mazumlie em holajne tari akharin bašo prostiba em kurtaliba kote na frdingje salde e Devleskoro baripa ama ule em kontra okolende so angje lenge i akharin. Alo „baro paldiba” (Delia 8,1). But murša em džuvlja sine phanle a neko taro develskere haberdžie sar so sine o Stefan em o Jakov, sine em mudarde.

Odolea e jaudiengoro džiani khuvgja štembili o frdiba taro Develskoro gudlipa. O Thagar „bičhavga ple askere em mudargja e manušen so mudarena sine em thargja olenge i diz”. Akaja presuda khuvgja e Jaudien ko peraviba e Erusalimeske em ko raseliba e džianeske.

I trinto akharin sofrale sikavel o bičhaviba e evangelie okolenge so pakjan ko buteder develea. O thagar vakjergja: „I sofra si hazri ama o akaharde na sine dostojno. Odoleske ikljoven ko droma em saren so ka dikhen akharen olen ko gezme (gozba)!“.

O izmekjaria e Thagreskere iklile ko droma em „ange sa so arakhle em šukar em bilačhen”. Odova sine hemimo društvo. Neko olendar na sine le ni majhari respekti premal o kehrutno e sofrale okolemdar so irangje oleskiri akharin. I kupa so avgo sine akhardi našti sine peske te mukhel jali agjaar gndinel sine te del kurbani nesave akale phuvjakre prioriteta te šaj te aven ki thagareskiri sofra. Ama okola so lele i akharin sine asavke so dikhen sine salde peste. Ale te lošalen ko dendo prioriteti tari gezma(gozba) ama na sine len nisavi mangjin te kjerengjija e thagareske.

Kana o thagar alo te dikhel e misafiren, sako taro misafiria sikavgja plo čače karakteri. Sakone misafireske ko akava bijav sine dendo bijavengjere šea. Odola šeja sine baksši taro thagar. Legaribaja odola šea ola sikaven sine respekti primal akava baksši taro thagar. Legaribaja o šeja o misafiria sikaven sine respekti premal o kherutno e bijaveske. Ama jekh manuš sine uravdo ko ple civilno šea. Ignoririnja o hazrkjeriba so kjergja o thagar. Baripaja irangja em na manglja te uravel akaja skupo šeja odolea so uvredingja e gazda. Ko pučiba taro thagar: „Amala sar aljan akate bizo bijavengere šea?” – našti sine

khanči te vakjerel. Agjaa korkoro adalatinga pe. Tegani o thagar vakjergja: „Phanen oleskere pre em vasta em frden le ko karanluko. Odothe ka ovel vika em čkrtiba e dandencar!”

E thagareskiri kontrola e misafirengje taro sofra sikavel i buti taro adalati. O misafiria tari akaja evangelsko sofra si okola so vakjerena



Phanen o vasta thaj o pre taro
okola so kijerena bezeha em
frden olen ko durutno karanlu-
ko. Odori ka ovel leleko em...

Odevleskere
LAFIJA

kaj kijeren buti e Devleske, odola kaskere anava si hramosarde ko lil e dživdipaske. Ama na sare so vakjeren kaj si hristijania nane čačutne hristijaneskere sledbenikia em iskreno sike. Anglal te hulavel pe o definitivno phursako ka valjani te anel rešenie ko si sasto te lel o mali taro pravedno.

Akava resenije valjani te anel pe anglal o dujto aviba taro Hristos taro devleskere badalija(oblakija) soske kana Ov ka avel oleskoro phursako ka ovel olea” te del sakoneske premal oleskere kjerde delja” (Otkrovenie 22,12). Premal odova ka valjani te kontrolirinel pe o tabijeti sakone manušeske em sakone Hristoskere sledbenikoske ka del pe leske phursako premal oleskere delija.

Akana kana panda o manuša dživdinen ki phuv ko uprune deleskere sudnice kjerel pe procesi taro istražno sudija. Anglal o Devel ka oven pučle bačo dživdipa so vakjeren sine kaj sine palo o Hristos. Ola sare ka oven ispitime primal okova so si hramosardo ko lila tari havaja, a i savakteskiri jazija ka ovel lenge dendi primal olengere delia. E bijavengere šeencar si sikavdo o naporočno, užo tabijati so ka ovel

okolen o čačutne Hristoskere sledbenikia. E khangeriake si dendo” te uravel pe ko parno em ulo leneno tekstili”; odoja si bizi „fleka, brčka jali javer”; „a o platno si o čačutne delija taro pakjavutne (Otkrov. 19,8; Efesjania 5,27). Odova si e Hristoskoro pravednost, oleskoro namelalo tabijati so pakjivaja delape sarinengje so priminen le sar Spasiteli.

O parne šea taro na bangjipa em užipa legaren sine amare prajerija kana o Devel čhivga olen te džividinen ko Raj. Ola džividinen sine ki



E Hristoskiri khangiri si e Hristos-kiri bori, uravdi ko parne šeja. Oj si uži, sveto em naporočno.

E devleskere
E LAFIJA

perfektno harmonia e devleskere mangipaja. Sa o takati oleskere emocientar sine legardi primal olengoro devleskoro Dat. O Sveto pari sine le šuži roš dikhibaske, Develskiri roš. Odova rošalo šej sine simboli olengiri duhovnost em šej taro devleskoro nevinost. Kana bi ačhon pakhivale ko Devel ola savaktengje ka oven pakjarde olate. Ama kana kjergje bezeha činavgje pli konekcija e Devlea em našavdili i roš so rošarel len sine. Nangje em ladžavkjerde ple devleskere šea kjergje te dopheren šeencar taro smokvia patrina so korkoro kjergje olen. Odova baš kjerena sine okola so phagjena e Devleskoro kanuni panda taro dive taro Adam thaj Eva kana našungje. Ola pletingje smokvakere patrina te učharen o nangipa soske kjergje bezeha. Legaren sine šea so korkro kergje olen mangjen sine ple aktia te garaven ple bezeha, em peste te kjeran sar pošukar ko Devleskere jakha.

Numa niked na resle te kjeran odova. O manuš našti te kjerel khanči te šaj te iranel plo našavdo šej taro nevinost. Nisave šeja taro

smokvengere patrina, nisave akale lumiakere šeja nane te legaren okola so ka bešen uzal o Hristos em e meljaikoncar ki bijaveskiri sofra e Bakhreske(Isus).

Salde okova so učharel amen a so odova dengja amen o Hristos šaj prekal o Leste te ikljova anglal o Devel. Odole učharipaja, odole šeencar tari amari pravednost, o Hristos mangel te učharel sako manuše so pelo pišmani em sako pakjavutno. Ov vakjerela: „Vakjerav te kine mandar tuke parne šea..te šaj urave tut em te sikavel pe i ladž taro tlo nangipa” (Otkrovenie 3,18). Odova šej so si sivdo taro devleskoro razboj nane ola khanči manušikano kotor. O Hristos ki manušikani forma kjergja perfektno tabijati em odova tabijati Ov dela le amengje. „Agjaar savore ulem melale a sa amar nijamalipe sar melale šea” (Isaija 64,6).

Sa so šaj amen korkoro te kjera si melalo taro bezeha. Ama e Develskoro Čhavo „havljargja pe te šaj chidel o bezeha, a oleste nane bezeh”. O bezeh si vakjerdo kaj si „anarhia” (1.Jovaneskoro 3,5.4). O Hristos šunel sine sa o rodariba taro kanuni. Korkoro peske vakjergja: „Gudlo mange Devla te pherav to mangipa me legarav to kanuni hor ko vilo“ (Psalm 40,8). Kana sine ki phuv tele Ov vakjergja ple siklenje: „Me ikjergjum o dekretia me Dadeskere” (Jovan 15,10). Taro plo perfektno gogjaveripa o Hristos sakone manuš kjergja te šunel e Devleskere dekretia. Kana ka pera anglal o Hristos, po vilo paškjerel pe oleskere viloja, i mangjin oleskere mangipaja, i godi ovela oleskere gogjaja, o gndia teljon aglal oleste; amen džividinaja oleskoro džvdipa.



Odova sikavela kaj siem uravde ko šeja tari oleskoro nijamalipe. I tegani kana o Devel dikhel amen dikhel amen sar siam učhared patrnencar tari smokva, na dikhel o nangipa jali ruminipa e bezehoske, numa o šeja tari oleskiri Pravda kote si sikavdi i perfektno gogjaveripa premal o Devlikano kanuni.

E misafiren ko bijav kontroliringja len o korkoro gazda. Ov lelja salde okolen oleskoro rodiba thaj sine uravde ko bijavengere šeja. Odova ka ovel e misafirencar da ki evangelisko sofra. Sare olen ka kontrolirinel o korkoro Majbaro kaste sar misafiria ka lel salde okolen so si uravde upral peste e šeenacar tari Hristoskiro nijamalipa.

I pravednost si pravedno kjeriba buti, soske sakoneske ka ovel sudime prekal oleskere delija. Amaro tabijati dikhel pe prekal okova so kjeraja. O delija sikavena kobor amari pakjiv si čačutni.

Nane fajde amen salde te pakja ko Isusi kaj ov nane hovavno, thaj kaj i religia nane hovavne ikavdi paramis. Amen valjani te pakja kaj e Isuseskoro anav si jekhutno anav telal akaja havaja kotar šaj te kurtalina ama odova nane te značinel kaj amen astargjam ole pakjiva-ja kaj si ov amaro Spasiteli. Nane dovolno te pakjal pe ki teoria taro čačipa nane dovolno lafencar te sikava amari mangjin prekal o Isus thaj te hramosara amaro anav ko khangirakjere lila. „Okova so ikjерel Oleskere dekretia, ačhol ki oleste, a Ov da ki oleste „A palo odova džana kaj Ov si amencar; palo Ruhi so dengja amen” „Em palo odova džanaja kaj pendžara ole, te ikjergjem oleskere dekretia” (1 Jovaneskoro 3,24; 2,3). Odova si fakti čačutne transformaciake. Nezavisno adalestar so amen ispovedinaja nane te ovel moldime sa dži kote ko amare delija na sikavel pe o Hristos ko delija tari pravednost.

O čačipa valjani te ovel parumo ko vilo. Odova sikavel kaj ov valjani te legarel e gogja em te legarel o emocie. O tabijati ko sa valjani te ovel notirime, devleskere lafencar. Sako jota em tire – crtička taro Devleskoro lafi valjani te ovel kotor taro amaro sakodiveskoro dživdipa.

Okola so ka len than ki devleskiri prakrt ka oven ki harmonia taro baro devleskiro merka tari nijamalin, oleskere bare kanunea. Odova si merka premal so o Devel ka dikhel e manušeskere delija. Odova ka ovel em merka e tabijateske ko adalati.

Buteder vakjerena kaj e Hristoskere meribaja o kanuni si čhinavdo; ama odolea džana kontra e Hristoskere lafengje; „Ma te gndinen kaj

me aljum te čhinavav o kanunia thaj o prorokija... soske čače vakjerav tumengje, sa dži kote si i havaja em i phuv, ni i majtikni šabdi, ni i majtikni crta nane te našavgjovel taro kanuni, sa dži kote na phergjol sa” (Matej 5,17.18). Te šaj te kjerel pe o delo baruštipaske bašo manušikano pagjiba o kanuneske, o Hristos dengja plo džiavdipa.

Kana o kanuni bi šaj te trampinel pe jali čhinavel pen na ka valjani sine o Hristos te merel. Ple dživdipaja ki phuv o Hristos vazdingja e Devleskoro kanuni. Pe meribaja zojrakerga odova. Ov gelo kurbani na te peravel e Devleskoro kanuni, na te anel desave potikne forme, numa te arakhel le o kanoni te sikavel le sar adava so na meninela pes, em te ačhol savakteske.

O beng vakjerela sine kaj manuš našti ikjerel e Devleskere kanunia; em čače si agjaar; amen našti te resa odova amare takatea. Numa o Hristos alo ki manušikani prakrt em ple perfektno šunibaja sikavgja kaj kana ka phanelpe e manušikani em e devleskere takatia šaj ate respektirinel pe sako devleskoro akti”

A sare so primingje le dengja niami te oven devleskere čhave – okolenge so pakjan ko oleskoro anav” (Jovan 1,12). Odova nane takati



so isi ko manuš. Odova si takati so avela taro Devel. Kana o manuša prifatinel o Hristos, dobinen takati te dživdinel e Hristoskoro dživdipa.

O Devel taro ple čhave rodel sovršenstvo. Oleskoro kanuni si sar hramovipa(prepis) taro oleskoro tabijati. Odova nalimitirimo nivelo

si sikavdo savorenge ma te ovel ni jekh ki zabluda save manušen mangela o Devel te ovel ko oleskoro thagaripa. E Hristoskoro dživdipa ki phuv sine perfektno refleksia e Devleskere kanuneske, em okola so vakjeren kaj ka šunene e Devleskere dekretia. Tegani o Devel ka šaj te havljarel olen sar okola so si kotor tari havajakiri familija. Uravde ko lače šeja taro Hristoskiri pravednost ola lele o than ko thagareskiri sofra ko bijav. Ka ovel olen nimai te oven e butederencar so si thovde taro rat taro o Spasiteli.

O manuš so alo ki sofra bizo bijaveskere uravde šea, sikavel e butederen so avdive dživdinen an i lumia. Ola vakjerenka kaj si hristiania em isi len niami ko dove em o prioriteti taro evangelie, ama nane len zori te iranen plo tabijati. Nikana na pele pišmani čačutne sebepi ple bezeha. Ola na haven kaj olenge valjani o Hristos em na pakjana ki oleste. Niked na resle te čhinaven ple nasledno jali resle maniria te kjeran bilačhipa. A ola palem gndinen kaj si korkoro peske but šukare, ola ikjeren pe ko ple zasluge ko than te ikjeren pe ko Hristos. Ola salde šunen o Lafi; aven ki sofra ama na mangjen te legaren o šeja tari Hristoskiri pravednost.

Buteder so peste anavkjeran sar hristijania ola si salde normalno manušikane moralistia. Irangje o baksiši so šaj sine jekhutne te kjeran olen te den respekti e Hristoske sikavibaja ole ki lumia. O akti taro Sveti Ruhi olenge si nahavljardo, em naobično akti. Ola na izvršinena o Lafi (Jakov 1,22). E Devleskere aktija prekal so okola ule paše e Hristoja razlikujnen pe taro javera so si paše e lumijaja ko olengoro dživdipa but pahre dikhela pe O agjaar anavkjerde Hristoskere sledbenikia nane hulavde džiani. I linija taro hulaviba akana na dikhel pe but. Odola manuša si legarde tari lumia. Oleskere adetencar, oleskere praktikencar em sebičluko. I khangiri uli paše premal i lumia ko phagiba e kanuneske, ko than i lumia te ovel paše e khangiraja ko respektiriba e kanunenge. Taro dive ko dive i khangiri ovela sa popaše jekh a jekh e lumijaja.

Sare odola asavke udžaren te oven kurtalime e Hristoskere meribaja, trujal so namangen te dživdinen slično sar oleskoro dživdipa. Ola bajrakjeren e Devleskoro barvlo šukaripa em kjeran zori te učharan pe e prividno pravednostea, soske pakjana kaj agjaar ka garaven o mane taro plo tabijati; ama sa o kjerdo zori ka oven čuće ko baro

Develskoro dive. E Hristoskoro nijamalutnipe nane te garavel ni jekh kjerdo svesno bezech. O manuš šaj te kjerel phagiba desave kanuneske ko plo vilo; numa, dži kote na phagel o kanuni so ka ovel dikhlo i lumia ka esapinel ole sar manuš uče moralea. Ama e devleskoro kanuni khuvel ko garavina e manušeskere viloske. Sako akti moldinel pe pe prekal o pobude okova so si kjerdo. Ko develskoro adalati ka ačhol salde okova so ikjerle pe sine premal Devleskere kanunia.

O Devel si mangjipa. Ov odova mangipa sikavga ole odolea so dengja amengje e Hristose. Kana „dengja ple jekh drom bijande Čhave bašo ni jekh so pakjal oleste te na merel, numa te ovel ole savaketskoro dživdipa”, ništostar na lišingja okolen so otkupingja olen sar plesutno ploipa(lično sopstvenost) (Jovan 3,16). Ov dengja sa i havaja, kotar valjani te la takati em pursako te šaj ma te peravel amen amaro baro dušmane. Numa, o mangjipa na kjergja e Devle te pravdinel o bezech. Ov o bezech na opravdingja ole le ni ki beng; na opravdingja ni ko Adami jali ko Kain; em nane te pravdinel ni ko jekh manušikane čhavore. Ov nane te dikhel amenge maškar o naja amare bezechonge jali ka bistrel amare tabijateskere mane. Ov udžarel amendar adala ista mane ko sa te perava olen ko oleskoro anav

Okola so iranen o bakšiši taro Hristoskoro nijamalipe, iranen e tabijateskere bukja so šaj te kjerel olen te oven devleskere čhavon thaj čhijen. Ola iranen odova so šaj samo odova te kjerel olen kad'ri te dobinen than ke bijaveskiri sofra.

Kana o thagar raspučlja pe „Amala sar khuvgjan akate bizi bijaveskiri akharin?” - o manuš našti sine te vakjerel ni jekh lafi. Agjaar

O Devel dengja ple jekhebjame
Čhave bašo ni jekh so pakjala te
na merel, numa te ovel le
savaketskoro dživdipa



ka ovel em ko baro adalatimo dive. O manušen avdive šaj te izgovorinen pes baši ple tabijateskere mane. Ama ko odova dive ka našti te den ni jekh izgovor.

O agjaaranavkerde Hristoskere khangira akale generaciake isi len bare privilegie. O Devel sikavel sine em del sine sa pobari roš. Amare predimstvia si but podur nego so sine o nekanutno Devleskoro džiani. Amen na salde so isi amen odoja bari roš dendi e izraelconge em pozorale faktia so dengja amen bašo spasenie so dela o Hristos. Okova so e Jaudienge sine simboli jali slika, amenge si realiteti. Olen isi o tekstia taro Purano zavet, amen isi o teksti taro Nevo zavet. Amen isi amen siguriteti ko Spasiteli so alo, ko Spasiteli so sine raspnato ko trušol, so uštivo taro mule em upral o pozajmimo Josifeskoro limor vakjergja: „Me uštijum taro mule em sium dživdip!” Baši odoleske so džanaja e Hristose thaj oleskiri mangin, e Develskoro thagaripa alo maškar amende. O Hristos si sikavdo ko propovedi em giljavdo ko gilja. Ko baro izobilie dendi amenge duhovno sofra. Sakone iloske del pe bijavengere šea, kinde taro nalimitirime cenaja.

O devleskere haberdzie sikaven amengje e Hristoskoro nijamalipe, opravdiba pakjivaja o bare em šuže dende lafia ko Develskoro Lafi, phravdo aviba dži ko Dat prekal o Hristos, gajreti taro Svetu Ruhi zorale thanjardo dendo lafi bašo savaketskoro dživdipa ko so šaj o Devel panda te kjerel so na kergja, akharibaja amende ki bari sofra taro devleskoro hajbe. O melaikija so kjerena buti šaj sine te vakjeren ki havaja: „I obaveza so sine amengje dendi amen kjergja ola” Amen čhivgja o čete taro bilačhe melaikija te iranen pe. Amen angjam roš

O Isus uštivo taro mule em valjerela:
„Me sium vospresenie em dživdipa.
Okova so pakjal ki mande em te
merel palem ka dživdinel”



thaj šemšeko ko manušeskere ile, lufiringjem olengiri memoria bašo mangipa so sikavga o Devel ko Isus Hristos. Olengere jakha irangjam olen ko Hristoskoro trušol. Olengere vile sine zorale tinande kana havgje kaj o bezeh čhivga le leste te pokanen le(raspinen ole) ko trušole Develeskere Čhave. Sine osvedočime. Dikhle o delija so valajni sine te kjerlen len ko olengoro iraniba thaj transformacia hošingje o takati taro evangelie; olengoro vilo kovlilo kana havgje o lačipa taro Devleskoro mangipa. Dikhen sine o lačharipa em taro Hristoskoro tabijati. Ama buteder da maškar olende odova sine sa džabe. Na mangle te mukhen plo tabijati em ple adetia. Na mangjen sine te huljaven akale šeja a te uraven devleskere šeja. Olengere vile sine pherde lakomipaja pobut mangjen sine društvo akatare nego so mangjen sine ple Devle.”

Svečeno ka ovel o dive tari andi prasiv. Ko plo prorokoskoro dikhiba o apostol Pavle odova dive sikavel le agjaar: „Em dikhlijum baro parno Troni em Okova bešel sine leste kotar taro oleskoro muj našle em i phuv em i havaja na arakhle than olenge. Dikhlijum e mulen bare em tikne sar tergjon anglal o troni em phravdile o lila; phravdilo thaj javer da lil - lil dživdipaske a e mulengje sine adalatime premal okova so si hramosardo ko lila, prekal olengere delija” (Otkrovenie 20,11.12). Mazumi ka ovel o dikhiba ko nakhlo okova dive kana o manuša ka arakhen pe e savaktea. Anglal o jakha ka sikavel pe olenge o sasto dživdipa baš agjaar sar so nakhle le. E akale phuvjakere uživiba, barvalipa, em respekti nane te ovel olenge but vazno. Tegani ka dikhen kaj o nijamalipe so na ferminen la sine jekhutne so sine moldo. Tegani ka haven kaj plo tabijati formiringje le prekal hovavipa taro beng. O šeja so lele si nišani olengere simpatie prekal o avgo otpadniko. Em tegani ka dikhen o melalipa tari plo alosaribe. Tegani ka haven so si odova kana pagjela pes e Devleskere kanunija.

Nane pobut te ovel nevo, avutno vakti tari šukarin te šaj te ova haz'ri baš o savakti(večnost). Akana ko akava dživdipa ka valjani te urava pe ko ſea taro Hristoskoro nijamalipe. Akava si jekhutni šansa te kjerla amengje tabijati baš o kher so hazrkjergja le amengje o Hristos okolenge so ikjeren oleskere dekretia.

O dive taro amaro vakti tari šukarin but sig nakhena em aven premal o agor - oja o agor taro sa si but paše. Amengje si bičhavdo

nišani: „Numa, araken tumare ile ma te oven pherde načalipaja, matipaja em te svidžinen e dživdipaske, ma te avel tumengje taro jekh drom odova dive” (Luka 21,34). Arakhen tumen Ov ma te arakhel tumen nahazrkjerde! Arakhen tumen ma te ovel posle ki thagareskiri sofra te oven bizo bijavengere šea !



Ke havajakoro adalati sakoneske ka adaletinel pe premal oleskere aktia so si hramosarde ko deleskere lila

“Odoleske tumen da oven haz’ri soske o Čhavo manušikano ka avel ko ari kana nane te udžaren ole!” „Halali okoleske so dikhel em arakhel ple šeja te na džal nango em ma te dikhel pe oleskiri ladž” (Matej 24,44; Otkorvenie 16,15).

Bišupandžto šero

O DARBE

(Akava šero si kjerdo premal e Matejeskoro evangelie 25,13-30)

Ki Maslinsko plain o Hristos ple siklencar kjerel sine lafi bašo plo dujto aviba an o sumnal. Akcentiringja nekobor nišania so ka sikaven kaj oleskoro aviba si but paše em akhargja e siklen te oven phravde jakhengjere em te oven haz'ri: „odoleske oven džangavde soske na džanena ni o dive ni o ari kana ka avel o manušikano Čavo!” Palo odova sikavga so si odova kana ka avel. O vakti valjani ma te nakhavel pe bizi buti, numa te kjerel pe buti. Odova si o čačutno momenti so manglja te vakjerel o Hristos ki parabola e talantencar. Plo lafikeriba počmingja agjaar: „Odova si sar o manuš so, chidibaja

Olsus akharel amen te ova phravde jakhencar em bahtale te udžara em hazirkde te ad'ikera oleskoro akana sig vakteskoro aviba



ko drumo akhargja sa pe izmekjaren em dengja len plo mali. Jekheske dengja pandž talantia, javereske duj, e trintoske jekh, sakoneske premal o džanlipa em chidingja ko drumo.” O manuš so gelo ki dur phuv sikavel e Hristose kote but sig kana ka vakjerel akaja parabola.

Ka valjani te mukhel akaja phuv em te iranel pe ki havaja. O izmekjaria jali robia ki parabola sikavel e Hristoskere sledbenikia. „Amen na siam amare, amen siam but skupo kinde” (1.Korinkjania 6,2); amenge si pukjimi bari moldi „Džanlipaja kaj na sien otkupme nešto so šaj hulavel pe, sar so si galbenoja, taro tumaro suetno dživdipa.. numa e but skupo ratea taro Hristos.” „Em dživdinen, ma te dživdinen pobuter korkro peske, numa Okolseke so mulo em uštilo taro mule olenge” (1.Petrovo 1,18.19;2.Korinkjania 5,15). Sa o manuša sine kinde odole nalimitirime moldaja. Tinanibaja sa e havajakiri riznica ki akava sumnal em dejbaja e Hristose dendij amenge sa i havaja. O Devel

Amenge si pukjimi but uči moldi –
cena Otkupime siem but kuč ratea
taro Hristos, em odoleske amen na
siam amenge numa siam oleskere



otkupingja i mangjin, hoši, godi, em ruhi sakone manušeske. Si li ola pakjivutne jali na, sa o manuša upral akaja funda si Devleskoro ploipa(sopstvenost). Sare si akharde te kjeran buti oleske, em ko baro adalatimo dive sarinendar ka rodel pe esapi odoleske sar dengje džovapi ki oleskiri akharin.

Ama e Devleskoro rodiba na prifatingje sa o manuša. Salde okola so vakjerena kaj prifatingje e Hristoskiri sajgija si sikavde sar oleskere izmekjaria.

E Hristoskere sledbenikia si otkupime te šaj te kjeran izmeti. Amaro Devel vakjerel kaj i buti si čačutni resarin ko dživdipa. O korkoro Hristos da sine bukjarno em odoleske sa pe sledbenikongje dela sine desavi buti - buti e Devleske em e pašengje. Akate o Hristos

sikavgja o majuče prioritetia e lumiake bašo o dživdipa, majuče taro nesave so o sumnal šungja. Kana dživdinel pe te šaj te kjere buti javerengje o manuš kjerel konekcija e Hristosea. Odoleske o kanuni sajgijakoro ovel sar alka te phana amen e Devlea em amare pašencar.

Ple izmekjarengje o Hristos vakjergja: „plo barvalipa” okova so valjani te istamalkjerel oleske. Ov dengja sakoneske „premal oleskoro džanlipa” Sako manuš isi le than ko savakteskoro devleskoro plani. Sar so si sigurno kaj isi amengje than ke havajakere apartmania, ko jekh sigurno si thaj akate ki phuv isi opredelimo than te kjera buti e Devleske.

O darbe taro Svetu Ruhi

O talantia so dengja olen o Hristos ple khangirake posebno legaren pe baš o bakšišia thaj o halalipa so anelalen o o Svetu Ruhi. „Jekheske prekal o Ruhi del pe leske o lafi gogjaveripaske, javerske lafi taro džanlipa prekal odova Ruhi, javerske pakjiv prekal odova Ruhi, a javerske bakšišia sasljaribaske prekal odova Ruhi, javerske te kjerel čudia, javerske proroštvia, javerske te havel ko savo si ruhi, javerske pherdo čhibja, a javer te kjerel prevodia e čibjengje. A sa osova kjerela salde jekh Ruhi“ (1.Korinkjania 12,8-11). Sa o manuša na priminena isto darba, ama sakone izmekjareske o Sikavno dengja lafi kaj ka del desavi darba taro Ruhi.

Anglal te mukhel ple siklen o Hristos „phudingja ki olende em vakjergja: ‘len o Svetu Ruhi’” (Jovan 20,22). Em pale vakjergja olenge: „Ake me bičhavav tumengje lafi taro mlo Dat“ (Luka 24,49). Numa, palo oleskoro voznesiba akaja darba reslja lenge ki pherdi merka. O Svetu Ruho thavdingja kana o sikel pakjivaja em molitve ko sa ale jekh a jekh oleskere merakoja. Em tegani e Hristoskere sledbenikonge sine dende e havajakere darbe sar so valjani. „Kana voznesingja pe lelja pea robia a e manušenge dengja bakšišia“. „A sakoneske amengje dendo si blagdot premal i mera taro Hristoskoro bakšiši“ (Efesijania 4,8.7). „A sa odova kerel jekh Ruhi, so hulavel sakoneske so mangjela“ (Korinkjania 12,11). O darbe si amengje haz’ri kjerde ko Isus Hristos, numa dali čače ka den pe amengje athinela(zavisinel) dali ka la e Devleskoro Ruhi. O dendo lafi taro Ruhi na moldinel pe sar so valjani

Palo plo voskresiba o Hristos, uštito
upre ki havaja em e apostolengje
vakjergja: "Me palem ka avav pali
tumende".



te moldinel pe. Akava dendo lafi na phergjola agjaar sar so valjani te phergjol. Baš odoleske soske nane but Sveti Ruhi, i evangelsko sajgija našavgja o takati. Amen šaj te ova pherde edukacijaja, darbencar, lafikjeribaja em sako reslo talenteja, ama bizo Sevto Ruhi nane te ovel astardo ni jekh vilo em ni jekh bezehalo reslo e Hristoske. Javere rigatar te phanle pe e Hristoja, te resle o darbe taro Sveti Ruhi em o majčorole em o maj na educirime oleskere sikle ka ovel olen takati te kjerer presia upral o vile. O Devel olen ka kjerel kanalia prekal kaste ka buvljaren majzorali presia ki vselena.

Javera darbe

Ekstra darba e Ruhonge nane salde o talantia liparde ki akaja parabola. Olaja astarde si sa o darbe em sa karakteria nasledime jali

Kana o Isus uštito ki havaja, čhorgja
Sveti Ruhi upral o apostolija sar
jagale čhibja



resle, telesno jali ruheskere. Sa odola valjani te kjeren pe ko Hristosko-ro butikeriba. Kana ka ova Hristoskere sikle amen dajamen oleske kompletno sa okolea so siam em so isi amen. Odola darbe Ov iranel amengje užarde em nevekjerde te šaj te kjera olen ko oleskoro baripa em sar dova amare majpašengje.

O Devel sakone manušeske dela darbe „sakoneske premal oleskoro džanlipa” O darbe na dena pe bilo sar. Okova so džanel te istemalkjerel pandž talantia, dobinel panda pandž. Okova so šaj te kjerel duj, dobinel panda duj, a okova so šaj gogjaver te kjerel jekh dobinel panda jekh. Ni jekh na valjani te ovel mazumi so na reslja pobuter jali pobare darbe, soske o Devel so dengja sakoneske isto slavinel pe kana ka istemalkjerel pe sako darba si li odova tikno jali bare. Okova so reslja pandž talantia valjani te anel kjari taro pandž; okova so reslja jekh olestar udžarel pe salde taro jekh. O Devel udžarel o manuš te iranel oleske; premal okova so isi ole, a na premal okova so nane le” (2. Korinkjania 8,12).

Okova so dobininga pandž talantia „odma chidel te kjerel panda javer pandž. Okova da so sinel ole duj talantija kjergja panda duj”.

O talantia kobor te oven tikne numeroja valjani te istemalkjeren pe. O pučiba so majbut sekirinel tut na valjani te ovel: Kobor darbe primingjum? Numa, so kjergjum okolea so dobiningum? Amari avgo savala premal o Devel em amare majpaše si te buvljara amaro džanlipa. Okova so na buljarel sakodive plo džanlipa em plo hairluko, ov na pherel i resarin e dživdipaskiri. Vakjeribaja pli pakjiv ko Hristos, amen dengjem lafi kaj ka resa sa so šaj kjerel pe bukjaja e Sikavnea em odoleske valjani te buvljara sako amaro džanlipa dži ko sovršenstvo te šaj te resen majbaro šukaripa soske siem kad’ri.

E Devle isi le baro delo so valjani te kjerel pe em Ov ko avutno dživdipa majbut ka del okolenge so majbut kjergje dobrovolno buti ko akava dživdipa. O Devel korkoro lel o alatia em sako dive na jekhutne dela šajsarin te sikaven pe ko oleskoro baro akti. Ko sako čačutno kjerdo zori te phergjol Oleskoro plani, Ov dela ple alatia na soske si perfektno, numa ko butikeriba olea te resen po sovršenstvo. O Devel ka priminel salde okolen so zorale kjeren ko majuče resarina. Ov sakone manuše čhivela te resel sa so šaj majbut te kjerel. Sarinen-

dar ro dela pe moralno sovršenstvo. Na valjani nik ed te tikjnara o norme tari nijamalini pe te šaj te adaptirina amen pre mal o resle em dende sklonostija ko bilačipa.

Valjani te hava kaj o naperfektno tabijati si bezeh. Sa okola šukar performance taro tabijati dengja amen o Devel em oleste kjer en so vršenost, harmonično resarin, em sako so ka priminel e Hristose sar plo Spasiteli isi le prioriteti te resel em odola karakteristike. Sako so mangjel te ovel bukajrno e Devlea valjani te kjer en zori kote sako organi tari pli snaga em sako džanlipa e gogjake te anen le di ko sovršenstvo. I čačutni edukacia si sar haz' rjkeriba sa e telesno, mentalno em moralno takatia te kjer en sa o dende savale odova si sar praktika e teloske, e gogjake em e ruheske e devleskere sajgijake. Odova si edukacia so ikjergja plo moldipa em ko savakteskoro dživdipa.

Taro sako hristijani o Devel rodel sovršeno te ovel uspešno em kad'ri ko sa o polia taro dživdipa. O Hristos angleder pukjingja amari dobrovolno butikjeriba em ple ratea. Ov alo ki amari lumia te šaj del amen misala sar valjani te kjer el pe buti am savo ruhi valjani te čhiva ki buti. Ov mangjel te gndina sar majšukar te kjera progresi ko oleskoro delo em te bajrara oleskoro anava ko sumnal, dejbaja majbaro respekti em sajgija majbaro mangipa em pakjiv ko Dat so „odo bokhar mangjela o sumnal, kote so dengja em ple jekhe bijame Čhave bašo ni jekh so pakjala ko oleste te na merel, numa, te ovel le savakteskoro dživdipa” (Jovan 3,16).

Numa, o Hristos na dengja amen nisavi garancia kaj lokhesti ka resel pe o sovršenstvo e tabijateske. O lačho, sakočhaneskoro tabijati, našti te nasledinel pe. Ov na sikavel pe slučajno. O lačho karakteri kjer el pe plesutne kjerde zore a, em e zaslugaja em i šukarin taro Isus Hristos. O Devel dela darbe, zoralipa ki godi; amen formirinaja o tabijati. Ov formirinel pe prekal zoralo maripa korkori pea. Ov kjer el maripa palo maripa mujal sa okola nasledno forme. Amen valjani korkoro amen zorale te ispitina em te mukha ni jekh bilačho tabijati te ačhol na iramo.

Ni jekh drom ma vakjeren: Me nasi um ko takati te popravinav mlo tabijati! Te aljen dži asavko moment nane te uspejnen ko maripa savakteskere dživdipaske. O nakad'rluko pašljol salde ko amaro

tabijati em mangjin. Te na manglen te pobedinen ka našti te pobedinen. Čačutno pharipa kjerela tumengje tumaro rumimo em melalo vilo tumaro nahazrkjeriba te peren telal Devleskere vasta.

Bute dženen kaste o Devel kjergja olen te kjeren bare delija, resen salde hari soske kjeren hari zori. Milja nakhle taro akala dživdipa sar te na ovel len desavi resarin kaske moldinel pe te dživdinel pe, nisavi merka koja bi ovela moldinel te resel pe. Ola ka dobinen asavko phursako premal ple kjerde delija.



O perfektno tabijati em dživdipa
formirinēlape prekal zorale mariba
korkoro peja, bare zoreja, legaribaja
plo trušol

O devleskere
LAFJA

Te ovel tumen ki godi kaj nane niked te ukljen ko desave učipa taro odova so tumen angleder na čhivgjen tumenge sar prioriteti. Odoleske čhiven uče tumare prioriteta em piro palo piro, em dukhavde zorea, korkoro otkažiba em kurbanencar, uklen ko majbaro učipa, dži ko agor taro basamako e progreseske. Ma mukhen khoni te ikjarel tumen. O mreže e jazjakjere(sudbinake) nane odobokhar gusto kjerede ko sako manuš, pa ov te ovel nasigurno. O našukar trujalipa valjani te kjerel te oven panda pozorale te šaj peraven sako barikada. Kana ka peraven i avgo bariera, ka hošinen(osetinen) panda pobaro kadrluko hem takati te džan majodorig. Ciden čačutne ko pravo drumo em o okolnostija ka ovel ki tumari rig ko than te oven kontra tumende.

Oven decidno te buvljaren sako pozitivno rig tumare tabijatestar ko baripa ple Sikavneske. Ko sako kjeriba o tabijati kjeren zori te

kjeren o kjefi e Devleskoro. Normalno odova šaj te kjeren le soske em o Enoh odova kjergja e Devleske, trujal so dživdinel sine ko rumimo vakti. Em avdive ko amaro vakti isi but enohovcia. Oven sar o Daniel; sar odova pakjivalo šerutno, manuš so ni jekh iskušenie našti ruminel ole. Ma kjeren mazumi Okole so dengja plo dživdipe te šaj kosel tumare kjerde bezeha. Ov vakjerela: „Bizi mande našti kjeren khanči” (Jovan 15,5). Te ovel tumen odova ki godi. Trujal te kjeregjen bezeha, tumen šaj palem te pobedinen te dikhlen tumare kjerde bezeha, em te havgjen odova sar nišani em anglovaktavin (predupreduvanje). Odolea o našavipa ka iranen le ki pobeda ka mazunkjeren tumare dušmane a ka vazden tumare Otkupitele.

O tabijati, kjerdo premal o devlikani muj, si o jekhutno barvalipe so ka šaj te legara taro akava sumnal upre ki havaja. Sare okola so ko akava sumnal sine ki Hristoskiri siklana ka legaren sa ple ruheskere šukariba ko ple havajakjere aprtmania. Numa em ki havaja ka kjeren te oven perfektno. Odoleske i važno si o tabijati ko akava akanutno dživdipa.

E havajakjere takatia ka kjeren buti e manušikane alatea kola so bare merakoja em pakjivaja ka kjeren te resen perfektno tabijati so ka šaj te den olen takati te kjeren hem parfektno delija. Sakoneske so kjerel akava delo o Hristos vakjerela: „Me tergovava tuke ki dahinali (desno) rig te šaj dav tut arka”! Kana e manušeskiri mangjin kerel buti e Develskere mangjinaja, oj tegani sašajkjerela. Sa so valjani te kjerel pe palo leskoro dendo dekreti, ker odova oleskere takatea. Sa oleskere vakjerde dekretia kjeren sa o dekretia te bitinen pe.

O gogjakere kad'ripa

O Devel ro dela amender te vežbina amare gogjakjere kad'ripa. Ov mangjel oleskere izmekjaria te oven pobare intelegracija thaj majzoralo takati te rasudinen okolendar so nae len gajla oleske, em si načalo sarinencar so si nemarna jali khanduvale te resen pobare bukja jali te kjeren majhor plo džanlipa. O Devel akhargja amen te manga le sa amare vilea, sa amare ruhea sa amare takatea em amare gogjaja. Baš odova kjerela te buvljara amaro intelekti saste amare gogjaja te šaj te zapendžara em te manga amare Devle.

Kobor si porazvime amare gogjakjere kad'ripa, em kotor ko sa mukhajamen te ligarel amen o Svetu Ruhi, odobokhar ka ova pošukar ko butikeriba e Devleske. O na educirime manuš, so mangjel e Devle em so mangela but te ovel ko šukaripe javerendar, o Devel šaj te istemalkjerel ole ki pli sajgija, em Ov odova ka kjerel ole. Numa, okola so sis len isto ruhi taro posvetiba em isi len gudlipa taro temelno edukacia, šaj te kjerel but pobari buti e Hristoske, soske arakljojena ko but pošukar hali.

O Devel mangjel te resa kotor so šaj majuči edukacia, ama resarinaja amaro džanlipa te da javerenge da. Ni jekh na džanel kote em sar ka ovel akhardo te kjerel buti jali te kjerel lafi e Devlea. Jekhutne amaro devleskoro dat džanel sar ka istemalkjerel e manuše. Angala si amende šajsarina kote amari na zorali pakjiv nane ko takati te dikhel. Odoleske valjani te kjera te buvljara amare gogjaver kad'ripe, te šaj te valjani o čačipa oleskere Lafeske agjaar te sikava em uzal o majuče avtoritetia ki phuv te šaj te vazda e develskoro anav. Na valjani te mukha ni jekh jekhutni šansa intelektualno te osposobinamen te kjera buti ko Devleskoro delo.

E ternengje kaske valjani edukacia, valjani te keren odoja buti te šaj te resen le. Ma udžaren te del pe tumengje šansa numa korkoro keren tumengje šansa. Istemalkjeren em i majtikni šansa so dela pe tumengje. Sikljojen ko špariba. Ma hardžinene o love te čaljaren tumare apetitia jali uživiba. Astaren pe bukaja te šaj oven hairi ki sajgija e Devleske sar so udjarela Ov tumendar.

Oven temelno em pakjivalo ko sa so len te keren buti. Istemalkjeren sako šansa so del pe tumenge te šaj te zojrakeren tumare gogjakere džanlipa. O sikhlojba lila, konektirinen le fizičko bukjaja, agjaar zorikeribaja, džangavipaja em molitvencar ka resen džanlipa so avel tari havaja. Agjaar tumengje ka len sarigakiri edukacia. Odova but šukar ka avel tumare tabijateske, ka zojrakerel i presija upral tumaro majpaše em ka kjerel tumen te šaj te legaren sakone ko drumo taro česnost em svetost.

Buteder šaj te kjerel pe ki korkoro edukacia kana bi dikha amaro šajsarina em prioritetia. I čačutni edukacia havela pe but javer čhane

taro okova so šaj te den amen o škole. Trujal so na tromta te bistra i nauka isi majući edukaciso šaj te resel pe jekhutne tegani kana i vrska pe dživdipaskoro dikibe e Devlea. Sako siklo neka astarel pe ki pli Biblja em te kjerel i konekcija pe e bare Sikavnea. I godi neka sikljol bašo redo te šaj te arakhel pe pohari problemencar kana ka sikljol e devleskere čaćipa.

Okola so mangjen te dobinen džanlipa za te oven taro hairi ple majpašengje, em korkoro ka asterel len o šukaripe e Devlestara. O siklojbe oleskere Lafeske ka kjerel gogjaver takatia ko ozbilno buti kjeriba. O kadrluko ka buvljargoven em ka oven kad'ri neve takateske em nevebutikjeribaske.

Sako so mangel te kjerel buti e Devleske valjani te kontrolirinel korkoro pes em te ovel ole pli disciplina. Odolea ka resel pe pobuter nego te kjergjam lafi jali isi amen majzoralo džanlipa. I prosečno godi te sine disciplinirimi šaj te kjerel buteder buti nego li o majbaro talenti em i uče educirimi godi kova so na sikkili te kontrolinel korkori pes.



O Lafikeriba sar darba

O džanlipa te kjerel pe lafi si kadirluko so valjani te arakhel pe. Taro sa o darbe so si dende amengje taro Devel ni jekh nane kad'ri te anel majbare šukaripa taro akava. Amare hangoja amen tasvirinaja em uverinaja, bičhavaja molbe em falbe e Devleske olea kjeraja lafi bašo o mangipa taro amaro Otkupiteli. Tegani kobor si bitno odoja

darba te vežbina ola agjaar te ova panda majuspešno ko butikjeriba e šukaripaske.

O arakhiba em čačutno istamlkjeriba e hangoske ko pobut džene zanemarinena, odova kjerem em but intelegentno manuša so kjerem hristijansko butikeriba. Buteder kjerem lafi jali drabaren odobokhar poharica jali but sigate so našti ni jekh lokheste te haven olen. Nekaste isi len pharo akcenti jali najasno lafikjeriba, javer kjerem lafi uče, zorale em piskavo hangoja, solea khuvel gadno ko kana okova so šunela len. O tekstia, o gilja o raportia em javer katia so sikaven pe anglat sarinende ponesavo drom drabaren pe agjaar so našti haven pe odolea so randela pe olengiri presia jali takati.

Odova si bilačhipa so šaj em so valjani te popravinel pe. Odoleske i Biblijia sikavel amen. E Levinetengje ko dive tari Ezdra, so drabaren sine i Biblijia e džianeske so hramosardo: „Em drabaren sine taro o lil e Devleskere kanunesa kotor palo kotor em objasninen sine i smisla te šaj te haven o džiani so drabarela” (Namija 8,8). Kana bi kjera zori sare bi ova kadarno te drabara em kera lafi sare te haven amen em priyatno hangoja izrazito em jasno. Kjeribaja odova ka bajrara o hairluko ko butikeriba e Hristoske.

Sako hristijani si akhardo javerengje te sikavel o nahardžime barvalipa taro Hristos; odoleske valjani te kjerel zori te resel sovrsenstvo ko lafikjeriba. Ov e Devleskoro Lafi valjani te sikavel agjaar so te preporačinel ple šunavalengje. O Devel na mangel e Manušeskere alatke ten a oven formirime šukare. Nane e Devleskoro manglo pa te tiknjarel e devleskiri matica e panjeske ko dživdipa so thavdela prekal oleste ki lumia.

Valjani te dikha e Hristos so si amaro perfektno misal; valjani te molin amen e Svetu Ruhoske em oleskere takatia a te kjera sako amaro organi te kjera le te kjerel perfektno butikeriba. Odova majbut legarela pe okolenge so si akharde te kjerem javno butikjeriba, Sako propovedniko em sikavno valjani te ovel ole ki godi kaj e manušengje bičhaven haberija so isi olen savakteskoro moldipe. O čaćipa so ola havljarena la ka adalatinel pe lenge ko odova majbaro dive. Ked ka avel. Isi asavke manuša kote o čhani sar vakjergje i informacia ka sudinel pe olenge dali ka prifatinen la ili ka frden la. Tegani te kjera

zori o lafi te vakjera le ko asavko čhani so ka khuvel ki godi em ka khuvel ko vilo. Odova valjani te vakjerel pe pohari jasno em svećeno a palem so baro ozbilnost za te potencirinel pe kozom si oj važno.

Kana pravilno ka negujnelpe i darba taro lafikjeriba em sajgibaja oleja avela dži ko izrazi ko sa o reonia taro hristijanstvo; oj isi la presia upral o dživdipa ko kher, em o ko odnosia maškar peste odothe. Amen valjani te sikljava te kjera lafi priyatno tonea, te kera užo em pravilno čhib, em mudro em kulturno lafencar. O gudle em šukar lafia si sar drošin(rosa) em sar tikno biršim so osvežinel o ruhi em o vilo. O lilo e Hristoske vakjerel kaj olekere muesatar thavden sine gudlipa em džanel sine „nasvalen te sasljarel lafencar” (Isaija 50,4). O Devel akharel amen: „Tumaro lafikjeriba sako drom te ovel gudlo, hemimo londea” (Kološania 4,6). „Ni jekh bilačho lafi ma te ikljol taro tumaro muj, numa salde haireske, sar so valjani te šaj te del pe blagodat e šunavalengje” (Efesijania 4,29).

Kana mangaja te popravina jali reformirina e javeren valjani bare samaja(vnimanie) te birina o lafia. Ola šaj te oven dživdipaskere aromaja dživdipaske jali meripaskere meribnaja. Bičhavibaja desavo ukor jali sovet buteder peske mukhen te vakjeren le odova zoraleem te bičhaven asavke lafia so nane te sasljarel o ilo jali ratavrdo ruhi. Asavke bilačhe em našukar lafencar, ko okola so si sapljame (zablude) majbut vazdela pe holi. Sare so kamen te sikaven o aktia e čačipaske valjani te oven makhle devleskere zejtinea taro mangipa. Ko sa o forme o ukor valjani te vakjerel pe šukaripaja em tegani amare lafia ka šaj te reformirinen bizo te ratvaren. Ko odova o Hristos e Sveto Ruhea ka del amen takati; odova si oleskoro delo.

Ni jekh lafi na tromaja te vakjera le bizo te da amen godi te teleperavel nekaste. Okolestar so si e Hristoja na tromal te ikljol ni jekh bilačho lafi, nesavo lokheste vakjerdi forma nisavo zorali kritika jali dujmujali forma. Hramosaribaja em isnpiririme taro Sveto Ruhi o apostoli Pavle vakjerela: „Nisavo bilačho lafi ma te ikljol taro tumaro muj“ (Efesijania 4,29). Bilačho lafi – odola nane salde napristojno vakjerde forme numa sako bilačho lafi si kontra taro sveto aktia em tari uži namelali religia. Maškar o bilačhe lafia si em o bilačhe vaktavina(izjave) em o garavde bilačhe konotacijaja čhivde zorea lafia.

Asavke lafia te na kjergjam olenge sig kontra šaj te kjeren bare bezeha.

Sakone familijake, sakone hristijaneske individualno dendo si leske savali te ačhol ko drumo e rumime lafenge. Kana ka arakha amen ko društvo kote vakjeren pe asavke bilače lafia, amari savala, te šaj sine te irana i tema tari diskusia. Arkaja tari Develskiri šukarin ka valjani na notirime te frda asavko lafi jali tema so ka legarel o lafi ko desavo šukar drumo.

Savali e jeriengе (roditelengiri) pe čhaven te sikaven čačutne sar te kjeren lafi. Majšukar siklana asavke praktikake si o dživdipa ko kher. Taro majtikne berša e čhaven valjani te sikava len te kjeren lafi respektea em mangjipaja kana kjeren lafi pe jeriencar jali jekh javereja. Ola valjani te sikljon kaj olengere muendar valjani te ikljon salde šuže čačutne em šukar lafia. Em o jeria neka oven sako dive sikelki Hristoskiri siklana. Tegani lafea em misaleja ka šaj te sikaven pe čhaven ko „sasto em lačho lafikeriba” (Tit 2,8). Odova si majbari em maj djovaplimi savala.

Sar Hristoskere sledbenikia, amen valjani te resa lafenacar te sikava arka em te da kuraži jekh javereske ko hristijansko dživdipa. But pobuter nego so kjeraja odova valjani te vakjera bašo moldime iskus-tvija taro amaro dživdipe. Valjani te kjera lafi taro devleskoro gudlipa em šukaripa, em taro nanakhvdo hor mangina taro o Spasiteli. Amare lafia valjani te legaren haberi taro bajrariba hem slaviba e Devle.

Te sine i godi em o vilo pherdo devleskere mangjipaja odova ka sikavel pe em ko amaro lafikjeriba. Tegani nane te ovel amengje phare te vakjera em te kjera lafi okova so vazdel amaro ruheskoro dživdipa. O bare gndina em o bare stremežia čače dikhiba e čačipaske, na-hulavde mangjina, i mangin te dža pala ko Devel hem te ova loleske posvetime- ka manifestirinel em pli reslin ka anel prekal o lafija so ka sikaven savi vrsta barvalipe so garavel pe ki riznica amare viloste. Keda agjaar ka sikavel pe o Hristos ko amare lafia, len ka ovelen takati te poridobinen e manušen oleske.

Valjani agjaar te kjera lafi e Hristoske okolenge so napendžaren ole. Valjani te kjera okova so kjerela sine o Hristos. Kote te arakhel pe da sine - ki sinagoga, uzal o drumo, ko čamco chidimo taro brego,

O dat sikavel e čhave te
respektinell e Devile, ple dade em
ple dija, em te ovel šukar sa ple
amalencar em sa e manušenkar



ko hajbe ko farisei ili ki sofra taro danočniko ov e manušenge vakjel sine okoleske so si but pobaro taro majbaro dživdipa. Okova so ovel ki natura em ko sakodivesekoro dživdipa phanel len sine e lafencar čačipaske. O vile taro okola so šunen sine le sine cidime premal oleste, soske salsljarel sine olengere nasvalen del sine gajreti olengere mazumlie lel sine ko vasta olengere čhaven em del len sine šukaripe. Kana ka phravel sine plo muj te kjerel lafi, lel sine olengiri sama em sako oleskoro lafi desave ruheske sine sar aroma dživdipaske.

Agjaar valjani te ovel em amencar. Kote te arakhlijova amen valjani te roda šansa te kjera lafi bašo amaro Spasiteli. Te dikhlem e Hristos-koro misal te kjera šukaripa em amengje ka phravgon o vile sar so phravdilo oleske. Na taro jekh puti numa takti kaja kote pli haing arakhela ki devleskiri mangjin, em šaj te kjera lafi Okoleske so si „pobuter taro deš mile taro javer“ em „sa tano taro mangipa“ (Gili upreder gili 5,10.16). Odova si ko isto vakti majučo akti kote šaj te istemalkjera amari darba ko lafikjeriba. Oj tani amengje dendti te šaj sikava e Hristose sar Spasiteli so kjerel prostiba e bezechengje.

O takati taro samalipe(vlijanie)

Ko vakti taro plo dživdipa ki phuv o Hristos trujal peste buvljarel sine zorale, sa astardi presia so phanel len sine e Devel em o sasto manušipa. O Devel prekal o Hristos darujnel sine e manušen ma te dživdinen sebično, korkoro peske. Sar individue amen siem phanle amare pašencar em siem kotor tari Bari Develskiri familia kote so

But manuša but lošale šunen le sine
e Isuse, soske oleskere lafijsine
zorale. Nikana nijek manuš na
kjergja lafi sar oleste



phanen amen jekutne bukja. Ni jekh našti ačhol hulavdo taro ple paše, soske taro šukaripa taro individue athinela o šukaripa taro javera da. E devleskoro nieti si sako amender te ovel bahtalo javereske da, em sako amender te kjerel te ovel panda pobahatalo.

Sako maho si astardo posebno atmosferaja, so šaj te ovel pherdi dživdipaja zorale pakjivaja, baripaja thaj umuteja, em gudlo miri taro mangjipa. Jali šaj te ovel šudri em phari, pherdi bičalipa em sebičnost, otruimi phare meribaskere infekcija taro mangle kjerde bezeha. E atmosferaja so si uzal amende svesno, jali nasvesno astaraja sakone manuše odolea.

I presia si džovaplipa kastar našti cidaja amen. Amare lafia, amare aktia, amare šea, amaro legaripa em amari kjerdi faca - isi ple presie. Tari amari impresia zavisinena o posledice - lače jali na- kaskoro baripa našti nikoj te merinel. Sako sikaviba so ka legarel pe ko odova čhani si sar seme kote jekh dive ka sikavel reslin. Odola si alke bare sindžireske e manušeskere historijako sindžiri so džal bizo agor. Ako amaro misal dengja arka amare majpašengje te kjeren šukar aktia amen čhivaja len te kjeren šukaripa. Tari pli rig ola da buvljarena i presia upral javera, a akala legaren poodrig. Em agjaar amen nadžanle bukjaja milja šaj te dobinen šukaripe.

Frden bar ko pani em ka kjeren dalga(brani), a ov ka kjerel javer, em javer. O dalge ka buvljaren pe sa poodorig em poodoriga dži kote na resen ko bairi. Odova ovel amare da presijaja. Bizo amaro džanlipa

em nieti odova majodorig ka buvljol em ka anel e javerengje šukaripa jali bilačipa.

O tabijati si takati. O bišundo tasviriba e pakjavutneske, nasebično, dživdipa kote so kjerela pe e Devleskiri volja, buvljarel uza peste na nakhli presia. Kana arakhlam amare dživdipaja o tabvjeti taro Isus amen kjeraja buti oleja kana kurtalina ile. Znači amen olea kjeraja buti salde kana amare dživdipaja sikavaja oleskoro tabijati. Em kobor si pobuvle i presia amare kjeribaske ka kjera sa majbut šukaripa. Kana sare so vakjeren kaj kjeren buti e Develske dikhen o Hristoskoro misali, kjeribaja o aktia e kanuneske ko plo sakdiveseskoro dživdipa em sako olengoro delo bi tasvirinela kaj mangjena e Devle majbut sarendar em ple majpašen sar korkoro peste, tegani i khangiri bi ovelala takati e lumia te čhivel la ko phiribe(pokret).

Numa, na valjani niked te bistrel pe kaj i presia šaj te ovel takati em bašo o bilačipa. Te našavel pes plio mahos si bilače, a te kjerel pe pa našavipa javere manušengje si panda pobilače. Kaj amari presia šaj te ovel meripaskiri aroma si čače but daravutni gnd! Ama odova da šaj te ovel. Buteder so vakjerenka kaj khedena e Hristoja ola ustvari hulavena sa so si leskoro. Odothe pašljol o fakti soske i khangiri si odobokhar na zorali. Buteder bizo te pazinen pe mukhen pe ko kritika em došakjeriba. Sikavibaja šube, kskanlukoja em načalipaja, ola ovena alatija ko vas e bengeske. Em anglal te haven so kjerena o dušmani phergja pli resarin. Mukhli si bilačhi presia, frdimi si učharin (senka) em o strelke e satanakere si frdime premal pli resarin. O manuša so šaj sine te oven e Hristoja astargja olen napakjiv, šubikjerin em phravdo peraviba e religiake, a ko maškar vakti o izmekjaria e satanake čalipaja dikhen e mahon so bucingje olen ko na pakjajbe em šubikjerin so akana otrpningje ko sako ukori ili opomena. Kjeribaja paralela kor-koro peske okole bibahtale ilenge ola dikhen pe kaj si pherde šukaripa-ja em nijamalipaja. Ola našti haven kaj odova periba e karaktereske odole bibahtalengje si akti taro olengoro nakrotko čhib em buntovno viло. Sebepi olengiri presia odola iskušime ruhia pele ko bezeha.

Em agjaar o lokhe gogjakoro, sebično popustlivost em nasekiracija taro anavkjerde hristijania iranen buteder ilen taro drumo e dživ-

dipaske. Odoleske buteder olendar meribastar daravutne ko Develskoro adalati ka resen pe e problemia tari pli presia.

Jekhutne e Devleskoro mangipa ka šaj te dela arka čače te sajginen amen akale darbaja. Ki amende nane khanči so šaj te del amen arka korkoro pozitivno te kjera presia upral o majpaše. Kana ka hava kobor siam bizi arka em kobor valjani amengje devleskoro takati nane ni te ikjera amen upral amende. Amen našti džanaja save problemencar ka ovel dive, nesavo ari jali javer momenti, odoleske ko starti sako neve diveseske amare drumia valjani te da len amare havajakere dadeske. Ov pe melaikoncar vakjerel te pazinen upral amende em te astrgjam olengiri zaštita ola ko sako momenti kana ka ova ko riziko, ka oven amengje tari dahinali(desno) rig. Kana nasvesno ka arakhaman ko riziko te buvljara negativno presia, o melaikija ka oven amenecar, ka iranen amen ko čačutno drumo, ka alusarinien amengje o lafia so ka vakjera olen em ka kjeren presia upral amare delija. Em agjaar amari presia ka ovel nesvesno bišundi, ama zoralo takati, iranibaja e pašen premal o Hristos em premal e havajakoro sumnal.



Ko ilo taro majzoralo em majgogjaver melaiko ki havaja. Lucifer havljargja pe na čalipa em šubukjerin ko Develskoro šukariba em mangipa. Ov kjergja zoralo negativno presia upral jek tretina taro devleskere melaikija, čhivja olen telal plo bajrako em legargja olen ko vselensko bunti em maripa mujal o Devel kote majbut chidingje em panda čhidena amari planeta kote thabili beze bilace problemencar (zab. ko prevod)

O vakti sar bakšiš - darba

Amaro vakti preperela e Devleske. Sako momenti si oleskoro em amari majbari savala si te isemalkjera ole leske ki proslava. Ni jekhe javere bakšišeske Ov nane te rodel odobokha tamam esapi amendar sar soj tali i darba taro amaro vakti.

I moldi taro vakti našti presmetinel pe. Sako momenti o Hristos dikhel le sine sar barvalipa, em odova rodel pe amendar. O dživdipa si but tikno te šaj te kehla amen olea. Amen isi amen hari vakti šukaripaske te šaj te ova haz'ri bašo sa vakti; odoelske nane amen vakti te frda nane vakti sebično te uživina, nae vakti te pomukha e bezeheske. Akana baš valjani te kjera tabijati avutnipaske savakteskere dživdipaske. Akana valjani te ova haz'ri bašo istražno adalati.

O manuša salde so počmingje te dživdinen, ola počminen te meren. Em o najbukjarne zoria nane te oven khanči, ako baši olenge olenge ka pomukha te resa čačutne džanlipa savakteskere dživdipaske. O manuš so čače ka havel o moldipa e vakteške em dživdipaske istemalkjerel racionalno hazrkjerel pe e devleskere aprtmanenge em e dživdipaske so niked nane te nakhel. Oleske si šukar so bijandilo.

Amene si vakjero te šparina o vakti. Ama niked ka našti te dophera o vakti so hardžingjam ole phareste nane niket te irana napalal ni jekh jekhutno momenti. Jekhutne te šparina o vakti si majšukar te istemalkjera o momentia so ačhile amengje – te kjera buti e Devel ko pheriba oleskere planeske bašo otkupi.

Okoleste so kjerela agjaar o karakteri iranelo pe, preobrazinel pe. Ov ovel devleskoro čavo preperutno e thagareskere familijake čavo e devleskere Thagareske. Ovel dostojo ko društvo e melaikoncar.

Akana si vakti te kjera buti upral odova te spasina amare majpašen Neko vakjero te del pe love e Hristoskere deloske em kaj odova si sa so udžarel pe olendar kote so mukhen but baro dragoceno vakti so šaj te kjeran buti oleske te nakhel džabe. Ama prednost em savala sarinengje so si saste, zorale aktivno te len than ke devleskire sajgija. Sare valjani te kjeren te šaj anen pobut ile premal o Hristos. O prilogia ko love našti te trampinen jpe aktivno bukjaja.

Sako momenti anela savakteskere posledice. Amen siem ki muli straža em odoelske sako momenti valjani te ova haz'ri ko butikjeriba.

O šajdipe so akana del pe amangje desave bokhale ileske te vakjera lafia so legaren ko savakteskere dživdipaske šaj pobuter nane te del pe amengje. O Devel šaj odole iloske da te vakjerel: „Erat ka rodav to ilo” (Luka 12,20) a oj sebepi amaro nemarnost šaj nane te ovel haz’ri. Sar ka da esapin anglal o Devel ko baro adalatimo dive?

O dživdipa si but moldo za te posvetinale akale phuvjakere, nakhle bukja, em te irana amen ki vrteleška e gajljenge em darake okoleske so ki paralela e savakteskere moldajasi saj jek tikno atomi. Palem, o Devel akhargajmen te sajgina oleske i ko amare nakle phuvjakere bukja. O bukjarnipe ko odola bukja isto agjaar si kotor taro čaćipa em čaćutni religia sar so si i molitva. I Biblija nikote na del arka bašo khanduvalipa, soske odova si majbaro prokletstvo so mučinel akale lumia. Sako čaćutne irame murš jali džuvli ka ovel bukajrno.

Odova dali šukar istemalkjeraja amaro vakti athinel o uspeho kana resaja džanlipa em buvljaripa mentalno kultura. O intelektualno buvljaripa na tromal te čhinavel pes sebepi o čorolipa, taro skromno poteklo, em javer nepovolna okolnostija. Jekhutne, neophodnbo si te istemalkjera o vakti sar so valjani.

Nekobor minutia akate, nekobor minutia odothe, šaj lokheste te našaven pe ko džabe lafikjeriba; javinakere sabaleskere arija so but drom hardžinen pe ko kreveti pašlindor; vakti nakhlo ko tramvaji jali pampuri(vozi), jali adžikeriba ki stanica; momentia kana adžikera te anen amenge hajbaske, jali jalovo vakti kana adžikera e manušen so harinen ko sostanokia - dži kote isi tumen lil ko vas ako odola resto ačhile momentia taro vakti istemalkjera olen ko sikljoviba, drabariba-ja jali haireske planiriba – so sa šaj te kjera! Kana nešto mangaja, kana daja baro zori, šukar hardžiba o vakti sa odova šaj te del arka e manušeske te resel džanlipate buvljarel intelekti em te praktikujnel pe sakone bitno bukjake.

Sako hristijani valjani te sikljol tabijati te ovel uredno, temelnost em urgentnost. Nane opravdanje bašo pohari buti kjeriba em na djanlipa save bilo bukjake. Kana neko stalno kjerela buti, a i buti na bitinela la, tegani odova sikavel kaj ov ple gndia em plo vilo na dengja len sa ki buti. Okova so si tromo em kjerela salde zijani ov mora te havel kaj odola si mhaane so valjani te popravinel olen. Ov valjani te

steginel pi godi em te isplanirinel najšukar te istemalkjerel ko vakti te resel o majšukar rezultatia. Taktično em metodično neko baso pandž arija šaj te resel te kerel odobokhar so neko našti te kerel bašo deš arija.

O domakinke so kjerena buti khere sako drom si ko pire, na odoleske soske isi len but buti, nego soske na džanen te ispalnirinen sar te istemalkjeren o vakti. Ola si troma em komplicirinen i buti em bizi buti kjeren bari buti. Ama sare so mangjen šaj ma te kjeren pobut odola naefikasno bukja em tromavost. Neka čhiven peske korkori so ka kjeren buti. Neka dikhen kobor vakti valjani lenge baši desavi buti em palo odova neka kjeren baro zori te agorkjeren la ko odova dendo vakti. Te sikavgjen e takatija tari mangjin odova ka kjerel em o vasta posig te kjeren buti.

E manušengje so nane rešitelno te reformirinen pe o našukar butikjeribaskere tabijatia šaj te oven posle sar adeti; a te buvljargje ple takatia ola šaj te praktikujnen pe pli buti, pli savala te kjeren majbare pursakija. Tegani sekote ka roden len em ka moldinen len sar bukjarné em ka respektirinen olen. But terne em čhave, džabe našaven plo vakti, ko than te den arka pe jerienge ko kherutne bukja em odolea te sikaven kaj mangjen em respektirinen pe daja em daden lokhariba-ja olengere dživdipaskere pharipa. O terne šaj upral plo zoralo dumo te len but bukja so inače valjani te legaren len javera.

Panda ko tikne berša e Hristoskoro dživdipa sine pherdo bukjaja. Ov na dživdinel sine te ovel oleske pošukare. Ov sine čhavo taro nalimitirimo Devel, numa, kjerel sine buti ki kašteskiri dukjana ko plo sar dat Josif. Em oleskoro zanati but vakjerel sine leske. Alo ki akaja lumia sar okova so kjerela tabijati thaj sako oleskoro delo sine perfektno. Ko sa akale lumiakere bukja kjerel len sine perfektno, so odolea čhivel sine ko tabijati so reformirinen pe sine ki devlikano takati. Ko odova si ov amengje misal.

O jeria valjani te sikaven ple čhavem učeste te moldinen em najšukar te hardžinen o vakti. Sikaven len kaj but si važno sa okova so šaj te kjerel bare e Devle hem ka anen šukaripe e manušipaske. Ola em ko ple majtikne berša šaj te oven sar misioneria e Develske.

O jeria našti te kjeren pobaro bezeh, odolestar kana ka mukhen ple čhavem te nakhaven plo dive bizo ništo buti te kjeren. O čhave but

sigate šaj te sikljon te našaven plo dive em agjara ola formirinen pe sar nakadrije em nekorsna manuša. Kana ka bajron em korkoro te kjeren buti te šaj dživdinen ola kjeren buti namarno, em khanduvale, a ka udžaren te oven pukjime sar but šukare em čače bukjarne. Isi razlika maškar odola bukjarne em okola so džanen kaj valjani te oven pakjivale poverenikia.

I navika o svetovna bukja te kjeren pe khanduvale em nemarno lokheste khuvel em ko ruheskoro dživdipa em agjaar kjerela sakati e manuše šukar te kjerel i buti premal o Devel. Buteder sar bukajrne šaj te ove hairestar e lumiake, ola upropastingje pe ple nemarnostia. Kana nekaste nane buti em zorali resarin anglal peste, ov si čivdo ko milja iskušenia. Rumimo društvo em o bilačhe navike iranen i godi em o ilo em ova ova sakati em akale dživdipaske em e dživdipaske so ka avel.

Savi da buti te kjera, e devleskoro lafi, sikavel amen te ova „thabile ko ruhi”, „kjeribaja buti e Devleske” „So isi tut nieti te kjere, kjer le sa dži kote šaj”, džanlipaja kaj taro Devel sar phursako ka dobine mali”, „soske tumen kjeren buti e Devleske e Hristoske’ (Rimjania 12,11; Prpovedniko 9.10, ; Kološania 3,24)

O sastipa sar bakšiši

O sastipa si šukaripa kote but džene na moldinena, trujal so but e sastipastar athinela amare mentalno em fizičko takatia. Amare strastia isi len plo bešipa ki amari snaga em odova valjani te ikjera le ko majšukar hali te čhivel pe ko majzorale ruheskere presie amare talantengje te šaj te istemalkjeren ko majšukar čhani.

Sa so teljarel amari snaga kjerel panda potele amari da godi em namukhel te dikhel pe okova maškar o šukar em o lošno. Tegani amen na siem kad’ri te dikha o šukar em sa pohari takati isi amen te kjera okova so valjani te ovel šukare. Zijankjeribaja amaro fizičko takati odolea tikjnaraja o vakti so šaj ko amaro dživdipa te kjera baro baripa e Devleskere anaveske em kjera amen nakad’ri te šaj bitina o akti so dengja amen o devel te kjera le. Mukhibaja korkoro te sikljova našukar navika te ačhova celo rakj na sute, te čaljara o apetiti ko zijani e

Panda taro majitikne berša i daj valjani pe čajen te sikavel olen o džanlipa ko kjeriba hajbe.



sastipaske, amen korkoro zijanikjera amaro takati. Bistribaja te na phira but a pobut te kjera buti e gogjaja, amen peravaja i ramnoteža amare nervno sistemeske. Okola so akava čhani tiknjaren plo dživdipa em kjeren nakjedri butikjeribaske phagjibaja o naturakjere kanunia, korkoro si bange soske odolea čoren em e Devle, em ple pašen. O Devel bičhavgja len ki akaja lumia te oven hairestar pe najpašengje a ola odolea kosen pe taro odova šajdipa em kjeren pe nakadrlije te kjeren nešto so šaj sine ko resto dživdipa te kjeren le. Amen siem došale anglal o Devel kana amare našukar navikencar e lumia angleder o vakti lišinaja taro šukaripa so šaj sine te kjera le.

O prestap taro fizička kanunia, si prestap em ko moralno kanunia, soske o Devel si autori e fizičko em moralno kanunengje. Oleskoro kanuni si oleske parmakoja hramosardo ko sako amaro nervi ko sako amaro muskuli, ko sako sposobnost so dengja amen. Sako kjerdo zijani amare organizmeske si phagiba akale kanuneske.

Amari buti si temelno te džana so isi ko amaro organizmi te šaj te arakha amari snaga ko hali kote ka šaj te kjera buti e Devleske. O sastipa ki amari snaga valjani te pazina le but em te buvljarale prekal amari manušikani prakrt te šaj sikava jpe i bari devlikani prakrt. I nauka baši konekcija taro telo em o ruheskoro dživdipa si jekh taro majimportano momentia ki edukacia kote olake valjani te kjera majbari sama hem ki familija hem ki siklana.

Sare valjani te džane pli anatomsko struktura em e fiziološko kanunia e snagake. Okova so namerno na mangjel te zapendžarel pe



e kanunecar tari pli snaga em sebepi odola ov phagela len, ov kjerel bezech anglal o Devel. Sare amen valjani te kjera zori majšukar te dikha amaro sastipa em dživdipa. Sa amare navike valajni te čhiva len telal i kontrola tari godi, a i godi telal Devleskiri kontrola.

O apostoli Pavle vakjerela: „jali nadžanen kaj tumari snaga si hrami e Bare Svetu Ruheske, so si ki tumende, so isi tumen taro Devel, pa kaj na preperena tumengje, soske skupo sien pukjime, odoleske kjeren bare e Devle ki tumari snaga” (1. Korinkjania 6,19.20).

O takati sar darba

Amendar rodedla pe te manga e Devle na salde sa vilea, sa e gogjaja em sa e ruhea numa em sa e takatea. Odova celosno astarel i sasti preokupacija amare sa fizičko takatengje.

O Hristos pakjavutno kjerel sine sa ple telesno em ruheskere bukja em ko sa oleksoro butikjeriba saste čhivel sine rešenija te pherel e Develskiri mangjin. E phuvjakoro em e havajakoro but si pozorale phanle em paše čhivde telal Hristoskiri opservacija odolestar so javer gndinena. Plesutne o Hristos dengja plani baš avgo phuvjakoro Hrami. Ov dengja sa o tikne detalia dok kjerel pe sine o Solomonovo hrami. Okova so ko thavdipa akale phuvjakoro dživdipa kjerel sine buti kaštea ko gav Nazaret ov si arhitekti so gogaveringja o plani odole bare bukjakje kote ka kjerel pe baro oleskoro anav. Okola so kjeren sine odova Hrami baš o Hristos dengja len džanlipa em gogjaveripa te keren o majšukar vasteskoro kjerdo artikli.



Vakjergja: „Ake me akhargjum le prekal o anava Veseleila, e Urievskoro čavo taro Oroveskiri kočak dži ko e Judiskoro talukava (pleme). Phergjum le Devlikane Ruhea, so dengja le džanlipa, havipa em takati sakone bukjake... Panda opredelingjum e Elijava, e Ahi-samahoskoro čavo taro e Danoskorotalukava (pleme); dengjum len džanlipa sa o sposobno manuša te šaj te kjeren okova so vakjergjum“ (2. Mojsieskiri 31,2-6).

O Devel mangjel oleskere bukjarne ko sako than te angigjarinel leste sar dariteli sa okoleske so isi olen. Sa okola lače inovacie so isi hairi e manušipaske pli haing isi len ko Okova so si „lačho ko dejbe godi em but šukar ko kjerde aktia“. O džanlo astariba e vasteske taro o doktori, oleskoro sasto legaripa upral ple muskuli a em damari, oleskoro pendžariba tari nežno anatomia e snagake sa odova dengja ole e devleskoro džanlipa te šaj lokharel olengere muke em dukha e nasvalengje. O džanlipa solea kjerel o manuša e kaštencar ple alatea o zoralipa e vasteskoro taro o kovači kotar šunel pe i nakovalna – aven taro Devel. Ov e manušengje dengja darba em olendar udžarela te roden gogavera lafija. So te kjera buti em savi buti te astara, Ov mangjela te legarel amare gogjaja bašo perfektno te kjera odoja buti.

I religija našti te hulava tari amari buti; odola si bukja so maškar peste astaren pe. I biblisko religija mora te ovel čhivdi ko sa so kjeraja buti em lafi. E devleskere em manušeskere takatia valjani te dopheren pe maškar peste em ko lumjakere em ko ruheskere butikjeriba. Ola sare valjani te oven jekh ko sa manušikane dejstvia – ko tehnikane em agrarno bukja, trgovsko em naučno aktivitetia. Akava butikjeriba mora te ovel ko sa so keren o hristijania.

O Devel dengja o aktia kote salde agjaar šaj te oven o temelia akale bukjengje. Oleskoro baripa valjani te ovel okova so ka legarel amen majodorig sare okola so mangjen te keren buti olea. Sa amare aktia valjani te oven kjerde mangipaja premal o Devel em akcentirime oleskere mangipaja.

Ko jekh momenti valjani te šuna em e devleskoro mangipaja kana kjeraja kher em kana siam ki devleskiri sajgija. Em o bukjarne te sine legarde taro čačutne aktia tegani kana ka vazdel pe sako kjerdo objekti ola ka bajron mangipaja em ka keren progresi ko džanlipa.

Ama o Devel nane te prifatinel ni e majbare talanten em o rošalo butikjeriba te načhivgjam amen korkoro ko oltari sar dživdo thardo kurbanī. O darhi (koreno) valjani te ovel sveto e bijandipaske te šaj te ovel premal e Devleskoro merako.



Ko gradilište, ko Svetilište baš o
Hristos dela sine gogjaver valjerima
te kjeren e maňukar vasteski buti.

O devleskere
E LAFIJA

O Devel e Daniele em e Josife kjergja te oven gogjaver legarutne. Ov šaj sine te kjerel buti prekal olende soske ola na kjeren sine buti te ovel olenge šukar numa kjeren sine buti ko anav e Devleske.

O momenti e Danielea sikavel amengje bitno sikavin. Ov sikavel kaj o biznismeni na valjani te ovel džando em geniši, numa kaj šaj ko sako piro te sikljovel pe e Devlestari. Ko vakti kana kjerel sine buti sar majbaro službeniko ko Vavilonsko thagaripa, o Daniel sine em Devleskoro proroko em resel sine roš, havajakoro ruhi. Akale phuvjakjere, manuša so mangena sajgija, ko Devleskoro lafi sikavde si sar čar so sig bajrol, sar luludi so veninela.

Ama o Devel mangjel ko plo butikjeriba te oven gogjaver manuša, so si kad'ri razno bukjengje kote šaj te kjeren buti. Valjani leske bare manuša so o bare aktia e čaćipaske ka čhiven ko sa ple bukjarne aktia em si haz'ri ple talantia te kjeren len panda majmoderno salde temelno sikljojbaja em praktikaja. Bizi razlika so kjeren ola buti kana o manuša kjerena te resen so pošukar godi em te oven poproduktivno, tegani ola ple talantia čhivena len te kjeren e Devleskoro thagaripa ki akaja lumia. E Danieleske nane vakjero i kaj ko sa oleskere bukja

trujal so sine majbare samaja dende našti sine te arakhel pe ni jekh defeko. Ov si misal odova so valjani te ovel sako biznismeni. Oleskiri historija sikavela so šaj manuš te resel so sa pli godi, em fizičko takati o vilo em o dživdipa kjergja samo e Devleske buti.

O love sar dari

O Devel e manušengje dela materijalno sredstvia. Ov dela len takati te resen barvalipa; sapankjerel i phuv havajakjere biršimea so rošinela; dela roš e khameske so takjarel i phuv, džangavibaja sa i natura em kjerela sa so bajrola te džangavgjovel em te anel reslin. Bašo vozvrat Ov rodelia okova so valjani te del pe leske. O love nane amengje dende te šaj te vazda amen korkoro amende sar but šukar poverenikia valjani te kjera te barjara e Devle. Neko gindinel kaj salde kotor taro love preperen e Devleske. Kana ka hulaven o kotor bašo religisko em humanitarno resarina o resto dikhena le sar plo kotor em ola, gndinen kaj šaj hardžinen sar ola so mangjena. E baš odothe buteder hovavena pe. Sa so isi amen odova si devleskoro em amen siem džovaplime anglal Oleste sar te istemalkjera odova. Kana hardžina sako denari šaj te dikhel pe dali mangaja e Devle upreder sa em amare pašen sar so mangaja amen korkoro.

O love isi olen bar mold soske šaj te kjeren bare bukja. Ko vasta taro Devleskere čhave olaj tane maro e bokhalengje, pani e trušalengje, ſea e nangjenge. Olencar šaj te da arka e mučimengje, ola si iljačija baš o nasvale. Ama o love korkoro pea nane len baro moldipe tari obično pošik te na kjergja pe bašo dživdipaskere potrebe, te del pe arka e pašengje em progresi e Hristoskere deloske.

O khedimo barvalipa na salde so nane moldo, numa odova šaj te ovel em baro baksuzluko. Ko akava dživdipa odova šaj te ovel fako e ruheske, soske iranel taro mangipa premal e havajakoro barvalipa. Ko baro devleskoro dive o love sar tasvir ko nakjerde talantia em mukhle šajsarina, ka adalatina butederen so sine len love. I biblija vakjerela: „Ajde akan tumen o barvale roven em kukinen e babahtengje so aven ki tumende. Tumaro barvalipa kirnilo a o molcia hale tumare ſeja. Tumare galbenoja em rupuja srebro paslangje em o

paslajbe ka ovel tasviri mujal tumende em sar jag ka gutinel tumari snaga. Ake i plata taro o bukjarne so žneingje tumare nive so tumen ikjergjen la em I čingar taro žetvaria ale dži ko kana e Devleske upral o askeria” (Jakov 5,1-4).

O Hristos na odobrinela nisavo lokhesti jali bigogjakoro hardžiba o love. Oleskiri pouka šparibaske si: „Kheden o javer kotora ma te preperel khanči!” (Jovan 6,12)-vakjerdi si oleskere sledbenikongje. Okova so dikhela kaj oleskere love si talantia so ale taro Devel ka istemalkjerel len šparibaja; ka havel kaj valjani te šparinel te šaj te del.

Kobor so pobut love ka hardžina ko rasturiba em korkoročalipa amare mangjinengje, sa pohari ka ačhol te parvara e bokhalen, te urava e nangjen. Sako love so si džabe ardžime lišinela e gazda tari šajsarin te kjerel šukaripa em odoleja e Devleske tikjnarel o baripa em o respekti so o Devel bi ovela le sine kana pravilno ka istemalkjeren pe sine o darbe so ov dengja ole.

O Krotko pobude em o hoša (čuvstva)

O krotka hošia bare ileskere pobude em šajdipa sig te havel pe ruheskere poimia si barvale talantia, isto odole manušeske kote oleske kjerel pe baro džovaplipa. Sa odola valjani te istemalkjeren pe ki Devleskiri sajgija. Ama akate buteder hovavena pe. Čale kaj isi len asavke doblestia ola bistrena te istemalkjeren len bašo o šukaripa ple najpašengje. Hovaven peste korkoro kaj ka kjeren baro akti kana bi ovel olen šajsarin jali o trujalipa džal olenge taro vast. Em agaar sasto



dživdipa udžarena te del pe lenge šajdipa. Prezirinen o uže buvlajripa taro stegime lovenge manuša so kjeren telal muj lafi kana dena love e čorolengje so mangjena devlengje. Havel pe kaj odola manuša dživdinen salde peske korkoro em ka oven akharde ko džovaplipa sebepi o naistemalkjerde talantia. But čale kjeren paralela peste olencar esapinaja kaj ola si but pošukare taro ple bezdušno komšie.

Numa čače hovavgjoen korkoro. O fakti kaj isi len naistemalkjerde talantia bajrol olengoro džovaplipa. Odova so isi len darba - nežno hoši ola si džovaplime anglal o Devel odola te sikaven na salde ko astariba ple amalencar numa ko astariba savorengje so odova valjani. E sasoitnikane(opšttestvena) prioritetia si talantia em ola valjani te kjeren pe bašo hairluko savorengje so si uzal amaro vlijanie. O mangipa so sikavel pe salde desave amengje mangle manušengje nae mangipa, nego sebičluko. Oj nane nisar te ovel takatea em šukaripa ni e manušengje ni e Devleske. Okola so na istemalkjeren o talantia

Obarvalipe so kjerje le o barvale
ko agarutne diversa ko pilje e
čhorolengje nane te ovell lenge tari
arka ko adalatimo dive.



so resle lenge taro Devel but si majdžovaplime taro okola premal okolende kote ola prezirinen len. Olenge ka ovel vakjerdo: „Džanena sine so mangel tumaro Siklo, a na šungjen ole !”.

O darbe ka oven panda pobut kana ka istemakjeren pe

O darbe so istemakjeren pe oven panda pobuter. O spastal nane posledica taro desavo slučja jali jazija, numa delo taro devleskore

prividenie, phursako baši pakjiv em šukar havipa, doblest em uporno zori. O Devel mangjel te istemalkjera sa o bakšišea so isi amen; te kjergjem agjaar ka resa panda pobare bakšišia solea ka šaj te kjera buti. O džanlipa so nane amen nane te resa dži oleste ko desavo naprirodno čhani. Ama kana sajginea amen okolea so isi amen o Devel ka kjerel amencar barabar buti em ka bajrarel em zojrakjel sako amaro džanlipa. Sakone kurbanea so čačutne ka anal em kana ka kjera buti e Sikleske, amaro takati ka bajrol. Sa dži kote ka da amen e Bare Ruheske te šaj istemalkjel amen sar plo alati, e Devleskoro mangjipa ka ovel upral amende em ka kjerel te frda amare purane navike, te perava o zorale nasledno strastia em te la neve navike. Te moldingjam em te kjegjam o neve ande nalogia taro Baro Ruhi, amaro vilo ka buvljol te priminel sa pobut oleskoro takati te kjerel pobut em pošukare. O sovavne takatia ka džangavgjoen, em o paralizirime džanlipa palem ka profunkcionirinen.

O skromno bukjarno so gogjaver džal ko Devleskoro akhariba, šaj te ovel sigurno kaj ka resel le devleskiri arka. Em o korkoro prifatiba taro odokhar bari em sveto džovaplipa ka lačharel o tabijati. Odova kjerel te keren buti majuče mantalno em ruheskere takatia zojrakjel em udžarel i godi em o vilo. Čudno si sar šaj slabo manuš pakjibaja ko devleskoro takati šaj te ovel pozoralo rešitelno em te resel bare uspehia. Okova so startujnel sar najprosto skromno džanlipaja, so vakjel okova so džanela kote ko jekh kjerela zori te buvljarel plo djanlipa ka dikhel kaj ko raspolaganje tergjola leske sa e devleskiri riznica. Kobor so kjerel pobut buti te sikavel i roš ov panda pobut resel leske roš. Kobor sa pobut kjerel e Devleskoro lafi te vakjel le javerenge mangipaja premal olende oleske ovel panda pojasno. Kobor sa pobut kjeraja amare džanlipaja so pobut resaja neve em pobare džanlipa em sposobnost.

Sako zori so ka kjera bašo Hristos ka anel amengje pobare šukaripa. Te istemalkjergjam odova ko oleskoro baripa Ov ka kjerel len panda pobare. Te kergjam amare paše te anal em popaše dži ko Hristos, em ko molitve sikava amari sekiracija bašo olengoro kurtaliba, amaro vilo ka tinanel taro dživdipaskiri presija tari Devleskiri blagodat; amare emocie ka rošaren devlikane revnosteja; em sa amaro hristijansko

dživdipa ka ovel majčačutno, majozbilno em barvalo molitvencar.

O moldipa e manušeske, i havaja pulsarel(oceninela) la premal o džanlipa taro oleskoro vilo kobor ka zapendžarel e Devle. Odova džanlipa si haing kotar so ikljola sa amaro takati. O Devel kjergja e manuše agjaar so bašo sako oleskoro džanlipa te šaj pašakjerel o džanlipa taro devlikani godi; Ov stalno kjerel zori e manušeskiri godi te pašakjerel le e devleskere gogjaja. Prednost si te kjera buti e Hristosea ko havljariba oleskere blagodetia tari lumia, odolea so amen da korkoro resaja pobaro ruheskoro džanlipa.

Dikhibaja e Isuse amen resaja sa pobare poimia bašo Devel. Dikhibaja oleste amen da meninaja men. O lačhipa em o mangjipa premal amare majpaše oven sa pobut amare da karakteristike. Ki amende buvljola tabijati paše sar e devleskoro. Formiribaja oleskoro muj ki amende amen bajaraja o šajdipa te zapendžara e Devel sa pozorali relacija em jekhutnipa e devleskere lumiaja, kote bajrola amaro kapaciteti te la o barvalipa taro džanlipa em savakteskoro gogjaveripa.

O manuš jekhe talantea

O manuš so dobingja jekh talanti „gelo ranla jekh rupa ki phuv em garavgja o rupuj(srebro) taro plo gazda”.

Baš o izmekjari so sine ole majtikni darba parungja plo talanti. Odova si opomena sa okolenge so gndinena kaj nane len nesave pobut naturakjere darbe si mukhle te len than ko Hristoskoro butikjeriba. Kana bi šaj te kjeren nesto baro vakjeren ola, bahtaja bi kjeren! Ama pošto dende si lenge desave tikne bukja ola gndinena kaj nane te oven došale te na kjergje nešto. Ko odova ola grešinena. Hulavibaja ple bakšišia, o Devel čhiven len ki kontrola e tabijateske. O izmekjari sa na istemalkjergja odova da jekh talanti odolea izneveringja ple gazda. Te dobinel sine em pandž talantia ov bi parunel em odola sar so parungja odova jekh so sine ole. Frdibaja odova jekh talanti sikavgja kaj frdela e devleskere bakšišia.

„Okova so si verno ko majtikno verno si em ko but” (Luka 16.10). O importantluko e tikne bukjengje si potcenime salde soske si tikne; numa i čačutni disciplina ko dživdipa ki majbari mera sikavel pe prekal tikne bukja. Ko hrtistijansko dživdipa nane nešto so nane

importantno. Amen ki bari mera ponižinaja amaro tabijati kana potcenina o tikne bukja.

„Okova so si napakjavutno ko majtikno ov si najpakjavutno em ko but”. Kana o manuš si napakjivalo trujal te kjerel pe em majtikne bukjake, peravel ple Tvorco tari buti em kjerel zijani korkoro peske. Taro plo napakjaviba cidela pe taro plo lačharipa, takati em zoralipa e tabijateske, kote šaj sine te resel baro prioriteti ko Devel. Hulavibaja taro Hristos ov si telal o iskušenia taro satana, a ko plo butikjeriba e Sikleske kjerela zijania. Sebepi so na legarel pe prekal o čačutne aktia ki pli tikni buti, Ov na šunel e Devel ni ko majbare bukja so si sar ekstra prioriteti. O greške so ov dozvolinelalen peske kana si ko pučibe o nevažna dživdipaskere bukja povtorinena pes em ko but poimportantno reonia. Počminel te legarel pe prekal o pravilia kote so sikhilo. Em akana palem kjerde odola aktia akana ovena sar navika, a i navika formirinel o tabbijati, a tabbijati odredinela oloeskiri jazija em ko akava vakti em ko savakti.

Salde respektiribaja o tikne bukja o manuš šaj te osposobinel pe te ovel pakjivalo em ko pobare em majdžovaplime bukja. E Daniele em oleskere amalen o Devel phanlalen e bare manušencar ko Vavilon resarinaja odola butdevlengere pakjavutne te zapendžaren pe e akten-car tari čačutni religia. Maškar odova idolopokloničko džiani o Daniel reslja buti te sikavel e Devleskoro karkateri. Sar kjergja te lel odobokhar uči em džovaplimi buti? Ple respektiribaja hurde bukjenge so formiringje oleskoro sasto dživdipa! O vazdingja e Devle em ko majtikne bukja em o Devel manglja te kjerel buti olea. E Danieleske me oleskere amalengje o Devel dengja olen „haviba em džanlipa sa e lilenge em gogjaver citatia. O Daniel havela sine so dikhela sine em o sune” (Daniel 1,17).

Sar so akhargja e Daniele te tasvirinel oleske ko Vavilon, agjara o Devel akaharel amende te tasvirina oleske ko avdisutno sumnal. Ko majtikne em o majabre pučiba ko dživdipa, Ov udžarel amender e manušendar te sikava o aktia taro oleskoro thagaripa.

Ko plo dživdipa ki phuv o Hristos, dengja mengje sar samaja (vnimanje) te pristapina premal o nevažna sitnice. Oleskoro ilo stalno sine stegime taro tovari e kurtalibaske e manušen. Ko vakti kana ikerel

sine propoved jali sasljarel sine, Ov ko agorutne granice simantre legarel sine sa o takati e gogjakoro em snagakoro a palem notiringja em o majtikne momentia ko dživdipa em ki natura. Oleskre majgo-gjaver propovedija sine okola so isi len prosto sikaviba em naturaja so sikavel o bare čaćipa e Devleskere thagaripaske. Ov na bistergia e dživdipaskre momenti em taro ple majskromno izmekjaria. Olesker kana šungje sako akharin baš i arka. Ov hošingja o astariba e navale romnjake maškar but džene, o majnežno astariba sine pakjiv kote reslja o džovapi. Kana irangja taro mulen e mule e čhija, ov olakere jerien potsettingja te den la te hal nešto. Kana ple bare takatea korkoro uštilo taro limoria, oleske na sine phare bare vnimaniye (samaja) te bangjarel em te čhivel ko than o kjefini kolea sine pakjardo. Sar hristijania amen siem akharde te kjera buti e Hristoja ko delo taro kurtaliba o ile. Odolea phanljam amen e dende lafea oleske. Te na kjergja pea kava akti odova sikavel kaj na pakaja ko Isus.

Ama te šaj bitina odoja buti amen valjani te dikha oleskoro misal te sikava predano hari sama prekal agjaar dikhle nabitno bukja. Baš odothe pašljola garavin taro pursakija ko sako reoni taro hristijansko zorikjeriba em presia.

O Devel mangel oleskoro džiani te resen o majučo basamako taro uspeh te šaj te bajrakjerel le e džanlipaja so reslja le olestar. Ko plo gudlipa Ov kjergja sa te šaj te sikava kaj amen dikhaja pošukar plani okolestar nego so leagrel pe i lumia. Amen mora te sikava kaj siem pobare ki intelegracija, ko haviba ki veština thaj ko džanlipa, soske pakjaja ko Devel em ko oleskoro takati te kjerel buti upral e manu-šeskoro viло.

Numa, na valjani te oven mazumlie okola so na astargje pobuter darbe. Neka kjeren okova so isi olen ko momenti, bare samaja neka dikhen sako rig taro plo tabijati, kjeribaja zori kaj o dvel ka zojrakjerel olen. Ko sako poteg ko dživdipa amen valjani te čhiva pakjiv em respekti, moram te buvljara osobine so ka den amen arka te agorkjera i dendi buti.

O nemarnost sar tabijati amen valjani te palda le amender. Buteder vakjerena kaj o bistesriba si sar izgovor kana nešto na kjeraja šukar buti. Numa, ola nee li obdarujme gogjaveripaja sar so si o javera da?

Te sine agjaar, tegani valjani te disciplinirina amari godi te pamtinel. Bezeħ si te ovel manuš bisterdo, bezeħ si te ovel manuš nemarno! Te lelen i nemarnost sar tabiati, lokhesti šaj te oven nemarno em kurta-libaske tumare ruheske em ko agor šaj te zojrakjeren kaj na sien haz'ri bašo develskoro thagaripa.

O tikne bukja valjani te oven nakhavde bare čačipaskere aktencar. Em ko majtikne bukja ko sakodiveseskoro dživdipa valjani te čhivel pe praktikani religia. Majbaro tabijati sako manušeske si bizo uslovija te šunel e Devleskoro lafi.



E Daniel eske amalengje
o Devel dengja olen džanlipa em
gogjaveripa ko sa o lila em
gogjaver vakjerina



Sebepi so na bavinena pe desave direktno religiakjere bukjaja, buteder esapinen kaj dživdinien ko desavo džabaluko dživdipa, kaj na kjerien khanči te šaj te bajraren e devleskoro thagaripa. Numa ola si ko hovavipa. Te kergje desavi buti so valjani te kjerel pe, na troman te došakjerenpe korkoro peste, kaj si haljazija ki bari devleskiri familia. Ola na troman te pomukhen ni o majtikne bukja. Sako čače buti si sar blagoslov. O pakrajbe ko asavke bukja šaj te sikavel kaj si haz'ri pobare da bukjengje.

Kobor te ovel skromno, sako kjerdo akti e devleske kjerdo dende viloja ko oleskere jakha si astardo sar majbari kjerdi buti. Ni jekh but nane tikni te sine kjerdi čače viloja, em bahtaja ko ruhi.

Kote da te arakhļoven, o Hristos akharel tumen te astaren sako dendi buti. Te sine odova ko tumaro kher, kjerien zori šukar voljaja tumaro kher te kjerien le lačeske akale bukjake. Te sine daj te vospipi-

Kana o Isus vazdingja taro mulen e
Jaireskere mulečija, olakere jerijen
ge vakjergja te den ola te hal něsto.



tinel te čhaven e Hristoske, Odova si isto but bari buti e Devleske kober o delo taro pastori kana propovedinela. Te kjergjen buti ki kujna, keren zori te oven perfektno kuvari jali kuvarka. Keren zori te keren sasti, hranlico em lačho hajbe. Em sar so lena o majšukar začinia hajbaske, sako drom keren tumare gogjake te parvaren len majšukar deloncar. Te sien sine bavčandžia jali javer zanati keren zori te resen so pobaro uspeho ki odoja buti. Posvetinen tumen sa tumare teloja en mahoja ki buti so kjerena ola. Ki sako tumari buti tumen sikaven e Hristose. Oven asavke sar Ov so bi kjerel te ovel ko tumaro than.

Kobor te ovel tikno tumaro talanti, e Devle isi le than em oleske. Odova jekh talanti gogjavereste kjerdo ka kjerel i buti so dengja la tumengje. Kana siem pakjivale ko tikne bukja, amen kjerena buti premal dopheriba, a o Devel kjerel premal o plani taro razmnožiba. Odola tikne bakšišia ka oven sar majkuč presie ko oleskoro akti.

Ko sa so kjerena amare majtikne bukja, neka ovel čhivdi galbeno reska tari dživdi pakjiv. Odolea amare sakodiveseskere butikjeribaja ka kjerena amare hristijansko bajrari paske. Stalno ka dikha e Isuse. O mangjipa premal leste ka čhivel amengje dživdikani pakjiv ko sa so kjeraja. Odolea so čačutne kjeribaja buti amare talentencar ka phana amende e galbeno sindžirea e havajakere lumijaja. Odova si o sikaviba kaj čačutne posvetinaja amen, soske o posvetiba si bahtalo kjeriba sakodiveseskere bukja perfektno šunibaja premal Devleskiri mangin.

Ama isi but hristijania so panda udžarena te del pe lenge desavo baro delo. Em sebepi so našti aven dži ki desavi pobari pozicia so ka čaljarel olengoro ego ola mukhen pakjivale te pheren em o najnormalno dende bukja kote dromaldan vakjerdo olen odova ni interesirinela. Taro dive ko dive ola mukhen i šansa te sikaven pli pakajiv premal o Devel. Em dži kote adžikerena desavo pobaro akti o dživdipa nakhela em olenigiri resarin ačhola nareslo a olengoro dživdipaskoro akti nadokjerdo.

Umnožime em irame talantia

„Palo lungo vakti alo o gazda e izmekjarengoro em manglja te kjerel plo esapi olencar.“ Kana o Devel ka rodel o esapi taro ple izmekjaria, ka esapinel plo kja taro sako talanti. Prema i bitimi buti ka oceninelo tabijati taro sako bukjarno. Okola so primingje pandž jali duj talantia e Devleske ka iranen pe odola barabar e kjarea so astargje. O zasluge nane te len len peske. Sa olengere talantia sine lenge dende te istemalkjeren olen; ola kjergje kjari sebepi odolencar so sine lenge dende. Ola haven kaj kjergje salde pli buti. O kapitali si e devleskoro; em o kajri si oleskoro. Kana o Spasiteli na bidel plo mangipa em gudlipa ola bi oven našavde savakteske.

Numa, kana o Devel ka priminel e talanten, falinel olen em nagradinel e bukjarnen premal o zasluge so preperen salde olenge. Oleskoro muj si bahtalo. Ov uživinel te čhorel ple šukaripa upral olende. Sako buti em sako izjava ov del phursakona kaj si dužno, numa soske oleskoro vilo si pherdo mangipaja thaj gudlipaja.

E izmekjarengje vakjerela: „But šukar kjerdo, šukar em pakjivalo izmekjari! Hari sian sine pakjivalo, ka dav tut but, khuv ki baht taro tlo rajoro!“

O Devel lel salde i pakjivali em mangipaja kjerdi buti. Sako postrek taro Svetu Ruhi so e manušen legarel sine premal o šukaripa, solea angja len paše e Devlea, notirime si ke havajakjere lila. Ko Develskoro adalati ka ovel sako falimo so sine kjerdo prekal o Svetu Ruho. Ola ka khuven ki baht taro plo gazda em ka len than odothe kana ko oleskoro thagaripa ka dikhel okolen so si otkupime olengere butikjreibaja. Ola ka oven len prioriteti em odothe da te len than ko oleskoro

Te sijen sine daj sīkaven tumare
čhavem baš o Hristos. Panda taro
tilkne pre sīkaven len tarī Biblijā.



akti, soske odoleske osposobingje pe kjeribaja buti akate ko oleskere delo. Ki amende ki havaja ka dikhel pe okova so akana dikhel pe akate ko amaro tabijati em ko amaro butikjeriba e Devleske. Kjeribaja lafi baši peste o Hristos vakjergja: „Agjaar sar so o Čhavo manušikano na alo te sajginen leske numa, te sajginel” (Matej 20,28). Odoja sine oleskoro delo ki phuv a odova si oleskoro delo em ki havaja. Amaro phursako so kjergjem buti e Hristoseja ko akava sumnal ka kjerel panda pobaro takati em pobaro pašipa te kjera buti olea em ko sumnal so ka avel.

„A kana alo okova so sine le jekh talanti, vakjergja: ,Gazda džangjum kaj si strogo manuš, kaj žneine kote so na seingjan, em khedeja kaj so na veingjan; darandiljum; pa geljum em garavgjum o talanti ki phuv. Ake tuke tlo !”

Agjaar kjerena o manuša sar opravdanje kana bistren e Devleskere bakšišia. Ola e Devle dikhen le sar lošno tirani so kjerel sa te arakhel olengere greške em te kazninel olen. Ola došperaven le kaj olendar rodelna nešto so niket na dengja olen kaj žneinel odothe kote niket na seingja.


Buteder vakjerena kaj o Devel si pharo rajorno soske isi le nijami ko olengoro mali em olengoro butikjeriba. Ama našti amen te da e devle nešto so nane oleskoro. O thagar David vakjergja: „Tutar tano sa, em sar primingjam taro tle vasta, dengjam tut sa” (1.Dnevniko 29,14). Sa preperel e Devleske, na salde o kjeriba em o otkup da. Sa o šukaripa so dobina ja taro Devel ko akava dživdipa em ko dživdipa

so ka avel legaren o štembili taro trušol tari Golgota. Odoleske neosnovano em hovavno si o došperaviba kaj o Devel si "strogo" gazda em žneinel kaj so na seingja.

Trujal so nane nijamalo, o gazda na iranel i došperavin taro lošno izmekjari, numa sajginela pes oleja te sikavel leske kaj oleskere maniria našti opravdinen pe. Sine em varijante em drumia o talanti te istemalkjerel pe em te anel kjari ple gazdaske. Odoleske o rajo vakjerala: „Valjani sine te de mo rupuj e menuvačengje em me, palo iraniba ka lav sine mlo kjari da!”

Amaro havajakoro Dat na rodel ni pohari ni pobut taro okova so dengjamen te kjera. Upral o dumo taro plo izmekjarija Ov na čhivel tovari so ola našti te legaren le. „Soske džanelia but šukar sar siem kjerde, setinel pe kaj siem praho” (Psalm 103,14). Sa so Ov rodelia amender Devleskere šukaripaja amen šaj te kjera odova.

„Sakonestar so si dendo but, but ka rodel pe” (Luka 12,48). Amen individualno ka ova akahrde ki odogovornost te kjergjam salde jekh crta pohari taro okova soske siem sine kad’ri te kjera. O Devel točno džanel sako so šaj te kjerel. O naistelmalkjerde šajsarina ka čhivel pe amengje ko konto isto sar okola da so istemalkjergjem olen. O Devel ka akharel amen ko džovaplipa baš o sa okova so šaj sine te kjere em te ova kana čačutne ka istemalkjera sine amare talantia. Amengje ka adalatinel pe em okoleske so na kjergjam, a šaj sine te kjera, em soske na istemalkjergjam amaro džanlipa te šaj te vazda e Devle. Em te na našavgjam amaro maho amen duri em ko savaktia ka šaj realno te



O Ius na alo ko akava sumnal te
sajgnen oleske, numa Ov te
sajgnel e manušengje, te tovel o
pre taro ple sikkle.



devleskere
LAFIJA

dikha sa o posledice taro amare naistemalkjerde talantia. Sako džanlipa so šaj sine te resa, a na reslem le sako džanlipa so šaj sine te buvljaral, a na buvljargjam ole, ki havaj ka hramosarel pe sar savakte-skoro našavipa.

Ama kana amen sa ka da amen e Devleske em kana ko amaro butikjeriba dikhaja oleskere legripa Ov lel upral peste o džovaplipa baši amaro uspeh. Ov na mangel amen te prepostavina savo uspeh ka resa, amare iskreno zori kjerdo. Nikana na troma te dikha kaj ka kjera nesavo neuspeh soske kjeraja buti Okolea so na džanel so si našavipa.

Amen na valjani te kjera lafi amare maanengje em na kadribaske. Odolea šaj salde te sikava kaj nane amen pakjiv ko Devel, em frdaja oleskoro lafi. Kana mrmljinaja sebepi amare tovaria jali na priminaja o džovaplipa so dengja amen o Devel amen odolea vakjeraja kaj Ov si pharo gazda, em kaj amender rodel a nešto so na dengja amen butder takati.

But drom amen siem naklonime o stavi taro khanduvalo izmekjari te proglasina le sar skromnost. Ama i čačutni skromnost si but javer čhane. Te ova skromne naznačinel kaj valjani te ova kepecija ko inetelekti, bizi mangjin bašo progresi, kaj valjani te ova sar kukavice darutne ko dživdipa, te naša taro pharipa em okova so valjani te kjera na kjeraja tari dar, kaj našti te legara amen uspešno. I čačutni skromnost ikjerel pe upral e Devleskoro takati em but bahtale pherela oleskere nietia.

O Devel lel alatia so korkoro alusarel le. Ponesavo drom istemal-kjerel le o majskormno alati te šaj te kjerel i majbari buti, soske oleskoro takati majšukar arakhel pe ko slabost ko manuš. Amende isi amen desave normativia premal kaste šaj te vakjera kaj si baro, jali tikno; ama o Devel na legarel pe premal amare normativia. Amen na troma te gndina kaj amengje te dikhlja pe baro odova si baro em e Devleske; jali okova so dikhel pe amengje tikno, tikno si thaj oleske. Nane amengje mukhel amen te dikha amare talantia jali te birina amengje amari buti. Amen valjani te la o tovaria so dengja amen o Devel, te legara len sebepi oleskoro em sako drom olestar te roda kana mangaja hari te odmorina. Bizo fakti savi si i buti, e Devle slavina ki bahtali misa saste vilea. Oleske si milo kana amari buti legaraja la ko šukjuripaja, bahtale soske siam dostochno oleskere butikjeribaske.

Lendo talanti

Upral o khanduvalo nabukjarno izmekjari vakjerdi si prasiv: „Len lestar o talanti em den okoleske kaste isi le deš talantia!“ Odole la-fencar, sar em ked del pe phursako e pakjivale izmekjareske havljardo si na salde šajdipa bašo phursako e definitivno adalateske, numa em o procesi taro pohari iraniba prekal o zasluge panda ko akava dživdipa. Okova so si kanuni ki lumia e naturake, si kanuni em ko ruheskiri lumia. Sako nakjerdo šajdipa(uslov) ovela but slabo na zoralo em ko agor našavgjovela. O aktivnost si kanuni dživdipaske, a o na bukjarnipa si meriba. „Ama sakone si dendo projava e Ruheske bašo sasto hairi“ (1.Korinkjania 12,7). Kana ka kjeren pe ko šukaripa sarinengje e Devleskere bakšišia oven pobuter. Kana ka parunen pe te šaj sajginen salde e gazdaske, ola tikjnaren pe em saste našavgjoven. Okova so na mangel te hulavel okova so si oleske dendo, ko agor ka dikhel kaj nane da so te hulavel. Ov mukhlja pe ko procesi so pohari kjerel le poslabo kislo em ko agor saste ka zijankerel oleskoro sasto ruhi.

Khoni ma te gndinel kaj šaj te dživdinel sebično dživdipa, em tegani kana ka čaljarel ple sebično interesia, ka khuvel ki baht taro plo gazda. Ola našti len than ki baht tari nasebično mangipa. Ola našti ni dživdinen ko devleskere apartmania, soske ka našti te ceninen i užo atmosfera e mangipaske so dela i havaja. Olen nane te čaljaren

O apostol Pavle dobingja bare
daria, talentija, taro Devel em but
pakjavealeste em bizi dar sa dži ko
agortaro plo dživdipe propovedi-
ne sine o evangelle



ni o gilja taro melaikija, em i muzika taro olengere harfe. Olengere gogjake e havajakiri nauka ka ovel sar majphari enigmatika so našti te rešinen ola.

Ko baro adalatimo dive sare okola so na kjergje buti e Hristoske, so džan sine upre-tele, frdibaja sa o džovaplime dende bukja dikhiba-ja salde peste em čaljaribaja salde peste ka oven ikavde a na anglal o adalati ki sasti phuv sarinencar so kjeren sine zulumia. Ka ovel lenge andi jekh a jekh presuda.

Buteder okolendar so vakjerena kaj si hristijania zanemaringje e devleskere rodaripa, a nane ni svesno kobor si odova riziko. Ola džanen kaj o hulnikia, okola so mudarena em okola so si preljubnikija ka ovel olen kazna. A so legarel pe dži ki olende korkoro, ola uživinen ko religiakere obredia em bahtale šunena kana kjerel pe lafi bašo evangelie em odoleske ola si sar hristijania. Numa, soske sa plo dživdipa dikhen sine sal peste, ka oven odobokhare iznenadime kobor so em o nabukjarno izmekjari kana ka šunen i presuda: „Len olestar o talanti !” Sar so em e Jaudienge em ola da hovavgja olena kaj isi len sebično niami te lošalen ko resle dobime šukaripa taro Devel ko than te hulaven olen javerencar.

Buteder so vakjerena kaj našti sine te len than ko hristijansko aktivitetia vakeribaja kaj našti te kjerem buti. Ama dali o Devel kjergja len ma te šaj te keren buti ? Na nikada ! Odova naštipa si sar posledica olengere naaktiviteti em taro olengiri andi odluka(prasiv). Em panda akan ka dikhel pe i andi presuda: „Len olestar o talanti !” odova

savkateskoro zapostaviba o talanti so reslja ki olende gušingje o hango taro Svetu Ruhi so si jekhutno haing tari roš. Presuda: „E nabukjarne izmekjare frden le ko agorutno karanluko kaj so ka ovel vika em čkrtiba dandencar !“ – devleskere štembilea ka štembilinen i alosarin so korkoro kjergje ole, alusar so angje ple savaketskiri jazija.

Bišušofto šero

„KJEREN TUMENGE AMALA PREKAL NA NIJAMALO BARVALIPA“

(Akava šero si kjerdo premal e Lukaskoro evangelie 16,1-9)

OHristos alo ko vakti kana maškar ko manuša sine buteder akale lumiakoro ruj. Ola o akanutno em o nakhavdo moldinen sine le pobuter taro avutno em savakteskoro. Olenge o prividno sine čačutno, a o čačutno prividno. Na resen sine pakjajbaja te akcentirinen o lačhipa e nadikhle lumiake. O magična momentia taro akava dživdipa o satana sikavel len sine sar majšukar momentia, adalea so okupiringja olengere gogja em kjergja te pomukhen anglal o iskušenia.

O Hristos alo te iranel odova pharo hali. Ov manglja te phagel odova magično zoralipa akale dživdipaske kote o manuša sine kojrarde em zavedime. Ov pe gogjaver vakjerinencar mangela sine te kjerel harmonia maškar o del em i phuv, o gogja e manušengjere te legarel taro akanutno ko avutno vakti. Olendar rodelia sine te iranen pe ma te prastan palo akanutno barvalipa thaj te oven bašo o savakteskorop dživdipa.

Ov plo lafikjeriba startujngja le agjaar: „Sine peske jekh barvalo manuš so sine le nastojniko kaste došpervagje le angla te hulavel oleske o mali.“ O barvalo sa plo mali dengja le oleske, ple izmekjareske; numa o izmekajri sine hovavno em o gazda havgja kaj ov corela le. Na manglja te ikjerele ki buti em vakjergja te kontrolirinen pe sa o kontia. „So šungjum tuke? - vakjergja. Dema o kontia taro tlo legaripa, soske nane te ove pobut postredniko!“

Ked dikhla kaj ka ovel frdimo tari buti o izmekjari dikhla kaj isi le salde trin šajsarina. Ka valjani te kerel buti, te mangel devlenga jali te ačhol bokhalo. Em tegani vakjergja korkoro peske: „So te kjerav

ake o gazda ka lel mandar i funkcia? Te randav? Na sium kad'ri! Te mangav devlengje? Ladžava! 'Džanav so ka kjerav te šaj te priminem ma ko ple khera kana ka palden man tari buti. Ov akhargja sa e borčlien pe gazdaske–sekone hulavde posebno. E avgo vakjergja olesake: „Kobor sian borčlia me gazdaske?“ A akava vakjergja: „Sel meria jejtini.“ Ov vakjergja oleske: ,Le i priznanica beš em hramon-pinda!“ Palo odova vakjergja e dujtuneske: ,Tu kozom sijan borčlija?“ Ov vakjergja: „Sel meria giv! Em oleske vakjergja: ,Le i priznanica em hramon oftovardeš!“

Agjaar akava hovavno izmekjari čhivgja andre em javeren ko plo hovavipa. Ov čorgja pe gazda ko hairi oleskere borčlienge. Ola da astargje akaja varijanta, em dengje lafi kaj ka priminem ole ko ple khera sar amal.

„A o gazda falingja e hovavne izmekjare kaj kjergja gogjaver buti.“ O akale lumiakoro manuš falingja le kaj si but gogjaver e manuše so corela le sine. Numa o faliba taro barvalo na sine Devleskoro da faliba.

O Hristos na falingja e hovavne izmekjare ama složingja pe akale momentea em akcentiringja akaja gogjaver vakjerin so manglia te vakjerel ola: „Arakhen tumengje amalen prekal hovavno barvalipa, em kana nane te ovel ole te udžarel tumen ko savakteskoro kher!“

O Fariseia ukorinena sine e Spasitele so heminel pe ko danočnikia thaj okola so si bezehencar. Ama odova na tikjnargja oleskoro ineteres premal olende thaj oleskoro zorikjeriba olenge. Ov dikhlja kaj olen-goro sako divesa legarel olen taro iskušenie ko bilačhipa. O avgo piro šaj te kjerel le lokheste ama palo odova perela ko pobaro hovajbe em pohor hovavnipa.

O Hristos ko sako čhani kjerela sine zori te šaj te sikljon te kjerem uprine aktia em pošukar kotora. Asavko nieti sine le anglal oleste em kana vakjerel sine akala misala e hovavne izmekjareske. Maškar o aračlie sine asavki buti sar so sine vakjerdi angleder ki parabolako Hristoskoro vakjeriba em ola prependžargje odova maniri. Olengiri sama sine irami em prekal i vakjerdi forma bašo o hovaviba em buteder olendar ikavgje hor iloskiri poruka.

Ama akava misal anglal sa sine vakjerdo oleskere siklengje. O kvasaco taro čačipa majanglal sine dendo okolenge so valjani sine te

"So šunav tuke?" de esapi te
legaripaske soske pobut našti te
ove nastojniklo!"



Odevelskere
LAFIJA

vakjaren akava e javerengje. Buteder gogjaver vakjerina taro Hristos ko starti na haven len sine em but drom sine dikhle sar bisterde. Numa telal i presia taro Svetu Duho odola gogjaver vakjerina palo odova ovena sine dživde ko olengere memorie but jasno dikhibaja em dživde vakjeren len sine ko neve sledbenikia so aven sine ki khangiri.

O Spasiteli vakjergja e Fariseenge. Na našavgja i pakjiv kaj upral olende da ka ovel o takati taro oleskere lafia. Buteder olendar sine hor osvedočime a kana palo odova šunena sine o lafia e čačipaskere vakjerde prekal o dekreti taro Svetu Duho ulo e Hristoskere sikel.

O Fariseia kjeren sine te peraven e Hristoskoro respekti došperavibaja kaj ov si amal e aračliencar em okola so kjerena bezeha. Akana ov odova ponižiba legarel len premal olende sar tužime. I pojava so džanel pe kaj sine maškar o aračlie Ov vakjergja la angla o Fariseija sar slika olengere manirenge em jekhutno čhani korokoro te dikhen ple bezeha.

O materijalno šukaripa taro o baro sine dende olenmge e hovavne izmekjareske te istemalkjerel ko humanitarno resarina ama ov lejla len peske. Odova ulo em e Izraelea. O Devel alusargja o potomstvo e Avrameskoro. Ple zorale vaste sikavgja e Izraelcon taro egipetsko robluko. Čivgjalen sar manuša so ka arakhen o baro avutnipa em te oven taro hairi e lumiake. Olenge dengja plo dživdo Lafi resarinaja i roš e čačipaskiri te legaren taro jekh ko javer. Numa oleskere nastojnikia odola baksija kjergje len peske te barvaloven em te vazden korkoro peste.

Ola hor uverime ki pli nijamalina, o fariseija bilače istemalkjergje o lačhipa so dengja len o Devel te šaj kjeren oleskere baripaske.

O izmekjari ki akaja parabola ov kjergja ple avutnipaske. Odolea so ki godi sine o akanutnipa o šukaripa so sine leske dende em o šukaripa taro Devel javerenge te lel len peske. Kana sine frdimo tari buti oleske na ačhilo khanči. Ama o šukaripa taro oleskoro gazda panda sine leske ko vasta em kjergja te šaj arakhel peske majšukar avutnipa. Te šaj kjerel odova ova kjergja nevo plani. Ko than te khedel peske ov dela sine javerenge.

Odolea manglja te resel e amalen te šaj oven olea kana ka ovel mukhlo tari buti. Odova sine em e farisiencar. Ko sig valjani sine te lel pe olendar i povereničko buti em ola valjani sine te kjeren sa bašo plo avutnipa. Ola peske šaj sine te kjeren arka salde te kjergje šukaripa javerenge. Salde hulavibaja e Deveskere šukaripa ko akava dživdipa šaj sine te arakhen peske o savakteskoro džvdipa.

Kana vakjergja akava misal ki akaja parabola o Hristos vakjergja: „Soske o čhave akale lumiake si but džanle premal ple paše taro o čhave e rošake!“ Odova sikavel kaj o džanle manuša sikavena buteder gogjaveripa peske a na okola anvkjerde sar Devleskere čhave ko butikjeriba oleske. Odova sine ko vakti taro e Hristoskere divesa. Agjaar si avdice da. Dikhen o dživdipa taro javera da so vakjeren kaj si hristijania. O Devel dengja len džanlipa takati presia, baro kati taro otkup. Sa olekere bakšišia valjani te kjeren pe sar gudlipa e manušipaske, te tiknjarel pe em amortizirnel o chidljaripa em o čorolipa. Amen da valjani te parvara e bokhalen te urava e nangen, te dikha e udovicen em e čorole čhaven te da gajreti e mazuminkjerdengje em te kjeran buti e ponižimengje. O Devel nikend na mangel sine o nanipa te buvljargjovel odobokhar ki lumia. Ov nikend na manglja ni jekh manuš te ovel le but barvalipa e dživdipaske a javer čhave te roven mareske. Okova so nakhavgja o limiti so valjani leske dživdipaske sine dende e manušeske te kjerel šukaripa, te anel gudlipa e manušipaske. O Devel vakjерela:

“Bikinen tumaro mali em den len sar ked dena milostinja“ (Luka 12,33). O hristijania valjani te oven haz’ri „te keren šukaripa, te oven barvale ple šukaripaja te den kobor so isi olen“ (1 Tomotej 6,18).

„Kana dejahajbaske em pijbaske akhar e čorolen, sakaton, invalidia em korolen“ (Luka 14,13). „Akava posti so si mange prekal i mangjin te phage o napravedno prangie, te phrave o pertle taro jaremi, te mekhen e ponižimen, te phage sa o prangie, te hulave to maro e bokhalenge te anel len telal tlo kher te urave okole so ka dikhe le kaj si nango“ (Isaija 58,6.7.10).

„Džan sakote ki lumia em vakjeren o evangelie sakoneske“ (Marko 16,15) – odola si e Devleskere dekretia. Dali buteder taro agjaar anavkjerde hristijania kjerena odova?.

Mazunipaske pobuter hristijania e Devleskoro gudlipa len le peske! Koboro isi asavke so ko kher čhiven panda jekh kher ki phuv čhiven panda jekh phuv! But olendar o love hardžnen bašo uživiba čalipa e apetitenge ko bare khera nameštaj, šeja dži kote olengere paše mukhle si ko čorolipa, nasvalipa em meripa, bičahvde salde ko zulumluko. Milja preperena bizo jekh javere te dikhel bizo desavo lafi kuraži em gajreti jali gesti taro mazumluko.

O manuša si došale so čorena e Devle. Lejbaja sa odova peske sebično ola peraven e Devle taro baripaso bi ovel kana ola ka kjerena ma te ovel odobokhare baro cidljariпа maškar o manuša em te kurta-linen pe pherdo ruhia. Ola ko than odoleske ola peravena o šukaripa so dengja olen Ov. Odoleske o Devel vakjerala: „Ka avav ki tumende ko adalati em ka ovav haz’ri sar tasvir... mujal okola so čhinena tari plata e bukjarneske, tari pivli o čorolo čhavo mujal okola so gazinen upral o jabandžie a na daran mandar!“ „Tromal li manuš te kratinel taro Devel? A tumen kratinen mandar em pučena: „Ko so kratinaja? Ko desetok em ko prinosija. Khuvde sien haramlukoja, soske ikjerena tumende adava soj mro tumen em sa o džiani“ (Malahija 3:5.8.9). Aven akana tumen o barvale!.. Tumaro barvalipa kinardilo, o molcia hale tumare šeja. Tumare galbenoja paslajngje, a olengiri r’gja si svedoko mujal tumende... Tumaro barvalipa phergjen ole ko agorutne divesa, Ake o akluko e bukajrnengje so žneingje tumare nive a so čhinavgjen olendar em i čingar taro žetvaria ale dži ko kana e Devleske upreder o askeria (Jakov 5,1-5). Sakonestar ka rodel pe te del esapi te vakjrel kaj dengja o barvalipa so sine leske dende. Ko adalatno

dive sa o barvalipa so kjergje o manuš nane te oven moldime. Tegani nane te ovel olen olengoro khanči so ka šaj te vakjeren kaj si olengoro.

Okola so sa plo dživdipa naklje ole ko khediba akale lumiakere baravlipa, sikaven pohari gogjaveripa em sekiracia ple saste barvalipaske taro hovavno manuš ki parabola so dikhel sine akale phuvjakoro barvalipa. Odola devleskere čhave si pohari gogjaver taro o čhave tari akaja lumia ko akala kustika. Olenge si legarde o lafia so vakjergja o proroko dikhibaja o adalatno dive. „Ko odova dive o manuš ka frdel ple idolja taro rupuj em o idolia taro galbonja so kjergje te teljaren pe e krtonge em liljakonge. Ka našen taro pešterakjere rupe em phajrade thana ko bara ko karpe tari Devleskiri dar anglal o šemšeko taro oleskoro baripa kana ka uštel te tinanel i phuv“ (Isaija 2.20.21). „Arakhen tumengje amala prekal napravedno barvalipa em kana nane te ovel tumen te udžrel tumen ko tumare savak-

O Isus akharel amen: "Kana deňa
habaske, akhar e čhorolen, e ban-
glen, e invaliden em e korolen."



teskoro kher!“ - vakjergja o Hristos. O Devel, o Hristos em o melaikija barabutne sikavena em dena arka em pherel o potrebe taro sa okola so si mazuni, so cidena em okola bezechencar. Den tumen e Devleske thaj kjeren oleskoro delo, em istemalkjeren oleskere bakšišia resarina-ja tumen da te oven partenria e devleskere bitienge. Tumaro ilo ka khuvel barabutne olengere ile kherengje nane te oven pobut jabandžie. Kana ka nakhel akaja phuv em sa so si ki late, o stražaria anglal e devleskere udara ka mangjen tumengje šukar aviba.

Okova so istemalkergjen sar gudlipa javerengje ka anen hairi. O barvalipe so ka istemalkjerel pe šukar ka anel baro šukaripa. E Hristoske ka oven andre but šukar iloja. Okova so džala palo Hristoskoro plani ko plo dživdipa ko devleskere aprtmania ka dikhel pe majpašencar so kjergja buti olenge em gelo kurbani e phuvjake. Okola o otkupime šukrikjerinaja ka liparen okolenge so sine sar alatka olenge-re kurtalibaske. I havaj ka ovel but šužo sarinengje so sine bukjarme te kurtalinen e manušen.

I pouka taro akava misal si sarinengje vakjerdi. Sako ka ovel džovaplime bašo bakšišia taro šukarin so lelja len prekal o Hristos. O dživdipa si but bitno te mukha ole bašo nakhavde em akale phuvjake-re interesia. O Devel rodeli amendar e javerengje te ana okova so korkoro havgjem taro o Savakteskoro em o Nadikhindo.

Sako berš baro numero mlionia manuša džana ko savaktipa nao-pomenime em našavde. Sako momenti ko amaro dživdipa dela pe amengje šansa te resa olen em te kurtalina amare ile. Odola šanse sikaven pe em našaven pe ko sako momenti. O Devel mangjel te kjera len ko majšukar čhani. O dive, o kurke, em o masekoja nakhena a amen stalno isi amen divesa kurke, masekoja pohari te agorkjera te bitina i buti. Majšukar varijanta si kana bašo desave berša ka šunel pe o hango kote ka valjani te šuna olen: „De esapi baši tro upravibe!“

O Hristos akharel sakone hulavdo te gndinel. Kjeren fer esapi. Ki jek rig čhiven e Isuse, so si savakteskoro barvalipa, dživdipa, čaćipa, i havaja thaj e Hristoskiri baht bašo kurtalime ile, a javere rigatar čhiven sa okola leskoro bukja so del tumen akana i lumia. Ki jeg rig čhiven tumaro našavdo ilo em o ile okolenge so šaj sine te oven sar alatka te kurtalinen pe, javere rigatar ko tumaro em olengoro anav, o dživdipa so šaj ple traiba šaj te merinel pe sar Devleskoro dživdipa. Kjeren paralelea okolea so nakhela em okova so si savkteske! Em dži kote dikhena sa odova o Hristos ka pučel: „Savo hairi isi e manuše te dobinel sa i lumia, a kjerel zulumi ple ileske?“ (Marko 8,36).

O Devel mangjel ko than akale phuvjakoro em okova so nakhela te alusara e havajkoro em savakteskoro. Ov dela šansa amaro barvalipa te uložnale ki havaja. Del amen motivi te dža ko majuče resarina em te arakha amengje o majskupo barvalipa lafencar: „O manuš ka

ovel panda majmoldime nego o užardo galbeni, maj moldo taro ofirsko galben“ (Isaija 13,12). Kana ka našavgjojen o barvalipa so hala len o molcia so ruminel o paslakjia, e Hristoskere sledbenikia ka lošalen devleskoro barvalipa, barvalipa so našti te properel.



Pošukar taro sa o amalipa ki lumia si o amalipa e Hristoskere otkupnikia. But pošuze taro majluksuzno palate ki akaja lumia si o apartmania e Devleskere so kjergja len kurtlibaske. Em pošužo tari sako akale lumiakiri falba ka oven o lafia taro Spasiteli čigarde dži ko oleskere pakjivale izmekjaria: „Aven blagoslovime taro mlo Dat oven kotor taro thagaripa so si kjerdo tumengje panda kana kerdilo o sumnal“ (Matej 25,34).

Okola so hulavena em frdena odova barvalipa o Hristos majodorig dela šansa te resen dži ko savakteskoro barvalipa. Ov vakjerela: „Den em ka del pe tumengje!“ „Kjeren tumengje gonoja so na purangjovena, baro barvalipa tari havaja, kote čor našti avel thaj ni molco šaj te hal“ (Luka 6,38; 12,33). „De dekreti sa e barvalengje tari akaja lumia... te kjeren šukaripa te oven barvale em šukare aktencar te den but; te kheden barvalipa peske sar temeli bašo šukar avutnipa, te resen čačutno dživdipa“ (1. Timotej 6,17-19).

Odolea tumaro mali ka resel tari havaja angla tumende. Čhiven tumaro barvalipa trujal e Devleskoro troni. Astargjen tumenge niami

E Hristoskere sledbenikija si
bahale si baš e havajakere
balalipaja, so na halle o molco thaj
na ruminela le o paslako.



bašo o baro Hristoskoro barvalipa. „Arakhen tumengje amalen prekal napravedno barvalipa em kana odole barvalipa nane te ovel te udžarel tumen savakteskere thana dživdipaske.“

Bišueftato šero

„KO SI MRO MAJ PAŠE?“

(Akava šero si kjerdo premal e Lukaskoro evangelie 10,25-37)

Maškar o Judie o pučiba „Ko si mlro maj paše?“ kjerel sine sa-ko drom čingara. Ki vrska maškar okola so pakjana sine ko buteder devela em Samaranija na sine nisavo hulaviba. Ola olenge sako drom sine jabandžie em dušmania. Numa sar te čhivel pe granica maškar pli nacia em sar te hulaven pe o manuša ko najek sasoitnikane klase? Kaste o svešteniko o rabini jali o šerutno sar ple maj pašutne? Ola sa plo dživdipa nakhle kjeribaja ceremonie te šaj te klasificirinen olen. O astariba e nagogjaver thaj natabijatlia butipa, agjaar ola dikhen sine ko bukjja, kjerel e manuše bezechencar em oleske valjani baro zori te šaj te na ovel bezechencar. Zarem valjani odola „melale“ te dikhel olen sar ple majpašutne?

Ko akava pučiba o Hristos dengja džovapi ki parabola bašo o šukar Samrjani. Ki parabola Ov sikavel te ovel pe pašutno nekaske na valjani salde te ove preperutno ki jekh khangiri jali isto religia. Te ovel pe pašutno na legarel pe ni jekhe rasake, i boja tari mortik, opstesveno klasa. Amaro pašutno si sako manuš kaske valjani amari arka. Amaro pašutno si sako ilo so si ratavradi dukhavni jali peravdi taro amaro dušmani i satana. Amaro pašutno si sako bitie so preperel e Devleske.

I parabola e šukar Samarjaneske si vakjerdi sar džovapi ko pučiba so dengja le desavo kanunisti e Hristoske. Ko vakti kana ov kjerel sine lafi, „uštilo jekh tumači taro kanuni za te dikhel kobor džanelia em pučlja: „Siklea, so valjani te kjerav te šaj te astarav savakteskoro dživdipa? O Fariseia čhivgje akale manuše te pučel akava pučiba mangipaja te astaren e Hristos bašo lafi em zorale udžaren sine oleskor-o džovapi. Ama o Hristos na mukhlja pe ki debeta. Rodingja o

kanuniko te del džovapi. Pučlja ole: „So so hramosardo ko kanuni? So drabargjan?“ O Jaudie stalno došakjeren sine e Isuse kaj lokhe gogjekere legarel pe premal o kanunia so kjergja olen o Sinaj. Ama ov, o pučiba taro kurtaliba pravgale le e ikjergale taro Devlikane kanunia.

O kanuniko vakjergja: „Mange te Bare Devle sa te ilea, sa te ruhoja em sa te zorea em te gogjaja em te majpašutne sar so mange tute korkoro!“ O Hristos falingja ole: „Baš šukar dengjan o džovapi! Kjer odova em ka dživdine!“

O kanuniko na sine načalo e dikhibaja taro butikjeriba taro fariseia. Ov dikhel sine o Lila e manginencar, te šaj havel olengoro čačutni smisla. Čače interesiringja ole akava pučiba, pa ozbilno pučlja: „So te kjerav te šaj te ovel ma savakteskoro dživdipa?“ Dejbaja džovapi ko pučiba ov nakhavga buteder ceremonie em adetia soske odova dikhel sine sar nabitno, ama vakjergja o duju finde kote tergjol em ikjerel pe o sasto kanuni em sa o prorokia. O Spasiteli falingja oleskoro džovapi odolea so lelja prioriteti anglal o rabinia. Našti sine te vakjeren soske zorjaregia o lafia so vakjergja olen baš akava manuš so komentirinel o kanonia.

O Isus vakjergja: „Kjer odova em ka dživdine!“ Ko ple propovedia e Devleskoro kanuni Ov sako drom sikavel sine le sar devleskiri celina, vakjeribaja kaj našti ikjerel pe desavo akti a te phagel pe javer, soske odova phanelia sa o propisija. I jazija e manušeskiri ka odredinel pe premal e manušeskoro kandipa o kanuni. O Hristos džanelia sine kaj ni jekh našti ikjerel o kanuoni zorea. Ov manglja te čhivel e kanuni ko majjasno em majhor te rodel o kanoni te šaj arakhel o čačipa. O kanuni šaj te ikjerel pe salde arkaja taro Hristoskoro mangjipa, ole-skere zaslugencar. I pakjiv kaj čače o bezeh ka oprostinel pe e manušeske dela takati te mangjel e Devle sa e ilea sar ple pašutne sar so mangel korkoro peste.

O kanuniko džanelia kaj na ikjergja ni o avgo štar em o javer da šov zapovedija. Oleske tasviringje e Hristoskere gogjaver lafia; numa, ko than te angigjarinel o bezeh, ova manglja te pravdinel pe.

Ko than te sikavel o čačipa, ov kergja zori te vakerel kaj phareste ikjeren pe o kanonia. Odolea pakjal sine kaj ka šaj te phanel o hango

tari gnd em ka braninel pe anglal o džiani. O lafia taro Spasiteli sikavgje kaj oleskoro pučiba navaljani sine soske korkoro dengja džovapi. Ama palem ov dengja panda jekh pučiba: „A ko si mro pašutno“?

O Hristos palem eskiviringja te khuvel ki debata. Ko pučiba dengja džovapi jekhe momentea so sine taze ki memoria taro o šunavale. So ulo?. „Jekh manuš hulibaja taro Erusalm ko Erihon, astargje ole čora, hulgavgleje em ratvargje ole, mukhlel le jekvaš mulo em gele peske“.



Dromaribaja taro Erusalm dži ko Erihon o dromarutno valjani sine te nakhel ko kotor tari Judejsko mulan(pustina). O drumo legarel le sine prekal divo barale droma pherdo čorencar, so atakujnena sine Baš odothe sine mardo o manuš saste čordo em mukhlo jekvaš mulo uzal o drom. Pašlindo agjaar ki phuv trujal oleste nakhlja jek svešteniko. O svešteniko dikhlja e manuše sar trkalajnel pe ko pravo em saste ko rata ama salde nakhlja uzal oleste bizo te del le desavi arka. Nakhibaja ki javer rig e drumeske, gelo peske odothar. Palo odova ko drom naklhlja o Levit. Manglo te dikhel so ulo ačhilo em dikhlja e ratvarde manuše. Havgja so valjani te kjerel ama dikhlja pe leske kaj odova si phare te kjerel. Manglia niked ma te nakhlja akava drumoi ma te dikhel sine e ratvarde manuše. Ama palem ki peste vakjergja kaj odova nae oleskiri gajlja em gelo peske.

Ama nesavo Samarijanco dromaribaja ko odova drumo, dikhla e manuše em kjergja okova so o anglutne duj džene na kjergje ole. Nežno em mangipaja kjergja o izmeti e ratvarde manušeske. „A jekh dromarutno Samarijanco alo dži oleste em kana dikhla le pelo oleske bezech. Alo dži oleste čhorgja upral o ratvarina zejtini em mol em phanljla ole; palo odova ukljargja le upral plo hajvani em legargja ole dži ki jekh kafana em dengja le arka. Ušti tajsa ikavgja duj denaria em dengja e kafandžaiske em vakjergja oleske: „Ov mukaeti oleske, em te hardžingjan pobut, ka dav tut kana ka iranav man“.

Em o svešteniko em o Leviti falinen pe sine kaj si e devlea, a salde o Samarijani sikavgja čačutno devleskoro sikavdo. Ni oleske akaja pojava na sine but šukare nego e sveštenikoske em e Leviteske ama ov ko than sikavgja kaj pe ile dživdinela sar e Devleskoro mangipa.

Vakjeribaja akava momenti o Hristos o aktia e kanuneskeske ahvgja olen paše, zorale lafencar sikavibaja sarinengje so šunena le sine kaj o aktia na anena len ko plo čačutno dživdipa. Oleskere lafia odobokhar sine sikavde jasno odobokhar ikjerde faktencar so na sine uslovija o šunavale te čhiven panda dopherde polemike. Ni e kanonikane manušeske na sine le funda te polemizirinel em kritikujnel. Oleskere predrasude premal o Hristos našavdile. Ama ov na reslja odobokhar ki bari mera te peravel ple nacionalno predrasude premal o Samarjania, te šaj bičhavel leske falime lafia. Kana o Hristos pučlja: „So gndinea ko sine akale trine dženendar majpašutne o manuš so atakujnge ole o čora“? Ov dengja džovapi: „Okova so sikavgja humanost premal o manuš so sine mardo!

„O Isus vakjergja: ,Dža em tu da kjer agjaar!“ ’Sikav odova isto nežnost em mangipa premal o manuša kana si ki bibaht. Agjaar ka de fakti kaj ikjere sa o kanuni.

O Jaudie em o Samarinija majbut hulaven pe sine differentno haviba ko religisko pučiba, jali i forma taro čačutni devleskiri sajgija. E Fariseen na sine len ni jekh šužo lafi bašo Samarjainia, a frden sine upral olende majbare armanja. O namangipa maškar o Jaudie em o Samarjainia sine odobokhar bari so i džuvli Samarjanka sine lake čudno so o Isus olatar rodingja te piel pani em pučlja: „Sar tu Jaudia

A jekh diromarutno, Samarjanco alo
dži oleste em kana dikhla ole pelo
leske žal... hem dengja le arka.



O devleskere
LAFJA

rodea mandar, Samarjanka te pie?“ O evangelisti dopherela: „O Jaudie na nakhen e Samarjanencar“ (Jovan 4,9). Kana o Jaudie pherdile bare dušmanlukoja premal o Hristos em kana ko hrami počmingje te frden barencar, ola plo dušmanluko našti sine te sikaven trujal akale phare lafencar: „Na kjera li amen lafi kaj tu sian Samarijanco thaj ki tute si o demoni“ (Jovan 8,48). A palem o svešteniko em o Leviti na kjergje o delo so dengja len o Devle em mukhel sa e namangle Samarijancoske te del arka bašo jekh olengoro manuš.

O Samarijani phergja o dekreti: „Mange te majpašutne sar korkoro tute!“ Odolea sikavgja kaj si popravedno taro okola so namangena le. Čhijbaja ko riziko plo dživdipa e ratvardea sine sar te ovel oleskoro phral. Odova Samarijanco prestajnela e Hristose. Amaro Spasiteli sikavgja mangipa premal amende kote ni jekh manušikano mangjipa našti avel paše sar odova. Kana siem sine marde dži ko meriba, Ov kjergja mazunipa premal amende, na nakhavgja amen, na nakhlja javere rigate taro drumo, em na mukhlja amen te prepera bizi arka em bizo umuti(nadež). Na ačhilo ki pli lumia ko plo bahtalo kher kote sine le but mangjipa taro sa havajkere čete. Ov havgja kaj amare nasušna potrebe, lelja amaro slučaj, ple interesia kjergja len jekh a jekh e manušipaja. Mulo te šaj te kurtalinel ple dušmanen. Molinel sine em e manušengje so mudargje ole. Irangja pe ko plo misal kana vakjergja anglal ple siklende: „Akava vakjerav tumenge te mangen tumen jekh jekheja!“ „Dava tumen nevo dekreti: te mangjen tumen

jejh javerea sar so me tumen mangava agjaar tumen da te mangjen tumen“ (Jovan 15,17;13,34).

O svešteniko thaj o Leviti iranen pe sine taro hrami tari devleskiri sajgija so kergja le o Devel. Te lel pe than ko odola Devleskere sajgije si baro prednost, a o svešteniko em o Leviti, uživimi asavki sajgija, gndingje peske kaj olengoro respekti na mukhela te den arka napendžarde manušeske trujal o drom. Agjaar pomukhle te istemalkjeren akaja ekstra šajsarin so dengja len o Devel sar oleskere prestavnikija te den arka pe majpašutneske.

Agjaar avdive da kjerer buteder. Ola ple savale hulaven len ko duj kotora, saste hulavde kupe. Premal olende jekh si agjaar anavkjerde bare bukja, regulirime Devlikane kanunea, a i dujto grupa preperen ki agjaar vakjerdi tikni buti a olenge na legarel premal olende o kanuni: „mang te majpašutne sar korkoro tute“. Olenge akala tikne bukja mukhen le manušikane kapricengje ko momentalno trujalipa em plesutne emocie. Agjaar okola so dikhena agjaar o buka ruminen plo tabijati em bange sikaven e Hristoskiri religia.

Buteder gndinen kaj ka perel olengoro respekti ako den arka e mučime manušipaske. Baro si o numero taro okola so ramnodušno em prezirea dikhena kote o hrami olengere ileske kjergje le ruševine. Javera frdena e čorolen taro javer karane(pričine). Ola pakjana kaj kjerer e Hristoske buti em len than ko but lačho butikjeriba. Gndinen kaj kjerer baro akti so nane len vakti te čhinaven em te notirinen

Olsus rodingja tari Samarijanka
pani, a oj vajkergja: "Sar tu jaudija
rodeja mandar tari Samarijanka te
pie?"



okola bukja so valjani e čorolengje em mazumikjerde. Kjeribaja plo navodno baro delo ola len peske niami te eksplotirinen em te mučinen e čorolen. Ola anen len ko phare halia činaven olengoro niami jali tikjnaren olenge valjanipa esapibaja kaj odova si sa šukar soske ko odova čhani premal olengoro dikhiba kjer progresi ko Hristos-kere aktia.

“Dava tumen nevi zapoved: Te mangjen tumen jekh jekheja, sar me so mangav tumen, ajaar da tumen da te mangjen tumen jekh javereja.



Buteder ka mukhen olengoro phral jali komšia bizi nisavi arka te marel pe bašo nango ačhovipa. Trujal so ola peske vakjerenia kaj si hristijania odova olengoro phral jali komšia ka ovel čhivdo ko pharipa te gndinel kaj asavke hristijania ple šudripaja čače sikaven e Hristose. Soske akala navodno si Devleskere izmekjaria na kjeran buti olea, e Devleskoro mangipa kote prekal olende valjani te ikljol upral o javera ko bare numeria ka ovel tiknjardi kotar olengere ile em muja našti te vazden dži ko del o but sikavina taro baripa. Odolea si uskratimi e Devleskiri slava so preperela baš oleskere sveto anaveske. Olestar hulavgjoven ile so olenge mulo o Hristos, ile so ov bahtajalelja olen ko plo thagaripa te džividinen ko oleskoro trujalipa ko thavdipe nalimiteirime vekia taro sadživdipa. E Devleskoro čačipa isi presia ki lumia trujal so anglal amaro leagripa šaj pobuter te kjera. Sa pobuter isi hristijania salde ko lafia a hristijanstvo ko tikne količine. Amen šaj te ova palo Hristos šaj te vakjera kaj pakjaja ko sako čačipa taro devleskoro lafi, ama odova amare majpašutnengje nane te anel nisavo

šukaripa ako amari pakjiv nane čhivdo ko amaro sakodiveskoro dživdipa. Amaro vakjeriba e religijke šaj te ovel but učo dži ki havaja, ama odova nane te kurtalinel ni amende ni amare pašutnen te na siam sine hristijania ko delo. O čačutno misal ka anel pobut gudlipa ki luimia taro sa amare lafia.

Sako sebično legripa stopirinel e Hristoskoro delo. Oleskoro akti si o teleperavde thaj o čorole. O ile taro oleskere agjaar vakjerde sledbenikia si čuče: olenge falinel o šužo Hristoskoro hošipe (sočuvstvo), nane len majhor mangipa, premal okola so ov odobokhar but mangjela len kote dengja plo dživdipa olengere kurtalibaske. Odola ile si skupo but majkuč taro savo te kurbani so šaj amen te da e Devleske. Amen e Devle našti te resa jali te ana le majpaše te valjani saste amaro zoralipa ko desavo agjaar kjerdo baro kati te šaj ko jekh vakti pomukha o valjanipa e čorolengje jali e jabandžienge te čhinava o niamia.

O Svetu Duho sadinel ki Hristoskiri prakrt ko manušikano ilo odolea so oj posvetinel pe. I Evangelsko Hristoskiri religia si dživdipa –dživdo, aktivno akti. Odoja sikavel e Hristoskoro mangipa arakhli ko tabijati thaj sikavde šukare deloncar. O aktija taro evangelie našti te hulaven pe taro bilo savo kotor taro praktikano dživdipe. Sako reoni taro hristijansko iskustvo thaj buti te ovel sar slika taro Hristoskoro dživdipa.

O mangjipa si osnova taro kandiba e Devle. Na athimo(nezavisno) odolestar so kjerela lafi, khoni nae le užo thaj čačutno mangipa premal o Devel te na sikavgja nasebično mangjipa premal plo phral. Numa, o mangjipa na resel pe salde te mangljam nekaste te manga. Valjani e Hristioskoro mangjipa te huljel ko amare ile. Kana amaro „me“ ko sa ka našavgjovel ko Hristos, o mangipa ka sikavel pe spontano, amen te na ova svesno odoleske. Tegani kana ko amaro ilo saste ka sikavel pe mangjin te da arka amare majpašengje kana amaro muj ka sikavel havajakoro roš so pherel amaro ilo amen reslem sovrsenstvo taro hristijansko tabijati.

Našti o ilo kote dživdinel o Hristos te ovel bizo mangjipa. Te manglem e Devel soske maj anglal mangjel amen, amen ka manga sarinen

okolen kaske o Hristos mulo. Našti phana amen e devlikane baripaja ako ko jekh na phana amen e manušipaja, soske ko Okova so bešela ko troni taro kosmosi phanlepe o manušikano e devleskereja. Phanle e Hristosea ka ova phanle e amare majpašencar galbeno alkencar taro lanco manigipaske. Tegani ko amaro dživdipa ka sikavel pe okoja hoš taro mazumipa so sikavgja o Hristos.

Amen nane te udžara o čorole em o babahtale te aven ki amende. Na valjani khoni te del amen armanja te šaj te počmina te ova amen da mazuni olnge premel olengoro cidljari. Ka ovel odobokhar normalno te ava olende ki arka e čorolengje e babahtalengje sar so e Hristoske sine normalno te džal em te kjerel šukaripa.

Sakote kote sikavel pe mangjipa thaj respekti, kote o ilo kjerel zori te del arka pe majpašengje em te vazdel olen, arakhel pe lungo kjerdi presia taro Develskoro Sveti Duho. Ko maškar taro agjaar vakjero butedevlengere ideologije, kote na džanel pe sine but e Devleskere hramosarde kanoneske, okola so niked na šungje o anav taro Hristos sine šukar premal olengere izmekjaria em arakhen len sine čhijbaja ko riziko plo dživdipa. Olengere delija sikavena kaj upral olende sine presia taro devlikane takatia. O Sveti Ruho e Hristoskoro mangjipa sadingja leske ko ile em odole divljakonge em odoleja olende sumbakjerga (seengja) hoš kontra taro olengoro tabijati em edukacia. „I čačutni roš so rošarel sine sakone manuše avel sine ki lumia“. (Jovan 1,9). Oj rošargja olengoro ilo em dži kote džan palo olate oj ka legarel olengere pire premal e Devleskoro thagaripa.

E havajakiri slava vazdela okolen so pele, em kjerel gajreti e babahtalengje. Oj sikavel pe sekote kote dživdinel o Hristos ko manušikane ile. Ko sa o tana kote sikavela pes e Hristoskiri religia ko delo, ka anel devleskoro šukaripa. Ko sa o tana kote so oj delujnela, ka sikavel pe thaj roš.

O Devel na dikhel nisavi razlika kjerdi ki nacionalno, klasa jali sasoitnikano(opšttestveno) sloj. Ov si okova so Kjergj(stvoringja)sa o manušipa. Premał o kjeriba(sozdavanje) sa o manuša si sar jekh familia. O Hristos sarinen pašakjerel ple otkupea. Ov alo te peravel sako duvar taro hulaviba te phravel sako klasi ko hrami, sako ilo

tromale te avel dži ko Devel. Oleskoro mangjipa si odobokhare bувле, odobokhara bare rezmerea kote sakote bajrola. O mangjipa ikavel olen taro krugo tari presia e bengeskiri e čorolen so sine hovavde oleskere hovavnibaja em čhivel len ko paše ko Devleskoro troni, troni so si phanlo Devlikane kustikaja(vinožito), dende lafencar“.

Ko Hristos nane ni Jaudia ni Grko, robi jali tromalo. Sa ola si pašakjerde oleskere skupo dende ratea (Galatia 3,28; Efesjania 2,13).

Bez ogled go razlike ko pakjavibe so hulaven amen, amen valjani te šuna sako akharin taro mučime manuša em valjani te da arka sakone manušeske. Kana ko ile e manušeske ka sikaven pe kjerkje džanlipa sebepi o razlike ko pakjaviba, amen amare zorikjeribaja šaj te kjera pherdo šukaripa. O mangjipa šaj te cidel o predrasude em te lel o ile e Devleske.

Amen valjani te arakha o bibahtalipa o pharipa taro javera. Valjani te hulava i baht em i gajlja taro okola pobarvale em okola čorole. O Hristos vakjergja: „Bilovengoro dena tumen, bilovengoro den“ (Matej 10,8). Sakote uzal amende dikhaja gajretlie mučime ile kaske valjani lafia taro gajreti dendo em amari arka. Isi čorole čhave kote o Hristos mukhlja olen ple sledbenikonge sar ple zaštinikia. Olen amen but droma bistrajalen. Ola šaj te oven našukar uravde pharavde šeencar ama palem si Devleskere manuša. Ola da si kinde skupo e dikhle si jekh a jekh ko Devleskere jakha. Ola da si preperutne tari bari Devleskiri familia thaj hristiania, sar Devleskere nastojnikija amen siem džovaplime olenge. Ov vakjerela: „Olengere ile ka rodav len taro tumare vasta“!.

O Bezeh si majbaro taro sa o bilačhipa em amari savala te ova gajretlie okolencar so isi len bezeha te šaj te da len arka. Ama našti amen te ava paše savorenge ko jekh čhani. Buteder garaven i bokh e ileskiri. Olenge šaj te del pe arka gudle lafea jali desavo išareti mangipaske. O javer arakhen pe ki bari belja a nane svesno odoleske. Ola panda našti haven o baro čorolipa ko plo ilio. A but manuša odobokhare hor pele ko bezeha, kote sa našavgje pli godi e savakteskere realiteteske em sako jekhipa e Devlea odolea so nadžanen dali valjani olenge kurtaliba. Nane pobut ni pakjiv ko Devel thaj ni pakjiv ko

manuša. Buteder olendar šaj te ava paše salde deloncar taro kjerdo šukaripa. Majanglal valjani te dikha olengere telesna potrebe. Valjani te parvara olen, te nangjara olen em šukar te urava olen. Kana ka dikhen o faktia taro amaro nasebično mangipa, but polokheste ka pakjan em ko Hristoskoro mangipa.

Buteder arakhen pe ko bango drumo a džanen ple ladžake em dilinipaske. Vakjeren bašo ple bezeha sa dži kote na astarel olen



O Hristos sarinen pašakjergja ple
otkupea. Ov alo te perevel sako
duvari taro hulavipe.



mazunipa. Na troma te bistra odola da ile. Kana neko ka plivinel kontra i len(reka), tegani odola panja iranen len napalal. Den tumaro vast arkake, sar okova vast taro phureder Phral so dengja te astarel e



Ko Hristos nane ni laudija, ni Grko,
Indijco jali Kineži. Sare si phanle
oleskere skupo rateja.



Petre kana tasljola sine. Bičhaven lafia pherde pakjivaja so ka vazden ki oleste pakjiv em ka tharen o mangipa.

Tu sijan neophodno te phraleske so isi le nasvalo ilo, sar so tuke valjani sine phralikano mangipa. Oleske valjani iskustvo nekastar koj nekada sine isto agjaar slabo sar soj tano ov akana, neko so šaj oleja te hošinel em te del ole arka. O dejbe godi kana amen siem sine asavke valjani te del amen takati te da arka javerengje ko olengoro zaruripa (potrebe). Na troma nikote te bistra ni jek mučimo ilo em ma te pomukha te da gajreti savo dengja amenge o Devel.

Baš i jekhin e Hristosea em o plesutno astariba e dživde Spasitelea, kjerel takati ki godi ilo em ruh te resen pobeda upral pli peravdo tabijatii. Vakjeren e našavdeske bašo zoralo vast so ikjerel le bašo baro gajretluko so isi e Hristose premal oleste sar manušeske. Nane dovolno salde te vakjeren oleske te pakjal ko kanuni em o redo, ko odova so našti ovel gajretluko so našti šunel o apeli baši arka. Ov mangjel te astarel to vas te tergjol upral ilo pherdo mangipaja. Vakjeren oleske kaj o Devel sako momentiu si trujal oleste sako drom si olea ple mangipaja so si kjerdo taro sožaliba. Den ole arka te gndinel taro ilo e Devleskoro so si mazumi baši o bezeh, baš o vast e Dadeskoro koja si uvek pružimi, baš o hango taro Devel so akharela: „Nek avel uzal mande, neka phanel sansari mancar, em ka ove ole“ (Is. 27.5)

Kana kjeren agjaar, tumencar si o melaikij, bidikle manušikane jakhake. E havajakere melaikijasine anglal o Samarijani sa dži kote arakhel sine e ratvarde manuše. O melaikija taro devleskere avlina tergjon trujal okova sa so kjerena e Devleskere bukja dejbaja arka pe majpašenge. Korkoro o Hristos kjerel buti tumencar. Ov nevikjerela (obnovinela), em sa dži kote kjerena buti telal oleskiri kontrola, ka resen bare pursakija.

Taro tumaro pakjaviba ko akava delo athinel na salde o hali javerengoro numa em tumari jazija. O Hristos sakone mangjel te kjerel učo taro jekhipa peja korkoro te ova jekh a jekh olea sar so si Ov jekh a jekh pe Dadea. Ov mukhela amen te ova ko pašipa e mučimencar te šaj ikavel amen taro sebičluko kjeribaja zori amen te buvljarel navike taro plo tabijati:mazunipa, respekti em mangipa. Astaribaja

O melalikija si bičhavde tari havajā te arakhen amen em te sajginen amengje, a amen valjani te sajina amare manpašengje



akaja buti amen khuva ki oleskiri siklana te ova haz'ri baš e havajakere avlina. Kana namangaja te kjera odova amen frdaja oleskere sikaviba em amare voljaja ikljovaja olestar.

O Devel vakjerela: „Te geljan palo mle drumia em te kjergjan me aktia, tu ka ove legarutno ko mlo kher... em ka dav tut avipa maškar okola so si odothe!“ Maškar o melaikija so si uzal odova troni (Zaharia 3,7) Butikjeribaja e havajakjere melaikoncar ko leskor delo an i phuv, Amen haz'rkjeraja amen te družinamen olencar upre ki havajada. Sar „sajgijakjere duhia bičhavde te len o kurtaliba“ (Jaudie 1,14), o melaikija ka keren seljami sarinen upre ki havaja okolen so dživingje ki phuv „na olenge te sajginen, ola te sajginen“ (Matej 20,28). Ki amari savakteskiri baht, amen ko odova šukar društvo ka sikljova sa so si astardo e pučibaja: „Ko si mlo pašutno?“

Bišuoftoto šero

PHURSAKO BAŠ I ŠUKARIN

(Akava šero si kjerdo premal e Matejeskoro evangelie 19,16-30; 20,1-16; e Markoskoro evangelie 10,17-31; thaj e Lukaskoro evangelie 18,18-30)

Ojaudie vakjer tuke skoro sa našavgje taro dikhibe o čačipa tari Devleskiri nazaslužimi šukarin. O rabinia vakjeren sine kaj e devleskoro arakhiba valjani te ovel pe zasluzno; pakjana sine kaj o phursako so valjani te del pe e pravednikongje ka resen la salde ple kjerde lače aktencar. Odoleske olengiri sajgija e Devleske sine proniknimi, sebično naemničko duho. Ni e Hristoskere sikle na tromargje pe taro odova duho, a o Spasiteli istemalkjergja sako šajsarin te ukažinel olenge ki akaja olengiri zabluda. Anglal te vakjerel i parabola bašo o bukjarne sine jekh nevo momenti so dengja le šansa te zapendžarel olen čačutne deloncar.

Kana džan sine palo jekh drumo prastandilo jekh taro poterne glavatoria telilo anglal oleste em but ponizno seljaminkjergja ole em pučlja ole: „Šukar siklea, savo šukaripa valjani te kjerav te šaj te dobinav savakteskoro dživdipa ?“.

O terno knezi anavkjergja e Hristose sar pakjivalo rabini kaste na preprendžargja kaj si e Devleskoro čavo. O Spasiteli irangja oleske lafencar: „Soske pučeja man e šukaripaske? Salde Jekh si šukar!“ Upral savi osnova mange vakjereja kaj me sium o šukar? Salde o Devel si šukar. Te dikhlijan man sar šukar, tegani valjani te dikhe man sar oleskoro čavo em dženo!

Palo odova vakjergja: „Ama ako mange te khuve ko dživdipa kande o zapovedija!“ E Devleskoro tabijati si sikavdo ko oleskere zapovedija a te mangljan te ove ki harmonia e Devlea o aktia taro oleskoro kanoni valjani te oven tuke funda(temeli) taro tlo sako drom butikjeriba!

O Hristos na tiknjargja o rodaripe taro kanonia. Ov but jasno lafencar sikavgja savo si o šarti(uslov) e savakteskere dživdipaske. Odova si o jekhutno šarti so si dendo e Adameske anglal te perel ko bezeha. O Devel avdive na udžarel taro manuš ni pohari nego so udžargja olestar ko Edem-perfektno te šunel namelalo čaćipa. E Devleskere rodiba ko zaveti e lačhipaske milost si astarde em identično sar so sine dende e manušeske ko Edem – apsolutno harmonia e Devleskere kanonea so si sveto, čačutno em lačho. Ki vakjerin: „Kande o zapovedia!“ –o terno knezi pučlja: „Save?“ Ov majpakjavutne gndingja kaj o Hristos vakjerel bašo desave ceremonialno pravilo. Ama o Hristos kjerel lafi bašo o kanuni so si havlajrdo ko Sinaj. Akcentiringja nekobor zapovekija tari dujto ploča a palo odova sa detalno iznesingja ko pravilo: „Mang te paše sar so mange tute!“

Bizo dilema o terno vakjerga: „Sa odova respektirinava. So valjani panda?“ Oleskoro haviba e kanuneske sine formalno em na hor. Ov ocenibaja premal manušeskere kriteriumia oleskoro tabijati na sine le nisavi maana. Em čače oleskoro avrutno, dikhlo dživdipa ko baro kotor sine idealno em ov gndingja kaj odoleske so respektirinel o kanoni si ko učo stepeni odoleske našti te vakjerel pe leske. Ama palem garavde daraja sine kaj nane baš sa agjaar maškar oleskoro ilo em o Devel. Odova teringja ole te pučel: „So valjani panda?“

O Hristos dengja džovapi: „Te mangljan te ove perfektno dža bikin to mali, de e čorolengje em ka ovel tut barvalipa upre ki havaja a palo odova ava ov mancar! A kana o terno šungja odova lafi gelo peske mazumi soske sine le but mali“. O sebičluko si phagiba kanuni. Odova o Isus manglja te sikavel e terneske, pa čhivgja ole ki kontrola kote ka sikavel kobor oleskoro ilo si sebično. Sikavgja oleske oleskiri nazorali nukta(točka) taro oleskoro tabijati. O terno na manglja nisavo maj odorigutno vakjeriba. Ov arakhel sine idoli ko plo ilo i lumia sine oleskoro devel. Vakjerel kaj ikjerel o zapovedija ama oleskoro dživdipa na sine pherdo duhoja em i suština taro sa o dekretia. Na sine le čačutno mangjipa premal o Devel em leskere majpaše. Akaja maana sikavela kaj nane le khanči so ka šaj te khuel ko devleskor thagaripa. Oleskere sebičlukoja thaj mangipa premal akale lumiakere šukaripa phagja sa o aktia taro devleskoro thagaripa.

Kana o terno glavatori alo dži ko Isus ple čaćipaja em ozbilno astargja o ilo taro Spasiteli. Ko odova terno o Hristos dikhla manuše so šaj te ovel propovedniko e čaćipaske. Akava sposobno terno manuš o Hristos ka lel ole hazrdo sar so lelja e čorole manušen so astaren mačhen so sine olea. Kana plo dživdipa bi posvetinela sine ki sajgija ko kurtaliba e manušen, ov šaj te ovel sine but bukjarno hem spastalo (uspešno) argati e Hristoske.



Ama majanglal valjani te pherel sine o šartia so si panle e siklanibaja (učeništvo). Valjani sine bizo predrasude te del pe e Devleske. Kana šungje i akharin taro Spasiteli o Jovan, Petar, Matej thaj o javer slike „mukhle sa, uštile thaj gele olea“ (Luka 5,28). Odova pakajibe udžargja pe em taro terno glavatori. Rodibaja odova olestar o Hristos na rodingja pobaro kurbani taro okova so ov kjergja: „Soske pendžardo si tumende o duri pa taro amaro Devel Isus Hristos, kote sebepi tumende taro barvalo ulo čorolo te šaj tumen barvaljoven prekal oleskoro čorolipa“ (2.Korinkjania 8,9). Jekhutne o terno valjani sine te džal odori kote ka legarel ole o Hristos.

O Hristos dikhla akale terne manuše em manglja te pridobinel oleskoro ilo. Manglja te bičhavel le sar haberi te šaj te anel gudlipa e manušenge. Ko than taro oleskoro sa barvalipa kastar valjani sine te cidel pe, o Hristos dela le sine prioriteti - te ovel olea. Odoleske vakjergja oleske: „Ava em ov pali mande!“ Odova prioriteti lošale

astargje la o Petar, Jakov em Jovan. Em o terno bare lošaja dikhel sine e Isuse. Oleskoro ilo cidel sine te ovel uzal o Sapsiteli. Ama na sine haz'ri te kjerel o delo taro Spisteli te džal korkoro kurbani. Ko than e



"Dža hem bikin to mali, de e čorolengje em ka ovel tut barvalipa upre ki havajā, a palo odova ava em dža palmande"

devleskere
ELAFIJA

Isuse, ov ačhilo ple barvalipaja. Kamel sine savkateskoro dživdipa, ama na mangel sine plo ilo te pherel le okolea mangipaja so si dživdipa. Mazumi iloja gelo peske taro Isus.

Kana o terno gelo peske, o Isus vakjergja ple siklengje: „Čače vakjerava tumengje: Barvalo phareste ka khuvel ko devleskoro thagaripa!“ Akala lafia buningje e siklen. Ola sine odoleske o barvale te dikhen len sar devleskere mangle. Ola korkoro pakjana sine kaj ko thagaripa taro Mesija ka resen baro takati em barvalipa em o barvale phareste te aven dži odova devleskoro thagaripa, tegani savi pakjiv šaj te ovel normalno manuše?

„O Isus dikhla trujal peste em e siklenga vakjergja: 'Kobro si phare o barvale te khuven ko Devleskoro thagaripa...Lokheste si e kamilake te nakhel prekal suvjane kana nego o barvalo te khuvel ko Devleskoro thagaripa!' Ola čudingje pe panda pobut. „A palo odova havgje kaj akava svečeno opomena si bičhaldi olenge. Ki roš e lafenge taro Spasiteli dikhla pe olengere garavde mangjina te resen takati em barvalipa. Hor sekirime peske vakjergje: „Tegani koj šaj te kurtalinel pe?“ „O Isus dikhla olen em vakjergja: ,E manušengje odova si našajdutne, ama na e Devleske da, soske o Devel šaj sa te kjerel!“

O Barvalo sar barvalo našti te džal i havaja. Oleskoro barvalipa na del le nisavo niami talo mali taro pakjavutne. Salde e Hristoskere nazasužimi šukarinaja sarine šaj te arakhen peske drom premal e Devleskoro sveto diz.

Em e barvalenge jekh a jekh sar e čorolenge da bičhavde si o lafia inspiririme taro Sveti Ruhi: „Jali na džanen kaj...na preperen korkoro tumengje? Soske but skupo skupo sine pukjime“ (1. Korinkjania 6,19.20). Kana o manuša ka pakjal ko akala lafia, tegani o sasto oleskoro mali ka dikhel le sar barvalipa so nane oleskoro, so si dendo salde te kjerel buti agjaar sar so vakjergja oleske o Devel – ne kurtalinel e našavde em te del gajreti e mučimengje em e čorolengje. E manušeske odova si našajdutne soske oleskoro ilo si phanlo akale lumakere barvalipaja. Okova ilo so kjerel buti e manušeske si kašuki ko rodipa taro o majpaše so si bibahtale. Ama e Devleske sa si šajdutne. Dikhibaja o baro Hristoskoro mangjipa. Sako sebično ilo, šaj te kovljarel pe em te ovel krotko. O barvalo šaj te ovel legardo te vakjerel sar so vakjergja nekana o farisei Savle taro Tars: „Esapinav kaj si sa zijani ki parlalela taro angluno pendžariba taro Isus Hristos, mlo Devel, sebepi kaske našavgjum sa, em akan dikhava man sar gunoj(gjubre), te šaj te astarav e Hristose“ (Filipijania 3,8). Tegani (o barvale) khanči ki phuv nane te dikhen sar plo, ama ka lošaren so peste dikhena pe sar poverenikia e sarinegjere Devlikane mangjipaske em sebepi sa o izmekjaria sa e manušengje.

O Petar avgo pribiringja pe taro baro iznenadiba em taro savakteskoro lošalipaso kjergje oleste e Hristoskere lafia. Ov bare čalipaja anavkjergja okolen so otkažingje pe ov em oleskere phralja sebepi o Hristos. Pli gnd formiringja agjaar: „Ake amen mukhlem sa, em cidingjem tuja.“ Liparibaja sar šartijalo(uslovno) dendo lafi dendo e terne glavatoreske: „Ka ovel tut barvalipa upre ki havaja!“ – o Petar pučlja so ka resen ov em oleskere amala sar phursako pe sa dende kurbanengje.

O džovapi taro Spsiteli kjergja lošale o ile akale galilejsko ribarengje. Ov vakjergja sa o prioriteta em sajgija so udžargje em dikhen sine sune salde ko ple majbare sune: „Čače vakjerav tumengje kaj tumen so alen mancar kana ka nevikjerel pe kana o Čavo manušika-

no ka bešel ko troni ple baripaske tumen da ka bešen ko tronia em ka adalatinen e dešuduj talukava(plemenge) taro Izrael!“ Palo odova dophergja: „Nane ni jekh so ka mukhel kher jali phralen, jali phenjen, jali dat jali daja jali čhaven jali nive sebepi mande em sebepi o evangelie a te na priminel akana šeldrom buteder ko akava vaket: kher em phralja, em phenja, em dajen, em čhaven em nive – prognostvoja a ki lumia ka avel, savakteskoro dživdipa.“

Numa, e Petreskoro pučiba: „A so amen ka la sar phursako?“ phravgja o ruhi so te na cidingja pe ka kjerel o sikavne te na oven kad’ri te oven e Hristoskere haberdžie, jali odova si naemničko ruhi. Trujal so sine astarde ki Isusekiri mangjin, o sikle panda na cidingje pe saste taro farisejistimo tabijati. Majodorig da kjerena sine buti zojrakjerde kaj agjaar ka len phursako premal okova so kjergje buti em kobor kjergje buti. Ikjeren sine ruhi taro korkorovazdipa, em rivaliteti em sako drom kjeren sine paralele maškar peste. Kana neko olendar ka grešinel sine jali ka resel nesavo bisastalipe(neuspeh), odova ko javer bijanel sine hoš sar baripa, em gnd kaj si ola but pošukar olestar.

Te na našaven akala forme aktia taro evangelie e sikkengje taro Hristos vakjergja parabola taro dživdipa, misal kote sikavgja sar legarel pe o Devel premal ple izmekjaria em e ruhea so valjani sine te oven pherde olende sa dži kote kjerena buti oleske.

Ov vakjergja „Soske e devleskoro thagaripa si sar manuš, kehrutno, so iklilo sabaljeskoro te astarel argatia te keren buti ko drakha. „Sine



sar adeti em tradicia o manuša so udžaren bukjake te kheden pe ko kurke em odori te džan o gazdia so valjani lenge sine argatia. O kherutno ki akaja parabola sikavel pe sar ko različno vaktia ikljol te arakhel argaton. E argaten so lelja len sabaljeskoro dogovoringje pe te kjerer buti desave sumake, o javer argaton so leljalen pokasno mukhle e gazzaske korkoro te vakjeler i dnevnica.

„Kana peli i rakk o gazda e drakhengoro vakjergja pe legarutneske: „Akhar e argaten em pukjin olengje, ama prvo o agorutneposledna), pa sa dži ko avgo(prvo) argatia!“ Em agjaar okola argatia so ale koro dešujekh o saati lele celo denarij. Kana ale o avgoargatia gndingja kaj ka len pobut ama ola da lele po denarij.“

O Apostolija muklje ple khera thaj phraja, em penja, e dade em e daja em sine da marde em phanie sebeji o Hristos em o evangeli.



O devleskere LAFIJA

O legaripa taro gazda premal o argatia ko drkaha sikavel e Devleskoro legaripa premal o manuša. Odova si kontra i tradicia so isi maškar o manuša. Ko akale lumiakjere bukja o pukjiba si premal resle rezultatia. O bukajrno udžarel te ovel pukjimo odobokhar kobor so zasužinel. Ama ko akava misal o Hristos sikavgja o delo taro plo thagaripa- thagaripa so nane tari akaja lumia. O Hristos na legarel pe prekal manušikane normativia. O Devel vakjerela: „Soske tumare g'ndia, nane ni mle g'ndia, a mle drumia nane ni tumare drumia.. Kobor so si i havaja upreder i phuv, odobokhar mle drumia si upreder tumare drumia em mle g'ndia upreder tumare g'ndia.“ (Is. 55,8,9).

O avgo argatia soglasingje pe te kjerer buti premal i dogovorimi suma, em lel odobokhar kobor rodingje, na pobut.

O argatia so sine lende pokasno ikjergje pe ko dendo lafi taro gazda: „Kobor so ka koštinel ka dav tumen!“ Sikavgje pakajiv ki oleste em na čhivje pučiba baši suma. Ikjergje pe upral oleskiri pravednost em napristrasnost. Sine lenge dendo na premal o baripa taro butikjeriba, numa premal o baripa e gazzaskoro.

Agjaar em o Devel mangel te ikjera amen upral Okova so opravdinel okole so na pakjal ko Devel. I nagrada so dela Ov nane srazmerno amare zaslugencar, numa srazmerno oleskere nietea. „Premal e savakteskiri resarin so kjerela o Isus Hristos amaro Devel“ (Efesjania 3,11). „Na upral i osnova taro pravednoa delija so amen kjergjam olen numa ple mangjipajka prekal nangjaripa e nevebijandeske em nevekjeribaske“ (Tit 3,5). Okolenge so pakajana olsete Ov „šaj te kjerel pobut nego amen so rodaja jali šaj te zamislina“ (Efesjania 3,20).

O moldipa nesave kateske o Devel dikhela le na premal o baripa taro kjerdo zori jali resle rezultatia, numa prekal o ruhi kolea kjerdo si odova delo. O argatia so ale ko drkaha ko dešujek o saati sine bahtale so sine len buti. Olengoro ilo sine šukrikjerdo premal okoleste so lelja olen, em ko agor e diveske kana o gazda pukjingja lenge i dnevnica bašo sasto bukjarno dive sine but iznenadime. Džanenea sine kaj na zaslužingje odola love. O mangjipa so dikhilja pe ko muj taro o rakkoditeli phergja olen bahtaja. Niked na bistergje oleskoro šukaripa em i suma so dengja olen. Agjaar ka ovel em okolencar so kjergje bezeha so ka khuven ko drakha taro plo Rajo ko dešujekh o saati svesno baš plo nedostojnost. Olengoro vakti taro butikjeriba ka dikholt odobokhare tikno so nane te udžaren asavko phursako ka dikhel pe olenge but so o Devel lelja len ki buti. Ola ka kjerem buti ponizno ruhea pherde pakjivaja, em šukrikjerde ko prioriteti te kjerem buti e Hristea. Asavko ruhi o Devel čalipaja phursakjerel.

O Devel mangjel te ikjeramen upral oleste em ma te puča bašo odova kobor si o pursako. Kana ko ilo dživdinel o Hristos i gnd e sumake nane najvažno. Odova nane motivi so čhivel e manuše te kjerel buti. Oja, ko desavo čhani valjani te dikha em te moldina i dendi suma. O Devel udžarel amen te moldina o blagoslovia so dengja len amenge. Numa, Ov na mangjela amen te prasta salde palo phursakoja em te udžara baši sako kjerdi buti phursako. Na valjani ko avgo than

te ovel amenge o phursako. Bizo odova dali ka den amen phursako jali na amen valjani te kjera okova so valjani. I mangjin premal o Devel em amare paše valjani te del amen motiv te kjera buti.

Akala parabole na orpavdinena okolen so avgo sine akharde, ama na gele te kjeren buti ko drkaha taro o Gazda. Kana o gazda palem gelo ko kurkjo ko dešujekh o saati em arakhilja argatia pučlja olen: „Soske bešen akate celo dive bizi buti?“ O džovapi sine: „Ni jekh na ljelja amen ki buti!“ Ni jekh taro okola so sine akahrde ko dešujekh o saati lende ki buti na sine odothe sabaljeskoro. Znači ola na odbingje i akharin bukjake. Okola so ka odbinen em palo odova ka peren pišmani, ama panda pošukare si em pakjutne sigurno ma te khela amen e avgo akharinaja baši buti tari šukarin.

Kana sa o bukjarne ko drakha „lele o denarija“ okola so kjergje taro sabaj odova dikhle le sar ponižiba. Na kjergje li buti poštено dešuduj aria? Nane li pravedno ola te len pobut okolendar so kjergje salde jekh saati em odova ki ladovina? Vakjergje: „Akala o agorutne kjergje buti salde jekh saati a tu sporedingjan len sar amende jekh a jekh, so cidingjem pharipa ko sa o dive em ko tatipa!“

O gazda vakjergja jekheske olendar: „Amala na kjerav tuke bi nijamalipe(nepravda); na pogodingjam li amen kaj ka kjeren buti bašo denarij? Le sosi tro em dža tuke; em me da mangav e agorutneske te dav kobor so dengjum tuke. Zarem našti te kjerav sar so mangav? Jali ti jakh si bokhali soske sium šukare?“ „Agjaar o agorutne ka oven avgo a o avgo agorutne soske buteder si akahrde, a hari si lende!“

O avgo bukjarne ki parabola esapinen pe okola so kaj lele buti te kjeren e Devleske, valjani te oven prioritetno baš odoleske. Ola džan ki buti zojrakjerde kaj korkoro si zaslužno e resle rezultatengje em nane haz'ri te otkažinen pe. Ola šaj dengje lafi kaj ka kjeren buti ko anava e Devleske ko sasto dživdipa šaj čače sine so ikjergje o pharipa ko starti, cidiba em pharipa em odoleske ola esapinen kaj valjani te ovel olen baro pursako.

Ola ko jekh pobut dena pe godi savo phursako ka resen nego ko odova te oven e Hristoskere paše bukjarne. Prekal olengoro dikhiba olengoro butikjeriba em dejbe zori dela len niami te udžaren pobaro

respekti em kana olengere udžariba na phergjon sar ola so mangjena ola dikhen pe sar ponižime. Kana ki pli buti bi anen ruhi mangipaja em pakjivaja, čače bi oven tegani ko avgo than. Numa olengoro tabijati em kjeriba ko čhingara em olengoro na hristijansko legaripa sikavel kaj ola nene dostojoно phursakoske. Odova sikavel olengiri mangjin



"Kana mule o apostoliaj, javeria priključingje pe ko Devleskoro delo em ola nastavingje te propovedinen o evangelie

korkroro te sikaven pe olengiri na pakjiv premal o Devel, olengoro kskanluko thaj nastabilno ruho ki komunikacia ple phralencar. E Devleskoro šukaripa em baripa olenge si salde fakti pobut taro načalipa. Odolea ola sikaven kaj olengoro ruhi nane phanlo e Devlea thaj na zapendžargje i baht kotar so ikljol ko butikjeriba ple Sikavnea em Devlea.

E Devleske khanči nane odobokhar bilače kobor odova sikavdo tikno em korkoromangipaskoro ruhi. O Devel našti kjerel buti nekasaja ko sikavel asavke karakteristike. Odola manuša nane len oset ki kjerdi presia taro o Baro Svetu Ruhi.

O Jaudie sine avgo akharde ko Devleskere drakha em odoleske ola sine barikane em sigurno ki pli pravednost. Sebepi so lungo berš nakhle ko butikjeriba e Devlea ola esapinen sine kaj olenge preperel pobari phursako nego javerenge. Olen javer na holjankjerel len sine pobut nego i pomisla kaj em okola so pakjan ko buteder devela na ka šaj te resen odova so olende da akana isi em ola da anglal o Devel te oven jekh a jekh sar so si ola. O Hristos havljargja ple siklen so

olea cidngje majanglal, kaj odova bilačhipa šaj te sikavel pe em maškar olende. Ov havgja kaj o baripa em korkoro sikaviba ka ovel mhaana em anatema tari khangiri. O manuša ka šaj te esapinen kaj ple butikjeribaja ka zaslužinel plo than ko devleskoro thagaripa; kaj o Devel ka avel olenge te del arka kana ola korkoro ka resen desavo progresi.

Ko asavko čhani o hristijanstvo ka ovel pobut manušikano a but hari Hristoskoro tabijati. Buteder ka vazden pe kana bi ovel olen hari progresi em anglunipa em ka dikhen pe kaj si panda pošukar taro ple phralja udžaribaja javer te falinen olen jali ka oven bičhale te na vakjergjem kaj si majšukar O Hristos kjergja zori te arakhel ple siklen taro asavko rizikia.

Nane than nisave falbaske amare zaslugengje. „O gogjaver ma te falinen pe ple gogjaja, o heroi ma te falinel pe ple nadaravipaja, jali o barvalo ple barvalipaja. A ko kamel te falinel pe neka falinel pe kaj isi le godi te havel man, mande. Soske me sium o Devel so kjerel o mangipa, o adalati sudo em jekhipa ki phuv, soske odova mangava“ (Eremia 9,22.23).

Phursako na resel pe bašo kjerde delija delia ni jekh ma te vazdel pe, a e phursakoske e jekhutne valjani te ova blagodarno e Devleske-re šukripaske. „Em agjaar so te vakjera, so reslja ko plo trupo amaro para dat o Avram? Soske, te sine o Avram opravdimo e delncar, isi soske te falinel pe, ama na anglal o Devel! Ama so vakjerel o Lil: ,O Avram pakjandilo ko Devel em odova hramosargja le leske sar jekhipa. ,A okova so kjerela buti o kjerdo hairi bukjake na esapinel pe sar šukarin, numa sar borči, dži kote okova so na kjerela buti a pakjal ko Okova so opravdinel okole so na pakjal ko Devel oleskiri pakjiv esapinel pe sar pravednost“ (Rimjania 4,15). Odoleske nane amen nisavi karana(pričina) neko te ovel maj učeste taro javera jali te vakjerel kontra javereste. Ni jekh nane le prioriteti anglal javereste jali neko te rodel phursako nagrada sar desavo plo niami.

Em o avgo em o agorutno valjani te len than ko baro savakteskoro phursako. O avgo bahtaja valjani te seljaminkjeren e agorutnen. Okova so mumljinel bašo phursako javereske, ov bistrel kaj ov da korkoro si kurtalimo salde Devleskere šukripaja. I parabola e bu-

kjarnengje došakjerel sako kskani em sako šubikjerin. O mangjipa lošarel ko čaćipa em na kjerel nisave kskanlukoskere paralele. Sako so si pherdo mangipaja, plo naperfektno tabijati, merinela le salde prekal e Hristoskoro perfektno moralno muj.

Akaja parabola si anglohavljarin sakone bukjarneske bizi razlika kobor lungo vakti kjeren buti em kobor si olengere bukjarne povolnostija. Bizo mangipa prekal ple phralja, bizo okoja dar anglal o Devel ola nane khanči. Nane religia so del korkorovazdipa. Okova kaske dživdipaskiri mangjin si te vazdel pe korkor peste but sig ka dikhel kaj nane le baš odola tabijatija so šaj te anen te ovel panda pošukar buti ki Hristoskiri sajgija. Sako drom kana popuštinel pe anglal amaro baripa em korkoro čalipa, o delo ka trpinel.

Na o lungo vakti so nakljem ole ki buti, numa amari pakjiv premal o Devel em amaro hazripa te kjera buti oleske si okova so kjera te ovel šukare oleske. Trujal sa ko sa amro butikjeriba rodelia pe čačutno em jekhutno mangjipa prekal o Devel. Em i majtikni buti kjerdi kana si kjerdi čačutne hor mangipaja but si pomangli e Devleske nego o najbari kjerdi buti so isi la sebičluko. O Devel mangjel te dikhel kobor ka sikava e Hristoskoro Ruho kobor siam sar o Hristos paše te sikavel amare delija. Ov pobut mangjel o mangipa em pakjiv so kjeraja ki buti nego kobor bari buti so kjergjem. Kana ka našavgjovel o sebičluko kana ka činavel o mariba ko si pošukare, kana amaro ilo ka phergjol gudlipaja kote o mangjipa ka lačharel amaro dživdipa-tegani o Hristos čače ka dživdinel ko amare vile em amen ka ova angigarde sar Devleskere bukjarne.

Bizi razlika kobor si phanli i buti em sar kjerel pe buti o čače Devleskere bukjarne ple bukjaja e Devleske na dikhen le odova sar bari muka. Ola si haz'ri te hradžinen pe em te oven hardžime, jali i buti olenge kjerel te oven bahtale em kjeren odoja buti bahtale viloja; Pli baht premal o Devel sikaven ola prekal o Isus Hristos. Odoja baht si okoja so oleste da pherel: „Te pherav i mangjin Okoleskiri so bičhavga man te kerav oleskoro delo“ (Jovan 4.34). Ola si svesno kaj kjeren buti e Bare Devlea. Odoja gnd lokharel olenge i buti zojrakjerel i vilja, haz'rkjerel olengere ruhia sa okoleske so šaj te ovel majodorig. Kjeribaja buti čačutne viloja, so si pherde odolea so si kotor taro e


Hristoskere pharipa, em sikavde taro oleskoro džanlipa em kjeriba buti olea ki oleskeri buti, ola den araka oleskiri baht te bajrol ki čačutni plima em den le respekti em baripa oleskere bare anaveske. Asavke ruhoja valjani te ovel pherdi sako čačutni buti e Devleske. Kana nane asavko ruhi buteder so dikhel pe kaj si kosem si avgo, ola oven agorutne, dži kote okolen so isi len asavko ruhi, trujal so dikhen pe sar agorutne ola oven avgo.

Buteder dengje pe e Hristoske a nane len sine šajdipa te kjeren desavo baro akti, jali te anen desavo baro kurbani bašo oleskiri buti. Olenge sar uteha šaj te ovel so na valjani neko te ovel le desavi phari mučibaskoro meriba te šaj ovel baro ko Devleskere jakha; na valjani neko te ovel misioneri em sako dive te arakhel pe rizikoja dži ko meriba te šaj ke havajakere lila te ovel hramosardo sar najbaro. O Hristijani so džala palo Hristos ko sakodiveseskor dživdipa, so sako dive predajnel pe e Devleske, so si čačutno ko ple nietia em na melalo ki godi, krotko ko bare rizikia, zoralo ki pakjiv so si pakjavutno em ko hari, so ko plo kher sikavel e Hristose ple tabijateja–ov ko Devleskere jakha šaj te ovel panda pocenime taro o majbaro em priznajmo misioneri jali mučeniko ko akava sumnal. Kobor si različno o norme prekal so o Devel em o manuša dikhen o tabijati! O Devel dikhel o mariba mujal o iskušenia kaske na džanel thaj o sumnal, ni o majpaše amala - baš o iskušenia so isi ko kher, ko viло. Ov dikhel o poniznost e ruheskoro o ruh kana ka arakhel pe ple slabostencar; dikhel o pravdo ilo oleskoro ki oleskiri sajgija. Ov dikhel o nakhle arija ko pahro maripa korkoro pea - ko maripa so agorkjergja pobedaja. Sa odova o Devel em o melaikija džanena ole. Anglal o Devel si pišimo lil taro lipar(spomen) okolengje so darana taro Devel em gndinena leskere anavestar.

I garavin (tajna) taro spastalipe(uspeh), na pašljol ki amari edukacia, ni taro amaro hali, ni kobor talantia isi amen, jali ki mangin e manušeskiri. Dikhajba kaj siam slaba, valajni te dikha e Hristose, em olea, so si haing sakone takateske em sako šukar gnd amen ka ova gogjaver em haz'ri stalno te pobedina.

Kobor te ovel harivakteskiri amari sajgija, kobor te ovel skromno amaro buti, te gelem palo Hristos jekhutne pakjivaja, o phursako nane

te kjerel amen mazumi. Okova so našti te zasluzinen em o majbare em majgogjaver, šaj te len okola so si najhari zorale em najsromono. E devleskiri biserno porta na phrav gjol anglal okola so korkoro



vazden pe thaj okola so isi len baripnaskoro ruhi. Numa odoja savakteskiri porta buvleste ka phrav gjol kana ka astarel ole sabrlia vast taro tikno čavoro. Šukrikerinaja ka ovel o phursako sa okolenge so kergje buti e Devleske jekhutne pakjivaja em mangjipaja.

Bišuenjato šero

KO UDŽARIBA E DŽAMUTRE

(Akava šero si kjerdo premal e Matejeskoro Evangelie 25,1-13)

OHristos ple sikkencar bešel sine ki Maslinsko plain. O kham salde so pelo palal o plaina em i havaja učharel pe sine rakjake ſeencar. Anglal olengere jakha vazdel pe sine jekh beſipaskoro učo apartmani, zgrada but rošale uravdi sar te kjerel pe sine desavo baro bijav. Taro sa o pendžere ikljol sine roš, a anglal o udar sine kupa ſukar uravde murša thaj džuvlja, so edvaj udžaren sine kaj valjani te aven o misafiria taro bijav. Ko but kotora taro Istok o bijava kjerem pe sine rakjakoro.O džamutro džal sine pali i bori em anelala sine ko plo kher. Tharde fakelencar o bijavdžie ikljon sine taro e bojrakoro kher em džana sine prekal džamutreskoro kher so kjergja baro hajbe em pijbe pe misafirengje. Ki scena si dikhel sine o Hristos dikhel pe kaj odola manuša baš udžaren sine odole misafiren taro bijav mangipaja ola da ate djan olencar.

Ko paſipa e khereske e džamutre udžaren sine deš terne čhija uravde ko parno. Sako olendar peja legaren sine thardo feneri em saani zejtinea em bareste udžaren sine te sikavel pe o džamutro. Numa, alo dži ko haribe. Udžaribaja agjaar saatencar ki rakj, okola so udžarena sine čhindile em zasukje. Paše ki jekvaš i rakj šungja pe vika: „Ake o džamutro udžaren ole!” Taro jekh drom o misafiria džangavdile em rupingje. Dikhle o alaj sar avela dural fenerencar em muzikaja. Šunel pe sine o hango taro o džamutro em i bori. O deš terne čhija lele ple feneria em počmingje te hazrikjeren pe – te spremenin pe, soske sare sigjaren sine te džan e ternencjar. Ama pandž terne čhija na phergje ple saania zejtinea. Ola na džangje kaj o udžariba ka ovel odobokhare baro em odoleske ne hazrkjergje pe

odoleske. Mazumlie ola vakjergje ple javer pandž amalinkjengje: „Den amen hari taro tumaro zejtini soske amare feneria ačhovena!” Ama o javer pandž terne čhija hazrkjerde lačharde fitilencar o zejtini taro ple saania čhorgje le ko feneri. Na sine len pobuter zejtini em vakjergje: „Ma te ovel hari em tumengje em amengje, džan ko trgovcia em kinen tumenge!”

Sa dži kote o pandž terne bibahtale čhija haringje ko trgovcia, o alaj gelo em ola ačhile. O pandž terne čhija tharde fenerencar gele e alaea khuvanje ko kher em pali olende phanlile o udara. Kana resle o javer pandž terne čhija anglal i sala, udžargja olen iraniba. O gazda vakjergja olenge: „Čače vakjerav tumengje na pendžarav tumen!” Agjaar ačhile avrial ko pusto drumo em ki kali rakk.

Sa dži kote dikhel sine i kupa so udžarel sine e džamutre, o Hristos ple siklenge vakjergja olenge i parabola e deše terne čhienge, sikaviba ja olengoro džanlipa sar džanlipa tari khangiri so kjerela buti anglal oleskoro dujto aviba.

O duj kupe terne čhija simbolizirinen duj kotora taro manuša, kote peste ola dikhen sar okola so udžarena ple Devle. I Biblija olen anavkjerel sar čhija – device soske sikavena uži pakjiv. Olengere fenerencar sikavdo si e Devleskoro lafi. O psalmisti o David vakjerela: „To lafi si feneri ko mlo pro, em roš ko mlo drumo” (Psalmi 119,105) O zejtini si simboli taro Baro Ruh. Agjaar o Baro Ruh si sikavdo ko proroštvia taro o proroko Zaharie. O proroko vakjerela: „O melaiko, so kjerel sine lafi mancar irangja pe tegani em džangavgja man sar manuš so džangavgjovel taro suno. ‘So dikhea?’ Me vakjergjum: ,Ake dikhava svetilniko, saste galbeno tahtaeta taro zejtini upral oleste; a ko svetilniko isi efta svetilke efta tahtaencar efta svetilkenge so si oleste. Duj maslinakere kaštora si uzal oleste jekh tari desno a o javer tari levo rig. Vakjergjum e melaikoske so kjerel sine lafi mancar em pučljum ole: ‘So si barea?’ Tegani ov vakjergja mange agjaar: ,Ake e Devleskere lafia tari Zorovavela: Na zorea em snagaja numa me Ruhea!– vakjergja o Devel upral o askeria... Palem vakjergjum em piljum ole: ‘So si okola duj maslinakere kaštora, so prekal duj galbeno cevke dopheren zejtini?’... Ov vakjergja: ‘Odova si duj pomazanikia so tergjon anglal o Rajo tari sa i phuv” (Zaharia 4,1-14).

Taro o duj masline thavdela sine galbeno zejtini taro galbeno inke ko saani taro svetilniko a odothar galbeno sijalicencar so rošakjeren sine o Svetilke. Agjaar em taro o „duj pomazanikia“ so tergjon anglal o Devleskoro than, oleskoro Ruhi del pe e manušikane alatengje so kjerer buti oleske. I buti taro o duj pomazanikia si e Devleskere džianeske te legaren e havajakiri šukarin kote jekhutne šaj te kjerel oleskoro Lafi te ovel sar svetilka e preske thaj roš e drumoske. „Na zorea thaj snagaja, numa me Ruheja!–vakjergja o Devel upral o askeria“ (Zaharie 4,6).



“Den amen taro tumaro zejtini
soske amare fenerija ačavgjena”
“Te na ovel hari tumentengje da amen-
gje da, ožan ko trgovcija em kinen.



Sa o deš terne čhija iklile te udžaren e džamutre. Sarinen sine feneria em saania zejtineske. Jekh momenti na dikhlij pe nisavi razlika maškar olende. Agjaar ka ovel em ki khangiri so ka kjerel buti angleder o dujto aviba taro Hristos. Sare šukar ka djanen o Sveti Lil. Sare ka šunen o haberi bašo akana sig vakteksoro dujto aviba taro Hristos, em pakjivaja ka udžaren oleskoro sikaviba. Numa okova so ulo ki akaja parabola, ka ovel em tegani. O vakti taro udžariba ka prolongirinel pe i pakjiv ka ovel čhivdi ki kontrola, em kana ka šunel pe i čhingar: „Ake o terno džamutro udžaren ole! - but džene nane te oven haz’ri. Nane te ovel olen zejtini ko saania ple fenerengje. Nane te ovel olen o Sveti Baro Ruhi. Bizo Devleskroro Ruhi o pendžariba taro Devleskoro Lafi nane hairi. I teoria e čaćipaske te na sine ikjerdi taro Baro Sveti Ruhi nane te kjerel dživdo o vilo o ruhi jali te užakerel

o vilo. Neko šaj te džanel o zapovedia tari Biblij, ama ako o Baro Svetu Ruhi odola na sadinel olen ko vilo oleskoro tabijati nane te transformirinel pe. Bizo rošaripa e bare Svetu Ruhoske o manuša nane te oven kad'ri te haven so si čačipa, a so si hovavipa em ka oven kurbajna taro bare kjerde hovavipa taro beng.

I kupa si sikavdi prekal okola nagogjaver džuvlja nane dujmujali. Oj arakhel em moldinel o čačipa; oj si ki rig okolenge so pakjana ko čačipa, ama na len o zoralipa taro Baro Svetu Ruhi. Odola manuša na perle upral o Baro Bar, upral o Isus Hristos, em na mukhla pli purani prakrt te phagjol.

Odoja kupa si sikavdi em e barale phuvjaja. Oj haz'ri lel o Lafi ama na astarel olakere prasiva. Oleskiri presia upral olende nane savakte-skiri. O Baro Svetu Duhu kjerel buti upral o vilo, a mangjinaja em izinea taro manuš. Ov oleste sadinela nevi prakrt; ama i kupa sikavdi prekal o nagogjaver terne čhija si čali salde hari butikjeribaja. Ola napendžaren e Devle, na sikeljoven oleskoro tabijati, na ikjeren sako drom pašipa olea em odoleske na džanen sar te oven paše olea sar te dživdinen dikhiba ki oleste. Olengoro butikjeriba e Devleske uli sar formalizmi. „Sigjaren premal tute sar te džan ko panagjuri ; em mo džiani bešel anglal tute em šunela te lafia, ama na kjerena buti olenge, ola gudljaren pe salde pe mujeja a olengoro vilo džala ko napravedno gurbetluko” (Ezekil 33,31).

O apostoli Pavle vakjerel kaj odova ka ovel paš hulavdi karakteristika okolenge so ka dživdinen paše anglal o vakti kana ka ovel o dujto



Hristoskoro avipa. Ov vakjerela: „Te djane akava: ko agorutne divesa ka aven phare vaktia, soske o manuša ka oven sebična,... pobut korkoro ka mangjen peste nego e devle, a isi len forma sar devlikane, a cidingje pe taro oleskoro zori” (2.Timotej 3,1-5).

Odola manuša si korore ko vakti taro riziko ka den vika: „Tromalo si em nane sostar te dara!”(1.Solunjania 5,3), Ola ple vile pakjaren em garaven ko desave siguritetno thana em na dikhen nisavo suno taro riziko. Kana ka džangavgjojen taro plo suno em kana ka dikhen kaj nane len khanči tegani dena armanja ple pašen te šaj te dopheren lenge okova so nane olen, ama ko ruheskere pučiba ni jekh ka našti te dopherel olen okova so nane javere. E Devleskoro šukaripa sine



dendi but sakone ruhoske. Sine havljardo o evangelisko haberi: „Ko si trušalo neka avel, em koj mangel šaj te lel taro djivdipaskoro pani” (Otkrovenie 22,17).

Numa o karakteri našti te legarel pe taro jekh ko javer. Ni jekh našti lel o Baro Svetu Ruhi ko than javereske. Niko našti javereske te del plo tabijati so si plodi taro kjeriba buti taro baro Svetu Ruhi. „Te bičhavgjum me meriba odole phuvjake,.. te šaj zijankerav sa e manušen em hajvanen em olate te ačhile salde trin manuša – Noe, Daniel thaj o Jov – vakjerel o Devel... ola nane te kurtalinen ni pe čhaven ni pe čhijen numa salde peste ple pravednostea“ (Ezekil 14,19.20).

O tabijati sakone manušeske dikhel pe čače salde kana si ki kriza. Kana šungja pe i svečeno ekvaš rakjakiri čhingar: „Ake o džamutro udžren ole!” – o terne čhija cidningje pe tari pli dremka em tegani dikhlja pe ko si haz’ri odole momenteske. O duj da kupe sine iznena-dime, ama i jekh sine hazri, a i javer na sine. Agjaar kana ka avel i kriza, nesavi naudžardi bari bibaht, momenti kote o ilo ka arakhel pe paše meripaja, ka sikavel dali oj arakhel sine čačutni pakjiv ko Devel em oleskere lafia. Ka sikavel dali o ilo čače ikjerel pe upral Devleskoro gudlipa. I baro definitivno testi ka ovel kana ko agor e vakteške taro šukaripa e manušikane jeriske, em tegani čače ka ovel šansa te čajljaren ple naçale mangjina e manušikane iloske.

O deš terne čhija si okola so udžarena o agor tari phuvjakiri historia. Sare ola vakjeren kaj si hristijania. Sare šungje i akharin, sarinende isi len anava, isi len feneria em sare vakjeren kaj kjerer buti e Devleske. Čače dikhel pe kaj sare udžaren e Hristoskoro aviba, numa pandž čhija nane hazri! Pandž taro deš čhija ka oven iznenadi-me, em mazumnipaja ka dikhen kaj ačhile avrijal tari sala kote so ikjergja pe o bijav. Ko akava baro definitivno dive buteder ka roden

E Devleskoro melailko vakjierela:
“Dža prema e Devel em ka kuriali-ne, a o beng vakjiera: Na, o bezeh si dudu uživin oleste! Plata baš o bezeha si o meribe.



e aven ko Hristoskoro thagaripa em ka vakjeren: „Halem thaj piljem anglal tute, a tu sikave sine prekal amare droma!” „Devla, Devla na prorokunjgjem li ko tlo anav, na palde li sine demonen ko tlo anav em ta kjera li sine bare čudia ko tlo anav?” Ama o džovapi ka ovel:

„Niked na pendžarav tumen sine. Džan tumengje mandar, tumen so kjeren zulumia” (Luka 13,26.27; Matej 7,22). Ko akava dživdipa ola na konektirisalile e Hristosea; odoleske napendžaren e havajakie Čhib, em napendžardi si e devleskiri baht. „Soske, ko taro o manuša džanelia so isi ko manuš, salde o manušikano ruhi so si oleste? Agjaar ni jekh na džanelia so isi ko Devel, salde e Devleskoro Ruhi” (1.Korinkjania 2,11). Majmazumijale lafia so nekova drom ka aven dži ko kan e manušeske so merela ka oven o lafia: „Na pendžarava tumen!” Jekhutni jekhin e Ruhaja so frdingjen ole, šaj sine te kjerel tumen jekh a jekh bahtale butederencar tar e bijaveskiri večera. Tumen našti te oven kotor odole bijavestar. Oleskiri roš bi perele sine upral o korole jakha, a oleskiri melodia upral o kašuke kana. Oleskoro mangjiipa thaj



oleskiri baht niked ka našti te asteren i struna taro gudlo ilo so e lumia kjergja la bizo hoš. Tumen korkoro tumen cidingjen tari havaja tumare nahaz'rekjribaja bašo jekhutnipa e havajakere dizutnencar.

Amen na ka šaj te ova haz'ri te dikha amen e Devlea agjaar so ka ušta kana ka šuna i akharin: „Ake o džamutro, udjaren ole!” Tegani ka našti te sigjara te phera o čuče feneria. Amen našti dujrara e Hristose taro amaro dživdipa akate, a te ova haz'ri te dživdina olea upre ki havaja.

Ki akaja parabola o gogjaver čhija sine le but zejtini ko saania pe fenerengje. Ki rakj kana udžarena sine, olengiri roš rošakjerel sine

baripaja em bajrarel sine o barabutno roš ko momentia kana avel sine o džamutro. Rošakjeribaja ko karanluko oj kjerel sine te rošakjerel pe sine o drumo premal o kher taro džamutro premal o kher kote so ikjerel pe sine o bijav. Agjaar em e Hristoskere sledbenikia ple rošalipaja valjani te palden o karanluko akale sumnaleske.

O baripaja taro Baro Ruhi, e Devleskoro Lafi ovela roš so sar bari nevobijando takati kjerel ko dživdipa e manušeske so transformirinel pe. Sadibaja ko olenge ile o aktia e Devleskere Lafenge, o Baro Ruho ko manuša vazdel devlikane osobine. Ko dživdipa taro oleskere sledbenikia valjani te ikljol roš taro oleskoro baripa-oleskoro tabijati. Odolea ola valjani te bajraren e Devle, em te rošaren o drumo so legarela premal o kher taro Džamutro, premal e Devleskiri diz, em premal bijaveskiri večera taro o Bakhro.

O Džamutro alo paše ki jekvaš i rakj – ko majkararluko momenti. Agjaar em o Hristos ka avel ko agor ko najkalo periodi tari historia akale phuvjake. O dive taro Noe thaj o Lot slikinen o hali ko sumnal angal o vakti kana ka avel o Čavo manušikano. Sikavibaja angal odova vakti, i Biblija vakjerela kaj o beng ka kjerel buti najbare takatea em „sakone napravedno hovavipaja” (2. Solunjania 2,9,10).

O Hristos vakjerel: ‘Akava si o drumo so legarel ko dživdipa. Džan ko odova drumo! Te na me nane te pendžarav tumen! Sa cijavera drumija legarena ko peraviba.



Oleskiri buti dikhela pe ko sa pobaro karanluko, ko but duj go-gjalipa, eresia, hovavipa ko akala agorutne divesa. O beng na salde so

ikjerel o sumnal ko pe vasta, numa oleskere hovavina sar kvasaco buvljona em ko agjaar anavkjerde khangira amare Devleske Isuse Hristoske. O baro gunoj ka bajrol ko majkalo karanluko so si pokalo em tari jekvaš i rakj, so dikhel pe sar najkalo platno. E Devleskere džianeske odova ka ovel rakj taro bibahta, rakj taro rojba, rakj taro paldiba sebepi o čačipa. Ama ki odoja da kali rakj ka rošarel i roš taro Devleskiri.

O Devel zapovedingja: „I roš te rošarel taro karanluko” (2 Korinkjania 4,6). Ko vakti kana i phuv sine „čuči em pusto, (sa dži kote) o karanluko sine upral i provalija”, „E Devleskoro Ruhi phirel sine upral o panja”. Tegani o Devel vakjergja: „Neka ovel roš!” (1. Mojsieskiri 1.2.3). Agjaar em ki rakj taro ruhoskoro karanluko ka šunel pe e Devleskoro lafi: „Neka ovel roš!” O Devel vakjerela ple džianeske: „Ušti, rošar, soske ti roš avela, upreder tute svetinela Devleskoro baripa” (Isaija 60,1).



O melakijski bičhavena e kurtalimen
ko kher taro havajakoro džamutro,
premal e bijaveskri večera e Bakheskri

O lil džala poodorig: „Ake karanluko učharel e phuvja em karanluko e džiane. A tute rošarel o Devel em oleskoro baripa havel pe upral tute” (Isaija 60,2).

Akava sumnal si pakjardo ko karanluko taro hovavne gogja premal o Devel. O manuša na pendžarena e čačutne Devle em oleskoro karakteri. Ola but javer čhane havgje ole em but javerčhane komentirinena le. Baš tegani valjani te havel pe e devleskoro haberi, haberi

so rošarel ple sikavibaja, haberi so isi le kurtalibaskoro takati. Valjani te vakjerel pe o čaćipa e Devleskere karaktereske. I roš taro oleskoro baripa i roš taro oleskoro šukaripa, mangipa thaj čaćipa, valjani te podel o karanluko taro akava sumnal.

Odova si o akti so vakjerel le o proroko Isaija kana hramosarel: „Ukli ki uči plain, tu so ka vakjere o šužo haberi, Sione! Vazde zorale to krlo tu haberdži e šukar haberiske, Erusalim! Vazde le, em ma dara, vakjer e jaudijengere dizjenge: ,Ake tumaro Devel !“ Ake, o Devel avel takatea, em legarel amen ple kakaja! Ake olea em oleskoro akluko a anglał oleste o phursako“ (Isaija 40,9.10).

Okola so udžarena e Džamutre valjani te vakjeren e džianeske: „Ake tumaro Devel !“ O sikaviba oleskoro tabijati pherdo mangipaja si agorutno zrako tari mangli roš, agorutno haberi tari šukarin so ka del pe e sumnaleske. E devleskere čhave valjani te havljaren oleskoro baripa. Ple dživipaja em karakterea valjani te sikaven so kjergja e Devleskoro šukaripa olenge.

I roš taro Khameskoro čaćipa valjani te sikavel pe šukar deloncar - lafencar taro čaćipa em sveto deloncar.



O Hristos, so si refleksia taro baripa e Dadeskoro, alo ko sumnal te ovel roš akale sumnaleske. Alo e manušengje te sikavel e Devle. Oleske tergjol hramosardo kaj „O Devel makhlja ole e Bare Ruhea em takatea“ em kaj „dok sine dživdo kjerel sine šukaripa“ (Dela 10,38).

Aked tumaro Devell Eke o Devel
avela takateja, hem vladinele ple
silo vasteja.



Ki sinagoga ko Nazaret korkoro vakjergja peske: „O Ruhi e Devleskoro si upral mande, odoleske makhlja man em bičhavga man te anav bahtalo haberi e čorolenge, te anav haberi kaj si mukhle o phanle, kaj o korole ka dikhen, mukhiba ki troma lipa so okola so cidingje, em te havljavar o gudlo Devleskoro berš“ (Luka 4,18.19). Odole aktengje o Hristos ovllastingja ple siklen vakjeribaja: „Tumen sien i roš e sumnaleeskiri!“ „Agjaar neka rošarel tumari roš anglal o manuša, te šaj dikhen tumare šukar delia em te kjeran panda pobaro amare dade so si ki havaja“ (Matej 5,14.16). Agjaar vakjerela odoja buti o proroko Isaija kana vakjerela: „Te hulave to maro e bokhalencar, te anen telal i učharin okole so nane le kher, te urave okole so ka dikhe le nango, em ma te garave tut okolestar so si to rat. Tegani ka rošarel sar sabaj ti roš a to sastipa ka lulugjovel sig. To nijami ka djal anglal tute, a e Devleskoro baripa ka arakhel tut“ (Isaija 58,7.8).

Em agjaar maškar ke ruheskoro karanluko, e Devleskiri slava valjani te rošarel prekal oleskiri khangiri, vazdibaja e peravden em te del gajreti e bibahtalen.

Ko sa o tana uzal amende šunen pe bibahtale hangia taro čorole ko akava sumnal. Ko sa o riga isi čorole em bibahtale. Amari buti si te rupina em te da arka te šaj te chida olendar jali amortizirina olengere dživdipaskere pharipa em bibahtalipa kote so arakhen pe. O čačutno butikjeriba ka ovel panda pobaro em taro propovedime lafia. Amen mora te parvara e bokhalen, te urava e nangen, em te da arka okolen bizo khera. Amen siem akharde te kjera em pobut odo-

lestar. O valjanipa taro ilo em o ruhi šaj salde te parvarel pe e Hristos-kere mangipaja. Te dživdingja ki tumende o Hristos amaro vilo ka ovel pherdo devlikane gajretea. Ka phravgjon o phanle hainga (izvorija) tari čačutni, hristijansko mangjin.

O Devel amendar na rodel salde bakšiši e čorolengje, numa em asando muj, lafia so den gajreti, amalikano stiskiba vast. Kana o Hristos sasljarel sine e nasvalen Ov upral olende čhivel sine pe vasta. Odoleske amen da valjani te ova paše em te astara ukolen so mangaja te da olen gudlipa.

Isi pherdo manuša so mukhla olen sako umuti(nadež). Iranen olenge e khameskiri roš! Buteder našavgje pli hrabrost. Den len lafia so ka iranen la olenge. Molinen tumen olenge! Isi asavke kaske valjani but maro ko dživdipa. Drabaren lenge taro develskoro lafi! Buteder ile si nasvale asavke bolestaja so ni jekh akale phuvjakoro melemi našti te sasljarel, ni doktori te iscelinelen. Molinen tumen odole



Olsus "dživdinel sine kjeribaja
salde šukarija", sasljarija sako
nasvalipa ko manušipa.

ilenge anen le ko Isus! Vakjer olenge kaj isi melemi ko Galad thaj kaj si o doktori odothe! Dejbaja ple gudlipaskere zrakia upral o rumimo, napakjavutno em moralno nasasto sumnal, e khameskiri roš si univerzalno šukaripe taro Devel. Agjaar em e Khameskiri roš tari nijamlin.

Sa i phuv si pakjardi ko karanluko taro bezeha, taro mazunipa em dukha valjani te ovel rošali pendžaribaja e Devleskoro mangjipa. Tarō

o astariba odole rošake na tromal te ovel čhinavdo ni jekh religiakiri jekhin, thaj bukjarno hali jali klasa.

O haberi tari pakjiv em mangipa valjani te legarel pe dži ko agor e sumnaleske em sako so ka mangel ka šaj te del po vast em te astarel taro Develskoro takati; ka šaj te phanel em sansari olea. Em okola so pakjana ko pobuter devel nane te oven pakjarde ki jekvašrakjakoro karanluko. Anglal o bare zrakia taro Kham e pravdake o karanluko ka valjani te našel. O takati e limoreskoro ka ovel peravdo.

Numa ni jekh ka našti te hulavel okova so korkoro panda na lelja ole. Ko Devleskoro delo našti ništo te resel pe salde manušikane takatea. Ni jekh našti korkoro peste te kjerel kaj šaj legarel roš e Devleske ple takatea. Jekhutno o galbeno zejtini so e devleskere haberia čhorena le prekal galbeno inke taro galbeno saania te čhoren upral o feneria, sine ko hali savakteske te ikavel rošalipa, odoja da bari roš taro o Svetilište. Salde e Devleskoro mangjipa so stalno perel upral o manuš, šaj te kjerel manušikano alatu te buvljarel i roš. Ko vile sarinengje so i pakjiv angja len paše ko Devel, o zlatno galbeno zejtini mangipaske čhorgjola dovolno, a odova ka sikavel pe prekal o sjaji taro šukar aktia prekal čačutni sajgija e Devleske sa e vilea.

O majbaro bakšiši - Sveto Ruhi ikjerel sa e havajakere barvalipa. Te na čhordilo upral o manuš akava but šukaripa taro Develskiri šukarin, tegani odova našti te sikavel pe sar desavo limitiriba so čhivgja o Devel. Kana sare bi mangjen te priminen o takati taro Sveto Ruhi sare bi oven pherde olaja.

Paše si o vakti kana ka našavgyoven
sa o pharija, i dar o nasvalipa em o
cidipa.



O prioriteti sakone ileske si te ovel dživdo kanali prekal so o Devel ka čhorel upral o sumnal o barvalipa tari pli šukarin o naastardo barvalipa taro Hristos. O Hristos ništo na mangjela odobokhar kobor e manušeskere alatia kote e lumiake ka sikavel o tabijatija em plo Ruhi.



Vakjeren tumare jerienege kaj sigate e Devleskere melajkija ka iranen olengoro manglo bebe kova o meriba grubu cidingja ole tar e dejakiri angalin.

E lumiake na valjani ništo odobor kobor so o mangipa e Spasiteleskoro so ka sikavel pe prekal o manuša. Sa i havaja udžarel dživde kanalia prekal kaste o sveto zejtini ka anel baht em šukaripa e manušikane vileske. O Hristos kergja sa so sine dži oleste oleskiri khangiri sa te te reformirinel pe em te rošakjerel e rošaja tari lumiakiri Roš, em te phergjol e baripaja taro Emanuel. Oleskoro nieti si sako hristijani te astarel ole ruheskere atmosferaja tari roš em tromalipa. Ov mangjel ko amare dživdipa te arakha oleskiri baht. Majšukar fakti kaj ko nekaskoro ilo dživdinel o Sveto Ruhi si e devleskiri mangjin so sikavel o manuš premal oleskoro dživdipa. Prekal asavko manuš sar alatka saste posvetime ko Devel o pherdipa taro devleskoro mangjipa ka čhorgjol upral o javera da.

O kham tari Pravda anela „sastipa ple zrakoncar” (Malahija 4,2). Agjaar sako da čačutno Hristovo siklo buvljarel i presia so anel dživdipa, baripa, čačutno saljaripa thaj del čačutni arka.

E Hristoskiri religia si buteder taro prostiba bezeha, oj sikavel cidiba amare bezechonge em pheriba o čuče than doblestencar taro Sveto Duho. Odova si devleskoro prosvetliba, baht ko Devel, vilo

mukhlo taro sebičluko, blagoslovime e Hristoskere prisustvoja. Kana e ruhea si o Hristos, oj si naproročno em mukhli taro bezeha. Ko dživdipa odole manušeske phergjol baripa butiba, perfekcia taro evangelko plani. O Spasiteli ko vilo anela perfektno tromalipa, perfektno mangipa em perfektno siguriteti. O šužipa em lačhi aroma e Hristoskere tabijateske so dikhel pe ko oleskoro dživdipa sikavena kaj o Devel čače bičhavgja ple Čhave ki lumia te kurtalinel e lumia.

O Hristos na ro dela taro ple sledbenikia te rošaren numa jekhutne vakjerena: „neka rošarel tumari roš!” Te resljan e devleskiri šukarin tegani i roš si ki tute. Cide o barikade em e Devleskoro baripa korkoro ka sikavel pe. I roš ka rošakjerel, ka nakhavel em ka paldel e karanlu-ko. Odolea em tu ki rota tari tli presia ka buvljare roš soske javer čhane našti ni te ovel.

Sikavibaja e devleskoro baripa ko manuš, o Del odokhare but ka anel e manušengje o šužipa so si pherdo o andruno hrami, ka dikhel pe ko dživdipa ko sako manuš, em ka priminel e Spasitele ko plo vilo. O baripa taro Spasiteli so dživdinel amencar ka kjerel odobokhar šukaripa ko manuša em buteder agjaar ka oven lende taro devleskere baripaja em ka bajrakjeren oleskoro anav.

“Ušti rošar, soske ti roš avel upral tute em rošakjerel e Devleskiri slava!” (Isaija 60,1). Akava poraka si bičhavdo sarinengje so iklide te udžaren e Džamutre. O Hristos avel ko baro takati em ki bari slava, ple slavaja, em ki slava taro plo Dat, ki pridružba taro sa ple sveta melaikija. Em dži kote i sa i lumia ka ovel pakajrdi ko kranluko, ko

O Hristos kjergja sa amengje. Ov
avdice da tergjol upral amari
planeta te šai kurtalinel ola taro
bezeha.



Teda e Isuse luludi! Ov mangjel amaro mangjipe, amari poverenie, amaro amalipe.



sako apartmani ka resel roš. Oleskiri slava em baripa ka rošarel fenomenalno nakale phuvjakere rošalipaja, a o Otkupiteli o Hristos ka ovel predmet taro voshit – ka bajrakeren le em ka mangen le sare so kergje buti oleske. Dži kote okola so phagle o kanunia ka našen olestar, e Hristoskere sledbenikia ka oven but bahtale. Dikhijaba angleder o dujto Hristoskoro aviba o patrijarh o Jov vakjergja: „Me ka dikhav ole sar mlo paše, mle jakha ka dikehn ole, a na neko javer!“ (O Lil taro Jov 19,27). Ple pakjivale sledbenikonge o Hristos sine lenge sakodiveseskoro em paše amal. Ola dživdinen sine but paše vrskaja, ki sakodiveskiri jekhin e Devlea. Upral olende čače sikavel pe sine e Devleskoro baripa. Upral olende reflektirinel pe sine e Devleskoro baripa prekal o muj taro Isus Hristos. Akana si bahtale sebepi o rošale

Em o Jov em o apostoli o Jovan an-glejer dikhle o dujto avibe e Isuseskoro, dikhen okolen so kurtulinje ke havajakiri diz o Erusalim.



zrakia baš i slaaa em bajraripa e Thagareske so si upral sa o thagajra. Ola si hazri te oven barabutne e Devlea, soske o Del dživdinel ko olengere vile.

Vazdime čekatea em rošale zrakoncar taro Kham e nijamaleskoro bahtale so avel sa majpaše olengoro kurtaliba, ola ikljon te udžaren e Džamutre, bahtale vakjeribaja: „Ake akava si amaro Devel, oleste pakja, Ov ka kurtalinel amen!“ (Isaija 25,9).

„Em šungjum hangia taro butipa em sar buka taro zorale panja em sar bari buka taro bare grmiba so vakjerel sine: „Aleluja, soske akana legarel amen amaro sabaretakatengoro Baro Devel!“ Te ova bahtale em lošale em te da ole slava soske alo o bijav e Bakhreskoro



em oleskiri bori haz'rkjergja pe!... Em vakjergja mange: „Hramosar: „Ov si majbaro taro majbare em Thagar upral sa thagara, a olea si akharde, o alusarde em pakjivale“ (Otkrovenie 19,6 – 9; 17,14).

Soikerel (Sodržina)

Anglovakjeriba	4
O PARABOLE TARO DŽIVDIPA – BARVALO HAING (IZVOR) TARO GOGJAVERKANE VAKJERINA	5
„IKLILO O SEJČI TE SEJNEL”	13
MAJANGLAL KAŠTORO, A PALO ODOVA KLASI	39
KAKOLI.....	45
„SAR SINAPOVO ZRNO SI”.....	50
JAVER GOGJAVER VAKJERINA BAŠ O SEME.....	54
„E DELESKORO THAGARIPA SI SAR KVASACO”	64
O GARAVDO BARVALIPA	71
O MAJKUČ (SKUPO) BISERI.....	83
SEPETKA(MREŽA)	89
NEVO THAJ PURANO	91
TE RODA TE ŠAJ TE DA	102
O DUJ MANUŠA SO MOLINENA PE.....	114
O DEVEL KA ARAKHEL PLE ALUSARDEN	127
„AKAVA PRIMINEL EM MANUŠEN BEZEHENCAR”.....	143
NAŠAVDO THAJ ARAKHLO.....	156

„MUKHLA PANDA AKAVA BERŠ“	169
„IKLJOV KO DRUMIJA THAJ MAŠKAR O OGRADE“	175
O NAPI (MERKA) TARO PROSTIBA	193
KJARI SO SI SAR ZIJANI	201
I NAŠAJNAKHAVDI PROVALIJA SI NAKHAVDI	208
LAFIJA THAJ DELIJA	220
E DEVLESKERE DRAKHA	232
BIZO BIJAVENGERE ŠEJA	255
O DARBE	268
„KJEREN TUMENGJE AMALA PREKAL O NIJAMALO BARVALIPA!“	309
„KO SI MLO MAJPAŠE ?“	318
PHURSAKO BAŠ I MILOST	331
KO UDŽARIBA E DŽAMUTRE	345

CIP - Каталогизација во публикација
Национална и универзитетска библиотека „Св. Климент Охридски“,
Скопје

27-317.3-277

VAJT, Elena
E Devleskere lafija / [Elena Vajt ; iranga ki Romani chib Muarem Ramušeskoro]. - Skopje : Vakteskere nišania, 2013. - 364 стр. : илустр. ; 21 см

Превод на делото: Christ's Objects Lessons / By Ellen G. White

ISBN 978-9989-659-73-7

I. White, Ellen G. види Vajt, Elena

а) Христовите параболи - Толкувања

COBISS.MK-ID 94097930